

三回 图志

宋晉 裴松之 壽 注 撰

中 華 書 局

卷四六至卷六五(吴

册

書)

孫破廣討逆傳第一

聞,府召署假尉。 遮賊狀。賊望見,以爲官兵捕之,卽委財物散走。堅追,斬得一級以還; 父大驚。 由是顯 贼可擊,請討之。」 父曰:「非爾所圖也。」 堅行操刀上岸,以手東西指麾,若分部人兵以羅 會海賊胡玉等從匏里上掠取賈人財物,方於岸上分之,行旅皆住,船不敢進。堅謂父曰:「此 上功狀,詔書除堅鹽瀆丞,數歲徙盱眙丞,又徙下邳丞。〔三〕 堅以郡司馬募召精勇,得千餘人,與州郡合討破之。是歲,熹平元年也。刺史臧旻列 孫堅字文臺,吳郡富春人,蓋孫武之後也。〔〕少爲縣吏。年十七,與父共載船至錢唐, 會稽妖賊許昌起於句章,自稱陽明皇帝,〔三〕與其子韶扇動諸縣,衆以萬

(1) 吳書曰:堅世仕吳,家於富春,葬於城東。 冢上數有光怪,雲氣五色,上屬于天,曼延數里。 衆皆往觀視。 父老相 也。」堅生,容貌不凡,性闊達,好奇節 謂曰:「是非凡氣,孫氏其興矣!」及母懷姙堅,夢腸出繞吳昌門, 寤而懼之,以告鄰母。 鄰母曰:「安知非吉徵

- 〔三〕靈帝紀曰:昌以其父爲越王也。
- [三] 江表傳曰:堅歷佐三縣,所在有稱,吏民親附。 鄉里知舊,好事少年,往來者常數百人,堅接撫待養,有若子弟焉。

者皆願從。 困迫,走保宛城。 自稱黃天泰平。 中平元年,黃巾賊帥張角起于魏郡,託有神靈,遣八使以善道教化天下,而潛相連結, 堅又募諸商旅及淮、泗精兵,合千許人,與儁幷力奮擊,所向無前。〔三〕汝、潁賊 三月甲子,三十六(萬)〔方〕一旦俱發,天下響應,燔燒郡縣,殺害長吏。[1] 堅身當一面,登城先入,衆乃蟻附,遂大破之。儁具以狀聞上,拜堅別部

1〕 獻帝春秋曰:角稱天公將軍,角弟寶稱地公將軍,寶弟梁稱人公將軍。

司馬。[三]

- (三) 吳書日 鳴,將士隨馬於草中得壓。壓還營十數日,創少愈,乃復出戰。 "堅乘勝深入,於西華失利。 堅被創墮馬,臥草中。 軍衆分散,不知堅所在。 堅所騎驄馬馳還營, 踣地
- \subseteq 續漢書曰:儋字公偉,會稽人,少好學,爲郡功曹,察孝廉,舉進士。漢朝以討黃巾功拜車騎將軍,累遷河南尹。 堪,進臣所急,臣之所宜也。」有司曰:「遷都之事,初無此計也,就有,未露,何所受聞?」 儋曰:「相國董卓爲臣 君受拜而君拒之,不問徙事而君陳之,何也?」 太僕以自副。 董卓見儁,外甚親納,而心忌之,儁亦陰備焉。 儁被召不肯受拜,因進曰:「國不宜遷,必孤天下望,成山東之結, 關東兵起,卓議移都,儋輒止卓。 儋曰:「副相國,非臣所堪也。 遷都非計, 臣不見其可也。 卓雖憚傷,然貪其名重, 臣之所急也。 有司 計 乃表拜 辭所不

而卒。

到郡親率將士,施設方略,旬月之閒,克破星等。〔〕周朝、郭石亦帥徒衆起於零、桂,與星相 不歎息。拜堅議郎。時長沙賊區星自稱將軍,衆萬餘人,攻圍城邑,乃以堅爲長沙太守。 至,黨衆離散,皆乞降。軍還,議者以軍未臨敵,不斷功賞,然聞堅數卓三罪,勸溫斬之,無 虧損威刑,於是在矣。」溫不忍發舉,乃曰:「君且還,卓將疑人。」堅因起出。 章、遂聞大兵向 衆,未有不斷斬以示威者也,是以穰苴斬莊賈,魏絳戮楊干。今明公垂意於卓,不卽加誅, 可,沮軍疑衆,二罪也。卓受任無功,應召稽留,而軒昂自高,三罪也。古之名將,仗鉞臨 賴於卓?觀卓所言,不假明公,輕上無禮,一罪也。章、遂跋扈經年,當以時進討,而卓云未 曰:「卓素蓍威名於隴蜀之間,今日殺之,西行無依。」堅曰:「明公親率王兵,威震天下,何 順。堅時在坐,前耳語謂溫曰:「卓不怖罪而鴟張大語,宜以召不時至,陳軍法斬之。」溫 章等。溫表請堅與參軍事,屯長安。溫以詔書召卓,卓良久乃詣溫。溫責讓卓,卓應對不 邊章、韓遂作亂凉州,中郞將董卓拒討無功。中平三年,遣司空張溫行車騎將軍,西討

遂越境尋討,三郡肅然。 漢朝錄前後功,封堅烏程侯。〔三〕

"堅到郡,郡中震服,任用良吏。敕吏曰:「謹遇良善,治官曹文書,必循治,以盜賊付太守。」

 Ξ 吳錄曰:是時廬江太守陸康從子作宜春長,為賊所攻,遣使求救於堅。 文德,以征伐爲功,越界攻討,以全異國。 以此獲罪,何媿海內乎?」 乃進兵往救,賊聞而· 堅整嚴救之。 主簿進諫、堅答曰:「太守無

潰圍 收兵,合戰於陽人,大破卓軍,梟其都督華雄等。是時,或閒堅於術,術懷疑,不運軍糧。〔﴿〕 困迫,下馬,以幘冠冢閒燒柱,因伏草中。 卓遣步騎數萬人逆堅,輕騎數十先到。堅方行酒談笑,敕部曲整頓行陳,無得妄動。後騎 軍討卓,遣長史公仇稱將兵從事還州督促軍糧。施帳幔於城東門外,祖道送稱,官屬並會。 獲。四前到魯陽,與袁術相見。術表堅行破虜將軍,領豫州刺史。遂治兵於魯陽城。當進 守稽停義兵,使賊不時討,請收出案軍法從事。」便牽咨於軍門斬之。郡中震慄,無求不 具,請收主簿推問意故。」咨大懼欲去,兵陳四周不得出。 堅以牛酒禮咨,咨明日亦答詣堅。酒酣,長沙主簿入白堅:「前移南陽,而道路不治,軍資不 王叡素遇堅無禮,堅過殺之。〔三比至南陽,衆數萬人。南陽太守張咨聞軍至,晏然自若。〔三〕 而出。 卓兵見堅士衆甚整,不敢攻城,乃引還。〔m〕堅移屯梁東,大爲卓軍所攻,堅與數十騎 靈帝崩,卓擅朝政,横恣京城。諸州郡並興義兵,欲以討卓。〔〕堅亦舉兵。 堅徐罷坐,導引入城,乃謂左右曰:「向堅所以不卽起者,恐兵相蹈藉,諸君不得入 堅常著赤罽幘,乃脫幘令親近將祖茂著之。卓騎爭逐茂,故堅從閒道得免。茂 卓騎望見,圍繞數重,定近覺是柱,乃去。堅復相 有頃,主簿復入白堅:「南陽太 荆州刺史

發軍糧。 陽人去魯陽百餘里,堅夜馳見術,畫地計校,曰:「所以出身不顧,上爲國家討賊,下慰將軍 脩諸陵,平塞卓所發掘。〔九〕乾,引軍還,住魯陽。 [10] 與乃和親邪?」復進軍大谷,拒雒儿十里。〔六〕卓尋徙都西入關,焚燒雒邑。 許表用之。 家門之私讐。 堅還屯。 堅曰:「卓逆天無道,蕩覆王室,今不夷汝三族,縣示四海,則吾死不瞑目,豈將 堅與卓非有骨肉之怨也,而將軍受譖潤之言,還相嫌疑!」〔も〕術踧踖,卽調 卓憚堅猛壯,乃遣將軍李傕等來求和親,令堅列疏子弟任刺史、郡守者, 堅乃前入至雒

[一] 江表傳曰:堅聞之,拊膺歎曰:「張公昔從吾言,朝廷今無此難也。」

[三]案王氏譜,叡字通耀,晉太保鮮伯父也。

吳錄曰: 叡先與堅共擊零、桂賊,以堅武官,言頗輕之。 中?」堅曰:「被使者檄誅君。」叡曰:「我何罪?」 史豈有所吝?」便開庫藏,使自入視之,知有所遺不。 至,登樓望之,遣問欲何爲,堅前部答曰:「兵久戰勞苦,所得賞,不足以爲衣服, 詣使君更乞資直耳。」 叡曰:「刺 寅懼,詐作案行使者光祿大夫溫毅傲,移堅,說叡罪過,令收行刑訖,以狀上。 堅曰:「坐無所知。」 兵進及樓下,叡見堅,驚曰:「兵自求賞,孫府君何以在其 及叡舉兵欲討卓,素與武陵太守曹寅不相能,揚言當先殺 叡窮迫,刮金飲之而死。 堅即承檄勒兵襲叡。 叡聞兵

(三)英雄記曰:洛字子議,潁川人,亦知名。

獻帝春秋曰:袁術表堅假中郎將。堅到南陽,移檄太守請軍糧。 咨以問綱紀,綱紀曰:「堅鄰郡二千石,不應調獻帝春秋曰:袁術表堅假中郎將。 堅到南陽,移檄太守請軍糧。 咨以問綱紀,綱紀曰:「堅鄰郡二千石,不應調

發。」 容遂不與。

吳 書 孫破廣討逆傳第

(日)吳歷曰:初堅至南陽,咨既不給軍糧,又不肯見堅。 祀山川。 遺所親人說咨,言病困,欲以兵付咨。 此語與本傳不同 各聞之,心利其兵,即將步騎五六百人詣營省堅。 堅欲進兵、恐有後患、乃詐得急疾,舉軍震惶, 堅臥與相 迎呼巫 醻

無何,卒然而起,按劍駡洛,遂執斬之。

- 二 · 英雄記曰:初堅討董卓,到梁縣之陽人。卓亦遣兵步騎五千迎之,陳郡太守胡軫爲大督護,呂布爲騎督, 襲。 廣成,去陽人城數十里。 日暮,士馬疲極,當止宿,又本受卓節度宿廣成,秣馬飲食,以夜進兵,投曉攻城。 騎將校都督者甚衆。 走,皆棄甲,失鞍馬。 而 惡憚軫,欲賊敗其事,布等宣言「陽人城中賊已走,當追尋之;不然失之矣」, 於是吏士飢渴,人馬甚疲,且夜至,又無塹壘。 軫字文才,性急,預宣言曰:「今此行也,要當斬一靑綬,乃整齊耳。」 行十餘里,定無賊,會天明,便還,拾取兵器,欲進攻城。 釋甲休息,而不又宣言相驚, 城守已固,穿塹已深, 便夜進軍。 云「城中賊出來」。 城中守備甚設,不 諸將聞而惡之。 |軫等不能 軍衆擾亂 其餘步 軍到 미 諸 掩 奔 將 攻
- (台)江表傳 曰:或謂術曰「堅若得洛,不可復制,此爲除狼而得虎也」,故術疑之。
- (モ) 江表傳 載堅語曰:「大勳垂捷 而軍糧不繼,此吳起所以歎泣於西河,樂毅所以遺恨於垂成也。 願將軍深思之。」
- 不〕山陽公載記曰:卓謂長史劉艾曰:「關東軍敗數矣,皆畏孤,無能爲也。 之。 別部司馬劉靖將步騎四千屯安定,以爲聲勢。 數萬人,不知但靖也。 必不克。臺今有本末。事未報,溫又使孤討先零叛羌,以爲西方可一時蕩定。 孤昔與周愼西征,愼圍邊、韓於金城。 時又上章言狀,而孫堅隨周愼行,謂愼求將萬兵造金城,使愼以二萬作後駐,邊、韓城中無 孤語張溫,求引所將兵爲愼作後駐。 叛羌便還,欲截歸道,孤 小擊輒開,畏安定有兵故也。 惟孫堅小戆,頗能用人,當語諸將,使知忌 孤皆知其不然而不得止, 遂行, 溫不聽。 孤時上言其形勢,知愼 **虜**謂安定當 留

從,兵不如虜精,且戰有利鈍。但當論山東大勢,終無所至耳。」,艾曰:「山東兒驅略百姓,以作寇逆, 計,故自不如李傕、郭汜。 用孤,愼又不用堅,自攻金城,壞其外垣,馳使語溫,自以克在旦夕,溫時亦自以計中也。而渡遼兒果斷 府穀,當於外運,畏愼大兵,不敢輕與堅戰,而堅兵足以斷其運道,兒曹用必還羌谷中,凉州或能定也。溫旣不能 〔葵園〕,愼棄輜重走,果如孤策。 臺以此封孤都鄕侯。堅以佐軍司馬,所見與人同,自爲可耳。」 艾曰:「堅雖時見 堅甲利兵疆弩之用又不如人,亦安得久?」卓曰:「然,但殺二遠、劉表、孫堅,天下自服從孤耳。」 聞在美陽亭北,將千騎步與虜合,殆死,亡失印綬,此不爲能也。」 卓曰:「堅時烏合義 其鋒不如 (蔡園)

(九) 江表傳曰:舊京空虚,數百里中無煙火。 堅前入城,惆悵流涕。

吳書曰:壓入洛,掃除漢宗廟,祠以太牢。 探得漢傳國璽,文曰「受命于天,旣壽永昌」,方圜四寸,上紐交五龍,上一角缺。初,黄門張讓等作亂, 堅軍城南甄官井上,旦有五色氣,舉軍驚怪,莫有敢汲。堅令人入井, 劫天子出

山陽公載記曰:袁術將僭號,聞堅得傳國璽,乃拘堅夫人而奪之。奔,左右分散,掌璽者以投井中。

江表傳曰:案漢獻帝起居注云「天子從河上還,得六璽於閣上」,又太康之初孫皓送金璽六枚,無有玉, 明其僞

也。

佩秦皇帝璽,世世傳受,號曰傳國璽。案傳國璽不在六璽之數,安得總其說乎?應氏漢官、皇甫世紀,其論六璽, 此六璽所封事異,故文字不同。 獻帝起居注云「從河上還,得六玉璽於閣上」,此之謂也。傳國璽者,乃漢高祖所

吳 書 孫破處討逆傳第一

文義皆符。

漢宮傳國璽,文曰「受命于天,旣壽且康」。「且康」「永昌」,二字爲錯,未知兩家何者爲得。

爲破虜傳亦除此說,俱惑起居注, 金,於文不異。 精,率有光氣,加以神器祕實,輝耀盆彰,蓋一代之奇觀,將來之異聞,而以不解之故,强謂之僞,不亦誣乎 吳降而送璽者送天子六璽,冀所得玉璽,乃古人遺印,不可施用。天子之璽,今以無有爲難,不通 不知六璽殊名,與傳國爲七者也。 吳時無能刻玉,故天子以金爲璽。 運難以 Į 陳壽

其義者耳。

璽,而寳藏傳國也。 以爲國華,而不知損壓之令德。 臣松之以爲孫堅於興義之中最有忠烈之稱,若得漢神器而潛匿不言,此爲陰懷異志, 受命于天,奚取於歸命之堂,若如喜言,則此鹽今尙在孫門。 如其果然,以傳子孫,縱非六璽之數,要非常人所畜, 匹夫懷璧,猶曰有罪,而況斯物 孫晧之降, 豈所謂忠臣者乎?吳史欲 亦不得但经六

(10) 吳錄曰:是時關東州郡,務相兼幷以自疆大。袁紹遣會稽周喁爲豫州刺史,來襲取州。 會稽典錄曰:初曹公與義兵,遣人要嗎,嗎即收合兵衆,得二千人,從公征伐,以爲軍師。 將救社稷。 逆賊垂破而各若此,吾當誰與戮力乎!」言發涕下。 **喝字仁明,周昕之弟也。** 堅慨然歎曰:「同舉義兵, 後與堅爭豫州, 屢戰失

初平三年,術使堅征荆州,擊劉表。 單馬行峴山,爲祖軍士所射殺。〔1〕兄子賁,帥將士衆就術,術復表賁爲豫州刺 表遣黃祖逆於樊、鄧之間。 堅擊破之,追渡漢水,

典略曰:堅悉其衆攻表,表閉門,夜遣將黃祖潛出發兵。 祖將兵欲還,堅逆與戰。 祖 敗走, 竄峴山中。 堅乘勝夜

史。

利。

會次兄九江太守昂為袁術所攻,明往助之。

軍敗,還鄉里,爲計貢所害。

追風,風部兵從竹木間暗射壓,殺之。

吳錄曰:堅時年三十七。

英雄記曰:堅以初平四年正月七日死。

叉云:劉表將呂公將兵緣山向堅,堅輕騎尋山討公。公兵下石,中堅頭,應時腦出物故。

其不同如此也。

堅四子:策、權、翊、匡。權既稱尊號,諡堅日武烈皇帝。[1]

(二) 吳錄曰:尊堅廟日始祖,墓曰高陵。

志林曰:堅有五子:策、權、豳、匡,吳氏所生;少子郞,庶生也,一名仁。

策字伯符。 堅初興義兵,策將母徙居舒, 與周瑜相友,收合士大夫,江、淮間人咸向

之。〔〕堅薨,還葬曲阿。已乃渡江居江都。〔〕

[1] 江表傳曰:堅爲朱儁所表,爲佐軍,留家著壽春。 策年十餘歲,已交結知名,聲譽發聞。 英達夙成,聞策聲聞,自皆來造焉。 便推結分好,義同斷金,勸策徙居衙,策從之。 有周瑜者,與策同年, 亦

(三)魏書曰:策當嗣侯,讓與弟匡。

節安集關東,在壽春以禮辟策,表拜懷義校尉,術大將喬麩、張勳皆傾心敬焉。 景,因緣召募得數百人。興平元年,從袁術。 徐州牧陶謙深忌策。策舅吳景,時爲丹楊太守,策乃載母徙曲阿,與呂範、孫河俱就 術甚奇之,以堅部曲還策。[1] 太傅馬日磾杖 術常數日

吳 書 孫破虜討逆傳第

母先自 衝校尉、 策從兄賁又爲丹楊都尉,繇至,皆迫逐之。 不遂。 策昔曾詣康,康不見,使主簿接之。 **懐之**。〔三 軍中郎將,與實共將兵擊英等,連年不克。 江津)〔屯横江津〕,張英屯當利 先是,劉繇爲揚州刺史,州舊治壽春。壽春,術已據之,繇乃渡江治曲阿。 太守,已而更用丹楊陳紀。 詣術謝。 「使術有子如孫郎,死復何恨!」 今若得康,廬江眞卿有也。」 [曲阿徙於歷陽,策又徙母阜陵,渡江轉鬭,所向皆破,莫敢當其鋒,而軍令整肅,百姓 ,行殄寇將軍,兵財千餘,騎數十匹,賓客願從者數百人。 術曰:「兵人好叛,當共疾之,何爲謝也? 後術欲攻徐州,從廬江太守陸康求米三萬斛。 口,以距衡。 策攻康,拔之, 策嘗銜恨。 策乃說術,乞助景等平定江東。日 景、賁退舍歷陽。 術自用故吏琅邪惠衢爲揚州 術 」由是軍中益畏憚之。 遣策攻康,謂曰:「前錯用陳紀,每恨本意 術復用其故吏劉勳爲太守, 繇遣樊能、于麋(陳)〔東〕 比至歷陽,衆五六千。 刺史,更以景爲 時吳景尙在丹楊, 術 康不與,術大怒。 初許策爲九江 術表策爲折 策益失望。 (横屯 督

吳歷. 求先君餘兵,就舅氏於丹楊,收合流散,東據吳會,報響雪恥,爲朝廷外藩。 私,未有 曰:初策在江都時,張紘有母喪。策數詣紘,各以世務,曰:「方今漢祚中微, 能 扶 危 濟亂者也。 先君與袁氏共破董卓,功業未遂,卒為黃祖所 害。 君以爲何如?」 策雖暗稚, 天下擾攘, 竊有微志, 英雄傷傑各擁衆營 欲從袁揚州

哉?方今世亂多難,若功成事立,當與同好俱南濟也。」策曰:「一與君同符合契,(同)有永固之分,今便行矣,以 楊,收兵吳會,則荆、揚可一,譬敵可報。據長江,奮威德,誅除羣穢,匡輔漢室,功業侔於桓、文,豈徒外藩而已 慷慨,感其志言,乃答曰:「昔周道陵遲,齊、晉並與;王室已寧,諸侯貢職。今君紹先侯之軌,有驍武之名,若投丹 山之望?若微志得展,血讐得報,此乃君之勳力,策心所望也。」因涕泣横流,顏色不變。|紘見|策忠壯內發,辭令 方居衰絰之中,無以奉贊盛略。」 策曰:「君高名播越,遠近懷歸。 今日事計,決之於君,何得不紆慮啓告,副其高

江表傳曰:策徑到壽春見袁術,涕泣而言曰:「亡父昔從長沙入討董卓,與明使君會於南陽, 大帥祖郎所襲,幾至危殆。於是復往見術,術以堅餘兵千餘人還策。 「孤始用貴舅爲丹楊太守,賢從伯陽爲都尉,彼精兵之地,可還依召募。」策遂詣丹楊依舅,得數百人,而爲涇縣 難,勳業不終。策感惟先人舊恩,欲自憑結,願明使君垂察其誠。」 術甚貴異之,然未肯還其父兵。 同盟結好;不幸遇 術謂策曰:

老母弱弟委付於君,策無復回顧之憂。

- (三)江表傳曰:策說例三:「家有舊恩在東,願助舅討橫江,橫江拔,因投本土召募,可得三萬兵,以佐明使君匡濟漢 室。 術知其恨,而以劉繇據曲阿,王朗在會稽,謂策未必能定,故許之。
- (三) 江表傳曰:策渡江攻蘇牛渚營,盡得邸閣糧穀、戰具,是歲興平二年也。 出擊之,鋒刃未接而僞走,賊追入伏中,乃大破之,斬首千餘級。策因往到融營下, 能、于疑等復合衆襲奪牛渚屯。策聞之,還攻破能等,獲男女萬餘人。復下攻融,爲流矢所中,傷股,不能乘馬, 禮據秣陵城,融屯縣南。策先攻融,融出兵交戰,斬首五百餘級,融即閉門不敢動。因渡江攻禮,禮突走,而樊 因自輿還牛渚營。 或叛告勵曰:「孫郎被箭已死。」 融大喜,即遣將于茲鄉策。 時彭城相薛禮、下邳相笮融依繇爲盟主 策遣步騎數百挑戰,設伏於後,賊 令左右大呼曰:「孫郞竟云

陵,轉攻湖敦、江乘,皆下之。

賊 於是驚怖夜遁。 融聞策尚在,更深溝高壘,繕治守備。策以融所屯地勢險固,乃舍去,攻破縣別將於海

吳侯。至後術死,長史楊弘、大將張勳等將其衆欲就策,廬江太守劉勳要擊,悉虜之,收其 女,皆禮辟策弟權、翊,又命揚州刺史嚴象舉權茂才。 紹方彊,而策幷江東,曹公力未能逞,且欲撫之。〔4〕 乃以弟女配策小弟匡,又爲子章取實 取之。劇旣行,策輕軍晨夜襲拔廬江,劇衆盡降,劇獨與麾下數百人自歸曹公。〔代〕是時袁 珍寶以歸。策聞之,僞與勳好盟。勳新得術衆,時豫章上繚宗民萬餘家在江東,策勸勳攻 紘、秦松、陳端等爲謀主。(三)時袁術僭號,策以書責而絕之。(E)曹公表策爲討逆將軍,封爲 章太守;分豫章爲廬陵郡,以賁弟輔爲廬陵太守,丹楊朱治爲吳郡太守。彭城張昭、廣陵張 屠東治,乃攻破虎等。行盡更置長吏,策自領會稽太守,復以吳景爲丹楊太守,以孫賁爲豫 先擊破虎等,乃至會稽。策曰:「虎等羣盜,非有大志,此成禽耳。」遂引兵渡浙江,據會稽, 劉繇棄軍遁逃,諸郡守皆捐城郭奔走。〔〕〕吳人嚴白虎等衆各萬餘人,處處屯聚。吳景等欲 策爲人,美姿顏,好笑語,性闊達聽受,善於用人,是以士民見者,莫不盡心,樂爲致死。

江表傳曰:策時年少,雖有位號,而士民皆呼爲孫郎。 軍士奉令,不敢廣略,雞犬茱茹,一無所犯,民乃大悅,競以牛酒詣軍。劉繇旣走,策入曲阿勞賜將士,遣將陳寶 百姓聞孫郎至,皆失魂魄;長吏委城郭,竄伏山草。 及至,

門戶;不樂者,勿强也。」旬日之間,四面雲集,得見兵二萬餘人,馬千餘匹,威震江東,形勢轉盛。 詣阜陵迎母及弟。發恩布令,告諸縣:「其劉繇、<u>笮融等故鄉部曲來降首者,一無所問;樂從軍者,一身行,</u>

(三) 吳錄曰: 時有鳥程鄒他、錢銅及前合浦太守嘉興王晟等, 其死也,甚懼。 能坐躍,勒捷不常,聊戲卿耳!」興曰:「我見刃乃然。」)策知其無能也,乃以手戟投之,立死。,輿有勇力,虎衆以 自討虎,虎高壘堅守,使其弟輿請和。許之。輿請獨與策會面約。旣會,策引白刃斫席,輿體動, 夫之志也。」乃舍之。 曰:「晟與汝父有升堂見妻之分,今其諸子兄弟皆已梟夷,獨餘一老翁,何足復憚乎?」 乃舍之, 進攻破之。 虎奔餘杭,投許昭於廣中。 程普請擊昭,策曰:「許昭有義於舊君,有誠於故友,此丈 各聚衆萬餘或數千。 引兵撲討, 皆攻破 餘咸族誅。策 策笑曰:「聞卿 之。 策母吳氏

臣松之案:許昭有義於舊君,謂濟盛憲也,事見後注。 有誠於故友,則受嚴白虎也。

(三)江表傳曰:策遣奉正都尉劉由、五官掾高承奉章詣許、拜獻方物

劉備爭盟准隅,是以未獲承命秦弓戢戈也。今備、鯀旣破,操等飢餒,謂當與天下合謀,以誅醜類。 宣命,欲令諸軍振旅,(於)〔然〕河北通謀黑山,曹操放毒東徐,劉表稱巤南荆,公孫瓚炰烋北幽,劉繇決力江滸, 自取之志,非海內所望,一也。昔成湯伐桀,稱有夏多罪;武王伐紂,曰殷有罪罰重哉。此二王者,雖有聖德,宜 王,略烝宮人,發掘園陵,暴逆至此,故諸州郡雄豪聞聲慕義。 益使憮然,想是流妄;設其必爾,民何望乎?曩日之舉義兵也,天下之士所以響應者,董卓擅廢置,害太后、弘農 有所短也。去冬傳有大計,無不悚懼;旋知供備貢獻,萬夫解惑。頃聞建議,復欲追邁前圖,卽事之期,便有定月。 神武外振,卓遂內殲。元惡旣斃,幼主東顧,俾保傅 拾而不圖,有

吳書

也。 累世之勢,起而取之哉?二者殊數,不可不詳察,七也。所貴於聖哲者,以其審於機宜,慎於舉措。若難圖之事 之節而强進取之欲者,將曰天下之人非家吏則門生也,孰不從我?四方之敵非吾匹則吾役也,誰能違我?盍乘 冀,五也。幼主岐嶷,若除其偪,去其鯁,必成中興之業。夫致主於周成之盛,自受且、奭之美,此誠所望於尊明 明所見之餘耳,庶備起予,補所遺忘。 類,比合文字以悅所事,苟以阿上惑衆,終有後悔者,自往迄今,未嘗無之,不可不深擇而熟思, 難保之勢,以激羣敵之氣,以生衆人之心,公義故不可,私計又不利,明哲不處,八也。 流慶無窮,垂聲管絃。 富,誰不欲焉?義不可,勢不得耳。陳勝、項籍、王莽、公孫述之徒,皆南面稱孤, 莫之能濟。 帝王之位, 而比焉。 縱使幼主有他改異,猶望推宗室之譜屬,論近親之賢良,以紹劉統,以固漢宗。皆所以書功金石,圖形丹青, 忠貞者必曰宜夙夜思惟,所以扶國家之躓頓,念社稷之危殆,以奉祖考之志,以報漢室之恩。 捨而不爲,爲其難者,想明明之素,必所不忍,六也。 忠言逆耳,幸留神聽!」典略云張昭之辭。臣松之以爲張昭雖名重, 五世爲相,權之重,勢之盛,天下莫得 世人多惑於圖緯而牽非 九也。 其忽履道 九者,尊 不可横

如

書 孫破虜討逆傳第一

吳

(m) 江表傳曰:建安二年夏,漢朝遣議郎王浦奉戊辰詔書曰:「董卓遊亂,凶國害民。 佈 術所造惑衆妖妄,知術鴟梟之性,遂其無道,修治王宮,署置公卿,郊天祀地,殘民害物,爲禍深酷。 安、黟、歙諸險縣大帥祖郎、焦已及吳郡島程嚴白虎等,使爲內應,同策軍發,欲攻取諸郡。 尉領郡爲輕,欲得將軍號,(及)〔乃〕使人諷講,脯便承制假策明漢將軍。 **策輸力竭命之秋也。** 乃心本朝,欲還討衡,爲國效節,乞加顯異。夫懸賞俟功,惟勤是與,故便寵授,承襲前邑,重以大郡,榮耀兼至,是 朝恩,坐創凶逆,造合虛僞,欲因兵亂,詭詐百姓,〔始〕聞其言以爲不然。定得使持節平東將軍領徐州牧溫侯布上 厥美著聞。 、瑀參同形勢。 策遵善道,求福不回。今以策爲騎都尉,襲爵鳥程侯,領會稽太守。」又韶敕曰:「故左將軍袁術不顧 行到錢塘,瑪陰圖襲策,遣都尉萬演等密渡江,使持印傳三十餘紐與賊丹楊、宣城、涇、陵陽、始 其亟與布及行吳郡太守安東將軍陳瑀戮力一心,同時赴討。」策自以統領兵馬,但以騎都 是時,陳瑀屯海西, 先將軍堅念在平討, 策覺之,遣呂範、徐逸 策奉詔治嚴, 布前後上策 雅意未遂, 當與

· 山陽公載記曰:瑀單騎走冀州,自歸袁紹,紹以爲故安都尉。

攻瑪於海西,大破瑪,獲其東士妻子四千人。

堪。 吳錄載策上表謝曰:「臣以固陋,孤持邊陲。 則爲不符。 初領兵,年未弱冠,雖駑懦不武,然思竭微命。 用煉悸。 臣松之案:本傳云孫堅以初平三年卒,策以建安五年卒,策死時年二十六,計堅之亡,策應十八,而此表云十七, 興平二年十二月二十日,於吳郡曲阿得袁術所呈表,以臣行殄寇將軍;至被詔書,乃知許擅。 臣年十七,喪失所怙,懼有不任堂構之鄙,以忝析薪之戒,誠無去病十八建功, 張璠漢紀及吳歷並以堅初平二年死,此爲是而本傳誤也 陛下廣播高澤,不遺細節,以臣襲爵,兼典名郡。 惟術狂惑,爲惡深重。臣憑威靈,奉辭罰罪,庶必獻捷,以報所授。」 世祖 列將弱冠佐命。 仰榮顧寵, 雖輒捐廢,猶 所不克 臣

江表傳 "建安三年,策又遣使貢方物,倍於元年所獻。 其年,制書轉拜討逆將軍,改封吳侯。

(长)江表傳曰:策被詔敕,與司空曹公、衞將軍董承、益州牧劉璋等并力討袁術、劉表。 寒。 來爲黃祖前鋒。 曹公,射亦遁走。 以守院、皆徙所得人東詣吳。 實、輔又於彭澤破勳。 萬人步襲皖城,即克之,得術百工及鼓吹部曲三萬餘人,幷術、勳妻子。表用汝南李術爲廬江太守, 了無所得。 月,纔得數千斛。偕乃報勳,具說形狀,使勳來襲取之。勵得偕書,使曆軍到海昏邑下。 乃遣從弟偕告糴於豫章太守華歆。 女壻黃猗等畏懼曹公,不敢守壽春,乃共异術棺柩,扶其妻子及部曲男女,就劉勳於院城。 至沂,築壘自守,告急於劉表,求救於黃祖。 時策西討黃祖,行及石城,聞爋輕身詣海昏,便分遺從兄實、輔率八千人於彭澤待勵, 策與戰,大破之。 策收得勳兵二千餘人,船千艘,遂前進夏口攻黃祖。時劉表遣從子虎、南陽韓晞將長矛五千, 一部那素少穀,遺吏將偕就海昏上綠,使諸宗帥共出三萬斛米以與偕。 祖遣太子射船軍五千人助勳。 勳走入楚江,從尋陽步上到置馬亭,聞策等已克皖, 策復就攻,大破勳。 軍嚴當進,會術死,術從弟胤 宗帥知之,空壁逃匿,動 勳糧食少,無 自與周瑜率二 給兵三千人 勳與偕北歸 以相振, 僧往歷 乃投西

吳錄載策表曰:「臣討黃祖,以十二月八日到祖所屯沙羨縣。 口,船六千餘艘,財物山積。雖表未禽,祖宿狡猾,為表腹心,出作爪牙,表之鴟張,以祖氣息,而祖家屬部曲, 所截,姦火所焚,前無生寇,惟祖迸走。獲其妻息男女七人,斬虎、(狼) 韓晞已下二萬餘級,其赴水溺者一萬餘 意果,各競用命。 行先登校尉韓當、行武鋒校尉黃蓋等同時俱進。 江夏太守行建威中郎將周瑜、領桂陽太守行征虜中郎將呂範、領零陵太守行蕩寇中郎將程普、行奉業校尉孫權 越渡重塹,迅疾若飛。 火放上風,兵激煙下,弓弩並發,流矢雨集,日加辰時,祖乃潰爛。 身跨馬櫟陳,手擊急鼓,以齊戰勢。 劉表遣將助祖,並來越臣。 東士**奮激,踊躍**百倍, 臣以十一日平旦部所領 心精 鋒刃

掃地無餘,表孤特之虜,成鬼行尸。誠皆聖朝神武遠振,臣討有罪,得效微勤。」

(+) 吳歷曰:曹公聞策平定江南,意甚難之,常呼「猘兒難與爭鋒也」。

敗。公等善相吾弟!」呼權佩以印綬,謂曰:「舉江東之衆,決機於兩陳之間,與天下爭衡,卿 遇,客擊傷策。〔〕創甚,請張昭等謂曰:「中國方亂,夫以吳、越之衆,三江之固,足以觀成 發,會爲故吳郡太守許貢客所殺。先是,策殺貢,貢小子與客亡匿江邊。策單騎出,卒與客 不如我;舉賢任能,各盡其心,以保江東,我不如卿。」至夜卒,時年二十六。〔三〕 建安五年,曹公與袁紹相拒於官渡,策陰欲襲許,迎漢帝,〔〕密治兵,部署諸將。未

(1) 吳錄曰:時有高岱者,隱於餘姚,策命出使會稽丞陸昭逆之,策虛已候焉。聞其善左傳,乃自玩讀,欲與論講。或 之義,許爲出軍,以書與貢。俗得識書以還,而買已囚其母。吳人大小皆爲危竦,以買宿忿,往必見害。」俗言在 許買來領郡,位將憲避難於許昭家,求救於陶謙。謙未卽救,位憔悴泣血,水漿不入口。謙感其忠壯,有申包胥 郡人也,受性聰達,輕財貴義。其友士拔奇,取於未顯,所友八人,皆世之英偉也。太守盛憲以爲上計,舉孝廉。 以爲輕己,乃囚之。知交及時人皆露坐爲請。策登樓,望見數里中填滿。策惡其收衆心,遂殺之。岱字孔文,吳 人,惡勝己者,若每問,當言不知,乃合意耳。如皆辨義,此必危殆。」「岱以爲然,及與論傳,或答不知。」策果怒, 謂之曰:「高岱以將軍但英武而已,無文學之才,若與論傳而或云不知者,則某言符矣。」又謂岱曰:「孫將軍爲 君則爲君,且母在牢獄,期於當往,若得入見,事自當解。遂通書自白,貢即與相見。 位將見貢,語友人張允、沈曜令豫具船,以<u>貢必悔,當追逐之。</u>出便將母乘船易道而逃。<u>貢</u>須臾遣人 才辭敏捷,好自陳謝。

吳

孫破虜討逆傳第

追之,令追者若及於船,江上便殺之,已過則止。使與岱錯道,遂免。被誅時,年三十餘。

也。 江表傳曰:時有道士琅邪于吉,先寓居東方,往來吳會,立精舍,燒香讀道書,制作符水以治病,吳會人多事之。 作福,醫護將士,不可殺之。」(策曰:「此子妖妄,能幻惑衆心,遠使諸將不復相顧君臣之禮,盡委策下樓拜之,不 迎拜之,掌賓者禁呵不能止。 策嘗於郡城門樓上,集會諸將賓客,吉乃盛服杖小函,漆畫之,名爲仙人鏵,趨度門下。 鼓琴燒香,讀邪俗道書,云以助化,卒爲南夷所殺。此甚無益,諸君但未悟耳。 可不除也。」諸將復連名通白事陳乞之,策曰:「昔南陽張津爲交州刺史,舍前聖典訓,廢漢家法律,嘗著絳帕頭, 即催斬之,縣首於市。 諸事之者,尙不謂其死而云尸解焉,復祭祀求福! 策即令收之。 諸事之者,悉使婦女入見策母,請救之。 今此子已在鬼籙, 母謂策曰:「于先生亦助軍 諸將賓客三分之二下樓 勿復費紙筆

王於前亡,張津於後死,不得相讓,譬言津之死意矣。 聖王之至教也。吉罪不及死,而暴加酷刑,是乃謬誅,非所以爲美也。喜推考桓王之薨,建安五年四月四日。是 远林曰:初順帝時,琅邪宮崇詣闕上師于吉所得神書於曲陽泉水上,白素朱界,號太平青領道, 時曹、袁相攻,未有勝負。案夏侯元讓與石威則書,袁紹破後也。 至建安中,五六十歲,于吉是時近已百年,年在耄悼,禮不加刑。又天子巡狩,問百年者,就而見之,敬齒以親愛, 書云:「授孫賁以長沙,業張津以零、桂。」此爲桓 凡百餘卷。 順帝

臣 松之案: 太康八年, 廣州大中正王範上交廣二州春秋。 建安六年, 張津猶爲交州牧。 江表傳之虚如志林所

云。

吉許,

策因此激怒,言:「我爲不如于吉邪,而先趨務之?」便使收吉。至,呵問之曰:「天旱不雨,道塗艱澀,不時得 <u>;搜練記曰:</u>策欲渡江襲許,與古俱行。時大旱,所在熇厲。策催諸將士使速引船,或身自早出督切, 見將吏多在

過 必見原,並往慶慰, 天日中雨者,當原赦,不爾行誅。),故自早出,而卿不同憂戚,安坐船中作鬼物態,敗吾部伍,今當相除。」 令人縛置地上暴之, 策遂殺之。 將士哀惜,共藏其尸。天夜,忽更興雲覆之;明旦往視,不知所在。 俄而雲氣上蒸,膚寸而合,比至日中,大雨總至,溪澗盈溢。 將士喜悅,以爲古 使請雨, 若能感

案江表傳、搜神記于吉事不同,未詳敦是。

(三)江湊傳曰:廣陵太守陳登治射陽,登即稱之從兄子也。 策前西征,登陰復遣閒使,以印綬與嚴白虎餘黨, 之。 奴客潛民間,欲爲貢報譬。獵日,卒有三人即貢客也。 策問:「爾等何人?」答云:「是韓當兵,在此射鹿耳。」 策 曰:「當兵吾皆識之,未嘗見汝等。」因射一人,應弦而倒。餘二人怖急,便舉弓射策,中頗。後騎尋至,皆刺殺 還,若放於外必作世患。」 從騎絕不能及。 害,以報稱見破之辱。策歸,復討登。軍到丹徒,須待運糧。 初,吳郡太守許貫上表於漢帝曰:「孫策驍雄,與項籍相似,宜加貴寵,召還京邑。 策候吏得貢表,以示策。策請質相見,以責讓買。 策性好獵,將步騎數出。 **直辭無表,策卽令武士絞殺之。** 策驅馳逐鹿,所乘馬精駿, 若被詔不得不 圖爲後 貢

宗,未盡歸復,曹、袁虎爭,勢傾山海,策豈暇遠師汝、潁,而遷帝於吳、越哉?斯蓋庸人之所鑒見,況策達於事勢 者乎?又案袁紹以建安五年至黎陽,而策以四月遇害,而志云策聞曹公與紹相拒於官渡,謬矣。伐登之言,爲有 孫盛異同評曰:凡此數書,各有所失。 九州春秋曰:策聞曹公北征柳城,悉起江南之衆,自號大司馬,將北襲許,恃其勇,行不設備,故及於難 孫策雖威行江外,略有六郡,然黃祖乘其上流,陳登閒其心腹,且 深險疆

叉江表傳說策悉識韓當軍士,疑此為詐,便射殺一人。夫三軍將士或有新附,策爲大將, 何能悉識?以所不識,

證也。

吳

書

孫破處討逆傳第

便射殺之,非其論也。又策見殺在五年,柳城之役在十二年,九州春秋乖錯尤甚矣。

登而已。于時殭宗驍帥,祖郎、嚴虎之徒,禽滅已盡,所餘山越,蓋何足慮?然則策之所規,未可謂之不暇也。若 年已出屯官渡,乃策未死之前,久與袁紹交兵,則國志所云不爲謬也。許眞客、無聞之小人,而能感識恩遇,臨義 使策志獲從,大權在手,淮、泗之閒,所在皆可都,何必畢志江外,其當遷帝於揚、越哉?案魏武紀,武帝以建安四 未反,(但)[且]劉表君臣本無兼幷之志,雖在上流,何辦規擬吳會?策之此舉,理應先圖陳登,但舉兵所在,不止 臣松之案:傅子亦云曹公征柳城,將襲許。記述若斯,何其疎哉!然孫盛所譏,未爲悉是。黃祖始被策破,魂氣

(三)吳歷曰:策旣被創,醫言可治,當好自將護,百日勿動。 策引鏡自照,謂左右曰:「面如此,倘可復建功立事乎?」

忘生,卒然奮發,有侔古烈矣。詩云:「君子有徽猷,小人與屬。」 貢客其有焉。

椎几大奮,創皆分裂,其夜卒。

顧而弗見,如是再三,因撲鏡大叫,創皆崩裂,須臾而死。 搜辦記曰:策既殺于吉,每獨坐,彷彿見吉在左右,意深惡之,頗有失常。後治創方差,而引鏡自照,見吉在鏡中,

權稱尊號,追諡策日長沙桓王,封子紹爲吳侯,後改封上虞侯。 紹卒,子奉嗣。

時,訛言謂奉當立,誅死。 評曰:孫堅勇擊剛毅,孤微發迹,導溫戮卓,山陵杜塞,有忠壯之烈。 策英氣傑濟,猛銳

冠世,覽奇取異,志陵中夏。然皆輕佻果躁,隕身致敗。且割據江東,策之基兆也,而權尊

崇未至,子止侯爵,於義儉矣。〔〕

【一〕 孫盛曰:孫氏兄弟皆明略絕羣。 創基立事,策之由也, 自臨終之日,顧命委權。夫意氣之閒,猶有刎頸,況天倫之 **策爲首事之君,有吳開國之主;將相在列,皆其舊也,而嗣子弱劣,析薪弗荷,奉之則魯桓、田市之難作,** 與夷、子馮之禍與。是以正名定本,使貴賤殊邈,然後國無陵肆之責,後嗣罔猜忌之嫌,羣情絕異端之論,不逞杜 其未達乎! 覬覦之心;於情雖違,於事雖儉,至於括**婺**遠圖,永保維城,可謂爲之于其未有,治之于其未亂者也。 陳氏之評, 不達經綸之圖;求譽當年,而不思貽厥之謀。可謂輕千乘之國,蹈道則未也。孫氏因擾攘之際,得奮其縱橫之 國之大防;杜絕疑貳,消釁之良謨。是故魯隱矜義,終致羽父之禍;宋宜懷仁,卒有殤公之哀。皆心存小善,而 志,業非積德之基,邦無磐石之固,勢一則祿祚可終,情乖則禍亂塵起,安可不防微於未兆,慮難於將來?壯哉 **篤愛,豪達之英鑒,豈吝名號於旣往,違本情之至實哉?抑將遠思虛盈之數,而愼其名器者乎?夫正本定名,爲** 崇之則

吳主傳第二

義校尉。漢以策遠脩職貢,遣使者劉琬加錫命。 然皆祿祚不終,惟中弟孝廉,形貌奇偉,骨體不恆,有大貴之表,年又最壽,爾試識之。」 孫權字仲謀。 兄策旣定諸郡,時權年十五,以爲陽羨長。〔〕郡察孝廉,州舉茂才,行奉 琬語人曰:「吾觀孫氏兄弟雖各才秀明達,

[一] 江表傳曰:堅爲下邳丞時,權生,方頤大口,目有精光,堅異之,以爲有貴象。及堅亡,策起事江東,權常隨從。性 顧權曰:「此諸君,汝之將也。」 度弘朗,仁而多斷,好俠養士,始有知名,侔於父兄矣。每參同計謀,策甚奇之,自以爲不及也。每請會賓客,

建安四年,從策征廬江太守劉勳。 勳破,進討黃祖於沙羨。

制,是循開門而揖盜,未可以爲仁也。」乃改易權服,扶令上馬,使出巡軍。是時惟有會稽 立法而伯禽不師,非欲違父,時不得行也。〔〕況今姦宄競逐,豺狼滿道,乃欲哀親戚,顧禮 五年,策薨,以事授權,權哭未及息。策長史張昭謂權曰:「孝廉,此寧哭時邪?且周公

吳主傳第二

範等爲將率。 吳郡、丹楊、豫章、廬陵,然深險之地猶未盡從,而天下英豪布在州郡,賓旅寄寓之士以安危 爲討虜將軍,領會稽太守,屯吳,使丞之郡行文書事。待張昭以師傅之禮,而周瑜、程普、呂 去就爲意,未有君臣之固。張昭、周瑜等謂權可與共成大業,故委心而服事焉。曹公表權 招延俊秀,聘求名士,魯肅、諸葛瑾等始爲賓客。 分部諸將, 鎭撫山越, 討不

從命。〔三〕

臣松之按禮記曾子問子夏曰:「三年之喪,金革之事無避也者,禮與?初有司與?」孔子曰:「吾聞諸老期曰,昔 者魯公伯禽有爲爲之也。」鄭玄注曰:「周人卒哭而致事。時有徐戎作難,伯禽卒哭而征之,急王事也。」昭所云

「伯禽不師」,蓋謂此也

江表傳曰:初策表用李術爲廬江太守,策亡之後,術不肯事權,而多納其亡叛。 所甘心。例必懼誅,復詭說求救。明公所居,阿衡之任,海內所瞻,願敕執事,勿復聽受。」是歲舉兵攻衝於院城。 害州司,肆其無道,宜速誅滅,以懲醜類。今欲討之,進爲國朝掃除鯨鯢,退爲舉將報塞怨讐,此天下達義,夙夜 術閉門自守,求救於曹公。 無德見叛,不應復還。」權大怒,乃以狀白曹公曰:「嚴刺史昔爲公所用,又是州舉將,而李術凶惡,輕犯漢制,殘 曹公不救。糧食乏盡,婦女或丸泥而吞之。 遂屠其城,梟

豫首,

徙其部曲三萬餘人。 權移書求索,術報曰:「有德見歸、

七年,權母吳氏薨。

程普討樂安,太史慈領海昏,韓當、周泰、呂蒙等爲劇縣令長。 八年,權西伐黃祖,破其舟軍,惟城未克,而山寇復動。 還過豫章,使呂範平鄱陽,

九年,權弟丹楊太守翊爲左右所害,以從兄瑜代翊。〔〕〕

[1] 吳錄曰:是時權大會官寮,沈友有所是非,令人扶出,謂曰:「人言卿欲反。」 友知不得脫,乃曰:「主上在許,有無 正色立朝,淸議峻厲,爲庸臣所譖,誣以謀反。權亦以終不爲已用,故害之,時年二十九。 妙,刀之妙,三者皆過絕於人。權以禮聘,旣至,論王霸之略,當時之務,權斂容敬焉。陳荆州宜井之計,納之。 多所貫綜,善屬文辭。兼好武事,注孫子兵法。又辯於口,每所至,衆人皆默然,莫與爲對,咸言其筆之妙,舌之 輕脫威儀,猶負薪救火,無乃更崇其熾乎!」飲慚曰:「自桓、靈以來,雖多英彥,未有幼童若此者。」弱冠博學, 君之心者,可謂非反乎?」遂殺之。友字子正,吳郡人。年十一,華歆行風俗,見而異之,因呼曰:「沈郎,可登車 語乎?」」友逡巡卻曰:「君子講好,會宴以禮,今仁義陵遲,聖道漸壞,先生銜命,將以裨補先王之敎,整齊風俗,而

十年,權使賀齊討上饒,分爲建平縣。

十二年,西征黃祖,虜其人民而還。

黔晉伊。 歙晉攝。 分 歙 爲 始 新、新 定、 [] 犂 陽、 休 陽 縣 , [三] 以 六 縣 爲 新 都 郡。 魯肅乞奉命弔表二子,且以觀變。肅未到,而曹公已臨其境,表子踪舉衆以降。劉備欲南 之,遂屠其城。祖挺身亡走,騎士馮則追梟其首,虜其男女數萬口。是歲,使賀齊討黟、勮, 十三年春,權復征黃祖,祖先遣舟兵拒軍,都尉呂蒙破其前鋒,而凌統、董襲等盡銳攻 荆州牧劉表死,

是時曹公新得表衆,形勢甚盛,諸議者皆望風畏懼,多勸權迎之。〔三〕惟瑜、肅執拒之議,意 濟江,肅與相見,因傳權旨,爲陳成敗。備進住夏口,使諸葛亮詣權,權遣周瑜、程普等行。

士卒飢疫,死者大半。備、瑜等復追至南郡,曹公遂北還,留曹仁、徐晃於江陵,使樂進守襄 與權同。 瑜、普爲左右督,各領萬人,與備俱進,遇於赤壁,大破曹公軍。公燒其餘船引退,

率衆圍合肥,使張昭攻九江之當塗。 昭兵不利,權攻城踰月不能下。 時甘寧在夷陵,爲仁黨所圍,用呂蒙計,留凌統以拒仁,以其半救寧,軍以勝反。 曹公自荆州還,遣張 權自

(一) 吳錄曰:晉改新定爲遂安。

喜將騎赴合肥。未至,權退。

(三)吳錄曰:晉改休陽爲海寧。

書以示羣臣,莫不嚮震失色。

[三] 江表傳載曹公與權書曰:「近者奉辭伐罪,旄癰南指,劉琮束手。今治水軍八十萬衆,方與將軍會獵於吳。」 權得

十四年,瑜、仁相守歲餘,所殺傷甚衆。 仁委城走。權以瑜爲南郡太守。 劉備表權行

車騎將軍,領徐州牧。備領荆州牧,屯公安。

十五年,分豫章爲鄱陽郡;分長沙爲漢昌郡,以魯肅爲太守,屯陸口

十八年正月,曹公攻濡須,權與相拒月餘。 十六年,權徙治秣陵。 明年,城石頭,改秣陵爲建業。 曹公望權軍,歎其齊肅,乃退。〔1〕初,曹公 聞曹公將來侵,作濡須塢

恐江濱郡縣爲權所略,徵令內移。 民轉相驚,自廬江、九江、蘄春、廣陵戶十餘萬皆東渡江,

江西途虚,合肥以南惟有皖城。

吳歷曰:曹公出濡須,作油船,夜渡洲上。權以水軍圍取,得三千餘人,其沒溺者亦數千人。權數挑戰,公堅守不 也。 孫仲謀,劉景升兒子若豚犬耳!」權爲牋與曹公,說:「春水方生,公宜速去。」別紙言:「足下不死, 權乃自來, 敕軍中皆精嚴,弓弩不得妄發。 ,乘輕船,從濡須口入公軍。諸將皆以爲是挑戰者,欲擊之。公曰:「此必孫權欲身見吾軍部伍 權行五六里,迴還作鼓吹。 公見舟船器仗軍伍整肅,喟然歎曰:「生子當如 孤不得安。1

魏略曰 :權乘大船來觀軍,公使弓弩亂發,箭著其船,船偏重將覆,權因迴船,復以一面受箭,箭均船平,乃還

曹公語諸將曰:「孫權不欺孤。」乃徹軍還

守,因引軍還,與孫皎、潘璋幷魯肅兵並進,拒羽於益陽。未戰,會曹公入漢中,備懼失益 備到公安,使關羽將三萬兵至益陽,權乃召蒙等使還助肅。 州,使使求和。 人屯巴丘江以禦關羽。權住陸口,爲諸軍節度。蒙到,二郡皆服,惟零陵太守郝普未下。會 之。權大怒,乃遣呂蒙督鮮于丹、徐忠、孫規等兵二萬取長沙、零陵、桂陽三郡,使魯肅以萬 劉備定蜀。權以備已得益州,令諸葛瑾從求荆州諸郡。備不許,曰:「吾方圖凉州,凉州定, 乃盡以剌州與吳耳。」權曰:「此假而不反,而欲以虛辭引歲。」 遂置南三郡長吏,關羽盡逐 十九年五月,權征皖城。 權令諸葛瑾報,更尋盟好,遂分荆州長沙、江夏、桂陽以東屬權, 閏月,克之,獲廬江太守朱光及參軍董和,男女數萬口。是歲 蒙使人誘普,普降,盡得三郡將

吳

就路,權與浚統、甘寧等在津北爲魏將張遼所襲,統等以死扞權,權乘駿馬越津橋得去。日 陵、武陵以西屬備。 **備歸,而曹公已還。權反自陸口,遂征合肥。合肥未下,徹軍還。**

己巴丘今日巴陵。

獻帝春秋曰:張遼問吳降人:「向有紫髯將軍,長上短下,便馬善射,是誰?」。降人答曰:「是孫會稽。」 遼及樂進

相遇,言不早知之,急追自得,舉軍歎恨。

超度。 江表傳曰:權乘駿馬上津橋,橋南已見徹,丈餘無版。谷利在馬後,使權持鞍緩控,利於後著鞭,以助馬勢, 權既得免,卽拜利都亭侯。 俗利者,本左右給使也,以謹直爲親近監,性忠果亮烈,言不苟且,權愛信之。 遂得

二十一年冬,曹公次于居巢,遂攻濡須。

二十二年春,權令都尉徐詳詣曹公請降,公報使脩好,誓重結婚。

二十三年十月,權將如吳,親乘馬射虎於庱亭。 庱音攄陵反。 馬爲虎所傷,權投以雙戟,

虎卻廢,常從張世擊以戈,獲之。

征羽,先遣呂蒙襲公安,獲將軍士仁。 曹公且欲使羽與權相持以鬭之,驛傳權書,使曹仁以弩射示羽。 禁等步騎三萬送江陵,惟城未拔。 二十四年,關羽圍曹仁於襄陽,曹公遣左將軍于禁救之。 權內憚羽,外欲以爲己功,牋與曹公,乞以討羽自效。 蒙到南郡,南郡太守麋芳以城降。 會漢水暴起,羽以舟兵盡虜 羽猶豫不能去。 蒙據江陵,撫其老 閏月,權

陽,西保麥城。權使誘之。羽僞降,立幡旗爲象人於城上,因遁走,兵皆解散,尙十餘騎。 弱,釋于禁之囚。 陸遜別取宜都,獲秭歸、枝江、夷道,還屯夷陵,守峽口以備蜀。 關羽還當

權先使朱然、潘璋斷其徑路。十二月,璋司馬馬忠獲羽及其子平、都督趙累等於章鄉,遂定 是歲大疫,盡除荆州民租稅。 曹公表權爲驃騎將軍,假節領荆州牧,封南昌侯。

遣校尉梁寓奉貢于漢,及令王惇市馬,又遣朱光等歸。〔〕〕 (二)魏略曰:梁寓字孔儒,吳人也。 權遺寓觀望曹公,曹公因以爲掾,尋遺還南。

約,不從人兵,甚非備慮愛身之謂。夫保己遺名,以安君親,孰與危辱?宜深警戒,務崇其 武備,不可以已。況今處身疆畔,豺狼交接,而可輕忽不思變難哉?頃聞諸將出入,各尙謙 忘亡,安必慮危,古之善教。 昔雋不疑漢之名臣,於安平之世而刀劍不離於身,蓋君子之於 新、柴桑、沙羡六縣爲武昌郡。五月,建業言甘露降。八月,城武昌,下令諸將曰:「夫存不 爲黃初。二年四月,劉備稱帝於蜀。〔1〕權自公安都鄂,改名武昌,以武昌、下雉、尋陽、陽 之法,以德設爵,以功制祿;勞大者祿厚,德盛者禮豐。 大,副孤意焉。」 自魏文帝踐阼,權使命稱藩,及遣于禁等還。 十一月,策命權曰:「蓋聖王 見撫納。南陽陰、酇、筑陽、筑音逐。山都、中廬五縣民五千家來附。冬,魏嗣王稱尊號,改元 二十五年春正月,曹公薨,太子丕代爲丞相魏王,改年爲延康。 故叔旦有夾輔之勳、太公有鷹揚之 秋,魏將梅敷使張儉求

典,以服朕命,以勖相我國家,永終爾顯烈。」「三是歲,劉備帥軍來伐,至巫山、秭歸,使使誘 弓十、兹矢千。 凶醜,罪人斯得,是用錫君鈇鉞各一。君文和於內,武信於外,是用錫君彤弓一、彤矢百、玈 君務財勸農,倉庫盈積,是用錫君袞冕之服,赤鳥副焉。 命。 第一至第五、左竹使符第一至第十,以大將軍使持節督交州,領剌州牧事,錫君青土,苴以 代,坐而待日。惟君天資忠亮,命世作佐,深覩曆數,達見廢興,遠遣行人,浮于潛漢。〔三〕望 導武陵蠻夷, 納陛以登。 軒縣之樂。 白茅,對揚朕命,以尹東夏。其上故驃騎將軍南昌侯印綬符策。今又加君九錫,其敬聽後 石,義蓋山河,朕甚嘉焉。今封君爲吳王,使使持節太常高平侯貞,授君璽綬策書、金虎符 八姓,斯則前世之懿事,後王之元龜也。 朕以不德,承運革命,君臨萬國,秉統天機,思齊先 功,並啓土宇,幷受備物,所以表章元功,殊異賢哲也。近漢高祖受命之初,分裂膏腴以王 風影附,抗疏稱藩,兼納纖絲南方之貢,普遣諸將來還本朝,忠肅內發,款誠外昭,信著金 以君綏安東南,綱紀江外,民夷安業,無或攜貳,是用錫君大輅、戎輅各一,玄牡二駟。 君宣導休風,懷柔百越,是用錫君朱戶以居。 君忠勇並奮,清除姦慝,是用錫君虎賁之士百人。君振威陵邁,宣力剌南,梟滅 假與印傳,許之封賞。 君以忠肅爲基,恭儉爲德,是用錫君秬鬯一卣, 於是諸縣及五谿民皆反爲蜀。權以陸遜爲督,督朱 君化民以德,禮敎興行,是用錫君 君運其才謀,官方任賢,是用錫君 主瓊副焉。 欽哉!敬敷訓

并獻方物。[三立登爲王太子。[4] 于禁而不害,是其仁也;取荆州而兵不血刃,是其智也;據三州虎視於天下,是其雄也; 雄略之主也。」帝問其狀,咨曰:「納魯肅於凡品,是其聰也;拔呂蒙於行陳,是其明也;獲 然、潘璋等以拒之。遣都尉趙咨使魏。魏帝問曰:「吳王何等主也。」咨對曰:「聰明仁智, 屈身於陛下,是其略也。」〔8〕帝欲封權子登,權以登年幼,上書辭封,重遣西曹掾沈珩陳謝,

- [1]魏略曰:權聞魏文帝受禪而劉備稱帝,乃呼問知星者,己分野中星氣何如,遂有僭意。 而以位次尚少,無以威衆, 又欲先卑而後踞之,爲卑則可以假籠,後踞則必致討,致討然後可以怒衆,衆怒然後可以自大,故深絕蜀而專事
- (三)禹賈曰:沈、潛旣道,注曰:「水自江出爲沱,漢爲潛。」
- (三) 紅表傳曰:權羣臣議,以爲宜稱上將軍九州伯,不應受魏封。權曰:「九州伯,於古未聞也。 昔沛公亦受項羽拜爲 漢王,此蓋時宜耳,復何損邪?」遂受之。

國也。 孫盛曰:「昔伯夷、叔齊不屈有周,魯仲連不爲秦民。夫以匹夫之志,循義不辱,況列國之君三分天下,而可二三 其節,或臣或否乎?余觀吳、蜀,咸稱奉漢,至於漢代,莫能固秉臣節,君子是以知其不能克昌厥後,卒見吞於大 向使權從羣臣之議,終身稱漢將,豈不義悲六合,仁感百世哉!」

(四) 吳書曰: 咨字德度, 南陽人, 博聞多識, 應對辯捷, 權爲吳王, 擢中大夫, 使魏。魏文帝善之, 嘲咨曰: 「吳王 學乎?」
答曰:「吳王浮江萬艘,帶甲百萬,任賢使能,志存經略,雖有餘閒,博覽書傳歷史,藉採奇異,不效諸生 頭知

之計,朝廷承漢四百之際,應東南之運,宜改年號,正服色,以應天順民。」權納之。 車載斗量,不可勝數。」各頻載使北、〔魏〕人敬異。 權聞而嘉之,拜騎都尉。 咨言曰:「觀北方終不能守盟,今日 白:「帶甲百萬,江、漢為池,何難之有?」又曰:「吳如大夫者幾人?」

|客曰:「聰明特達者八九十人,如臣之比, **蕁章摘句而已。」帝曰:「吳可征不?」咨對曰:「大國有征伐之兵,小國有備禦之固。」又曰:「吳難魏不?」咨**

[至] 吳書曰: 班字仲山,吳郡人,少綜經藝,尤善春秋內、外傳。 權以所有智謀,能專對, 兼盈;撫養兵民,使各得其所;攬延英俊,獎勵將士,則天下可圖矣。」以奉使有稱,封永安鄕侯,官至少府。 特敵之不我犯,恃我之不可犯,今爲朝廷慮之。且當省息他役,惟務農桑以廣軍資;脩繕舟車,增作戰具,令皆 談語終日。 問:「聞太子當來,寧然乎?」所曰:「臣在東朝,朝不坐,宴不與,若此之議,無所聞也。」 文帝善之,乃引所自近, 嫌魏東向乎?」 珩曰:「不嫌。」曰:「何以?」曰:「信恃舊盟,言歸于好,是以不嫌。 若魏渝盟, 自有豫備。」 又 **珩隨事響應,無所屈服。 珩還言曰:「臣密參侍中劉曄,數爲賊設姦計,終不久罄。臣聞兵家舊論,不** 乃使至魏。 魏文帝問曰:「吳

(云)江表傳曰:是歲魏文帝遣使求雀頭香、大貝、明珠、象牙、犀角、瑇瑁、孔雀、翡翠、鬭鴨、長鳴雞。羣臣奏曰:「荆、揚 所求若此,寧可與言禮哉!」皆具以與之。 何其倒也?』惠子曰:『有人於此,欲擊其愛子之頭,而石可以代之,子頭所重而石所輕也,以輕代重,何爲不可 二州,賈有常典,魏昕求珍玩之物非禮也,宜勿與。」權曰:「昔惠施尊齊爲王,客難之曰:『公之學去尊,今王齊, 方有事於西北,江表元元,恃主爲命,非我愛子邪?彼所求者,於我瓦石耳,孤何惜焉?彼在諒闇之中,而

蜀軍分據險地,前後五十餘營,遜隨輕重以兵應拒,自正月至閏月,大破之,臨陳所斬 黃武元年春正月,陸遜部將軍 宋謙等攻蜀五屯,皆破之,斬其將。 三月,鄱陽言黃龍

吳歷曰:權以使聘魏,具上破備獲印綬及首級、所得土地,並表將吏功勤宜加爵賞之意。 文帝報使,致購子裘、明

光鎧、騑馬,又以素書所作典論及詩賦與權。

吳漢先燒荆門,後發夷陵,而子陽無所逃其死;來歙始襲略陽,文叔喜之,而知隗囂無所施其巧。今討此廣,正似 魏書載詔答曰:「老虜邊窟,越險深入,曠日持久,內迫罷弊,外困智力,故見身於雞頭,分兵擬西陵, 可轉足前迹以搖動江東。 根未著地,推折其支,雖未刳備五臟,使身首分離,其所降誅,亦足使虜部衆兇懼。 其計不過謂

其事,將軍勉建方略,務全獨克。」

郡。 失,皆有本末。朕以不明,雖有曾母投杼之疑,猶冀言者不信,以爲國福。故先遣使者犒 時揚、越蠻夷多未平集,內難未弭,故權卑辭上書,求自改厲,「若罪在難除,必不見置,當奉 恥。 國, 還土地民人,乞寄命交州,以終餘年。」文帝報曰:「君生於擾攘之際,本有從橫之志,降身奉 不受。秋九月,魏乃命曹休、張遼、臧霸出洞口,曹仁出濡須,曹眞、夏侯尙、張郃、徐晃圍南 權遣呂範等督五軍,以舟軍拒休等,諸葛瑾、潘璋、楊粲救南郡,朱桓以濡須督拒仁。 以享茲祚。 初權外託事魏,而誠心不款。魏乃遣侍中辛毗、尙書桓階往與盟誓,幷徵任子,權辭讓 朕之與君,大義已定,豈樂勞師遠臨<u>江漢</u>。 廊廟之議,王者所不得專;三公上君過 自君策名已來,貢獻盈路。討備之功,國朝仰成。埋而掘之,古人之所

吳

數百。十二月,權使太中大夫鄭泉聘劉備于白帝,始復通也。〔8〕然猶與魏文帝相往來,至 船五百、敢死萬人襲攻徐陵,燒攻城車,殺略數千人。將軍全琮、徐盛追斬魏將尹盧,殺獲 權遂改年,臨江拒守。冬十一月,大風,範等兵溺死者數千,餘軍還江南。 世殊時異,人各有心。浩周之還,口陳指麾,益令議者發明衆嫌,終始之本,無所據仗,故 勸君遣子,乃實朝臣交謀,以此卜君,君果有辭,外引隗囂遣子不終,內喻竇融守忠而已。 勞,又遣尙書、侍中踐脩前言,以定任子。君遂設辭,不欲使進,議者怪之。〔三〕又前都尉浩周 壘,不得妄進。若君必效忠節,以解疑議,登身朝到,夕召兵還。此言之誠,有如大江!」〔三〕 遂俛仰從羣臣議。 今省上事,款誠深至,心用慨然,悽愴動容。 卽日下詔,敕諸軍但深溝高 曹休使臧霸以輕

□國語曰:狸埋之,狸掘之,是以無成功。

後年乃絕。

是歲改夷陵爲西陵。

(三)魏略載魏三公奏曰:「臣聞枝大者披心,尾大者不掉,有國有家之所愼也。昔漢承秦弊,天下新定,大國之王,臣 弱王室,希託董桃傳先帝令,乘未得報許,擅取襄陽,及見驅逐,乃更折節。邪辟之態,巧言如流,雖重驛累使,發 帝知權姦以求用,時以于禁敗於水災,等當討溷,因以委權。先帝委裘下席,權不盡心,誠在惻怛,欲因大喪,寡 緒,少蒙翼卵昫伏之恩,長含鴟梟反逆之性,背棄天施,罪惡積大。復與關羽更相覘伺,逐利見便,挾爲卑辭。先 養虺成蛇,旣爲社稷大憂,蓋前事之不忘,後事之師也。吳王孫權,幼豎小子,無尺寸之功,遭遇兵亂,因父兄之 節未盡,以蕭、張之謀不備錄之,至使六王前後反叛,已而伐之,戎車不輟。又文、景守成,忘戰戢役,驕縱吳、楚,

伏累世,詐僞成功,上有尉佗、英布之計,下誦伍被屈彊之辭,終非不侵不叛之臣。 以爲鼂錯不發削弱王侯之謀, 臣請冤權官,鴻臚削爵土,捕治罪。敢有不從,移兵進討,以明國典好惡之常,以靜三州元元之苦。」其十五條, 節萌生,見罪十五。昔九黎亂德,黃帝加誅;項羽罪十,漢祖不捨。權所犯罪覺明白,非仁恩所養,宇宙所容。 文多不載。 則七國同衡,禍久而大;蒯通不決襲歷下之策,則田橫自慮,罪深變重。臣謹考之周禮九伐之法,平權凶惡,逆 **靖力致死之節,以報無量不世之恩。** 南面稱孤,兼官累位,禮備九命,名馬百駟,以成其勢,光籠顯赫,古今無二。權爲犬羊之姿,橫被虎豹之文,不思 遺禁等,內包隗囂顧望之姦,外欲緩誅,支仰蜀賊。 聖朝舍弘,旣加不忍,優而赦之,與之更始,猥乃割地王之,使 臣每見所下權前後章表,又以愚意採察權旨,自以阻帶江湖,負固不服,狃

(三)魏略曰:浩周字孔異,上黨人。建安中仕爲蕭令,至徐州刺史。後領護于禁軍,軍沒,爲關羽所得。 心開目明,不勝其慶。 通。 **阼,威仁流邁,私懼情願未蒙昭察。** 忍遐棄,旣釋其宿罪,且開明信。雖致命虜廷,梟獲關羽,功效淺薄,未報萬一。專業未究,先王卽世。 軍之緒,得爲先王所見獎飾,遂因國恩,撫綏東土。而中閒寡慮,庶事不明,畏威忘德,以取重戾。 願垂明恕,保權所執。 不言而發。先王未深留意,而謂權中間復有異圖,愚情慘慘,用未果決。遂值先王委離國祚,殿下承統,下情始 周 ,甚醴之。及文帝卽王位,權乃遣周,爲牋魏王曰:「昔討關羽,獲于將軍,卽白先王,當發遣之。 公私契闊,未獲備舉,是令本誓未卽昭顯。 權世受籠遇,分義深篤,今日之事,永執一心,惟察僂僂,重垂含覆。」又曰:「先王以權推誠 謹遣浩周、東里袞,至情至實,皆周等所具。」又曰:「權本性空薄,文武不昭, 梁寓來到,具知殿下不遂疏遠,必欲撫錄,追本先緒。權之得此, 梁寓傳命,委曲周至,深知殿下以爲意望。 權之赤心,不敢有他, 此乃奉款之心, 先王恩仁,不 權襲羽,並得 昔承父兄成 欣然踊躍 殿下踐

吳

書

吳主傳第二

欲爲子於京師求婦,此權無異心之明效也。」帝旣信權甘言,且謂周爲得其真,而權但華僞,竟無遣子意。 不能保爾許地也。又今與周書,請以十二月遣子,復欲遣孫長緒、張子布隨子俱來,彼二人皆權股肱心腹也。 之,宜明所以。」於是詔曰:「權前對浩周,自陳不敢自遠,樂委質長爲外臣,又前後辭旨,頭尾擊地,此鼠子 自 白是 叉 知

(图) 江表傳曰:權云:「近得玄德書,已深引咎,求復舊好。 前所以名西爲蜀者,以漢帝尚存故耳,今漢已廢,自可名爲 之後,帝旣彰權罪,周亦見疎遠,終身不用

漢中王 泉曰:「曹操父子陵樂漢室,終奪其位。殿下既爲宗室,有維城之責,不荷戈執殳爲海內率先,而於是自名, 之,使提出付有司促治罪。 泉臨出屢顧,權呼還,笑曰:「卿言不畏龍鱗,何以臨出而顧乎?」對曰:「實恃恩覆, 吳書曰:鄭泉字文淵,陳郡人。博學有奇志,而性嗜酒,其閒居每曰:「願得美酒滿五百斛船,以四時甘脆置兩頭, 天下之議,是以寡君未復書耳。」備甚慚恧。 知無死憂,至當出閣,感惟威靈,不能不顧耳。」 使蜀,劉備問曰:「吳王何以不答吾書,得無以吾正名不宜乎?」 或失禮敬,寧畏龍鱗乎?」對曰:「臣聞君明臣直,今值朝廷上下無諱,實恃洪恩,不畏龍鱗。」後侍讌,權乃怖 反覆沒飮之,憊卽住而啖肴膳。酒有斗升減,隨卽益之,不亦快乎!」權以爲郞中。 泉臨卒,謂同類曰:「必葬我陶家之側,庶百歲之後化而成土, 嘗與之言:「卿好於衆中面諫, 幸見 未合

仁遣將軍常彫等,以兵五千,乘油船,晨渡濡須中州。 一年春正月,曹眞分軍據江陵中州。是月,城江夏山。改四分,用乾象曆。〔〕〕三月,曹 仁子泰因引軍急攻朱桓,桓兵拒之,

吳 害 吳主傳第二 取爲酒壺,實獲我心矣。」

中郎將鄧芝來聘。四 遣將軍嚴圭等擊破彫等。是月,魏軍皆退。夏四月,權羣臣勸卽尊號,權不許。〔三〕 太守,數犯邊境。六月,權令將軍賀齊督糜芳、劉邵等襲蘄春,邵等生廣宗。冬十一月,蜀使 于白帝。〔三〕五月,曲阿言甘露降。先是戲口守將晉宗殺將王直,以衆叛如魏,魏以爲蘄春 劉備薨

(1)江表傳曰:權推五德之運,以爲土行用未祖辰臘。

祀黃精於郊,祖用其盛。今祖用其始,豈應運乎? 远秋曰:土行以辰臘,得其數矣。 土盛於戌,而以未祖,其義非也。 土生於未,故未爲坤初。是以月冷:建未之月,

(三)江表傳曰:權辭讓曰:「漢家堙替,不能存救,亦何心而競乎?」 羣臣稱天命符瑞,固重以請。權未之許,而謂將相 辱而趣其速發,便當與西俱至,一處受敵,於孤爲劇,故自抑按,就其封王。低屈之趣,諸君似未之盡,今故以此 曰:「往年孤以玄德方向西鄙,故先命陸遜選衆以待之。聞北部分,欲以助孤,孤內嫌其有挾,若不受其拜,是相折

相解耳。」

(三)吳書曰:權遣立信都尉馮熙聘于蜀,弔備喪也。熙字子柔,潁川人,馮異之後也。權之爲車騎,熙歷東曹掾,使蜀 熙對曰:「吳王體量聰明,善於任使,賦政施役,每事必咨,敎養賓族,親賢愛士,賞不擇怨仇,而罰必加有罪,臣 熙曰:「臣聞西使直報問,且以觀釁,非有謀也。」又曰:「聞吳國比年災旱,人物彫損,以大夫之明, 皆感恩懷德,惟忠與義。 還,爲中大夫。後使于魏,文帝問曰:「吳王若欲脩宿好,宜當厲兵江關,縣旒巴蜀,而聞復遣脩好,必有變故。」 帶甲百萬,穀帛如山,稻田沃野,民無饑歲,所謂金城湯池,彊富之國也。 以臣慰之, 觀之何如?」 輕 F

還,未至,熈懼見迫不從,必危身辱命,乃引刀自刺。 御者覺之,不得死。 權聞之,垂涕曰:「此與蘇武何異?」 竟 重之分,未可量也。」帝不悅,以陳羣與熈同郡,使羣誘之,啗以重利。熈不爲迴。送至摩陂,欲困苦之。後又召

死於魏。

(四)吳歷曰:蜀致馬二百匹,錦千端,及方物。 自是之後,聘使往來以爲常。 吳亦致方土所出,以答其厚意焉。

三年夏,遣輔義中郎將張溫聘于蜀。秋八月,赦死罪。 九月,魏文帝出廣陵,望大江,

日「彼有人焉,未可圖也」,乃還。〔1〕

(二)干寶晉紀曰:魏文帝之在廣陵,吳人大駭,乃臨江爲疑城,自石頭至于江乘,車以木楨,衣以葦席,加采飾焉,一夕 而成。魏人自江西望,甚憚之,遂退軍。權令趙達算之,曰:「曹丕走矣,雖然,吳衰庚子歲。」權曰:「幾何?」達

屈指而計之,曰:「五十八年。」權曰:「今日之憂,不暇及遠,此子孫事也。」

外,間隙萬端,而長江巨海,皆當防守。不觀釁而動,惟不見便,寧得忘此,復有他圖。」 吳錄曰:是歲蜀主又遣鄧芝來聘,重結盟好。權謂|芝曰:「山民作亂,江邊守兵多徹,慮曹丕乘空弄態, 和。議者以爲內有不暇,幸來求和,於我有利,宜當與通,以自辨定。恐西州不能明孤赤心,用致嫌疑。孤土地邊 而反求

四年夏五月,丞相孫邵卒。〔〕六月,以太常顧雍爲丞相。〔〕皖口言木連理。冬十二月,

鄱陽賊彭綺自稱將軍,攻沒諸縣,衆數萬人。 是歲地連震。 [三]

(二) 吳錄曰:邵字長緒,北海人,長八尺。爲孔融功曹,融稱曰「廊廟才也」。從劉繇於江東。及權統事,數陳便宜, 以爲應納貢聘,權卽從之。拜廬江太守,遷車騎長史。黃武初爲丞相,威遠將軍,封陽羨侯。 張溫、暨豔奏其事,

邵辭位請罪,權釋令復職,年六十三卒。

志林曰:吳之創基,邵爲首相, 傳。項竣、(吳孚) [丁孚]時已有注記,此云與張惠恕不能。後章氏作史,蓋惠恕之黨,故不見書。 史無其傳, 竊常怪之。嘗問劉聲叔。聲叔,博物君子也,云:「推其名位,自應立

(三) 吳書曰:以尚書令陳化爲太常。化字元耀,汝南人,博覽衆書,氣幹剛毅,長七尺九寸,雅有威容。爲郞中令使 於西。」帝笑,無以難,心奇其辭。使畢當還,禮送甚厚。權以化奉命光國,拜犍爲太守,置官屬。頃之, 魏,魏文帝因酒酣,嘲問曰:「吳、魏峙立,誰將平一海內者乎?」 化對曰:「易稱帝出乎震,加聞先哲知命,舊說紫 聞而貴之,以其年壯,敕宗正妻以宗室女,化固辭以疾,權不違其志。年出七十,乃上疏乞骸骨,遂爰居章安,卒 兼尙書令。 蓋黃旗,運在東南。」帝曰:「昔文王以西伯王天下,豈復在東乎?」 化曰:「周之初基,太伯在東,是以文王能興 正色立朝,敕子弟廢田業,絕治產,仰官廩祿,不與百姓爭利。妻早亡,化以古事爲鑒,乃不復娶。權 遷太常,

(三)吳錄曰:是冬魏文帝至廣陵,臨江觀兵,兵有十餘萬,旌旗彌數百里,有渡江之志。 權嚴設固守。 時大寒冰,舟不 得入江。帝見波濤洶涌,歎曰:「嗟乎!固天所以隔南北也!」遂歸。孫韶又遣將高壽等率敢死之士五百人於徑 於家。長子熾,字公熈,少有志操,能計算。衞將軍全琮表稱熾任大將軍,赴召,道卒。

路夜要之,帝大驚,壽等獲副車羽蓋以還。

善。今孤父子親自受田,車中八牛以爲四耦,雖未及古人,亦欲與衆均等其勞也。」秋七月, 外無事,其下州郡,有以寬息。」是時陸遜以所在少穀,表令諸將增廣農畝。權報曰:「甚 五年春,令曰:「軍興日久,民離農畔,父子夫婦,不聽相卹,孤甚愍之。 今北虜縮蠶,方

權聞魏文帝崩,征江夏,圍石陽,不克而還。蒼梧言鳳皇見。分三郡惡地十縣置東安郡,江江 寫科條,使郎中褚逢齎以就遜及諸葛瑾,意所不安,令損益之。是歲,分交州置廣州,俄復 寬政,兵自足用,復用多爲。顧坐自守可陋耳。若不豫調,恐臨時未可便用也。又孤與君 但諂媚取容,雖闇亦所明識也。至於發調者,徒以天下未定,事以衆濟。若徒守江東,脩崇 之箴,所以匡君正主明忠信也。書載『予違汝弼,汝無面從』,孤豈不樂忠言以自裨補邪? 然,但不得已而爲之耳。今承來意,當重諮謀,務從其可。且近臣有盡規之諫,親戚有補察 焉得不有刑罰以威小人乎?此爲先令後誅,不欲使有犯者耳。 君以爲太重者,孤亦何利其 言,不能極陳,求容小臣,數以利聞。」權報曰:「夫法令之設,欲以遏惡防邪,儆戒未然也, 以全琮爲太守,平討山越。冬十月,陸遜陳便宜,勸以施德緩刑,寬賦息調。又云:「忠讜之 分義特異,榮戚實同,來表云不敢隨衆容身苟免,此實甘心所望於君也。」於是令有司盡 而云「不敢極陳」,何得爲忠讜哉?若小臣之中,有可納用者,寧得以人廢言而不採擇乎?

(一) 吳錄曰: 郡治富春也。

[三] 江表傳曰:權於武昌新裝大船,名爲長安,試泛之釣臺圻。時風大盛,谷利令拖工取樊口。權曰:「當張頭取羅 M。」利拔刀向梅工曰:「不取樊口者斬。」工即轉権入樊口,風遂猛不可行,乃還。 權曰:「阿利畏水何怯也?」

吳

利跪曰:「大王萬乘之主,輕於不測之淵,戲於猛浪之中,船樓裝高,邂逅顚危, 奈社稷何?是以利輒敢以死爭。"

權於是貴重之,自此後不復名之,常呼曰俗。

六年春正月,諸將獲彭綺。 閏月,韓當子綜以其衆降魏。

秋八月,權至皖口,使將軍陸遜督諸將大破休於石亭。大司馬呂範卒。 七年春三月,封子慮爲建昌侯。罷東安郡。夏五月,鄱陽太守周魴僞叛,誘魏將曹休。 是歲, 改合浦爲珠

官郡。こ

(1) 江表傳曰:是歲將軍翟丹叛如魏。權恐諸將畏罪而亡,乃下令曰:「自今諸將有重罪三,然後議。」

窮凶極惡,以覆四海,至令九州幅裂,普天無統,民神痛怨,靡所戾止。 醜,荐作姦回,偸取天位。 尉陳震慶權踐位。 函谷關爲界,造爲盟曰:「天降喪亂,皇綱失敍,逆臣乘釁,劫奪國柄,始於董卓,終於曹操, 南郊卽皇帝位,〔〕是日大赦,改年。追尊父破虜將軍堅爲武烈皇帝,母吳氏爲武烈皇后,兄 討逆將軍策爲長沙桓王。吳王太子登爲皇太子。將吏皆進爵加賞。初,興平中,吳中童謠 曰:「黃金車,班蘭耳,闓昌門,出天子。」(三)五月,使校尉張剛、管篤之遼東。 六月,蜀遣衞 黃龍元年春,公卿百司皆勸權正尊號。夏四月,夏口、武昌並言黃龍、鳳凰見。丙申, 權乃參分天下,豫、青、徐、幽屬吳,兗、冀、幷、涼屬蜀。 而叡么麼,尋丕凶蹟,阻兵盜土,未伏厥誅。 昔共工亂象而高辛 及操子丕,桀逆遺 其司州之土,以

館,徵上大將軍陸遜輔太子登,掌武昌留事。 宋人,斯其義也。 聲其罪,宜先分裂,奪其土地,使士民之心,各知所歸。是以春秋晉侯伐衞,先分其田以畀 是糾是殛,俾墜其師,無克祚國。 害吳,則漢伐之。 力一心,同討魏賊,救危恤患,分災共慶,好惡齊之,無或攜貳。 之天府。天高聽下,靈威棐諶,司愼司盟,羣神羣祀,莫不臨之。 動天地,重復結盟,廣誠約誓,使東西士民咸共聞知。故立壇殺牲,昭告神明,再歃加書,副 雖信由中,然分土裂境,宜有盟約。諸葛丞相德威遠著,翼戴本國,典戎在外,信感陰陽,誠 行師,三苗干度而虞舜征焉。今日滅叡,禽其徒黨,非漢與吳,將復誰任。夫討惡翦暴,必 不豔,實居于好。 。且古建大事,必先盟誓,故周禮有司盟之官,尚書有告誓之文,漢之與吳, 各守分土,無相侵犯。 有渝此盟,創禍先亂,違貳不協,慆慢天命,明神上帝是討是督,山川百神 于爾大神,其明鑒之一」秋九月,權遷都建業,因故府不改 傳之後葉,克終若始。凡百之約,皆如載書。信言 若有害漢,則吳伐之;若有 自今日漢、吳既盟之後,戮

| 吳錄載權告天文曰:「皇帝臣權敢用玄牡昭告于皇皇后帝:漢享國二十有四世,歷年四百三十有四,行氣數終, 皇帝位虚,郊祀無主。 秉戎,志在平世,奉辭行罰,舉足爲民。 羣臣將相,州郡百城,執事之人,咸以爲天意已去於漢,漢氏已絕祀於天, ,普天弛絕,率土分崩。孽臣曹丕遂奪神器,丕子叡繼世作慝,淫名亂制。權生於東南,遭值期運,承乾 休徵嘉瑞,前後雜沓,曆數在躬,不得不受。權畏天命,不敢不從,謹擇元日,登壇燎祭,即

吳

_

皇帝位。惟爾有神饗之,左右有吳,永終天祿。」

(三) 昌門,吳西郭門,夫差所作。

|稽東縣人海行,亦有遭風流移至亶洲者。 士萬人浮海求夷洲及亶洲。 人入海,求蓬萊神山及仙藥,止此洲不還。世相承有數萬家,其上人民,時有至會稽貨布,會 一年春正月,魏作合肥新城。 **亶洲在海中,長老傳言秦始皇帝遣方士徐屆將童男童女數千** 韶立都講祭酒,以教學諸子。遣將軍衞溫、諸葛直將甲 所在絕遠,卒不可得至,但得夷洲數千人還。

以軍迎布。冬十月,權以大兵潛伏於阜陵俟之,凌覺而走。 夏,有野蠶成繭,大如卵。 三年春二月,遣太常潘濬率衆五萬討武陵蠻夷。 由拳野稻自生,改爲禾興縣。 衞溫、諸葛直皆以違詔無功,下獄誅。 中郎將孫布詐降以誘魏將王凌,凌 會稽南始平言嘉禾生。

丁卯,大赦,改明年元也。

魏將田豫要擊,斬賀于成山。 嘉禾元年春正月,建昌侯慮卒。三月,遣將軍周賀、校尉裴潛乘海之遼東。 冬十月,魏遼東太守公孫淵遣校尉宿舒、閬中令孫綜稱藩於 秋九月,

權,并獻貂馬。權大悅,加淵爵位。〔一〕

[一] 江表傳曰:是冬,羣臣以權未郊祀,奏議曰:「頃者嘉瑞屢臻,遠國慕義,天意人事,前後備集,宜脩郊祀,以承天 意。」權曰:「郊祀當於土中,今非其所,於何施此?」重奏曰:「普天之下,莫非王土;王者以天下爲家。

典?」復書曰:「伏見漢書郊祀志,匡衡奏徙甘泉河東,郊於長安,言文王郊於酆。」權曰:「文王性謙讓,處諸侯之 文、武郊於酆、鎬,非必土中。」權曰:「武王伐討,即阼於鎬京,而郊其所也。 文王未爲天子,立郊於酆,見何經

位,明未郊也。經傳無明文,匡衡俗儒意說,非典籍正義,不可用也。」

傳無非,恨無辨正之辭,故矯之云。惟,音誰,見漢書音義 典者也。方士以甘泉、汾陰黃帝祭天地之處,故孝武因之,遂立二時。漢治長安,而甘泉在北,謂就乾位,而衡云 以有天下。文王爲王,於義何疑?然則匡衡之奏,有所未盡。按世宗立甘泉、汾陰之祠,皆出方士之言,非據經 俗,而枉之哉?文王雖未爲天子,然三分天下而有其二,伐崇戡黎,祖伊奔告。天旣棄殷,乃眷西顧,太伯三讓, 迄于今。」 言自后稷以來皆得祭天,猶魯人郊祀也。 是以核樸之作,有積燎之薪。 文王郊酆,經有明文, 匡衡豈 籍,乃更不通。 | 毛氏之說云:「堯見天因|邰而生|后稷,故國之於|邰,命使事天。」 故詩曰:「后稷肇祀,庶無罪悔,以 <u>远林曰:吳王糾駮郊祀之奏,追貶匡衡,謂之俗儒。凡在見者,莫不慨然以爲統盡物理,達於事宜。至於稽之典</u> 「武帝居甘泉,祭于南宮」,此旣誤矣。祭汾陰在水之脽,呼爲澤中,而衡云「東之少陽」,失其本意。此自吳事,於

未定而得河右,方之今日,豈復是過?普天一統,於是定矣。書不云乎,『一人有慶,兆民賴 天命,遠遣二使,款誠顯露,章表殷勤,朕之得此,何喜如之!雖湯遇伊尹,周獲呂望,世祖 使持節督幽州領靑州牧遼東太守燕王,久脅賊虜,隔在一方,雖乃心於國,其路靡緣。 今因 上答神祇,下慰民望。是以眷眷,勤求俊傑,將與戮力,共定海內。 苟在同心,與之偕老。今 二年春正月,詔曰:「朕以不德,肇受元命,夙夜兢兢,不遑假寢。 思平世難,救濟黎庶,

吳

遣吏兵數百護送舒、綜,權終不聽。〔三淵果斬隬等,送其首于魏,沒其兵資。 聞斯慶。」三月,遣舒、綜還,使太常脹彌、執金吾許晏、將軍賀達等將兵萬人,金寶珍貨,九 還。〔四〕 征淵,〔三〕尙書僕射薛綜等切諫乃止。是歲, 錫備物,乘海授淵。〔〕舉朝大臣, 其大赦天下,與之更始,其明下州郡,咸使聞知。 自丞相雍已下皆諫,以爲淵未可信,而寵待太厚, 權向合肥新城,遣將軍全琮征六安, 特下燕國,奉宣詔恩,令普天率土備 權大怒, 皆不克 欲自 但

江表傳載權詔曰:「故魏使持節車騎將軍遼東太守平樂侯: 天地失序,皇極不建,元惡大憝, 作害于民, 崩,羣生堙滅,雖周餘黎民,靡有孑遺,方之今日,亂有甚焉。 社 節守太常張彌撿君璽綬策書、金虎符第一至第五、竹使符第一至第十。 齊魯之事,奚足言哉 之。自古聖帝明王,建化垂統,以爵褒德,以祿報功;功大者祿厚,德盛者禮崇。 先,元勳巨績,侔於古人。雖昔寶融背棄隴右,卒占河西,以定光武,休名美實,豈復是過?欽嘉雅尙, 股實欣 繫囚枯木,待時而斃。 水,罔知攸濟。 揚之功,並啓土宇,兼受備物。 方有戎事,典統兵馬,以大將軍曲蓋麾幢,督幽州、青州牧遼東太守如故。今加君九錫, 是以把旄仗鉞,翦除凶虐,自東徂西,靡遑寧處,苟力所及,民無災害。 !詩不云乎,『無言不讎,無德不報』。 惟將軍天姿特達,兼包文武,觀時覩變,審於去就,踰越險阻,顯致赤心,肇建大計,爲天下 今將軍規萬年之計,建不世之略,絕僭逆之虜,順天人之肅,濟成洪業,功無與比 今以幽、青二州十七郡(百)七十縣,封君爲燕王,使持 朕受曆數,君臨萬國,夙夜戰戰,念在弭難, 錫君玄土,苴以白茅,爰契爾龜, 故周公有夾輔之勞, 雖賊虜遺種,未伏辜誅,猶 其敬聽後命。 太師 用錫 若涉淵 海內分 以君

德,明允篤誠,感于朕心,是用錫君秬鬯一卣,珪瓚副焉。 欽哉!敬茲訓典,寅亮天工,相我國家,永終爾休。」 君文和於內,武信於外,禽討逆節,折衝掩難,是用錫君彤弓一、彤矢百、城弓十、城矢千。君忠勤有効, 直錯枉,羣善必舉,是用錫君虎賁之士百人。君戎馬整齊,威震遐方,糾虔天刑,彰厥有罪,是用錫君鈇鉞各一。 嗇人成功,倉庫盈積,官民俱豐,是用錫君袞冕之服,赤鳥副焉。 三世相承,保綏一方,寧集四郡,訓及異俗,民夷安業,無或攜貳,是用錫君大輅、戎輅、玄牡二駟。 君宣導休風,懷保邊遠,遠人迴面,莫不影附,是用錫君朱戶以居。君運其才略,官方任賢,顯 君正化以德,敬下以禮,敦義崇謙,內外咸和,是 君務在勸農, 溫恭爲

- [三] 臣松之以爲權愎諫違衆,信淵意了,非有攻伐之規,重複之慮。 乎?此役也,非惟闇塞,實爲無道。 宣達錫命,乃用萬人,是何不愛其民,昏虐之甚
- (三) 江表傳載權怒曰:「朕年六十,世事難易,靡所不嘗,近爲鼠子所前卻,令人氣湧如山。不自截鼠子頭以擲于海, 無顏復臨萬國。 就令顯沛,不以爲恨。」
- (四) 吳書曰:初,張彌、許晏等俱到襄平,官屬從者四百許人。 草中,相守悲泣。 **疆等皆踰城得走。** |疆等然之。於是陰相約結,當用八月十九日夜發。其日中時,爲部中張松所告,贊便會士衆閉城門。 旦、羣、德、 郡,形勢甚弱。若一旦同心,焚燒城郭,殺其長吏,為國報恥,然後伏死,足以無恨。孰與偷生苟活長爲囚虜乎?」 人。旦等皆舍於民家,仰其飮食。積四十許日,旦與疆等議曰:「吾人遠辱國命,自棄於此,與死亡何異?今觀此 張羣、杜德、黃疆等及吏兵六十人,置玄菟郡。 羣曰:「吾不幸創甚,死亡無日,卿諸人宜速進道,冀有所達。 時羣病疽創著膝,不及輩旅,德常扶接與俱,崎嶇山谷。 玄菟郡在遼東北,相去二百里,太守王贊領戶二百,兼重可三四百 淵欲圖彌、晏,先分其人衆,置遼東諸縣, 行六七百里,創益困,不復能前, **空相守,俱死於窮谷之中,何益** 以中使秦旦 臥

德。 得三十餘人質之,宮於是謝罪,上馬數百匹。宏乃遣咨、固奉詔書賜物與宮。是時宏船小,載馬八十匹而還。 宮,而宮受魏幽州刺史諷旨,令以吳使自效。奉聞之,倒還。宮遣主簿笮咨、帶固等出安平,與宏相見。宏即縛 之,皆拜校尉。閒一年,遣使者謝宏、中書陳恂拜宮爲單于,加賜衣物珍寶。恂等到安平口,先遣校尉陳奉前見 也?」德曰:「萬里流離,死生共之,不忍相委。」於是推旦、疆使前,德獨留守臺,捕菜果食之。旦、疆別數日,得 達句驪(王宮),因宣詔於句驪王宮及其主簿,詔言有賜爲遼東所攻奪。宮等大喜,即受詔,命使人隨旦還迎羣、 其年,宮遣皂衣二十五人送旦等還,奉表稱臣,賈貂皮千枚,鹖雞皮十具。旦等見權, 悲喜不能自勝。 |權 義

冬十一月,太常潘濬平武陵蠻夷,事畢,還武昌。 至壽春,權退還,孫韶亦罷。秋八月,以諸葛恪爲丹楊太守,討山越。九月朔,隕霜傷穀。 蜀相諸葛亮出武功,權謂魏明帝不能遠出,而帝遣兵助司馬宣王拒亮,自率水軍東征。未 權遣陸遜、諸葛瑾等屯江夏、沔口,孫韶、張承等向廣陵、淮陽,權率大衆圍合肥新城。是時 三年春正月,詔曰:「兵久不輟,民困於役,歲或不登。 其寬諸逋,勿復督課。」 夏五月, 韶復曲阿爲雲陽,丹徒爲武進。廬陵賊李

孤所不用,而可得馬,何苦而不聽其交易?」 四年夏,遣呂岱討桓等。秋七月,有雹。 魏使以馬求易珠璣、翡翠、瑇瑁,權曰:「此皆

五年春,鑄大錢,一當五百。 詔使吏民輸銅,計銅界直。 設盜鑄之科。 二月,武昌言甘

露降於禮賓殿。 至於夏。冬十月,彗星見于東方。 輔吳將軍張昭卒。中郎將吾粲獲李桓,將軍唐咨獲羅厲等。自十月不雨, 鄱陽賊彭旦等爲亂。

後吳令孟宗喪母奔赴,已而自拘於武昌以聽刑。陸遜陳其素行,因爲之請,權乃減宗一等, 示以大辟,若故違犯,有罪無赦。以殺止殺,行之一人,其後必絕。」丞相雍奏從大辟。其 本輕所致。忠節在國,孝道立家,出身爲臣,焉得兼之?故爲忠臣不得爲孝子。宜定科文, 異容,而長吏遭喪,知有科禁,公敢干突,苟念聞憂不奔之恥,不計爲臣犯禁之罪,此由科防 犯重之刑。」將軍胡綜議,以爲「喪紀之禮,雖有典制,苟無其時,所不得行。 方今戎事軍國 在遠,苟不告語,勢不得知。比選代之間,若有傳者,必加大辟,則長吏無廢職之負,孝子無 雖嚴刑益設,違奪必少。 若偶有犯者,加其刑則恩所不忍,有減則法廢不行。 愚以爲長吏 得中,詳爲節度。」 家多難,凡在官司,宜各盡節,先公後私,而不恭承,甚非謂也。中外羣僚,其更平議,務令 義斷恩也。前故設科,長吏在官,當須交代,而故犯之,雖隨糾坐,猶已廢曠。方事之殷,國 禮以從宜,要絰而處事。故聖人制法,有禮無時則不行。遭喪不奔非古也,蓋隨時之宜,以 者勉而致之。世治道泰,上下無事,君子不奪人情,故三年不逮孝子之門。至於有事,則殺 六年春正月,詔曰:「夫三年之喪,天下之達制,人情之極痛也; 賢者割哀以從禮,不肖 顧譚議,以爲「奔喪立科,輕則不足以禁孝子之情,重則本非應死之罪,

後不得以爲比,因此遂絕。二月,陸遜討彭旦等,其年,皆破之。冬十月,遣衞將軍全琮襲

當有所先後,各自以不掌民事,不肯便有所陳,悉推之伯言、承明。伯言、承明見禮,泣涕懇 姦罪發露伏誅,權引咎責躬,乃使中書郎袁禮告謝諸大將,因問時事所當損益。 禮還,復有 聖人書策載述最詳者,以爲近事旣嘉,親見又明也。」於是改年。步夫人卒,追贈皇后。 嘉祥者,改年宜以赤鳥爲元。」羣臣奏曰:「昔武王伐紂,有赤鳥之祥,君臣觀之,遂有天下, 六安,不克。諸葛恪平山越事畢,北屯廬江。 謂表裏足以明露,公私分計,足用相保。盡言直諫,所望諸君;拾遺補闕,孤亦望之。昔衞武 猶存,士民勤苦,誠所貫知。 然勞百姓,事不得已耳。 與諸君從事,自少至長,髮有二色,以 難耳;不爾,何緣乃至於此乎?自孤興軍五十年,所役賦凡百皆出於民。天下未定,孽類 過行,明者能自見耳。人之舉措,何能悉中,獨當己有以傷拒衆意,忽不自覺,故諸君有嫌 惻,辭旨辛苦,至乃懷執危怖,有不自安之心。聞此悵然,深自刻怪。何者?夫惟聖人能無 詔責數諸葛瑾、步騰、朱然、呂岱等曰:「袁禮還,云與子瑜、子山、義封、定公相見,並以時事 初,權信任校事呂壹,壹性苛慘,用法深刻。太子登數諫,權不納,大臣由是莫敢言。後壹 有司奏言麒麟者太平之應,宜改年號。詔曰:「閒者赤鳥集於殿前,朕所親見,若神靈以爲 赤鳥元年春,鑄當千大錢。夏,呂岱討廬陵賊,畢,還陸口。秋八月,武昌言麒麟見。

笑。共定大業,整齊天下,當復有誰。凡百事要所當損益,樂聞異計,匡所不逮。」 遺計,事統是非,諸君豈得從容而已哉!同船濟水,將誰與易。齊桓諸侯之霸者耳,有善管 於口,仍執嫌難。以此言之,孤於齊桓良優,未知諸君於管子何如耳?久不相見,因事當 公年過志壯,勤求輔弼,每獨歎責。〔1〕且布衣韋帶,相與交結,分成好合,尙汚垢不異。 今 子未嘗不歎,有過未嘗不諫,諫而不得,終諫不止。今孤自省無桓公之德,而諸君諫諍未出 日諸君與孤從事,雖君臣義存,猶謂骨肉不復是過。榮福喜戚,相與共之。忠不匿情,智無

(二) 江表傳曰:權又云:「天下無粹白之狐,而有粹白之裘,衆之所積也。夫能以駮致純,不惟積乎?故能用衆力, 則

無敵於天下矣;能用衆智,則無畏於聖人矣。」

數萬人。 臨賀太守嚴綱等,自稱平南將軍,與弟潛共攻零陵、桂陽,及搖動交州、蒼梧、鬱林諸郡,衆 女。〔三零陵言甘露降。夏五月,城沙羡。冬十月,將軍蔣秘南討夷賊。秘所領都督廖式殼 一年春行三月,遣使者羊衜、鄭胄、將軍孫怡之遼東,擊魏守將張持、高慮等,虜得男 遣將軍呂岱、唐咨討之,歲餘皆破。

江表傳載權正月韶曰:「郎吏者,宿衞之臣,古之命士也。 閒者所用頗非其人。自今選三署皆依四科**,** 不得以虚

辭相飾。

吳主傳第一

文士傳曰:胃字敬先, 沛國人。父札,才學博達,權爲驃騎將軍,以札爲從事中郎,與張昭、孫邵共定朝儀。 冑其

一四四四

權大怒,召胃還,潘濬、陳表並爲請,得釋。後拜宣信校尉,往救公孫淵,已爲魏所破,還遷執金吾。子豐,字曼季, 少子,有文武姿局,少知名,舉賢良,稍遷建安太守。且壹賓客於郡犯法,胄收付獄,考竟。壹懷恨, 有文學操行,與陸雲善,與雲詩相往反。 司
空
張
華
辟
,
未
就
,
卒
。 後密譖胄。

臣松之聞孫怡者,東州人,非權之宗也。

冬十一月,民饑,詔開倉廩以賑貧窮。 役事擾民者,舉正以聞。」夏四月,大赦,詔諸郡縣治城郭,起譙樓,穿塹發渠,以備盜賊。 穀有損,而吏或不良,侵奪民時,以致饑困。自今以來,督軍郡守,其謹察非法,當農桑時,以 三年春正月,詔曰:「蓋君非民不立,民非穀不生。 頃者以來,民多征役,歲又水旱,年

魏太傅司馬宣王敦樊。 晃等十餘人戰死。車騎將軍朱然圍樊,大將軍諸葛瑾取柤中。〔〕五月,太子登卒。 陂,燒安城邸閣,收其人民。威北將軍諸葛恪攻六安。 四年春正月,大雪,平地深三尺,鳥獸死者大半。夏四月,遣衞將軍全琮略淮南,決芍 六月,軍還。 閏月,大將軍瑾卒。 琮與魏將王凌戰于**芍陂**, 秋八月,陸遜城邾。 中郎將秦 是月

〕漢晉春秋曰:零陵太守殷禮言於權曰:「今天棄曹氏,喪誅累見, 亡,宜滌荆、揚之地,舉疆羸之數,使疆者執戟,羸者轉運,西命益州軍于隴右,授諸葛瑾、朱然大衆,指事襄陽,陸 遜、朱桓別征壽春,大駕入淮陽,歷靑、徐。 襄陽、壽春困於受敵,長安以西務對蜀軍,許、洛之衆勢必分離;掎角 瓦解,民必內應,將帥對向,或失便宜;一軍敗績,則三軍離心, 便當秣馬脂車,陵蹈城邑,乘勝逐北,以定華夏。 虎爭之際而幼童蒞事。 陛下身自御戎, 取亂 侮

若不悉軍動衆,循前輕舉,則不足大用,易於屢退。民疲威消,時往力竭,非出兵之策也。」權弗能用之。

將軍聶友、校尉陸凱以兵三萬討珠崖、儋耳。 孤甚不取。其釋此議。」三月,海鹽縣言黃龍見。 夏四月,禁進獻御,減太官膳。 下未定,民物勞瘁,且有功者或未錄,饑寒者尙未恤,猥割土壤以豐子弟,崇爵位以寵妃妾, 霸爲魯王。 五年春正月,立子和爲太子,大赦,改禾興爲嘉興。 百官奏立皇后及四王,詔曰:「今天 是歲大疫,有司叉奏立后及諸王。 八月,立子 秋七月,遣

相顧雍卒。十二月,扶南王范旃遣使獻樂人及方物。 六年春正月,新都言白虎見。 諸葛恪征六安,破魏將謝順營,收其民人。冬十一月,丞 是歲,司馬宣王率軍入舒,諸葛恪自

可復以此有疑邪?又人家治國,舟船城郭,何得不護?今此閒治軍,寧復欲以禦蜀邪? 在萬里,何知緩急而便出兵乎。昔魏欲入漢川,此閒始嚴,亦未舉動,會聞魏還而止,蜀寧 不然,日:「吾待蜀不薄,聘享盟誓,無所負之,何以致此?又司馬懿前來入舒,旬日便退,蜀 向,不出兵乘虛以掎角之,反委漢中,還近成都。事已彰灼,無所復疑,宜爲之備。」 云:「自蜀還者,咸言欲背盟與魏交通,多作舟船,繕治城郭。 叉蔣琬守漢中,聞司馬懿南 七年春正月,以上大將軍陸遜爲丞相。秋,宛陵言嘉禾生。是歲,步騰、朱然等各上疏 權揆其

吳

言苦不可信,朕爲諸君破家保之。」蜀竟自無謀,如權所籌。〔1〕

〔1〕江表傳載權詔曰:「督將亡叛而殺其妻子,是使妻去夫,子棄父,甚傷義敎,自今勿殺也。」

漂居民二百餘家。秋七月,將軍馬茂等圖逆,夷三族。〔〕八月,大赦。 八年春二月,丞相陸遜卒。夏,雷霆犯宮門柱,又擊南津大橋楹。 茶陵縣鴻水溢出,流 遣校尉陳勳將屯田

及作士三萬人鑿句容中道,自小其至雲陽西城,通會市,作邸閣。

[1] 吳歷曰:茂本淮南鍾離長,而爲王凌所失,叛歸吳,吳以爲征西將軍、九江太守、外部督,封侯,領千兵。 持節稱韶,悉收縛之;茂引兵入苑擊權,分據宮中及石頭塢,遣人報魏。事覺,皆族之。 中,與公卿諸將射。茂與兼符節令朱貞、無難督虞欽、牙門將朱志等合計,伺權在苑中,公卿諸將在門未入,令貞 權數出苑

軍〕呂岱爲上大將軍,威北將軍諸葛恪爲大將軍。〔〕〕 **驃騎**〔將軍〕步騰爲丞相,車騎〔將軍〕朱然爲左大司馬,衞將軍全琮爲右大司馬,鎭南 九年春二月,車騎將軍朱然征魏柤中,斬獲千餘。夏四月,武昌言甘露降。 秋九月,以

(1) 江表傳白:是歲,權韶曰:「謝宏往日陳鑄大錢,云以廣貨,故聽之。 勿復出也。私家有者,敕以輸藏,計畀其直,勿有所枉也。」 今聞民意不以爲便,其省息之,鑄爲器物,官

義作。自己夏五月,丞相步騰卒。冬十月,赦死罪。 十年春正月,右大司馬全踪卒。〔〕二月,權適南宮。 三月,改作太初宮,諸將及州郡皆

- 〔1〕江表傳曰:是歲權遣諸葛壹偽叛以誘諸葛誕,誕以步騎一萬迎壹於高山。 覺而退。 權出涂中,遂至高山,潛軍以待之。 誕
- (11) 江湊傳載權詔曰:「建業宮乃朕從京來所作將軍府寺耳,材柱率細,皆以廢朽,常恐損壞。今未復西,可徙武昌宮 今軍事未已,所在多賦,若更通伐,妨損農桑。徙武昌材瓦,自可用也。」 材瓦,更繕治之。」有司奏言曰:「武昌宮已二十八歲,恐不堪用,宜下所在通更伐致。」權曰:「大禹以卑宮爲美,
- 龍見。 五月,鄱陽言白虎仁。〔三詔曰:「古者聖王積行累善,脩身行道,以有天下,故符瑞應 之,所以表德也。朕以不明,何以臻茲?書云『雖休勿休』,公卿百司,其勉脩所職,以匡不 十一年春正月,朱然城江陵。二月,地仍震。〔1〕三月,宫成。夏四月,雨雹,雲陽言黃
- [一] 江表傳載權詔曰:「朕以寡德,過奉先祀,蒞事不聰,獲譴靈祇,夙夜祗戒,若不終日。 勿有所諱。」 羣僚其各厲精, 思股過失,
- (三) 瑞應圖曰:白虎仁者,王者不暴虐,則仁虎不害也。

十二年春三月,左大司馬朱然卒。四月,有兩鳥銜鵲墮東館。丙寅,驃騎將軍朱據領

丞相,燎鵲以祭。〔〕〕

(一) 吳錄曰:六月戊戌,寶鼎出臨平湖。八月癸丑,白鳩見於章安。

十三年夏五月,日至,熒惑入南斗,秋七月,犯魁第二星而東。八月,丹楊、句容及故

攻西陵,遣將軍戴烈、陸凱往拒之,皆引還。〔1〕是歲,神人授書,告以改年、立后。 爲太子。 遣軍十萬,作堂邑涂塘以淹北道。十二月,魏大將軍王昶圍南郡,<u>荆州刺史王基</u>

(二)庾闡揚都賦注曰:烽火以炬置孤山頭,皆緣江相望,或百里,或五十、三十里,寇至則舉以相告,一夕可行萬里。 孫權時合暮舉火於西陵,鼓三竟,達吳郡南沙。

門飛落。冬十一月,大赦。權祭南郊還,寢疾。〔三〕十二月,驛徵大將軍恪,拜爲太子太傅。 水旱小事,往往有驗。(三)秋八月朔,大風,江海涌溢,平地深八尺,吳高陵松柏斯拔,郡城南 遣婢與其神相聞。秋七月,崇與麦至,權於蒼龍門外爲立第舍,數使近臣齎酒食往。 軍羅陽王印綬迎表。表隨崇俱出,與崇及所在郡守令長談論,崇等無以易。所歷山川, 閒,語言飲食,與人無異,然不見其形。又有一婢,名紡績。是月,遣中書郎李崇齎輔國將 詔省徭役,減征賦,除民所患苦。 太元元年夏五月,立皇后潘氏,大赦,改年。 初臨海羅陽縣有神,自稱王表。 (三周旋民 表說

- (二) 吳錄曰:羅陽今安固縣。
- (三)孫盛曰:盛聞國將興,聽於民;國將亡,聽於神。權年老志衰,讒臣在側,廢適立庶,以妾爲妻,可謂多涼德矣。

而僞設符命,求福妖邪,將亡之兆,不亦顯乎!

(三)吳錄曰:權得風疾。

虎林。二月,大赦,改元爲神鳳。 |年春正月,立故太子和爲南陽王,居長沙;子奮爲齊王,居武昌;子休爲瑯邪王,居 皇后潘氏薨。諸將吏數詣王表請福,表亡去。 夏四月,權

薨,時年七十一,諡曰大皇帝。 秋七月,葬蔣陵。〔1〕

(一) 傅子曰:孫策爲人明果獨斷,勇蓋天下,以父堅戰死,少而合其兵將以報讎,轉鬭千里,盡有江南之地,誅其名豪, 威行鄰國。及權繼其業,有張子布以爲腹心,有陸議、諸葛瑾、步騰以爲股肱,有呂範、朱然以爲爪牙,分任授職 乘閒伺隙,兵不妄動,故戰少敗而江南安。

業。 厥孫謀以燕翼子者哉?其後葉陵遲,遂致覆國,未必不由此也。 🕕 然性多嫌忌,果於殺戮,暨臻末年,彌以滋甚。至于讒說殄行,胤嗣廢斃,〔〕豈所謂貽 評曰:孫權屈身忍辱,任才尙計,有句踐之奇英,人之傑矣。 故能自擅江表,成鼎峙之

(一)馬融注倘書曰:殄,絕也,絕君子之行。

臣松之以爲孫權橫廢無罪之子,雖爲兆亂,然國之傾覆,自由暴晧。 哉?此則喪國由於昏虐,不在於廢黜也。設使亮保國祚,休不早死,則晧不得立。晧不得立,則吳不亡矣。 若權不廢和,時為世適,終至滅亡,有何異

三嗣主傳第三

太子,以全氏爲妃。 心不自安,因倚權意,欲豫自結,數稱述全倘女,勸爲亮納。 |赤鳥十三年,和廢,權遂立|亮爲 孫亮字子明,權少子也。權春秋高,而亮最少,故尤留意。姊全公主嘗譖太子和子母,

滕胤爲太常,並受詔輔太子。 明年四月,權薨,太子即尊號,大赦,改。 是歲,於魏嘉平四 太元元年夏,亮母潘氏立爲皇后。冬,權寢疾,徵大將軍諸葛恪爲太子太傅,會稽太守

年也。

全端守西城,都尉留略守東城。十二月朔丙申,大風雷電,魏使將軍諸葛誕、胡遵等步騎七 萬圍東興,將軍王昶攻南郡,毌丘儉向武昌。甲寅,恪以大兵赴敵。戊午,兵及東興,交戰, 文武在位皆進餧班賞,冗官加等。冬十月,太傅恪率軍遏巢湖,巢晉祖了反。城東興,使將軍 (建興元年) 閏月,以恪爲帝太傅,胤爲衞將軍領尚書事,上大將軍呂岱爲大司馬, 諸·

三嗣主傳第三

一五三

大破魏軍,殺將軍韓綜、桓嘉等。是月,雷雨,天災武昌端門;改作端門,又災內殿。こ

(一)臣松之案"孫權赤烏十年,韶徙武昌宮材瓦,以繕治建康宮,而此猶有端門內殿。

吳錄云:諸葛恪有遷都意,更起武昌宮。今所災者恪所新作。

賞。三月,恪率軍伐魏。夏四月,圍新城,大疫,兵卒死者大半。秋八月,恪引軍還。冬十 月,大饗。武衞將軍孫峻伏兵殺恪於殿堂。大赦。以峻爲丞相,封富春侯。十一月,有大 鳥五見于春申,(明年改)[改明年]元。 二年春正月丙寅,立皇后全氏,大赦。庚午,王昶等皆退。二月,軍還自東興,大行封

五鳳元年夏,大水。秋,吳侯英謀殺峻,覺,英自殺。冬十一月,星茀于斗、牛。〔〕〕

(1) 江表傳曰"是歲交阯稗草化爲稻。

等伏辜。陽羨離里山大石自立。使衞尉馮朝城廣陵,拜將軍吳穰爲廣陵太守,留略爲東海 欽詣峻降,淮南餘衆數萬口來奔。魏諸葛誕入壽春,峻引軍還。二月,及魏將軍曹珍遇于 辰,峻及驃騎將軍呂據、左將軍留贊率兵襲壽春,軍及東興,聞欽等敗。王寅,兵進于橐皋, 使鎭南將軍朱異襲安豐,不克。秋七月,將軍孫儀、張怡、林恂等謀殺峻,發覺,儀自殺,恂 高亭,交戰,珍敗績。留贊爲誕別將蔣班所敗于茲陂,贊及將軍孫楞、蔣脩等皆遇害。三月, 二年春正月,魏鎭東大將軍毌丘儉、前將軍文欽以淮南之衆西入,戰于樂嘉。閏月壬

太守。是歲大旱。十二月,作太廟。以馮朝爲監軍使者,督徐州諸軍事,民饑,軍士怨畔。

等,使取據。冬十月丁未,遣孫憲及丁奉、施寬等以舟兵逆據於江都,遣將軍劉丞督步騎攻 中郎將刁玄告亂于蜀。 封(永康侯)〔永寧侯〕。孫憲與將軍王惇謀殺綝,事覺,綝殺惇,迫憲令自殺。十二月,使五官 聽。癸卯,更以胤爲大司馬,代呂岱駐武昌。據引兵還,欲討綝。綝遣使以詔書告喻欽、咨 怒。己丑,大司馬呂岱卒。壬辰,太白犯南斗。據、欽、咨等表薦衞將軍滕胤爲丞相,綝不 亥,峻卒,以從弟偏將軍綝爲侍中、武衞將軍,領中外諸軍事,召還據等。〔據〕聞綝代峻,大 騎〔將軍〕呂據、車騎〔將軍〕劉纂、鎭南〔將軍〕朱異、前將軍唐咨軍自江都入淮、泗。九月丁 胤兵敗夷滅。己酉,大赦,改年。辛亥,獲呂據於新州。十一月,以綝爲大將軍、假節 太平元年春〔〕二月朔,建業火。峻用征北大將軍文欽計,將征魏。八月,先遣欽及驃

(1) 吳歷曰:正月,爲權立廟,稱太祖廟。

將帥。 亮日:「吾立此軍,欲與之俱長。」日於苑中習焉。(こ 多見難問,又科兵子弟年十八已下十五已上,得三千餘人,選大將子弟年少有勇力者爲之 會稽東部爲臨海郡,豫章東部爲臨川郡。夏四月,亮臨正殿,大赦,始親政事。綝所表奏, 二年春二月甲寅,大雨,震電。乙卯,雪,大寒。以長沙東部爲湘東郡,西部爲衡陽郡,

(1) 吳歷曰:亮數出中書視孫權舊事,問左右侍臣:「先帝數有特制,今大將軍問事,但令我書可邪!」 莫不驚悚 鼠矢,矢裹燥。 亮大笑謂玄、邠曰:「若矢先在蜜中,中外當俱濕,今外濕裹燥,必是黃門所爲。」 黃門首服,左右 方食生梅,使黄門至中藏取蜜漬梅,蜜中有鼠矢,召問藏吏,藏吏叩頭。 亮問吏曰:「黄門從汝求蜜邪?」 吏曰: 「向求,實不敢與。」黃門不服,侍中刁玄、張邠啓:「黃門、藏吏辭語不同,請付獄推盡。」亮曰:「此易知耳。」令破 亮後出西苑,

臣松之以爲鼠矢新者,亦表裏皆濕。黃門取新矢則無以得其姦也,緣遇燥矢,故成亮之慧。然猶謂吳歷此言,不 席,宮席有數,不敢與。」亮曰:「必是此也。」覆問黃門,具首伏。即於目前加髠鞭,斥付外署。 呼吏持餳器入,問曰:「此器旣蓋之,且有掩覆,無緣有此,黃門將有恨於汝邪?」 吏叩頭曰:「嘗從某求宮中莞 如江表傳爲實也

步兵校尉鄭胄、將軍鍾離牧率軍討之。朱異以軍士乏食引還,綝大怒,九月朔己巳,殺異於 史吳綱諸牙門子弟爲質。六月,使文欽、唐咨、全端等步騎三萬救誕。朱異自虎林率衆襲 督,與丁奉等將介士五萬解圍。八月,會稽南部反,殺都尉。鄱陽、新都民爲亂,廷尉丁密、 夏口,夏口督孫壹奔魏。秋七月,綝率衆救壽春,次于鑊里,朱異至自夏口,綝使異爲前部 五月,魏征東大將軍諸葛誕以淮南之衆保壽春城,遣將軍朱成稱臣上疏,又遣子靚、長 辛未,綝自鑊里還建業。甲申,大赦。十一月,全緒子禕、儀以其母奔魏。十二月,

全端、懌等自壽春城詣司馬文王。

與太常全尚,將軍劉丞謀誅綝。 秋七月,封故齊王奮爲章安侯。詔州郡伐宮材。自八月沈陰不雨四十餘日。 會宮門,黜亮爲會稽王,時年十六。 三年春正月,諸葛誕殺文欽。三月,司馬文王克壽春,誕及左右戰死,將吏已下皆降。 九月戊午,綝以兵取尚,遣弟恩攻殺丞於蒼龍門外,召大臣 亮以綝專恣,

見恩。 覺而異之。孫亮廢,己未,孫綝使宗正孫楷與中書郞董朝迎休。休初聞問,意疑,楷、朝具 楊郡。太守李衡數以事侵休,休上書乞徙他郡,詔徙會稽。居數歲,夢乘龍上天,顧不見尾, 邪王,居虎林。四月,權薨,休弟亮承統,諸葛恪秉政,不欲諸王在濱江兵馬之地,徙休於丹 述|| 本語|| 本語,留一日二夜,遂發。十月戊寅,行至曲阿,有老公干休叩頭曰:「事久 下讚奏,丞相奉璽符。 以乘輿法駕迎於永昌亭,築宮,以武帳爲便殿,設御座。己卯,休至,望便殿止住,使孫楷先 變生,天下喁喁,願陛下速行。」休善之,是日進及布塞亭。武衞將軍恩行丞相事,率百僚 孫休字子烈,權第六子。年十三,從中書郎射慈、郎中盛沖受學。太元二年正月,封琅 楷還,休乘辇進,羣臣再拜稱臣。|休升便殿,謙不即御坐,止東廂。 戶曹尚書前卽階 休三讓,羣臣三請。休日:「將相諸侯咸推寡人,寡人敢不承受璽符。」

羣臣以次奉引,休就乘輿,百官陪位,綝以兵千人迎於半野,拜于道側,休下車答拜。 即日,

御正殿,大赦,改元。是歲,於魏甘露三年也。

朝親迎,封爲鄕侯。」 叉詔曰:「丹楊太守李衡,以往事之嫌,自拘有司。 夫射鉤斬袪,在君 縣侯。偏將軍幹雜號將軍、亭侯。長水校尉張布輔導勤勞,以布爲輔義將軍,封永康侯。董 增食五縣。武衞將軍恩爲御史大夫、衞將軍、中軍督,封縣侯。威遠將軍(投)〔據〕爲右將軍、 永安元年冬十月壬午,詔曰:「夫褒德賞功,古今通義。 其以大將軍綝爲丞相、荆州牧,

爲君,遣衡還郡,勿令自疑。」「门己丑,封孫晧爲鳥程侯,晧弟德錢唐侯,謙永安侯。「门 〔一〕襄陽記曰:衡字叔平,本襄陽卒家子也,漢末入吳爲武昌庶民。聞羊衛有人物之鑒,往干之,循曰:「多事之世,尙 母惡我治家,故窮如是。然吾州里有千頭木奴,不責汝衣食,歲上一匹絹,亦可足用耳。」衡亡後二十餘日,兒以 軍,授以棨戟。 北歸,何面見中國人乎?」衡曰:「計何所出?」妻曰:「琅邪王素好善慕名,方欲自顯於天下,終不以私嫌殺君明 以至于此。」遂欲奔魏。妻曰:「不可。君本庶民耳,先帝相拔過重,旣數作無禮,而復逆自猜嫌,逃叛求活,以此 求爲丹楊太守。時孫休在郡治,衡數以法繩之。妻習氏每諫衡,衡不從。會休立,衡憂懼,謂妻曰:「不用卿言, 引見,衡口陳壹姦短數千言,權有愧色。數月,壹被誅,而衡大見顯擢。後常爲諸葛恪司馬,幹恪府事。恪被誅, 書劇曹郎才也。」是時校事呂壹操弄權柄,大臣畏偪,莫有敢言,而曰:「非李衡無能困之者。」遂共薦爲郎。權 可自囚詣獄,表列前失,顯求受罪。如此,乃當逆見優饒,非但直活而已。」衝從之,果得無患,又加威遠將 衡每欲治家,妻輒不聽,後密遣客十人於武陵龍陽汜洲上作宅,種甘橋千株。 臨死,敕兒曰:「汝

督,封布弟惇爲都亭侯,給兵三百人,惇弟恂爲校尉。 百僚朝賀,公卿升殿,詔武士縛綝,卽日伏誅。己巳,詔以左將軍張布討姦臣,加布爲中軍 更奉迎陪位在永昌亭者,皆加位一級。」頃之,休聞綝逆謀,陰與張布圖計。十二月戊辰臘 統煩多,其加衞將軍御史大夫恩侍中,與大將軍分省諸事。」壬子,詔曰:「諸吏家有五人三 議定策告廟人名,依故事應加爵位者,促施行之。」戊戌,詔曰:「大將軍掌中外諸軍事,事 安社稷,卿士內外,咸贊其議,並有勳勞。昔霍光定計,百僚同心,無復是過。亟案前日與 而不違,於是益恣。休恐其有變,數加賞賜。丙申,詔曰:「大將軍忠款內發,首建大計以 人兼重爲役,父兄在都,子弟給郡縣吏,旣出限米,軍出又從,至於家事無經護者,朕甚愍 其有五人三人爲役,聽其父兄所欲留,爲留一人,除其米限,軍出不從。」 叉曰:「諸將 十一月甲午,風四轉五復,蒙霧連日。綝一門五侯皆典禁兵,權傾人主,有所陳述,敬 江表傳曰:羣臣奏立皇后、太子,詔曰:「朕以寡德,奉承洪業,蒞事日淺,恩澤未敷,加后妃之號,嗣子之位,非所 白 急也。」有司又固請,休謙虛不許 家道殷足。 家」。 .母,母曰:「此當是種甘楠也,汝家失十戶客來七八年,必汝父遣爲宅。汝父恆稱太史公言,『江陵千樹橘,當封 吾答曰:『且人惠無德義,不患不富,若貴而能貧,方好耳,用此何爲!』」與末,衡甘橋成,歲得絹數千匹, 晉咸康中,其宅址枯樹猶在。

第,加以位賞。 使見之者樂其榮,聞之者羨其譽。 以敦王化,以隆風俗。」 民頗以目前趨務,去本就末,不循古道。夫所尙不惇,則傷化敗俗。其案古置學官,立五經博 士,核取應選,加其籠祿;科見吏之中及將吏子弟有志好者,各令就業。 一歲課試,差其品 詔曰:「古者建國,敎學爲先,所以道世治性,爲時養器也。 自建興以來,時事多故,吏

諸卿尙書,可共咨度,務取便佳。田桑已至,不可後時。事定施行,稱朕意焉。」 未可卒致,漢文升平,庶幾可及。及之則臣主俱榮,不及則損削侵辱,何可從容俯仰而已。 愛身重命,不犯科法,然後刑罰不用,風俗可整。 以羣僚之忠賢,若盡心於時,雖太古盛化, 廣開田業,輕其賦稅,差科彊羸,課其田畝,務令優均,官私得所,使家給戶贍,足相供養,則 下,良田漸廢,見穀日少,欲求大定,豈可得哉?亦由租入過重,農人利薄,使之然乎!今欲 民不爲非者,未之有也。自頃年已來,州郡吏民及諸營兵,多違此業,皆浮船長江,賈作上 實,知禮節;衣食足,知榮辱。』夫一夫不耕,有受其饑,一婦不織,有受其寒;饑寒並至而 興食。今欲偃武修文,以崇大化。 推此之道,當由士民之贍,必須農桑。 管子有言:『倉廩 二年春正月,震電。 三月,備九卿官,詔曰:「朕以不德,託于王公之上,夙夜戰戰,忘寢

天子,而|亮宮人告|亮使巫禱祠,有惡言。 有司以聞,黜爲候官侯,遣之國。 道自殺,衞送者 三年春三月,西陵言赤烏見。秋,用都尉嚴密議,作浦里塘。會稽郡謠言王亮當還爲

伏罪。(二)以會稽南部爲建安郡,分宜都置建平郡。(三)

(一) 吳錄曰:或云休鴆殺之。至晉太康中,吳故少府丹楊戴顒迎亮喪,葬之賴鄉。

(三)吳歷曰:是歲得大鼎於建德縣。

民所疾苦,爲黜陟之詔。〔〕九月,布山言白龍見。是歲,安吳民陳焦死,埋之,六日更生,穿 四年夏五月,大雨,水泉涌溢。秋八月,遣光祿大夫周奕、石偉巡行風俗,察將吏淸濁,

土中出。

[一] 楚國先賢傳曰:石偉字公操,南郡人。少好學,脩節不怠,介然獨立,有不可奪之志。 遠涉,其以偉爲議郎,加二千石秩,以終厥世。」偉遂陽狂及盲,不受晉爵。年八十三,太熈元年卒。 王戎親詣偉。 孫休卽位,特徵偉,累遷至光祿勳。及晧卽位,朝政昏亂,偉乃辭老耄痼疾乞身,就拜光祿大夫。吳平,建威將軍 太康二年,詔曰:「吳故光祿大夫石偉,秉志清白,皓首不渝,雖處危亂,廉節可紀。 舉茂才、賢良方正,皆不就。 年已過邁,不堪

舍書。休欲與博士祭酒韋曜、博士盛沖講論道藝,曜、沖素皆切直,布恐入侍,發其陰失,令 省,興關軍國。 乙酉,立皇后朱氏。戊子,立子電爲太子,大赦。〔〕冬十月,以衞將軍濮陽興爲丞相,廷尉 丁密、光祿勳孟宗爲左右御史大夫。休以丞相興及左將軍張布有舊恩,委之以事,布典宮 五年春二月,白虎門北樓災。秋七月,始新言黃龍見。八月壬午,大雨震電,水泉涌溢。 休銳意於典籍,欲畢覽百家之言,尤好射雉,春夏之間常晨出夜還,唯此時

吳書

三嗣主傳第三

學也。 復使冲等入。是歲使察戰到交趾調孔爵、大豬。 初休爲王時,布爲左右將督,素見信愛,及至踐阼,厚加寵待,專擅國勢,多行無禮, 知。 短,懼曜、沖言之,故尤患忌。休雖解此旨,心不能悅,更恐其疑懼,竟如布意,廢其講業,不 孤也,良所不取。」布拜表叩頭,休答曰:「聊相開悟耳,何至叩頭乎!如君之忠誠,遠近所 以爲不宜,是以孤有所及耳。政務學業,其流各異,不相妨也。不圖君今日在事,更行此於 重自序述,又言懼妨政事。。休答曰:「書籍之事,患人不好,好之無傷也。 事,孤已自備之,不須曜等然後乃解也。此都無所損,君意特有所忌故耳。」布得詔陳謝, 姦臣賊子,古今賢愚成敗之事,無不覽也。今曜等入,但欲與論講書耳,不爲從曜等始更受 往者所以相感,今日之巍巍也。詩云:『靡不有初,鮮克有終。』 縱復如此,亦何所損?君特當以曜等恐道臣下姦變之事,以此不欲令入耳。如此之 終之實難,君其終之。」 此無所爲非,而君 自嫌瑕

(二) 吳錄載休詔曰:「人之有名,以相紀別,長爲作字,憚其名耳。 兄猶非,自爲最不識。孤今爲四男作名字:太子名靈,靈音如湖水灣澳之灣,字菡,菡音如迄今之迄; 次子名翼, 人競作好名好字,又令相配,所行不副,此瞽字伯明者也,孤嘗晒之。 或師友父兄所作,或自己為; 師友尙可,父 禮,名子欲令難犯易避,五十稱伯仲,古或一字。今

晉如褒衣下寬大之褒,字發,發晉如有所擁持之擁。 此都不與世所用者同,故鈔舊文會合作之。 夫書八體損益,

因 事而生,今造此名字,旣不相配,又字但一,庶易棄避,其普告天下,使咸聞知。」

哉 臣 !休欲令難犯,何惠無名,而乃造無況之字,制不典之音,違明誥於前脩,垂嗤騃於後代,不亦異乎!是以墳土 松之以爲傳稱「名以制義,義以出禮,禮以體政,政以正民。是以政成而民聽,易則生亂」。斯言之作,豈虛也

未乾而妻子夷滅。師服之言,於是乎徵矣。

(三) 臣松之按:察戰吳官名號,今揚都有察戰巷。

降魏 魏壽春,將軍留平別詣施績於南郡,議兵所向,將軍丁封、孫異如沔中,皆救蜀。 以魏見伐來告。癸未,建業石頭小城火,燒西南百八十丈。甲申,使大將軍丁奉督諸軍向 手工千餘人送建業,而察戰至,恐復見取,故興等因此扇動兵民,招誘諸夷也。冬十月, 六年夏四月,泉陵言黃龍見。五月,交阯郡吏呂興等反,殺太守孫諝。 問至, 然後罷。 呂興旣殺孫諝,使使如魏,請太守及兵。 丞相興建取屯田萬人以爲 **諝先是科郡上** 蜀主劉禪 蜀

兵。分武陵為天門郡。[]

(1)吳歷曰:是歲靑龍見於長沙,白燕見於慈胡,赤雀見於豫章

盛曼,率衆圍蜀巴東守將羅憲。 七年春正月,大赦。二月,鎭軍〔將軍〕陸抗、撫軍〔將軍〕步協、征西將軍留平、建平太守 夏四月,魏將新附督王稚浮海入句章,略長吏(賞林)(貲財)

及男女二百餘口。 將軍孫越徼得一船,獲三十人。秋七月,海賊破海鹽,殺司鹽校尉駱秀。

吳 書 三嗣主傳第三

以救羅憲,陸抗等引軍退。復分交州置廣州。壬午,大赦。癸未,休薨,〔〕時年三十,諡曰 使中書郞劉川發兵廬陵。 豫章民張節等爲亂,衆萬餘人。魏使將軍胡烈步騎二萬侵西陵,

景皇帝。〔三〕

[11] 葛洪抱朴子曰:吳景帝時,戍將於廣陵掘諸冢,取版以治城,所壞甚多。復發一大冢,內有重閣,戶扇皆樞轉可開 (二) 江表傳曰:休寢疾,口不能言,乃手書呼丞相濮陽與入,令子輩出拜之。 休把與臂,而指量以託之。

母厚尺許,以白玉璧三十枚藉尸。兵人輩共舉出死人,以倚冢壁。有一玉長一尺許,形似冬瓜,從死人懷中透出 石壁,言殿中將軍,或言侍郎、常侍。似公主之冢。 破其棺,棺中有人,髮已班白,衣冠鮮明,面體如生人。 棺中雲 閉,四周爲徼道通車,其高可以乘馬。又鑄銅爲人數十枚,長五尺,皆大冠朱衣,執劍列侍靈座,皆刻銅人背後

堕地。

兩耳及鼻孔中,皆有黃金如棗許大,此則骸骨有假物而不朽之效也

婦人,安知社稷之慮,苟吳國無隕,宗廟有賴可矣。」於是遂迎立階,時年二十三。改元,大 法度,屢言之於丞相濮陽興、左將軍張布。 景養相皓當大貴,皓陰喜而不敢泄。休薨,是時蜀初亡,而交阯攜叛,國內震懼,貪得長君。 左典軍萬彧昔爲鳥程令,與晧相善,稱晧才識明斷,是長沙桓王之疇也,又加之好學,奉遵 孫晧字元宗,權孫,和子也,一名彭祖,字晧宗。孫休立,封晧爲烏程侯,遣就國。西湖民 興、布說休妃太后朱,欲以晧爲嗣。 朱曰:「我寡

赦。是歲,於魏咸熙元年也。

暴驕盈,多忌諱,好酒色,大小失望。興、布竊悔之。或以譖晧,十一月,誅興、布。十二月, 中,諸增位班賞,一皆如舊。九月,貶太后爲景皇后,追諡父和日文皇帝,尊母何爲太后。十 晉文帝爲魏相國,遣昔吳壽春城降將徐紹、孫彧銜命齎書,陳事勢利害,以申喩晧。〔三〕 孫休葬定陵。封后父滕牧爲高密侯,曰。舅何洪等三人皆列侯。是歲,魏置交阯太守之郡。 月,封休太子電爲豫章王,次子汝南王,次子梁王,次子陳王,立皇后滕氏。〔1〕晧旣得志,麤 元興元年八月,以上大將軍施績、大將軍丁奉爲左右大司馬,張布爲驃騎將軍,加侍

- (一) 江表傳曰: 時初立,發優詔,恤士民,開倉廩,振貧乏,科出宮女以配無妻,禽獸擾於苑者皆放之。當時翕然稱爲
- [三] 吳歷曰:牧本名密,避丁密,改名牧,丁密避牧,改名爲固。
- (=) 漢晉春秋載晉文王與晧書曰:「聖人稱有君臣然後有上下禮義,是故大必字小,小必事大,然後上下安服,羣生獲 心,坐以待旦。將欲止戈興仁,爲百姓請命,故分命偏師,平定蜀漢,役未經年,全軍獨克。于時猛將謀夫,朝臣 徑四郡 庶士,咸以奉天時之宜,就旣征之軍,藉吞敵之勢,宜遂回旗東指,以臨吳境。 僕備位宰輔,屬當國重。唯華夏乖殊,方隅圮裂,六十餘載,金革亟動,無年不戰,暴骸喪元,困悴罔定,每用悼 逮至末塗,純德旣毀,剿民之命,以爭疆於天下,違禮順之至理,則仁者弗由也。 ,兼成都之械,漕巴漢之粟,然後以中軍整族,三方雲會,未及浹辰,可使江表底平,南夏順軌。然國朝深惟 舟師泛江,順流而下,陸軍南轅,取 方今主上聖明,覆幬無外,

稱於後世者,非智者之所居也。今朝廷遣徐紹、孫彧獻書喻懷,若書御於前,必少留意,回慮革算,結歡弭 興之理,近鑒西蜀安危之效,隆德保祚,去危卽順,屈己以寧四海者,仁哲之高致也;履危偷安,隕德覆祚, 伐蜀之舉,雖有靜難之功,亦悼蜀民獨罹其害,戰於縣竹者,自元帥以下並受斬戮,伏尸蔽地,血流丹野。 前,猶追恨不忍,沉重之於後乎?是故旋師按甲,思與南邦共全百姓之命。 一家,惠矜吳會,施及中土,豈不泰哉!此昭心之大願也,敢不承受。若不獲命,則普天率土,期於大同, 夫料力忖勢,度資量險,遠考古昔廢 兵, 雖重 之於 而 共 不

陟、璆至洛,遇晉文帝崩,十一月,乃遣還。 南部爲始興郡。 復追殺大者二人。九月,從西陵督步闡表,徙都武昌,御史大夫丁固、右將軍諸葛靚鎭建業。 后朱氏,亡不在正殿,於苑中小屋治喪,衆知其非疾病,莫不痛切。又送休四子於吳小城,尋 安,始有白紹稱美中國者故也。 今遣光祿大夫紀陟、五官中郎將<u>弘</u>璆宣明至懷。」〔1〕紹行到濡須,召還殺之,徙其家屬建 至矣。孤以不德,階承統緒,思與賢良共濟世道,而以壅隔未有所緣,嘉意允著,深用依依。 甘露元年三月, 皓遣使隨紹、彧報書曰: 「知以高世之才, 處宰輔之任, 漸導之功, 勤亦 干戈,固不獲已也。」 十二月,晉受禪 夏四月,蔣陵言甘露降,於是改年大赦。秋七月,晧逼殺景 **晧至武昌**,又大赦。 以零陵南部爲始安郡,桂陽

〔一〕江表傳曰:"晧書兩頭言白,稱名言而不著姓。

吳錄曰: 陟字子上, 丹楊人。初爲中書郎, 孫峻使詰南陽王和, 令其引分。 陟密使令正辭自理, 峻怒。 陟懼, 閉門

不出。 孫休時,父亮爲尚書令,而陟爲中書令,每朝會,詔以屛風隔其座。 出爲豫章太守。

乎?」陟曰:「此軍人騎士肆業所及,士大夫君子未有爲之者矣。」布大慚。既至,魏帝見之,使儐問曰:「來時吳王 某者匈奴單于也。」陟曰:「西主失土,爲君王所禮,位同三代,莫不感義,匈奴邊塞難羈之國,君王懷之,親在坐 何如?」 陟對曰:「來時皇帝臨軒,百寮陪位,御膳無恙。」 晉文王饗之,百寮舉會,使儐者告曰:「某者安樂公也, 干寶晉紀曰:陟、璆奉使如魏,入境而問諱,入國而問俗。 文王善之,厚爲之禮。 席,此誠威恩遠著。」又問:「吳之戍備幾何?」對曰:「自西陵以至江都,五千七百里。」又問曰:「道里甚遠,難 對曰:「疆界雄遠,而其險要必爭之地,不過數四,猶人雖有八尺之驅膽不受患,其護風寒亦數處耳。」 壽春將王布示之馬射,旣而問之曰:「吳之君子亦能斯

臣松之以爲人有八尺之體靡不受患,防護風寒豈唯數處?取譬若此,未足稱能。若曰譬如金城萬雉,所急防者 四門而已。 方陟此對,不猶愈乎!

吳錄曰:時以諸父與和相連及者,家屬皆徙東治,唯陟以有密旨,特封子學都亭侯。 学弟瞻,字思遠,入仕晉驃騎 將軍。弘璆,曲阿人,弘咨之孫,權外甥也。璆後至中書令、太子少傅。

使求親,欲息兵役,不可謂其求援於我。今敵形勢方彊,而欲徼幸求勝,未見其利也。」車 已而用之耳,且三國鼎立已來,更相侵伐,無歲寧居。今彊敵新幷巴蜀,有兼土之實,而遣 說皓曰:「北方守戰之具不設,弋陽可襲而取。」皓訪羣臣,鎭西大將軍陸凱曰:「夫兵不得 實鼎元年正月,遣大鴻臚張儼、五官中郎將丁忠弔祭晉文帝。及還,儼道病死。〔1〕忠

改年,大赦。 以陸凱爲左丞相,常侍萬彧爲右丞相。 冬十月,永安山賊施但等聚衆數千人, 比至建業,衆萬餘人。 丁固、諸葛靚

以零陵北部爲邵陵郡。 逆之於牛屯,大戰,但等敗走。獲謙,謙自殺。〔三〕分會稽爲東陽郡,分吳、丹楊爲吳興郡。〔四〕 十二月,晧還都建業,衞將軍滕牧留鎭武昌。

(二) 吳錄曰: 儼字子節, 吳人也。 軍賈充、尚書令裴秀、侍中荀勖等欲傲以所不知而不能屈。尚書僕射羊祜、尚書何楨並結縞帶之好。 爲有出境之才,故相屈行。」對曰:「皇皇者華,蒙其榮耀,無古人延譽之美,磨厲鋒鍔,思不辱命。」 弱冠知名,歷顯位, 以博聞多識, 拜大鴻臚。 使於晉, 皓謂儼曰:「今南北 旣至, 車騎將 通好,以君

(三)吳錄曰:永安今武康縣也。

以

厭

前

氣

(三) 漢晉春秋曰:初望氣者云荆州有王氣破揚州而建業宮不利,故階徙武昌,遣使者發民掘荆州界大臣名家家與山 出 連者以厭之。 既聞但反,自以為徙土得計也。 使數百人鼓譟入建業,殺但妻子,云天子使荆州兵來破揚州賊,

晧詔曰:「古者分土建國,所以褒賞賢能,廣樹藩屏。 立郡以鎮山越,且以藩衞明陵,奉承大祭,不亦可乎!其亟分此九縣爲吳興郡,治爲程。」 蓋 無常 數也。 今吳郡陽羨、永安、餘杭、臨水及丹楊故鄣、安吉、原鄉、於潛諸縣,地勢水流之便,悉注鳥程,旣宜 秦毀五等爲三十六郡,漢室初興,闓立乃至百王,因事制宜,

一年春,大赦。 右丞相萬彧上鎭巴丘。 夏六月,起顯明宮,江之冬十二月,皓移居之。是

歲,分豫章、廬陵、長沙爲安成郡。

(1)太康三年地記曰"吳有太初宮,方三百丈,權所起也。 昭明宮方五百丈,晧所作也。 避晉諱,故曰顯明。

吳歷云:顯明在太初之東。

以億萬計。陸凱固諫,不從。

合肥。是歲,遣交州刺史劉俊、前部督脩則等入擊交趾,爲晉將毛炅等所破,皆死,兵散還 三年春二月,以左右御史大夫丁固、孟仁爲司徒、司空。(1)秋九月,晧出東關,丁奉至

合浦

(1) 吳書曰:初,固爲尙書,夢松樹生其腹上,謂人曰:「松字十八公也,後十八歲,吾其爲公乎!」 卒如夢焉。

陸凱卒。 建衡元年春正月,立子瑾爲太子,及淮陽、東平王。冬十月,改年,大赦。十一月,左丞相 遣監軍虞汜、威南將軍薛珝、蒼梧太守陶璜由荆州,監軍李勖、督軍徐存從建安海

道,皆就合浦擊交趾。

家,死者七百人。夏四月,左大司馬施績卒。殿中列將何定曰:「少府李勖枉殺馮斐,擅徹 二年春,萬彧還建業。 李勖以建安道不通利,殺導將馮斐,引軍還。三月,天火燒萬餘

軍退還。」勖及徐存家屬皆伏誅。秋九月,何定將兵五千人上夏口獵。都督孫秀奔晉。

歲大赦。

明年元。

歲,汜、璜破交阯,禽殺晉所置守將,九眞、日南皆還屬。〔三大赦,分交阯爲新昌郡。 諸將破 扶嚴,置武平郡。以武昌督范愼爲太尉。右大司馬丁奉、司空孟仁卒。〔三〕西苑言鳳凰集,改 三年春正月晦,晧舉大衆出華里,晧母及妃妾皆行,東觀令華覈等固爭,乃還。〔〕是

[一] 江表傳曰: 初丹楊刁玄使蜀,得司馬徽與劉廙論運命曆數事。 其母妻子及後宮數千人,從牛渚陸道西上,云靑蓋入洛陽,以順天命。行遇大雪,道塗陷壞,兵士被甲持仗,百人 有天下者,荆、揚之君乎!」 又得中國降人,言壽春下有童謠曰「吳天子當上」。 "時聞之,喜曰:「此天命也。」卽載 共引一車,寒凍殆死。 兵人不堪,皆曰:「若遇敵便當倒戈耳。」 "時聞之,乃還。 玄詐增其文以誑國人曰:「黃旗紫蓋見於東南,終

[三]漢晉春秋曰:初霍弋遣楊稷、毛炅等戍,與之誓曰:「若賊圍城,未百日而降者,家屬誅;若過百日而城沒者,刺史 受其罪。」稷等日未滿而糧盡,乞降於璜。 糧盡,然後乃受, 使彼來無罪, 而我取有義, 璜不許,而給糧使守。吳人並諫,璜曰:「霍弋已死,無能來者,可須其 内訓吾民, 外懷鄰國,不亦可乎!」稷、艮糧盡, 救不至, 乃納

華陽國志曰:稷,犍爲人。 艮,建寧人。 稷等城中食盡,死亡者半,將軍王約反降,吳人得入城,獲稷、艮,皆囚之。 孫皓使送稷下都,稷至合浦,歐血死。 晉追贈交州刺史。 初,毛炅與吳軍戰,殺前部督脩則。 陶璜等以 灵壯勇,

之。

降。 何定姦穢發聞,伏誅。 2 闡及同計數十人皆夷三族。 鳳皇元年秋八月,徵西陵督步闡。闡不應,據城降晉。 爲賊?」 , 吳錄曰: 仁字恭武, 江夏人也, 本名宗, 避晧字, 易焉。少從南陽李肅學。其母爲作厚耨大被, 或問其故, 母曰: 「小 累遷光祿勳,遂至公矣。 復使爲官,蓋優之也。 欲赦之。 稍知之,除爲監池司馬。 騎將軍朱據軍吏,將母在營。旣不得志,又夜雨屋漏,因起涕泣,以謝其母,母曰:「但當勉之,何足泣也?」據亦 兒無德致客,學者多貧,故爲廣被,庶可得與氣類接也。」其讀書夙夜不懈,肅奇之,曰:「卿宰相器也。」 乃斬之。 <u>,楚國先賢傳曰:宗母嗜筍,冬節將至。時筍尚未生,宗入竹林哀嘆,而筍爲之出,得以供母,皆以爲至孝之所致感。</u> 遷吳令。 吳人生剖其腹,尤割其心肝,駡曰:「庸復作賊?」 炅猶駡不止,曰:「尚欲斬汝孫晧,汝父何死狗也!」 而則子尤固求殺灵,灵亦不爲蹟等屈,璜等怒,面縛灵詰之,曰:「晉(兵)賊!」 時皆不得將家之官,每得時物,來以寄母,常不先食。 階以其惡似張布,追改定名爲布。(II) 自能結網,手以捕魚,作鮓寄母,母因以還之,曰:「汝爲魚官,而以鮓寄我,非避嫌也。」 大赦。 是歲右丞相萬彧被 及聞母亡,犯禁委官,語在權傳。 此與漢晉春秋所說不同 遣樂鄉都督陸抗圍取闡,闡衆悉 **《譴憂死,徙其子弟於廬陵。**〔1〕 **炅厲聲曰**「吳狗, 特爲減死一等,

初為驃

(一)江表傳曰:初晧游華里,彧與丁奉、留平密謀曰:「此行不急,若至華里不歸,社稷事重,不得不自還。」 時聞知,以彧等舊臣,且以計忍而陰銜之。後因會,以毒酒飲彧,傳酒人私滅之。 又飲留平,平覺之,服他藥以解, 此語頗泄。

吳

三嗣主傳第三

得不死。|彧自殺。|平憂懑,月餘亦死。

(三) 江表傳曰:定,汝南人,本孫權給使也,後出補吏。 定又使諸將各上好犬,皆千里遠求,一犬至直數千匹。御犬率具纓,直錢一萬。一犬一兵,養以浦兔供廚。所獲 酤糴事,專爲威福。 而皓信任,委以衆事。 定為子求少府李勖女,不許。定挾忿譖勖於時,時尺口誅之, 定佞邪僭媚,自表先帝舊人,求還內侍,階以爲樓下都尉,典知 焚其尸。

無幾。吳人皆歸罪於定,而晧以爲忠勤,賜爵列侯。

吳歷曰:中書郎奚熙譖宛陵令賀惠。 惠,劭弟也。 遣使者徐粲訊治,熙又譖粲顧護不即決斷。 **皓遣使就宛陵斬**

一级,收惠付獄。 會赦得免。

陳留 其身於四望之下。是歲,太尉范愼卒。 中郎將陳聲,素晧幸臣也,恃晧寵遇,繩之以法。 、章陵等九王,凡十一王,王給三千兵。大赦。 問愛妾或使人至市劫奪百姓財物,司市 一年春三月,以陸抗爲大司馬。 司徒丁固卒。秋九月,改封淮陽爲魯,東平爲齊,又封 妾以愬畔,晧大怒,假他事燒鋸斷聲頭,投

曲殺熙,送首建業,夷三族。秋七月,遣使者二十五人分至州郡,科出亡叛。大司馬陸抗卒。 但白熙書,不白妖言,送付建安作船。〔〕遣三郡督何植收熙,熙發兵自衞,斷絕海道。 三年,會稽妖言章安侯奮當爲天子。 臨海太守奚熙與會稽太守郭誕書,非論 國政。 照部

(一) 會稽邵氏家傳曰:邵疇字溫伯,時爲誕功曹。 誕被收,惶遽無以自明。 職進曰:「疇今自在,疇之事,明府何憂?

自改年及是歲,連大疫。分鬱林爲桂林郡

夬 書 三嗣 主傳第三

興,干國亂紀,疇以噂喈之語,本非事實,雖家誦人詠,不足有慮。天下重器,而匹夫橫議,疾其醜聲,不忍聞見, 於疇。謹不敢逃死,歸罪有司,唯乞天鑒,特垂淸察。」 東收疇喪,得辭以聞,晧乃免誕大刑,送付建安作船。 疇亡 欲含垢藏疾,不彰之翰筆,鎭躁歸靜,使之自息。愚心勤勤,每執斯旨,故誕屈其所是,默以見從。 辭曰:「疇生長邊陲,不閑敎道,得以門資,廁身本郡,踰越儕類,位極朝右,不能贊揚盛化,養之以福。 遂詣東自列,云不白妖言,事由于己,非府君罪。 吏上疇辭,晧怒猶盛。 疇慮誕卒不免,遂自殺以證之。 此之爲愆,實由 今妖訛横 臨亡,置

時,年四十。

時嘉疇節義,詔郡縣圖形廟堂。

遣兼司徒董朝、兼太常周處至陽羨縣,封禪國山。(明年改)〔改明年〕元,大赦,以協石文。 是改年,大赦。會稽太守庫浚、湘東太守張詠不出算緡,就在所斬之,徇首諸郡。〔1〕秋八月, 湖開,天下平。 天子,四世治,太平始」。〔三〕又吳興陽羨山有空石,長十餘丈,名曰石室,在所表爲大瑞。 京下督孫楷降晉。鄱陽言歷陽山石文理成字,凡二十,云「楚九州渚,吳九州都,楊州士,作 天璽元年,吳郡言臨平湖自漢末草穢壅塞,今更開通。長老相傳,此湖塞,天下亂,此 天册元年,吳郡言掘地得銀,長一尺,廣三分,刻上有年月字,於是大赦,改年。 。又於湖邊得石函,中有小石,青白色,長四寸,廣二寸餘,刻上作皇帝字,於

有所諫,時使人以刀環撞殺之,身無完肌。

[1] 江表傳曰:|後在公淸忠,值郡荒旱,民無資糧,表求振貸。

時謂浚欲樹私恩,遣人梟首。又尚書熊睦見時酷虐,微

(三)江表傳 曰:歷陽縣有石山臨水,高百丈,其三十丈所,有七穿駢羅,穿中色黃赤,不與本體相似,俗相傳謂之石印。

九州作都、渚乎!從大皇帝逮孤四世矣,太平之主,非孤復誰?」重遣使,以印綬拜三郎爲王,又刻石立銘,褒贊 巫言,石印三郎說「天下方太平」。使者作高梯,上看印文,詐以朱書石作二十字,還以啓晧。時大喜曰:「吳當爲 又云,石印封發,天下當太平。下有祠屋,巫祝言石印神有三郎。時歷陽長表上言石印發,晧遣使以太牢祭歷山。

天紀元年夏,夏口督孫愼出江夏、汝南,燒略居民。初,騶子張俶多所譖白,累遷爲司直

中郎將,封侯,甚見寵愛,是歲姦情發聞,伏誅。〔1〕

靈德,以答休祥。

1〕江表傳曰:椒父,會稽山陰縣卒也,知椒不良,上表云:「若用椒爲司直,有罪乞不從坐。」 晧許之。 俶表立彈曲二 |椒奢淫無厭,取小妻三十餘人,擅殺無辜,衆姦並發,父子俱見車裂。 十人,專糾司不法,於是愛惡相攻,互相謗告。彈曲承言,收繫囹圄,聽訟失理,獄以賄成。人民窮困,無所措手足。

一年秋七月,立成紀、宣威等十一王,王給三千兵,大赦。

馬與部曲將何典、王族、吳述、殷興等因此恐動兵民,合聚人衆,攻殺廣州督虞授。馬自號 五百兵至郡安撫諸夷。允死,兵當分給,馬等累世舊軍,不樂離別。晧時叉科實廣州戶口, 三年夏,郭馬反。馬本合浦太守脩允部曲督。允轉桂林太守,疾病,住廣州,先遣馬將

月,以軍師張悌爲丞相,牛渚都督何植爲司徒。執金吾滕循爲司空,未拜,轉鎭南將軍,假節 領廣州牧,率萬人從東道討馬,與族遇于始興,未得前。馬殺南海太守劉略,逐廣州刺史徐 都督交、廣二州諸軍事、安南將軍,興廣州刺史,述南海太守。典攻蒼梧,族攻始興。〔〕〕八

旗。晧又遣徐陵督陶濬將七千人從西道,命交州牧陶璜部伍所領及合浦、鬱林諸郡兵,當

與東西軍共擊馬。

漢晉春秋曰:先是,吳有說讖者曰:「吳之敗,兵起南裔,亡吳者公孫也。」時聞之,文武職位至于卒伍有姓公孫者, 皆徙於廣州,不令停江邊。 及聞馬反,大懼曰:「此天亡也。」

家,高四尺,厚三分,如枇杷形,上廣尺八寸,下莖廣五寸,兩邊生葉綠色。東觀案圖,名鬼 目作芝草,買菜作平慮草,遂以嵩爲侍芝郎,平爲平慮郎,皆銀印青綬。 有鬼目菜生工人黃考家,依緣棗樹,長丈餘,莖廣四寸,厚三分。又有買菜生工人吳平

岑昬險諛貴幸,致位九列,好興功役,衆所患苦。 是以上下離心,莫爲
時盡力,蓋積惡已極, 我向武昌,平南將軍胡奮向夏口,鎭南將軍杜預向江陵,龍驤將軍王濬、廣武將軍唐彬浮江 宮數千,而採擇無已。又激水入宮,宮人有不合意者,輒殺流之。或剝人之面,或鑿人之眼。 宴罷之後,各奏其闕失,迕視之咎,謬言之愆,罔有不舉。大者卽加威刑,小者輒以爲罪。後 東下,太尉賈充爲大都督,量宜處要,盡軍勢之中。陶濬至武昌,聞北軍大出,停駐不前。 不復堪命故也。〔〕〕 冬,晉命鎭東大將軍司馬伷向涂中,安東將軍王渾、揚州刺史周浚向牛渚,建威將軍王 初,晧每宴會羣臣,無不咸令沈醉。置黃門郞十人,特不與酒,侍立終日,爲司過之吏。

吳 書

(1) 吳平後,晉侍中庾峻等問時侍中李仁曰:「聞吳主披人面,別人足,有諸乎?」仁曰:「以告者過也。 下,視諸侯由頤以下,視大夫由衡,視士則平面,得游目五步之內;視上於衡則傲,下於帶則憂,旁則邪。以禮視 問曰:「云歸命侯乃惡人橫睛逆視,皆鑿其眼,有諸乎?」 仁曰:「亦無此事,傳之者謬耳。 陷不測矣。正使有之,將有何失?」凡仁所答,峻等皆善之,文多不悉載。 瞻,高下不可不慎,况人君乎哉?視人君相迕,是乃禮所謂傲慢;傲慢則無禮,無禮則不臣,不臣則犯罪,犯罪則 國之主,秉殺生之柄,罪人陷法,加之以懲,何足多罪!夫受堯誅者不能無怨,受人僕賞者不能無慕,此人情也。」又 流,天下之惡皆歸焉。 蓋此事也,若信有之,亦不足怪。昔唐、虞五刑,三代七辟,肉刑之制,未爲酷虐。 君子惡居下 | 晧爲

督伍延,渾復斬丞相張悌、丹楊太守沈瑩等,所在戰克。〔1〕 四年春,立中山、代等十一王,大赦。濬、彬所至,則土崩瓦解,靡有禦者。 預叉斬江陵

(1)干寶晉紀曰:吳丞相軍師張悌、護軍孫震、丹楊太守沈瑩帥衆三萬濟江,圍成陽都尉張喬於楊荷橋,衆才七千,閉 陷堅陳,於是以馳淮南軍,三衝不動。 |悌不從,撫之而進。與討吳護軍張翰、揚州刺史周浚成陳相對。 救兵未至而力少,故且僞降以緩我,非來伏也。因其無戰心而盡阬之,可以成三軍之氣。若舍之而前,必爲後患。」 其後,大敗吳軍于版橋,獲悌、震、瑩等。 柵自守,舉白接告降。 吳副軍師諸葛靚欲屠之,悌曰:「彊敵在前,不宜先事其小;且殺降不祥。」 靚曰:「此等以 退引亂,薛勝、蔣班因其亂而乘之,吳軍以次土崩,將帥不能止,張喬又出 沈瑩領丹楊銳卒刀楯五千,號曰靑巾兵,前後屢

襄陽記曰:悌字巨先,襄陽人,少有名理,孫休時爲屯騎校尉。魏伐蜀,吳人問悌曰:「司馬氏得政以來,大難屢作, 智力雖豐,而百姓未服也。今又竭其資力,遠征巴蜀,兵勞民疲而不知恤,敗於不暇,何以能濟?昔夫差伐齊,非

吳錄曰:悌少知名,及處大任,希合時趣,將護左右,淸論畿之。

淮南三叛而腹心不擾,曹髦之死,四方不動,摧堅敵如折枯,蕩異同如反掌,任賢使能,各盡其心,非智勇兼人,敦 已,民畏其威,而不懷其德也。 丕、叡承之,係以慘虐,內興宮室,外懼雄豪,東西馳驅,無歲獲安,彼之失民,爲日 或摧喪,則大事去矣。」悌曰:「吳之將亡,賢愚所知,非今日也。 吾恐蜀兵來至此,衆心必駭懼,不可復整。 晉來伐吳,皓使悌督沈瑩、諸葛觀,率衆三萬渡江逆之。至牛渚,沈瑩曰:「晉治水軍於蜀久矣,今傾國大舉,萬 也,何爲不可哉?昔楚劍利而秦昭懼,孟明用而晉人憂,彼之得志,故我之大惠也。」吳人笑其言,而蜀果降于魏。 外利,不脩守備。 能如之?其威武張矣,本根固矣,羣情服矣,姦計立矣。 不克勝,所以危亡,不憂其本也,況彼之爭地乎!」 不得其死,負名賢知顧。今以身徇社稷,復何遁邪?莫牽曳之如是。」閥流涕放之,去百餘步,已見爲置軍所殺。 豈卿一人所知,如何故自取死爲?」悌垂涕曰:「仲思,今日是我死日也。且我作兒童時,便爲卿家丞相所拔,常恐 之中道,不憂不破也。 渡江,可用決戰力爭。若其敗喪,則同死社稷,無所復恨。若其克勝,則北敵奔走,兵勢萬倍,便當乘威南上,逆 水軍,必至於此矣!宜畜衆力,待來一戰。若勝之日,江西自清,上方雖壞,可還取之。今渡江逆戰,勝不可保,若 里齊力,必悉益州之衆浮江而下。 司馬懿父子,自握其柄,累有大功,除其煩苛而布其平惠,爲之謀主而救其疾,民心歸之,亦已久矣。故 諸葛觀與五六百人退走,使過迎悌,悌不肯去,觀自往牽之,謂曰:「(且夫) (巨先),天下存亡有大數, 彼疆弱不同,智算亦勝,因危而伐,殆其克乎!若其不克,不過無功,終無退北之憂,覆軍之慮 若如子計,恐行散盡,相與坐待敵到,君臣俱降,無復一人死難者,不亦辱乎!」遂渡江戰, 我上流諸軍,無有戒備,名將皆死,幼少當任,恐邊江諸城,盡莫能禦也。 悌曰:「不然。 今蜀閹宦專朝,國無政令,而玩戎黷武,民勞卒弊,競於 曹操雖功蓋中夏,威震四海,崇詐杖術,征伐無 晉之

<u>ー</u> 七

搜神記曰 師。』門下人怒榮,叱逐使去。榮便去,怖懼,口餘聲發揚耳。」其日,悌戰死。榮至晉元帝時猶在。 人縛軍師!」臨海松陽人柳榮從悌至楊府,榮病死船中二日,時軍已上岸,無有埋之者,忽然大呼,言「人縛軍師! 聲激揚,遂活。人問之,榮曰:「上天北斗門下卒見人縛張悌,意中大愕,不覺大呼,言『何以縛張軍

三月丙寅,殿中親近數百人叩頭請問殺岑唇,赔惶憒從之。〔〕〕

(一)干寶晉紀曰:"階殿中親近數百人叩頭請
問問曰:「北軍日近,而兵不舉刃,陛下將如之何!」

"問曰:「何故?」對曰: 「坐岑唇。」晧獨言:「若爾,當以奴謝百姓。」衆因曰:「唯!」遂並起收昬。 晧駱驛追止,已屠之也。

自足擊之。」於是合衆,授濬節鉞。明日當發,其夜衆悉逃走。而王濬順流將至,司馬伷、 朝含弘光大,謹遣私署太常張夔等奉所佩印綬,委質請命,惟垂信納,以濟元元。」〔1〕 偷安,未喻天命。至于今者,猥煩六軍,衡蓋路次,遠臨江渚,舉國震惶,假息漏刻。 敢緣天 統,九州分裂,先人因時,略有江南,遂分阻山川,與魏乖隔。今大晉龍興,德覆四海。 闇劣 戊辰,陶濬從武昌還,即引見,問水軍消息,對曰:「蜀船皆小,今得二萬兵,乘大船戰,

[一] 江表傳載階將敗與舅何檶書曰:「昔大皇帝以神武之略,奮三千之卒,割據江南,席卷交、廣,開拓洪基,欲祚之萬 並復不守。不守者,非糧不足,非城不固,兵將背戰耳。兵之背戰,豈怨兵邪?孤之罪也。天文縣變於上,士民 聞晉大衆,遠來臨江,庶竭勞瘁,衆皆摧退,而張悌不反,喪軍過半。孤甚愧悵,于今無聊。 世。至孤末德,嗣守成緒,不能懷集黎元,多爲咎闕,以違天度。闇昧之變,反謂之祥,致使南蠻逆亂,征討未克。 得陶濬表云武昌以西,

損厥志。嘉勖休尚,愛敬動靜。夫復何言,投筆而已!」 賢,誠是英俊展節之秋也。管仲極讐,桓公用之,良、平去楚,入爲漢臣,舍亂就理,非不忠也。莫以移朝改朔,用 毒横流,忠順被害。闇昧不覺,尋其壅蔽,孤負諸君,事已難圖,覆水不可收也。今大晉平治四海,勞心務於擢 有折鼎之誠,詩人有彼其之證。自居宮室。仍抱篤疾,計有不足,思慮失中,多所荒替。邊側小人,因生酷虐,虐 使一朝歸命有道,社稷傾覆,宗廟無主,慚愧山積,沒有餘罪。自惟空薄,過偷尊號,才瑣質穢,任重王公,故周易 其勖勉奇謨,飛筆以聞。」 階又遺羣臣書曰:「孤以不德,忝繼先軌。處位歷年,政敎凶勃,遂令百姓久困塗炭,至 憤嘆於下,觀此事勢,危如累卵,與祚終訖,何其局哉!天匪亡吳,孤所招也。 瞑目黃壤,當復何額見四帝乎!公

年, 皓死于洛陽。〔三〕 詔待之以不死,今晧垂至,意猶愍之,其賜號爲歸命侯。進給衣服車乘,田三十頃,歲給穀 壬申,王濬最先到,於是受

胎之降,解縛焚櫬,延請相見。

(1) 他以

階致印綬於己,

造使

- 〔一〕 蒼陽秋曰:濬收其圖籍,領州四,郡四十三,縣三百一十三,戶五十二萬三千,吏三萬二千,兵二十三萬,男女口二 百三十萬,米穀二百八十萬斛,舟船五千餘艘,後宮五千餘人。
- (三)搜練記曰:吳以草創之國,信不堅固,邊屯守將,皆質其妻子,名曰保質。 童子少年,以類相與嬉遊者,日有十數。 永安二年三月,有一異兒,長四尺餘,年可六七歲,衣青衣,來從羣兒戲,諸兒莫之識也。 皆問曰:「爾誰家小兒,

今日忽來?」答曰:「見爾羣戲樂,故來耳。」詳而視之,眼有光芒,爚爚外射。諸兒畏之,重問其故。兒乃答曰: 曰:「舍爾去乎!」竦身而躍,即以化矣。仰面視之,若引一匹練以登天。大人來者,猶及見焉,飄飄漸高,有頃 爾惡我乎?我非人也,乃熒惑星也。將有以告爾:三公鉏,司馬如。」諸兒大驚,或走告大人,大人馳往觀之。兒 時吳政峻急,莫敢宣也。後五年而蜀亡,六年而晉興,至是而吳滅,司馬如矣。

而沒。

干寶晉紀曰:王濟治船於蜀,吾彥取其流林以呈孫晧,曰:「晉必有攻吳之計,宜增建平兵。建平不下,終不敢渡 故晧不脩其政,而恆有窺上國之志。是歲也實在庚子。

(三) 吳錄曰: 階以四年十二月死,時年四十二,葬河南縣界。

分離,以謝百姓。 昌言,常若不及。 熒惑、巫祝,交致祥瑞,以爲至急。 問之淫刑所濫, 隕斃流黜者, 蓋不可勝數。是以羣下人人惴恐, 皆日日以冀, 朝不謀夕。其 拔進良才,改絃易張,雖志善好學,何益救亂乎?又使旣廢之亮不得其死,友于之義薄矣。 評曰:孫亮童孺而無賢輔,其替位不終,必然之勢也。 休以舊愛宿恩,任用興、布,不能 況晧凶頑,肆行殘暴,忠諫者誅,讒諛者進,虐用其民,窮淫極侈,宜腰首 既蒙不死之韶,復加歸命之籠,豈非曠蕩之恩,過厚之澤也哉!〔〕〕 昔舜、禹躬稼,至聖之德,循或矢誓衆臣,予違女弼,或拜

孫盛曰:夫古之立君,所以司牧羣黎,故必仰協乾坤,覆燾萬物;若乃至虐是縱,酷被羣生,則天殛之, 之酷讐,而人神之所擯故也。沉睹罪爲逋寇,虐過宇、癸,梟首素旗,猶不足以謝寃魂,洿室荐社,未足以紀暴迹, 而乃優以顯命, 祚,奪其南面之尊,加其獨夫之戮。是故湯、武抗鍼,不犯不順之畿;漢高奮劍,而無失節之議。 籠錫仍加,豈龔行天罰,伐罪弔民之義乎? 是以知僭逆之不懲,而凶酷之莫戒。 聊龗猶然,矧僭虐乎?且神旗電掃,兵臨僞窟,理窮勢迫,然後請命,不赦之罪旣彰,三驅之義又 何者? 詩云:「取彼譖 剿絕其 誠 四海

塞,極之權道,亦無取焉。

於丘園, 紫闥 外底定,飭法修師而威德翕赫,賓禮名賢而張昭爲之雄,交御豪俊而周瑜爲之傑。彼二君子,皆弘敏而多奇,雅 是羣雄蜂駭,義兵四合,吳武烈皇帝慷慨下國,電發荆南,權略紛紜,忠勇伯世。威稜則夷齊震蕩,兵交則醜虜投 陸公、魯肅、呂蒙之疇入爲腹心,出作股肱;甘寧、凌統、程普、賀齊、朱桓、朱然之徒奮其威,韓當、潘璋、黃蓋、蔣 於逸軌,叡心發乎令圖,從政容於故實,播憲稽乎遺風,而加之以篤間,申之以節儉,疇咨俊茂,好謀善斷,東帛 達而聰哲,故同方者以類附,等契者以氣集,而江東蓋多士矣。 逸才命世,弱冠秀發,招攬遺老,與之述業。神兵東驅,奮寡犯衆,攻無堅城之將,戰無交鋒之虜。誅叛柔服而 盟戮力,然皆包藏禍心,阻兵怙亂,或師無謀律,喪威稔寇,忠規武節,未有若此其著者也。 馘,遂掃淸宗祊,蒸禋皇祖。 陸機著辨亡論,言吳之所以亡,其上篇曰:「昔漢氏失御,奸臣竊命,禍基京畿,毒徧宇內,皇綱弛紊,王室遂卑。於 ,挾天子以令諸侯,清天步而歸舊物。 旌命交于塗巷。 故豪彥尋聲而響臻,志士希光而影驚,異人輻輳,猛士如林。 於時雲興之將帶州,飆起之師跨邑,哮闞之羣風驅,熊羆之族霧集,雖兵以義合,同 戎車旣次,羣凶側目,大業未就,中世 將北伐諸華,誅鉏干紀,旋皇輿於夷庚,反帝座于 一而隕。 用集我大皇帝,以奇蹤襲 於是張昭為師傅,周瑜 武烈既沒,長沙桓王 江 旅

吳

阜之勢,非有工輸雲梯之械,智伯灌激之害,楚子築室之圍,燕人濟西之隊,軍未浹辰而社稷夷矣。 典刑未滅,故老猶存。 **寶,輝於內府,珍瑰重跡而至,奇玩應響而赴,輶軒騁於南荒,衝輣息於朔野,齊民免于戈之患,戎馬無晨服之處,** 庶尹盡規於上,四民展業于下,化協殊裔,風衍遐圻。

乃俾一介行人,撫巡外域,

互象逸駿,擾於外閑,明珠瑋 **藐然坐乘其弊,故魏人請好,漢氏乞盟,遂躋天號,鼎峙而立。** 衡,喟然有吞江滸之志,一宇宙之氣。而周瑜驅我偏師,黜之赤壁,喪旗亂轍,僅而獲冤,收迹遠遁。 戰勝之威,率百萬之師,浮鄧蹇之舟,下漢陰之衆,羽楫萬計,龍躍順流,銳騎千旅,虎步原隰,謀臣盈室,武將連 身以衞主,駱統、劉基疆諫以補過,謀無遺算,舉不失策。故遂割據山川,跨制荆、吳,而與天下爭衡矣。 虞翻 欽、周泰之屬宣其力; 風雅則諸葛瑾、張承、步騰以聲名光國,政事則顧雍、潘濬、呂範、呂岱以器任幹職,奇偉則 烈士死節,將奚救哉?夫曹、劉之將非一世之選,向時之師無曩日之衆,戰守之道抑有前符,險阻之利俄然未改, 以 括羣蠻之表。 王之號,率巴、漢之民,乘危騁變,結壘千里,志報關羽之敗,圖收湘西之地。 有瓦解之志,皇家有土崩之爨,曆命應化而微,王師躡運而發,卒散於陳,民奔于邑,城池無藩籬之固,山川無溝 而帝業固矣。 而後濟,絕命永安。續以濡須之寇,臨川摧銳,蓬籠之戰,孑輪不反。 武毅稱,孟宗、丁固之徒爲公卿,樓玄、賀劭之屬掌機事,元首雖病,股肱猶良。 、陸續、張溫、張惇以諷議舉正,奉使則趙咨、沈珩以敏達延譽,術數則吳範、趙達以機祥協德,董襲、陳武殺 大皇旣殁,幼主蒞朝,奸回肆虐。景皇聿興,虔修遺憲,政無大闕,守文之良主也。 於是講八代之禮,蒐三王之樂,告類上帝,拱揖羣后。虎臣毅卒,循江而守,長戟勁鍛,望飆而奮。 大司馬陸公以文武熙朝,左丞相陸凱以謇諤盡規,而施績、范愼以威重顯, 西屠庸蜀之郊,北裂淮漢之涘,東苞百越之地,南 由是二邦之將,喪氣摧鋒,勢衂財匱,而吳 而我陸公亦挫之西陵,覆師敗績,困 爰及末葉,羣公旣喪,然後黔首 降及歸命之初, 雖忠臣孤憤, 丁奉、鍾離斐 漢王亦馮帝 魏氏嘗藉

賞; 怨矣。 千夫;軸艫千里,前驅不過百艦。故劉氏之伐,陸公喩之長虵,其勢然也。 之存亡也。何則?其郊境之接,重山積險,陸無長穀之徑;川阨流迅,水有驚波之艱。 則可以長世永年,未有危亡之患。或曰,吳、蜀脣齒之國,蜀滅則吳亡,理則然矣。夫蜀蓋藩援之與國,而非吳人 封域,國家之利,未見有弘於茲者矣。 借使中才守之以道,善人御之有術,敦率遺憲,勤民謹政,循定策,守常險 矣。 蓋慊如也。 區區者也。故百官苟合,庶務未遑。 統之孤,登壇慷慨歸魯肅之功,削投惡言信子瑜之節。是以忠臣競盡其謀,志士咸得肆力,洪規遠略,固不厭夫 我欺;量能授器,不患權之我逼。 其下篇曰:「昔三方之王也,魏人據中夏,漢氏有岷、盆,吳制荆、揚而奄交、廣。 曹氏雖功濟諸華,虐亦深矣,其民 險其流,或欲機械以御其變。 而割情欲之歡,感陸公之規而除刑政之煩,奇劉基之議而作三爵之誓,屏氣跼蹐以同子明之疾,分滋損甘以育凌 如不及,恤民如稚子,接士盡盛德之容,親仁罄丹府之愛。拔呂蒙於戎行,識潘濬于係廣。 而 機械則彼我之所共,彼若葉長技以就所屈,即荆、腸而爭舟楫之用,是天贊我也,將謹守峽口以待禽耳。遠步 地方幾萬里,帶甲將百萬,其野沃,其民練,其財豐,其器利,東負滄海,西阻險塞,長江制其區字,峻山帶其 披懷虛己,以納謨士之算。故魯肅一面而自託,士燮蒙險而效命。高張公之德而省游田之娛,賢諸葛之言 劉公因險飾智,功已薄矣,其俗陋矣。吳桓王基之以武,太祖成之以德,聰明睿達,懿度深遠矣。 爱及中葉,天人之分旣定,百度之缺粗修,雖聽化懿綱,未齒乎上代,抑其體國經民之具,亦足以爲政 天子總羣議而諮之大司馬陸公,陸公以四濱天地之所以節宣其氣,固無可遏之理, 執鞭鞠躬,以重陸公之威;悉委武衞,以濟周瑜之師。 初都建業,羣臣請備禮秩,天子辭而不許,曰:『天下其謂朕何!』 昔蜀之初亡,朝臣異謀, 雖有銳師百萬,啓行不過 卑宮菲食,以豐功臣之 推誠信士,不恤 或欲積石以 宮室輿服。 其求賢 人之

| 聞之亂,憑保城以延疆寇,重資幣以誘羣蠻。 于時大邦之衆,雲翔電發,縣旌江介,築壘遵渚,襟帶要害,以止 也,則兆庶與之共惠。安與衆同慶,則其危不可得也;危與下共惠,則其難不足卹也。夫然,故能保其社稷而固 恭已以安百姓,敦惠以致人和,寬沖以誘俊义之謀,慈和以給士民之愛。是以其安也,則黎元與之同慶;及其危 之器易用也,先政之業易循也,功不興而禍遘者何哉?所以用之者失也。故先王達經國之長規,審存亡之至數, 其亡也,恃險而已,又孫卿所謂舍其參者也。夫四州之氓非無衆也,大江之南非乏俊也,山川之險易守也,勁利 不極則治不形」,言帝王之因天時也。古人有言,曰『天時不如地利』,爲曰『王侯設險以守其國』,言爲國之恃 乎向時之難,而邦家顯覆,宗廟爲墟。 是烽燧罕警,封域寡虞。 人之西,而巴漢舟師,沿江東下。陸公以偏師三萬,北據東坑,深溝高壘,案甲養威。反孱跪跡待戮,而不敢 其土字,麥秀無悲殷之思,黍離無愍周之感矣。」 險也。又曰『地利不如人和』,『在德不在險』,言守險之由人也。吳之與也,參而由焉,孫卿所謂合其參者也。及 生路,殭寇敗績宵遁,喪師大半,分命銳師五千,西禦水軍,東西同捷,獻俘萬計。 陸公沒而潛謀兆,吳釁深而六師駭。夫太康之役,衆未盛乎曩日之師,廣州之亂,禍有 嗚呼!人之云亡,邦國殄瘁,不其然與!易曰『湯武革命順乎天』,玄曰『亂 信哉賢人之謀,豈欺我哉! 北闚 吳

劉繇太史慈士燮傳第四

劉繇字正禮,東萊牟平人也。齊孝王少子封牟平侯,子孫家焉。 爲伯父寵,爲漢太

尉。[1]繇兄岱,字公山,歷位侍中,兗州刺史。[1]

(1)續漢書曰:一經祖父本,師受經傳,博學羣書,號爲通儒。舉賢良方正,爲般長,卒官。 體字祖榮,受父業,以經明行 曰:「整頓傳舍,以待劉公,不可得止。」 寵因過去。 其廉儉皆此類也。 會稽號籠爲取一錢太守。其淸如是。鼈前後歷二郡,八居九列,四登三事。家不藏賄,無重實器,恆菲飲食,薄 明府下車以來,狗不夜吠,更稀至民閒,年老遭値聖化,今閒當見棄去,故勠力來送。」龐謝之,爲選受一大錢,故 民去治數十里有苦邪中在山谷間,五六老翁年皆七八十,聞耀遷,相率共送臟,人齎百錢。臟見,勞來曰:「父老 乃止亭,輕服潛遁,歸脩供養。後辟大將軍府,稍遷會稽太守,正身率下,郡中大治。徵入爲將作大匠。 衣服,弊車羸馬,號爲窶陋。三去相位,輒歸本土。 何乃自苦遠來!」皆對曰:「山谷鄙老,生未嘗至郡縣。他時吏發求不去,民閒或夜不絕狗吠,竟夕民不得安。自 修,舉孝廉,光祿(大夫)察四行,除東平陵令。視事數年,以母病棄官,百姓士民攀輿拒輪,充塞道路,車不得前 往來京師,常下道脫驂過,人莫知焉。 以老病卒于家。 麗嘗欲止亭,亭吏止之 山陰縣

吳 書 劉繇太史慈士燮傳第四

英雄記稱岱孝悌仁恕,以虛己受人。〔三〕續漢書曰:爲父輿,一名方,山陽太守。 岱、縣皆有雋才。

屬縣,攻破融。 駐彭澤。 命加繇爲牧,振武將軍,衆數萬人。 **術**所授用,乃迫逐使去。 吳景、孫賁迎置曲阿。 御史,不就。避亂淮浦,詔書以爲揚州刺史。時袁術在淮南,繇畏憚,不敢之州。 山於前,擢正禮於後,所謂御二龍於長塗,騁騏驥於千里,不亦可乎!」 丘洪薦繇,欲令舉茂才。 刺史曰:「前年舉公山,奈何復舉正禮乎?」 郡守以貴戚託之,遂棄官去。 |繇年十九,從父韙爲賊所劫質,繇篡取以歸,由是顯名。 **笮融先至,笮音肚力反。殺太守朱皓,〔三入居郡中。爲進討融,爲融所破,更復招合** 融敗走入山,爲民所殺。 術圖爲僭逆,攻沒諸郡縣。爲遣樊能、張英屯江邊以拒之,以景、賁 於是術乃自置揚州刺史,與景、實幷力攻英、能等,歲餘不下。 州辟部濟南,濟南相中常侍子,貪穢不循,繇奏発之。平原陶 孫策東渡,破英、能等。繇奔丹徒,自己遂派江南保豫章, 繇尋病卒,時年四十二。 舉孝廉,爲郞中,除下邑長。時 洪曰:「若明使君用公 會辟司空掾,除侍 欲南渡江,

(一) 袁宏漢紀曰:劉繇將奔會稽,許子將曰:「會稽富實,策之所貪,且窮在海隅,不可往也。 接荆州。若收合吏民,遣使貢獻,與曹兗州相聞,雖有袁公路隔在其間,其人豺狼,不能久也。足下受王命,孟德 不如豫章,北連豫壤,西

景升必相救濟。」繇從之。

(二) 獻帝春秋曰:是歲,繇屯彭澤,又使融助晧討劉表所用太守諸葛玄。許子將謂繇曰:「笮融出軍,不顧(命) 名義者 朱文明善推誠以信人,宜使密防之。」融到,果詐殺時,代領郡事。

之,由此遠近前後至者五千餘人戶。每浴佛,多設酒飯,布席於路,經數十里,民人來觀及 坐斷三郡委輸以自入。乃大起浮圖祠,以銅爲人,黃金塗身,衣以錦采,垂銅槃九重,下爲 放兵大略,因載而去。過殺禮,然後殺晧。 就食且萬人,費以巨億計。曹公攻陶謙,徐土騷動,融將男女萬口,馬三千匹,走廣陵,廣陵 太守趙昱待以賓禮。先是,彭城相薛禮爲陶謙所偪,屯秣陵。融利廣陵之衆,因酒酣殺昱, 重樓閣道,可容三千餘人,悉課讀佛經,令界內及旁郡人有好佛者聽受道,復其他役以招致 笮融者,丹楊人,初聚衆數百,往依徐州牧陶謙。 謙使督廣陵、彭城運漕,

遂放縱擅殺,

孤,哀亡愍存,捐旣往之猜,保六尺之託,誠深恩重分,美名厚實也。 昔魯人雖有齊怨,不廢 以袁氏之嫌,稍更乖剌。更以同盟,還爲讐敵,原其本心,實非所樂。康寧之後,常願渝平更 喪紀,春秋善之,謂之得禮,誠良史之所宜藉,鄕校之所歎聞。正禮元子,致有志操,想必有 能自達,實賴尊門爲之先後,用能濟江成治,有所處定。踐境之禮,感分結意,情在終始。後 後策西伐江夏,還過豫章,收載繇喪,善遇其家。王朗遺策書曰:「劉正禮昔初臨州,未 一爾分離,款意不昭,奄然殂隕,可爲傷恨!知敦以厲薄,德以報怨,收骨育

以殊異。威盛刑行,施之以恩,不亦優哉!」

與全、張此。 飲,於船樓上值雷雨,權以蓋自覆,又命覆基,餘人不得也。其見待如此。徙郎中令。權稱 騎都尉虞翻醉酒犯忤,權欲殺之,威怒甚盛,由基諫爭,翻以得免。權大暑時,嘗於船中宴 尊號,改爲光祿勳,分平尙書事。 年四十九卒。 後權爲子霸納基女,賜第一區,四時寵賜, 權爲驃騎將軍,辟東曹掾,拜輔義校尉、建忠中郎將。權爲吳王,遷基大農。權嘗宴飮, 繇長子基,字敬輿,年十四,居繇喪盡禮,故吏餽餉,皆無所受。〔〕姿容美好,孫權愛敬 基二弟,鱳、倘,皆騎都尉。

以吳書日 不妄交游,門無雜賓。 ·基遭多難,嬰丁困苦,潛處味道,不以爲戚。與羣弟居,常夜臥早起,妻妾希見其面。諸弟敬憚,事之猶

刀,便截敗之。吏踴躍大呼,言「人壞我章」!慈將至車閒,與語曰:「向使君不以章相與, 者爲善。時州章已去,郡守恐後之,求可使者。慈年二十一,以選行,晨夜取道,到洛陽,詣 公車門,見州吏始欲求通。慈問曰:「君欲通章邪?」 太史慈字子義,東萊黃人也。少好學,仕郡奏曹史。會郡與州有隙,曲直未分,以先聞 慈曰:「章題署得無誤邪?取來視之。」 吏殊不知其東萊人也, 吏曰:「然。」問:「章安在?」曰:「車 因爲取章。 慈已先懷

吾亦無因得敗之,是爲吉凶禍福等耳,吾不獨受此罪。豈若默然俱出去,可以存易亡,無事 日俱去。慈旣與出城,因遁還通郡章。州家聞之,更遣吏通章,有司以格章之故不復見理, 通與未耳。吾用意太過,乃相敗章。今還,亦恐以此見譴怒,故俱欲去爾。」吏然慈言,即 俱就刑辟。」吏言:「君爲郡敗吾章,已得如意,欲復亡爲?」 慈答曰:「初受郡遣,但來視章

明晨復如此,圍下人或起或臥,慈復植的,射之畢,復入門。明晨復出,如此,無復起者,於是 下左右人並驚駭,兵馬互出。慈引馬至城下塹內,植所持的各一,出射之,射之畢,徑入門。 然之。於是嚴行蓐食,須明,便帶鞬攝弓上馬,將兩騎自隨,各作一的持之,開門直出。外圍 人言不可,慈亦言不可,豈府君愛顧之義,老母遣慈之意邪?事已急矣,願府君無疑。」融乃 日三昔府君傾意於老母,老母感遇,遣慈赴府君之急,固以慈有可取,而來必有益也。今衆 由得出,慈自請求行。融曰:「今賊圍甚密,衆人皆言不可,卿意雖壯,無乃實難乎?」慈對 因求兵出斫賊。融不聽,欲待外救,未有至者,而圍日偪。融欲告急平原相劉備,城中人無 舊,今爲賊所圍,汝宜赴之。」慈留三日,單步徑至都昌。時圍尙未密,夜伺閒隙,得入見融 管亥所圍。 州受其短。由是知名,而爲州家所疾。恐受其禍,乃避之遼東。 北海相孔融聞而奇之,數遣人訊問其母,幷致餉遺。時融以黃巾寇暴,出屯都昌,爲賊 慈從遼東還,母謂慈曰:「汝與孔北海未嘗相見,至汝行後,贍恤殷勤,過於故

既得濟,益奇貴慈,曰:「卿吾之少友也。」事畢,還啓其母,母曰:「我喜汝有以報孔北海 斂容答曰:「孔北海知世閒有劉備邪!」卽遣精兵三千人隨慈。賊聞兵至,解圍散走。融 北海區區,延頸恃仰,使慈冒白刃,突重圍,從萬死之中自託於君,惟君所以存之。」備 患之義。今管亥暴亂,北海被圍,孤窮無援,危在旦夕。以君有仁義之名,能救人之急,故

或勸繇可以慈爲大將軍,繇曰:「我若用子義,許子將不當笑我邪?」但使慈偵視輕重。時 馬,而擊得慈項上手戟,慈亦得策兜鍪。會兩家兵騎並各來赴,於是解散 獨與一騎卒遇策。策從騎十三,皆韓當、宋謙、黃蓋輩也。慈便前鬭,正與策對。策刺慈 揚州刺史劉繇與慈同郡,慈自遼東還,未與相見,暫渡江到曲阿見繇,未去,會孫策至。

「今日之事,當與卿共之。」〔〕即署門下督,還吳授兵,拜折衝中郎將。後劉繇亡於豫章, 惟徑以西六縣未服。慈因進住涇縣,立屯府,大爲山越所附。策躬自攻討,遂見囚執。策 即解縛,捉其手曰:「寧識神亭時邪。若卿爾時得我云何?」 慈曰:「未可量也。」 策大笑曰: 慈當與繇俱奔豫章,而遁於蕪湖,亡入山中,稱丹楊太守。是時,策已平定宣城以東,

我, 士衆萬餘人未有所附, 策命慈往撫安焉。 (三) 左右皆曰: 「慈必北去不還。」 策曰: 「子義拾 當復與誰?」餞送昌門,把腕別曰:「何時能還?」答曰:「不過六十日。」果如期而

反。三

(一) 吳歷云:慈於神亭戰敗,爲策所執。策素聞其名,卽解縛請見,咨問進取之術。慈答曰:「破軍之將,不足與論事。」 青州名士,以信義爲先,終不欺策。」明日,大請諸將,豫設酒食,立竿視影。 欲出宣恩安集,恐不合尊意。」策長跪答曰::「誠本心所望也。明日中,望君來還。」諸將皆疑,策曰:「太史子義, |策曰:「昔韓信定計於廣武,今策決疑於仁者,君何辭焉?」 | 慈曰:「州軍新破,士卒離心,若儻分散,難復合聚; 日中而慈至,策大悅,常與參論諸軍

江表傳曰:策問慈曰:「聞卿昔爲太守劫州章,赴文舉,請詣玄德,皆有烈義,天下智士也,但所託未得其人。射 臣松之案;吳歷云慈於神亭戰敗,爲策所得,與本傳大異,疑爲謬誤。

鈎斬袪,古人不嫌。 孤是卿知已,勿憂不如意也。」 出教曰:「龍欲騰翥,先階尺木者也。」

(三)江表傳曰:策謂慈曰:「劉牧往責吾爲遠氏攻廬江,其意頗猥,理恕不足。何者?先君手下兵數千餘人,盡在公路 醫喪亡,恨不及其生時與共論辯。 今兒子在豫章,不知華子魚待遇何如,其故部曲復依隨之否?卿則州人,昔又 從事,寧能往視其兒子,並宣孤意於其部曲? 部曲樂來者便與俱來,不樂來者且安慰之。 丼觀察子魚所以牧禦 其後不遵臣節,自棄作邪僭事,諫之不從。丈夫義交,苟有大故,不得不離,孤交求公路及絕之本末如此。今劉 許。孤志在立事,不得不屈意於公路,求索故兵,再往纔得千餘人耳。仍令孤攻廬江,爾時事勢,不得不爲行。但

劉繇太史慈士變傳第四

文,待遇過望。古人報生以死,期於盡節,沒而後已。今並息兵,兵不宜多,將數十人,自足以往還也。」 方規何似,視廬陵、鄱陽人民親附之否?卿手下兵,宜將多少,自由意。」 慈對曰:「慈有不赦之罪,將軍量同桓、

(三) 江表傳曰:策初遣慈,議者紛紜,謂慈未可信,或云與華子魚州里,恐留彼爲籌策,或疑慈西託黃祖,假路還北,多 德也,然非籌略才,無他方規,自守而已。又丹楊僮芝自擅廬陵,詐言被詔書爲太守。鄱陽民帥別立宗部,阻兵 有上線壁,有五六千家相結聚作宗伍,惟輸租布於郡耳,發召一人遂不可得,子魚亦覩視之而已。」「策拊掌大笑, 守界,不受子魚所遣長吏,言『我以別立郡,須漢遣眞太守來,當迎之耳』。子魚不但不能諧廬陵、鄱陽,近自海昬 道義,貴重然諾,一以意許知己,死亡不相負,諸君勿復憂也。」慈從豫章還,議者乃始服。慈見策曰:「華子魚良 言遣之非計。策曰:「諸君語皆非也,孤斷之詳矣。太史子義雖氣勇有膽烈,然非縱橫之人。其心有士謨,志經 (仍)[乃]有兼丼之志矣。頃之,遂定豫章。

劉表從子磐,驍勇,數爲寇於艾、西安諸縣。策於是分海昬、建昌左右六縣,以慈爲建

昌都尉,治海昬,并督諸將拒磐。磐絕迹不復爲寇。

書,以篋封之,發省無所道,而但貯當歸。 孫權統事,以慈能制磐,遂委南方之事。 年四十 以手持樓棼,慈引弓射之,矢貫手著棼,圍外萬人莫不稱善。其妙如此。曹公聞其名,遺慈 慈長七尺七寸,美鬚髯,猨臂善射,弦不虛發。嘗從策討麻保賊,賊於屯裏緣樓上行詈,

〔1〕 洖書曰:慈臨亡,歎息曰:「丈夫生世,當帶七尺之劍,以升天子之階。今所志未從,奈何而死乎!」 權甚悼惜之。

,建安十一年卒。

(三子享,官至越騎校尉。

(三)

父賜,桓帝時爲日南太守。 變少游學京師,事潁川劉子奇,治左氏春秋。察孝廉,補尙書郎, 士燮字威彥,蒼梧廣信人也。 其先本魯國汶陽人,至王莽之亂,避地交州。 六世至燮

公事免官。父賜喪闋後,舉茂才,除巫令,遷交阯太守。

壹亡歸鄕里。行交州刺史朱符爲夷賊所殺,州郡擾亂。變乃表壹領合浦太守,次弟徐聞令 三事,當相辟也。」後宮爲司徒,辟壹。此至,宮已免,黃琬代爲司徒,甚禮遇壹。董卓作亂, 弟壹,初爲郡督郵。刺史丁宮徵還京都,壹侍送勤恪,宮感之,臨別謂曰:「刺史若待罪

(1) 吳書曰: 琬與卓相害,而壹盡心於琬,甚有聲稱。卓惡之,乃署敎曰:「司徒掾士壹,不得除用。」故歷年不遷。會

卓入關,壹乃亡歸。

書傳,春秋左氏傳尤簡練精微,吾數以咨問傳中諸疑,皆有師說,意思甚密。又尚書兼通古 與尙書令荀彧書曰:「交阯士府君旣學問優博,又達於從政,處大亂之中,保全一郡,二十餘 年疆場無事,民不失業,羇旅之徒,皆蒙其慶,雖竇融保河西,曷以加之。官事小闋,輒玩習 | 變體器寬厚,謙虛下士,中國士人往依避難者以百數。 耽玩春秋,爲之注解。陳國袁徽

聞京師古今之學,是非忿爭,今欲條左氏、尙書長義上之。」其見稱如此。

車騎滿道,胡人夾轂焚燒香者常有數十。妻妾乘輜輧,子弟從兵騎,當時貴重,震服百蠻 變兄弟並爲列郡,雄長一州,偏在萬里,威尊無上。出入鳴鍾磬,備具威儀,笳簫鼓吹,

尉他不足踰也。[]武先病沒。

[一] 葛洪神仙傳曰:燮嘗病死,已三日,仙人董奉以一丸藥與服,以水含之,捧其頭搖(拍)〔消〕之,食頃,即開目動手, 顏色漸復,半日能起坐,四日復能語,遂復常。奉字君異,侯官人也。

郎將,董督七郡,領交阯太守如故。」後燮遣吏張旻奉貢詣京都,是時天下喪亂,道路斷絕, |州絕域,南帶江海,上恩不宣,下義壅隔,知逆賊||劉表又遣||賴恭闚看南土,今以變爲綏南中 代津。是時蒼梧太守史璜死,表又遣吳巨代之,與恭俱至。漢聞張津死,賜燮璽書曰:「交 朱符死後,漢遣張津爲交州刺史,津後又爲其將區景所殺,而荆州牧劉表遣零陵賴恭

而變不廢貢職,特復下詔拜安遠將軍,封龍度亭侯。

遙東附,權益嘉之,遷衞將軍,封龍編侯,弟壹偏將軍,都鄕侯。燮每遣使詣權,致雜香細葛 權以爲武昌太守,變、壹諸子在南者,皆拜中郎將。變叉誘導益州豪姓雍闓等,率郡人民使 | 變率兄弟奉承節度。 而吳巨懷異心,騭斬之。 權加燮爲左將軍。建安末年,燮遣子廞入質,

後巨與恭相失,舉兵逐恭,恭走還零陵。建安十五年,孫權遣步騭爲交州刺史。騭到

至。 輒以千數,明珠、大貝、流離、翡翠、瑇瑁、犀、象之珍,奇物異果,蕉、邪、龍眼之屬,無歲不 壹時貢馬凡數百匹。 權輒爲書,厚加寵賜,以答慰之。變在郡四十餘歲,黃武五年,年

在所月給俸米,賜錢四十萬。 後出,權原其罪,及變質子廞,皆免爲庶人。 數歲,壹、蕭坐法誅。 廞病卒,無子,妻寡居,詔 坐。岱起,擁節讀詔書,數徽罪過,左右因反縛以出,即皆伏誅,傳首詣武昌。〔1〕壹、鷬、匡 幹、頌等六人肉袒奉迎。 岱謝令復服,前至郡下。 明旦早施帳幔,請徽兄弟以次入,賓客滿 書交阯,告喩禍福,又遣匡見徽,說令服罪,雖失郡守,保無他憂。 岱尋匡後至,徽兄祗,弟 自廣州將兵晝夜馳入,過合浦,與良俱前。壹子中郎將匡與岱有舊,岱署匡師友從事,先移 合宗兵擊徽,徽閉門城守,治等攻之數月不能下,乃約和親,各罷兵還。而呂岱被詔誅徽, 兵拒良。 遣陳時代變爲交阯太守。岱留南海,良與時俱前行到合浦,而變子徽自署交阯太守,發宗 權以交阯縣遠,乃分合浦以北爲廣州,呂岱爲刺史;交阯以南爲交州,戴良爲刺史。又 良留合浦。交阯桓鄰,燮舉吏也,叩頭諫徽使迎良,徽怒,笞殺鄰。鄰兄治子發又

孫盛曰:夫柔遠能邇,莫善於信;保大定功,莫善於義。故齊桓創基,德彰於阿會;晉文始伯,義顯於伐原。故 能九合一匡,世主夏盟,令問長世,貽範百王。呂岱師友士匡,使通信誓,徽兄弟肉袒,推心雲命,岱因滅之,以要

吳書

劉繇太史慈士變傳第四

功利,君子是以知孫權之不能遠略,而呂氏之祚不延者也。

篤烈,有古人之分。 士燮作守南越,優游終世,至子不愼,自貽凶咎,蓋庸才玩富貴而恃阻 評曰:劉繇藻厲名行,好尙臧否,至於擾攘之時,據萬里之土,非其長也。 太史慈信義

險,使之然也。

妃嬪傳第五

欲娶之。 孫破虜吳夫人,吳主權母也。本吳人,徙錢唐,早失父母,與弟景居。孫堅聞其才貌, 吳氏親戚嫌堅輕狡,將拒焉,堅甚以慚恨。 夫人謂親戚曰:「何愛一女以取禍乎?

如有不遇,命也。」於是遂許爲婚,生四男一女。〔1〕

〕搜練記曰:初,夫人孕而夢月入其懷,旣而生策。及權在孕,又夢日入其懷,以告堅曰:「昔妊策,夢月入我懷,今

也又夢日入我懷,何也?」 堅曰:「日月者陰陽之精,極貴之象,吾子孫其與乎!」

與孫河、呂範依景,合衆共討涇縣山賊祖郎,郎敗走。會爲劉繇所迫,景復北依術,術以爲 景常隨堅征伐有功,拜騎都尉。袁術上景領丹楊太守,討故太守周昕,遂據其郡。孫策

復反,景攻討,盡禽之。從討劉繇,繇奔豫章,策遣景、賁到壽春報術。 督軍中郎將,與孫賁共討樊能、于麋於橫江,又擊笮融、薛禮於秣陵。 時策被創牛渚,降賊 術方與劉備爭徐州

以景爲廣陵太守。 術後僭號,策以書喩術,循不納,便絕江津,不與通,使人告景。景卽委郡

吳 書 妃嬪傳第五

東歸,策復以景爲丹楊太守。漢遣議郎王誧音普。銜命南行,表景爲揚武將軍,領郡如故。 及權少年統業,夫人助治軍國,甚有補益。〔〕建安七年,臨薨,引見張昭等,屬以後事

合葬高陵。行

一〕會稽典錄曰"策功曹魏騰,以迕意見譴,將殺之,士大夫憂恐,計無所出。夫人乃倚大井而謂策曰:「汝新造江南, 投此井中耳。」策大驚,遽釋騰。夫人智略權譎,類皆如此。 其事未集,方當優賢禮士,捨過錄功。 魏功曹在公盡規,汝今日殺之,則明日人皆叛汝。吾不忍見禍之及,當先

(三) 志林曰:按會稽貢舉簿,建安十二年到十三年闕,無舉者,云府君遭憂,此則吳后以十二年薨也。 八年九年皆有

貢舉,斯甚分明。

嗣,曰封都亭侯,卒。子纂嗣。纂妻卽滕胤女也,胤被誅,幷遇害。 八年,景卒官,子奮授兵爲將,封新亭侯,卒。〔〕子安嗣,安坐黨魯王霸死。奮弟祺

(一) 吳書曰:權征荆州,拜魯吳郡都督,以鎭東方。

(三)吳書曰:祺與張溫、顧譚友善,權令關平辭訟事。

郎中,稍遷長沙東部都尉、武陵太守,撰後漢書百餘卷。〔三〕 幸有寵。 吳主權謝夫人,會稽山陰人也。父煚,漢尚書郎、徐令。〔1〕權母吳,爲權聘以爲妃,愛 後權納姑孫徐氏,欲令謝下之,謝不肯,由是失志,早卒。後十餘年,弟承拜五官

- [1] 燛子承撰後漢書,稱燛幼以仁孝爲行,明達有令才。 燛弟貞,履蹈法度,篤學尚義,舉孝廉,建昌長,卒官。 二)會稽典錄曰:承字偉平,博學治聞,嘗所知見,終身不忘。子崇揚威將軍,崇弟勖吳郡太守,並知名。

以督軍中郎將領兵,從破廬江太守李術,封廣德侯,遷平虜將軍。後從討黃祖,中流矢卒。 英,擊走笮融、劉繇,事業克定。策表琨領丹楊太守,會吳景委廣陵來東,復爲丹楊守,三琨 矣,如何可駐邪?宜伐蘆葦以爲泭,佐船渡軍。」〔〕 琨具啓策,策卽行之,衆悉俱濟,遂破 於當利口,而船少,欲駐軍更求。。琨母時在軍中,謂琨曰:「恐州家多發水軍來逆人,則不利 郡,漢末擾亂,去吏,隨堅征伐有功,拜偏將軍。堅薨,隨孫策討樊能、于麋等於橫江,擊張英 吳主權徐夫人,吳郡富春人也。祖父眞,與權父堅相親,堅以妹妻眞,生琨。 琨少仕州

- (一) 附晉敷。郭璞注方言曰:"付,水中簿也。」
- [三] 江麦傳曰:初,袁術遣從弟胤爲丹楊,策令琨討而代之。,會景還,以景前在(仕) 丹楊,寬仁得衆,吏民所思,而琨 手下兵多,策嫌其太重,且方攻伐,宜得跟衆,乃復用景,召琨還吳。

權意在步氏,卒不許。後以疾卒。兄燆,嗣父琨侯,討平山越,拜偏將軍,先夫人卒,無子。 移,以夫人妒忌,廢處吳。積十餘年,權爲吳王及卽尊號,登爲太子,羣臣請立夫人爲后, 琨生夫人,初適同郡陸尙。 尚卒,權爲討虜將軍在吳,聘以爲妃,使母養子登。 後權遷

弟祚襲封,亦以戰功至(王)蕪湖督、平魏將軍。

破,皆東渡江,以美麗得幸於權,寵冠後庭。生二女,長日魯班,字大虎,前配周瑜子循,後 配全踪;少日魯育,字小虎,前配朱據,後配劉纂。 吳主權步夫人,臨淮淮陰人也,與丞相騭同族。 漢末,其母攜將徙廬江,廬江爲孫策所

(二)吳歷曰:屬先尙權中女,早卒,故叉以小虎爲繼室。

嘉其寵榮。嗚呼哀哉!」葬於蔣陵。 **朕躬對揚天休**。 世難未夷,大統未一,緣后雅志,每懷謙損。 夜,與朕均勞。內敎脩整,禮義不愆。 權依違者十餘年,然宮內皆稱皇后,親戚上疏稱中宮。及薨,臣下緣權指,請追正名號,乃 至,痛于厥心。 贈印綬,策命曰:「惟赤鳥元年閏月戊子,皇帝曰:嗚呼皇后,惟后佐命,共承天地。 夫人性不妒忌,多所推進,故久見愛待。權爲王及帝,意欲以爲后,而羣臣議在徐氏, 今使使持節丞相(醴陵亭侯雍)〔醴陵侯雍〕,奉策授號,配食先后。 不寤奄忽,大命近止。 寬容慈惠,有淑懿之德。民臣縣望,遠近歸心。 除以 朕恨本意不早昭顯, 傷后殂逝, 不終天祿。 是以于時未授名號,亦必謂后降年有永,永與 魂而有靈, 虔恭夙 愍悼之

薨後,和立爲太子,權將立夫人爲后,而全公主素憎夫人,稍稍譖毀。 及權寢疾,言有喜色, 由是權深責怒,以憂死。和子晧立,追尊夫人曰大懿皇后,封三弟皆列侯。 吳主權王夫人,琅邪人也。〔〕夫人以選入宮,黃武中得幸,生(孫)和,寵次步氏。步氏

(1) 吳書曰:夫人父名盧九。

諸姬有寵者,皆出居外。夫人出公安,卒,因葬焉。休卽位,遣使追尊曰敬懷皇后,改葬敬陵。 王氏無後,封同母弟文雍爲亭侯。 吳主權王夫人,南陽人也,以選入宮,嘉禾中得幸,生(孫)休。及和爲太子,和母貴重,

以夫人姊壻譚紹爲騎都尉,授兵。亮廢,紹與家屬送本郡廬陵。 子,請出嫁夫人之姊,權聽許之。明年,立夫人爲皇后。性險妒容媚,自始至卒,譖害袁夫 何其**昬臥**,共縊殺之,託言中惡。後事泄,坐死者六七人。權尋薨,合葬蔣陵。孫亮卽位, 人等甚衆。〔〕權不豫,夫人使問中書令孫弘呂后專制故事。侍疾疲勞,因以羸疾,諸宮人 **充後宮。得幸有娠,夢有以龍頭授己者,已以蔽膝受之,遂生(孫)亮。赤烏十三年,亮立爲太** 吳主權潘夫人,會稽句章人也。父爲吏,坐法死。夫人與姊俱輸織室,權見而異之,召

以無子,固辭不受。

(1) 吳錄曰: 袁夫人者,袁術女也,有節行而無子。權數以諸姬子與養之,輒不育。及步夫人薨,權欲立之。夫人自

馬,其餘爲侍郎、騎都尉,宿衞左右,自吳興,外戚貴盛莫及。及魏大將諸葛誕以壽春來附, 校尉,封都亭侯,代滕胤爲太常、衞將軍,進封永平侯,錄尙書事。時全氏侯有五人,並典兵 主自以與孫和母有際,乃勸權爲潘氏男亮納夫人,亮遂爲嗣。夫人立爲皇后,以尙爲城門 會稽王,後又黜爲候官侯,夫人隨之國,居候官,尚將家屬徙零陵,追見殺。〔〕〕 而全懌、全端、全禕、全儀等並因此際降魏,全熙謀泄見殺,由是諸全衰弱。會孫綝廢亮爲 孫亮全夫人,全尙女也。(尚)從祖母公主愛之,每進見輒與俱。及潘夫人母子有寵,全

[1] 吳錄曰:亮妻惠解有容色,居候官,吳平乃歸,永寧中卒。

時,全主譖害王夫人,欲廢太子,立魯王,朱主不聽,由是有隙。五鳳中,孫儀謀殺峻, 被誅。全主因言朱主與儀同謀,峻枉殺朱主。休懼,遣夫人還建業,執手泣別。 居丹楊。 孫休朱夫人,朱嶽女,休姊公主所生也。〔〕赤烏末,權爲休納以爲妃。 建興中,孫峻專政,公族皆患之。全尙妻卽峻姊,故惟全主祐焉。 休爲琅邪王,隨 初,孫和爲太子 既至,峻遣

還休。 爲皇后。休卒,羣臣尊夫人爲皇太后。孫晧卽位月餘,貶爲景皇后,稱安定宮。甘露元年 熊、揖所白。」亮殺熊、揖。揖妻是峻妹也,孫綝益忌亮,遂廢亮,立休。永安五年,立夫人 七月,見逼薨,合葬定陵。〔三〕 太平中,孫亮知朱主爲全主所害,問朱主死意?全主懼曰:「我實不知,皆據二子

(一)臣松之以爲休妻其甥,事同漢惠。荀悅譏之已當,故不復廣言。

(三)搜練記曰:孫峻殺朱主,埋於石子岡。歸命卽位,將欲改葬之。冢墓相亞,不可識別,而宮人頗識主亡時所著衣 人之言,不謀而同,於是開冢,衣服如之。 紫白袷裳,丹繞絲履,從石子岡上半岡,而以手抑膝長太息,小住須臾,進一冢上便住,徘徊良久,奄然不見。一 服,乃使雨巫各住一處以伺其靈,使察鑒之,不得相近。久時,二人俱白:見一女人年可三十餘,上著青錦東頭,

賜死,嫡妃張氏亦自殺。 尊和爲昭獻皇帝,(二)何姬爲昭獻皇后,稱升平宮,月餘,進爲皇太后。 之,命宦者召入,以賜子和。生男,權喜,名之曰彭祖,卽晧也。 居長沙。孫亮卽位,孫峻輔政。峻素媚事全主,全主與和母有際,遂勸峻徙和居新都,遣使 孫和何姬,丹楊句容人也。父遂,本騎士。孫權嘗游幸諸營,而姬觀於道中,權望見異 何姬曰:「若皆從死,誰當養孤?」遂拊育晧,及其三弟。 晧卽位, 。太子和旣廢,後爲南陽王, 封弟洪永平侯,蔣溧

陽侯,植宣城侯。洪卒,子邈嗣,爲武陵監軍,爲晉所殺。植官至大司徒。吳末昬亂,何氏

驕僭,子弟横放,百姓患之。故民譌言「晧久死,立者何氏子」云。〔三〕

(一) 吳錄曰: 皓初尊和爲昭獻皇帝, 俄改曰文皇帝。

(三) 江表傳曰: 時以張布女爲美人,有寵,晧問曰: 「汝父所在?」答曰: 「賊以殺之。」 晧大怒,棒殺之。 晧已死,所葬者是也。 晧舅子何都顏狀似晧,云都代立。 臨海太守奚熙信譌言,舉兵欲還誅都,都叔父植時爲備 內冢中以爲兵衞,以金銀珍玩之物送葬,不可稱計。 已葬之後,暗治喪於內,半年不出。國人見葬太奢麗,皆謂 朝成夕敗,輒出更作,工匠因緣偸盗,府藏爲空。會夫人死,晧哀愍思念,葬于苑中,大作冢,使工匠刻柏作木人, 宮,大有竈,拜爲左夫人,晝夜與夫人房宴,不聽朝政,使尙方以金作華燧、步搖、假髻以千數。令宮人著以相撲, 海督,擊殺熙,夷三族,譌言乃息,而人心猶疑 使巧工刻木作美人形象,恆置座側。 問左右:「「你復有女否?」 答曰:「「布大女適故衞尉馮朝子練。」 後思其顏色, 即奪純妻入

郡,雖爵位不奪,其實裔也,遂道路憂死。長秋官僚,備員而已,受朝賀表疏如故。 衞將軍,錄尙書事。後朝士以收尊戚,頗推令諫爭。 而夫人寵漸衰,晧滋不悅,晧母何恆左 得還,以牧爲五官中郎。。皓旣封爲程侯,聘牧女爲妃。。皓卽位,立爲皇后,封牧爲密侯,拜 右之。叉太史言,於運曆,后不可易,晧信巫覡,故得不廢,常供養升平宮。牧見遣居蒼梧 孫晧滕夫人,故太常胤之族女也。胤夷滅,夫人父牧,以疎遠徙邊郡。孫休卽位,大赦:

諸寵姬,佩皇后璽敍者多矣。

〔〕天紀四年,隨晧遷于洛陽。

[1] 江表傳曰: 睹又使黃門備行州郡,科取將吏家女。其二千石大臣子女,皆當歲歲言名,年十五六一簡閱,簡閱不 中,乃得出嫁。後宮千數,而採擇無已。

流後嗣。由是論之,惟以道義爲心、平一爲主者,然後克冤斯累邪! 也!遠觀齊桓,近察孫權,皆有識士之明,傑人之志,而嫡庶不分,閨庭錯亂,遺笑古今,殃 評曰:"易稱「正家而天下定」。"詩云:「刑于寡妻,至于兄弟,以御于家邦。」誠哉,是言

宗室傳第六

皎、奐、謙。 暠三子:綽、超、塨。 宗族,不樂出仕,求留鎭守。、策從之。、權統事,就遷昭義中郎將,終於家。 有五子,暠、瑜、 听等帥兵前戰。 策破昕等,斬之,遂定會稽。 〔三表拜靜爲奮武校尉,欲授之重任,靜戀墳墓 破之必矣。」、策曰:「善。」乃詐令軍中曰:「頃連雨水濁,兵飮之多腹痛,令促具甖缶數百口 陵,策數度水戰,不能克。一靜說策曰:「朗負阻城守,難可卒拔。 查讀南去此數十里,查音祖加 澄水。」至昬暮,羅以然火誑朗,便分軍夜投查瀆道,襲高遷屯。〔〕則大驚,遣故丹楊太守周 反。而道之要徑也,宜從彼據其內,所謂攻其無備、出其不意者也。吾當自帥衆爲軍前隊, 策破劉繇,定諸縣,進攻會稽,遣人請靜,靜將家屬與策會于錢唐。是時太守王朗拒策於固 孫靜字幼臺,堅季弟也。 堅始舉事,靜糾合鄉曲及宗室五六百人以爲保障,衆咸附焉。 超爲偏將軍。 恭生峻。綽生綝。

_ _ _ _

(三)會稽典錄曰:盺字大明。少游京師,師事太傅陳蕃,博覽羣書,明於風角,善推災異。 楊太守。 曹公起義兵,明前後遣兵萬餘人助公征伐。袁術之在淮南也,明惡其淫虐,絕不與通。 辟太尉府,舉高第,稍遷丹

獻帝春秋曰:袁術遣吳景攻町,未拔,景乃募百姓敢從周町者死不赦。 | 断曰:「我則不德,百姓何罪?」 遂散兵,還

本利

破之。 官,臨饗講肄。是時諸將皆以軍務爲事,而瑜好樂墳典,雖在戎旅,誦聲不絕。年三十九, 郡如故,自溧陽徙屯牛渚。瑜以永安人饒助爲襄安長,無錫人顏連爲居巢長,使招納廬江 安九年,領丹楊太守,爲衆所附,至萬餘人。加綏遠將軍。 建安二十年卒。瑜五子:彌、熈、燿、曼、紘。 曼至將軍,封侯。 二郡,各得降附。 瑜字仲異,以恭義校尉始領兵衆。是時賓客諸將多江西人,瑜虛心綏撫,得其歡心。建 後從權拒曹公於濡須,權欲交戰,瑜說權持重,權不從,軍果無功。 濟陰人馬普篤學好古,瑜厚禮之,使二府將吏子弟數百人就受業,遂立學 十一年,與周瑜共討麻、保二屯, 遷奮威將軍,領

遷都護征虜將軍,代程普督夏口。黃蓋及兄瑜卒,叉幷其軍。 孫皎字叔朗,始拜護軍校尉,領衆二千餘人。是時曹公數出濡須,皎每赴拒,號爲 賜沙姜、雲杜、南新市、竟陵 精銳 蒙。昔周瑜、程普爲左右部督,共攻江陵,雖事決於瑜,普自恃久將,且俱是督,遂共不睦, 衆。二者尙不能知,安可董督在遠,禦寇濟難乎?卿行長大,特受重任,上有遠方瞻望之視, 蒙督中。此人雖麤豪,有不如人意時,然其較略大丈夫也。吾親之者,非私之也。我親愛 襲南郡,權欲令皎與蒙爲左右部大督,蒙說權曰:「若至尊以征虜能,宜用之;以蒙能,宜用 煩諸葛子瑜重宣吾意。臨書摧愴,心悲淚下。」皎得書,上疏陳謝,遂與寧結厚。後呂蒙當 下有部曲朝夕從事,何可恣意有盛怒邪?人誰無過,貴其能改,宜追前愆,深自咎責。今故 之,卿疎憎之;卿所爲每與吾違,其可久乎。夫居敬而行簡,可以臨民;愛人多容,可以得 揚威於北境,非徒相使逞私志而已。近聞卿與甘興霸飲,因酒發作,侵陵其人,其人求屬呂 立」,非但謂五經也。授卿以精兵,委卿以大任,都護諸將於千里之外,欲使如楚任昭奚恤 以書讓皎日:「自吾與北方爲敵,中閒十年,初時相持年小,今者且三十矣。」孔子言。三十而 子,何可專行侮人邪!吾值明主,但當輸效力命,以報所天,誠不能隨俗屈曲矣。」權聞之, 弱。」由是江淮間多歸附者。嘗以小故與甘寧忿爭,或以諫寧,寧曰:「臣子一例,征虜雖公 進皎,皎更其衣服送還之,下令曰:「今所誅者曹氏,其百姓何罪?自今以往,不得擊其老 衆事,廣陵吳碩、河南張梁以軍旅,而傾心親待,莫不自盡。 皎嘗遣兵候獲魏邊將吏美女以 爲奉邑,自置長吏。輕財能施,善於交結,與諸葛瑾至厚,委廬江劉靖以得失,江夏李允以

幾敗國事, 皎有力焉。 有罪自殺,國除。 此目前之戒也。」權寤,謝蒙曰:「以卿爲大督,命皎爲後繼。」禽關羽,定荆州 建安二十四年卒。 弟咨、隬、儀皆將軍,封侯。 權追錄其功,封子胤爲丹楊侯。胤卒,無子。弟晞嗣,領兵, 咨羽林督,儀無難督。 咨爲滕胤所殺,儀爲孫

峻所害。

謀,自殺。 壹奉與後,襲業爲將。 張梁皆裨將軍,賜爵關內侯。〔1〕與亦愛樂儒生,復命部曲子弟就業,後仕進朝廷者數十人。 歎曰:「初吾憂其遲鈍,今治軍,諸將少能及者,吾無憂矣。」拜揚威將軍,封沙羨侯。吳碩、 黃武五年,權攻石陽,奐以地主,使所部將軍鮮于丹帥五千人先斷淮道,自帥吳碩、張梁五 鎭南遷鎭軍,假節督夏口。 年四十,嘉禾三年卒。 千人爲軍前鋒,降高城,得三將。大軍引還,權詔使在前住,駕過其軍,見與軍陳整齊,權 禮劉靖、李允、吳碩、張梁及江夏閭舉等, 孫奐字季明。 綝遣朱異潛襲壹。異至武昌,壹知其攻己,率部曲千餘口過將胤妻奔魏。 兄皎旣卒,代統其衆,以揚武中郎將領江夏太守。在事一年,遵皎舊迹, 孫峻之誅諸葛恪也,壹與全熙、施績攻恪弟公安督融,融自殺。 子承嗣,以昭武中郎將代統兵,領郡。 及孫綝誅滕胤、呂據,據、胤皆壹之妹夫也,壹弟封又知胤、據 並納其善。 **奥訥於造次而敏於當官,軍民稱之。** 赤烏六年卒,無子,封承庶弟 魏以 壹從

壹爲車騎將軍、儀同三司,封吳侯,以故主芳貴人邢氏妻之。 邢美色妒忌,下不堪命,遂共

殺壹及那氏。壹入魏(黄初)三年死。

(一) 江表傳曰:初權在武昌,欲還都建業,而慮水道泝流二千里,一旦有警,不相赴及,以此懷疑。 及至夏口,於塢中 作甘水城,輕艦數千,諸所宜用,皆使備具。如此開門延敵,敵自不來矣。」權以經計爲最得,即超增經位。後稍 以功進至沔中督。 皆以爲非計。時經爲小將,未有知名,乃越席而進曰:「臣聞香餌引泉魚,重幣購勇士,今宜明樹賞罰之信,遣將 大會百官議之,詔曰:「諸將吏勿拘位任,其有計者,爲國言之。」諸將或陳宜立柵柵夏口,或言宜重設鐵鎖者,權 入河,與敵爭利,形勢旣成,彼不敢干也。使武昌有精兵萬人,付智略者任將,常使嚴整。 一旦有警, 應聲相赴。

因將士衆還住歷陽。 於陰陵。術表實領豫州刺史,轉丹楊都尉,行征虜將軍,討平山越。爲揚州刺史劉繇所迫逐, 貫九江太守。 景破英、能等, 後袁術徙壽春,賁又依之。 友愛甚篤。爲郡督郵守長。堅於長沙擧義兵,賁去吏從征伐。堅薨,賁攝帥餘衆,扶送靈柩。 孫賁字伯陽。父羌字(聖臺)〔聖臺〕,堅同產兄也。 賁早失二親,弟輔嬰孩,賁自贍育, 貫不就,棄妻孥還江南。(1)時策已平吳、會二郡,賁與策征廬江太守劉勳、江 **遂進擊劉**繇。 頃之, 術從兄紹用會稽周昂爲九江太守,紹與術不協,術遣實攻破昂 術復使實與吳景共擊樊能、張英等,未能拔。及策東渡,助賁 繇走豫章。 策遣賁、景還壽春報術,值術僭號,署置百官,除

夏太守黃祖,軍旋,聞繇病死,過定豫章,上賁領太守,〔三〕後封都亭侯。建安十三年,使者

劉隱奉詔拜賁爲征虜將軍,領郡如故。在官十一年卒。子鄰嗣

(1) 江表傳曰:袁術以吳景守廣陵,策族兄香亦爲術所用,作汝南太守,而令廣爲將軍,領兵在壽春。 策與景等書曰:

「今征江東,未知二三君意云何耳?」景即棄守歸,實困而後免,香以道遠獨不得還,

吳書曰:香字文陽。 父孺,字仲孺,堅再從弟也,仕郡主簿功曹。 香從堅征伐有功,拜郞中。後爲袁術驅馳,加征

南將軍,死於壽春。

(三)江湊傳曰:時丹楊僮芝自署廬陵太守,策留廣弟輔領兵住南昌,策謂廣曰:「兄今據豫章,是扼僮芝咽喉而守其門 戶矣。但當何其形便,因令國儀杖兵而進,使公瑾爲作勢援, 一舉可定也。」後實聞芝病,即如策計。 周瑜到巴

丘,輔遂得進據廬陵。

鄰年九歲,代領豫章,進封都鄉侯。〔〕在郡垂二十年,討平叛賊,功績脩理。召還武昌,

者多爲有言,濬猶不釋。 爲繞帳督。時太常潘濬掌荆州事,重安長陳留舒燮有罪下獄,濬嘗失燮,欲寘之於法。論 鄰謂濬曰:「舒伯膺兄弟爭死,海內義之,以爲美譚,仲膺又有奉國

舊意。今君殺其子弟,若天下一統,青蓋北巡,中州士人必問仲膺繼嗣,答者云潘承明殺 變,於事何如?」濬意卽解,變用得濟。〔〕鄰遷夏口沔中督、威遠將軍,所居任職。 子苗嗣。苗弟肱及叔父安、熙、績,皆歷列位。〔三〕 赤鳥

(1) 吳書曰: 獅字公達, 雅性精敏, 幼有令譽。

- (三)博物志曰:仲膺名邵。 初,伯膺親友爲人所殺,仲膺爲報怨。事覺,兄弟爭死,皆得免。 袁術時,邵爲阜陵長。 亦
- 見江表傳。
- 吳歷曰:鄭又有子曰述,為武昌督,平荆州事。震,無難督。 實曾孫惠,字德施 諸,城門校尉。歌,樂鄉督。 震後禦晉軍,與張悌俱死。

乎? 膀題道衢,招求其人。惠乃出見,越即以爲記室參軍,專掌文疏,豫參謀議。 空東海王越治兵下邳,惠以書干越,詭其姓名,自稱南岳逸民秦祕之,勉以勤王匡世之略,辭義甚美。 軍 惠獻言於問,諷以五難、四不可,勸令委讓萬機,歸藩清岱,辭甚深切。 成,皆有辭旨。 惠別傳曰 一參軍。 機曰:「將謂吾避賊首鼠,更速其害。」機轉被戮,二弟雲、耽亦見殺,惠甚傷恨之。 是時顯將有事於長沙,以陸機爲前鋒都督。 "惠好學有才智,晉永寧元年,赴齊王冏義,以功封晉興侯,辟大司馬賊曹屬。 累遷顯職,後爲廣武將軍、安豐內史。年四十七卒。 惠與機鄕里親厚,憂其致禍,謂之曰:「子盍讓都督於王粹 惠文翰凡數十首。 冏不能納,頃之果敗。 每造書檄, 冏驕矜僭侈,天下失望。 永興元年,乘興幸縣,司 越或驛馬催之,應命立 成都王穎召爲大將 越省其書,

刺史。 袁術 從,身先士卒,有功。 ,并招誘餘民,鳩合遺散。 孫輔字國儀,貫弟也,以揚武校尉佐孫策平三郡。 遣使與曹公相聞 策立輔爲廬陵太守, ,事覺,權幽繫之。<a>(三)數歲卒。 又從策討陵陽,生得祖郎等。〔〕策西襲廬江太守劉勳 撫定屬城, 分置長吏。 子興、昭、偉、昕,皆歷列位。 策討丹楊七縣,使輔西屯歷陽以拒 遷平 南將軍,假節領交州 輔

江表傳 與天下通耳。 衆,圖共攻策。 曰:策旣平定江東,逐袁胤。袁術深怨策,乃陰遣閒使齎印綬與丹楊宗帥陵陽祖郎等, 非但汝,汝莫恐怖。」郎叩頭謝罪。 策自率將士討郎,生獲之。策謂即曰:「爾昔襲擊孤,斫孤馬鞍,今創軍立事,除集宿恨,惟取能用, 即破械,賜衣服,署門下賊曹。及軍還,郎與太史慈俱在前導 使激動山越,大合

(三)典略曰:輔恐權不能保守江東,因權出行東治,乃遣人齎書呼曹公。行人以告,權乃還,僞若不知,與張昭共見輔, 權謂輔曰:「兄厭樂邪,何爲呼他人?」輔云無是。權因投書與昭,昭示輔,輔慚無辭。乃悉斬輔親近,分其部曲

軍,人以爲榮。

以偏將軍領丹楊太守,時年二十。後卒爲左右邊鴻所殺,鴻亦卽誅。〔1〕 孫翊字叔弼,權弟也,驍悍果烈,有兄策風。太守朱治舉孝廉,司空辟。〔1〕 建安八年,

[一] 典略曰: 翊名儼, 性似策。策臨卒, 張昭等謂策當以兵屬儼, 而策呼權, 佩以印綬。

二〕 吳歷載 娜妻徐節行,宜與嬀覽等事相次,故列於後孫韶傳中。

遇,依依於子弟。又子喬良器,爲之惻愴。 子松爲射聲校尉、都鄉侯。〔1〕黃龍三年卒。蜀丞相諸葛亮與兄瑾書曰:「旣受東朝厚 見其所與亮器物,感用流涕。」其悼松如此,由

亮養子 喬 容 述 故 云。

[1] 吳錄曰:松善與人交,輕財好施。鎭巴丘,數咨陸遜以得失。嘗有小過,遜面責松,松意色不平,遜觀其少釋,謂曰: 「君過聽不以某鄙,數見訪及,是以承來意進盡言,便變色,何也?」松笑曰:「屬亦自忿行事有此,豈有望邪!」

公。白 長水校尉。嘉禾三年,從權圍新城,中流矢死。秦子秀爲前將軍、夏口督。秀公室至親,握 而定遠獵,秀遂驚,夜將妻子親兵數百人奔晉。晉以秀爲驃騎將軍、儀同三司,封會稽 兵在外,晧意不能平。建衡二年,晧遣何定將五千人至夏口獵。先是,民閒僉言秀當見圖, 孫匡字季佐,翊弟也。舉孝廉茂才,未試用,卒,時年二十餘。〔〕子泰,曹氏之甥也,爲

[1] 江表傳曰:曹休出洞口,呂範率軍禦之。時匡爲定武中郎將、(遣) [違] 範令放火,燒損茅芒,以乏軍用,範卽啓送 |匡還吳。|權別其族爲丁氏,禁固終身。

臣松之案本傳曰:「匡未試用卒,時年二十餘。」而江表傳云呂範在洞口,匡爲定武中郎將。 旣爲定武,非爲未試 用。且孫堅以初平二年卒,洞口之役在黃初三年,堅卒至此合三十一年,匡時若尚在,本傳不得云卒時年二十餘 此蓋權別生弟朗,江表傳誤以爲匡也。朗之名位見三朝錄及虞喜志林也。

南而棄之,宗廟山陵,於此爲墟。悠悠蒼天,此何人哉!」朝廷美之。 干寶晉紀曰:秀在晉朝,初聞略降,羣臣畢賀,秀稱疾不與,南向流涕曰:「昔討逆弱冠以一校尉創業,今後主舉江

吳 書 宗室傳第六

晉諸公贊曰:吳平,降爲伏波將軍,開府如故。 永寧中卒,追贈驃騎、開府。子儉,字仲節,給事中。

孫韶字公禮。伯父河,字伯海,本姓俞氏,亦吳人也。孫策愛之,賜姓爲孫,列之屬

籍。(二後爲將軍,屯京城。

(一) 吳書曰:河,堅族子也,出後姑愈氏,後復姓爲孫。河質性忠直,訥言敏行,有氣幹,能服勤。少從堅征討,常爲前 驅,後領左右兵,典知內事,待以腹心之任。又從策平定吳、會,從權討李術,術破,拜威寇中郎將,領廬江太守。

覽爲大都督督兵,員爲郡丞。及翊遇害,河馳赴宛陵,責怒覽、員,以不能全權,令使姦變得 初,孫權殺吳郡太守盛憲,自憲故孝廉嬀覽、戴員亡匿山中,孫翊爲丹楊,皆禮致之。

施。 迎揚州刺史劉馥,令住歷陽,以丹楊應之。會翊帳下徐元、孫高、傅嬰等殺覽、員。〔三〕 二人議曰:「伯海與將軍疎遠,而責我乃耳。討虜若來,吾屬無遺矣。」遂殺河,使人北

(1) 會稽典錄曰:憲字孝章,器量雅偉,舉孝廉,補尙書郞,稍遷吳郡太守,以疾去官。孫策平定吳、會,誅其英豪,憲 章實丈夫之雄也,天下譚士依以揚聲,而身不免於幽執,命不期於旦夕,是吾祖不當復論損益之友, 孤危愁苦,若使憂能傷人,此子不得復永年矣。養秋傳曰:『諸侯有相滅亡者,桓公不能救,則桓公恥之。』今孝 絕交也。公誠能馳一介之使,加咫尺之書,則孝章可致,友道可弘也。今之少年,喜謗前輩,或能譏平皮柄反。 焉已至。公爲始滿,融又過二,海內知識,零落殆盡,惟會稽盛孝章倘存。其人困於孫氏,妻孥湮沒,單孑獨立, 素有高名,策深忌之。初,憲與少府孔融善,融憂其不免禍,乃與曹公書曰:「歲月不居,時節如流,五十之年,忽 而朱穆所以

|孝

漢室 章;孝章要爲有天下大名,九牧之民所共稱歎。燕君市駿馬之骨,非欲以騁道里,乃當以招絕足也。惟公匡復 王不解,臨溺而王不拯,則士亦將高翔遠引,莫有北首熊路者矣。凡所稱引,自公所知, 以尊郭隗,隗雖小才,而逢大遇,竟能發明主之至心,故樂毅自魏往,劇辛自趙往,鄒衍自齊往。 也,因表不悉。」由是徵爲騎都尉。 ,宗社將絕,又能正之,正之之術,實須得賢。 珠玉無脛而自至者,以人好之也,沉賢者之有足乎? 制命未至,果爲權所害。 子匡奔魏,位至征東司馬。 而有云者, 嚮使郭隗倒縣 欲公崇篤斯 昭王築臺 義 而

[11] 吳歷曰:嬀覽、戴員親近邊洪等,數爲娜所困,常欲叛逆,因吳主出征,遂其姦計。時諸縣令長並會見娜,娜以妻 Щ 意。 遺,乃大請賓客。」翊出入常持刀,爾時有酒色,空手送客,洪從後斫翊,郡中擾亂,無救翊者,遂爲洪所殺,迸走入 今日之事,實夙夜所懷也。」乃密呼鄉時侍養者二十餘人,以徐意語之,共盟誓,合謀。 語嫋親近舊將孫高、傅嬰等,說:「覽已虜略婢妾,今又欲見偪,所以外許之者,欲安其意以免禍耳。 徐氏頗曉卜,嫋入語徐:「吾明日欲爲長吏作主人,卿試卜之。」徐言:「卦不能佳,可須異日。」嫋以長吏來久,宜速 便大呼:「二君可起!」高、嬰俱出,共得殺贖,餘人即就外殺員。 夫人乃還縗絰,奉贖、員首以祭翊墓。舉軍震駭: 盡哀畢,乃除服,薰香沐浴,更於他室,安施幃帳,言笑歡悅,示無戚容。大小悽愴,怪其如此。 及左右侍御,欲復取徐。 以爲神異。 君哀救。」高、嬰涕泣答言:「受府君恩遇,所以不即死難者,以死無益,欲思惟事計,事計未立,未敢啓夫人耳。 徐氏購募追捕,中宿乃得,覽、員歸罪殺洪。諸將皆知覽、員所爲,而力不能討。 徐呼高、嬰與諸婢羅住戶內,使人報覽,說已除凶卽吉,惟府君敕命。覽盛意入,徐出戶拜。 吳主續至,悉族誅覽、員餘黨,擢高、嬰爲牙門,其餘皆加賜金帛,殊其門戶 恐逆之見害,乃給之曰:「乞須晦日設祭除服。」時月垂竟,覽聽須祭畢。 覽入居軍府中,悉取翊嬪妾 到晦日, 設祭, 徐氏哭泣 覽密覘視,無復疑 魔適得一拜,徐 徐潛使所親 欲立微計,願 信

吳

乃止。 丹楊侯。(二 討者 **璽元年,徵楷爲宮下鎭驃騎將軍。** 兄楷武衞大將軍、臨成侯,代越爲京下督。 要害,遠近人馬衆寡,魏將帥姓名,盡具識之,有問咸對。身長八尺,儀貌都雅。 數百里。自權西征,還都武昌,韶不進見者十餘年。權還建業,乃得朝覲。 有負敗。青、徐、汝、沛頗來歸附,淮南濱江屯候皆徹兵遠徙,徐、泗、江、淮之地,不居者各 韶爲邊將數十年,善養士卒,得其死力。 常以警疆埸遠斥候爲務,先知動靜而爲之備,故鮮 引軍歸吳。 「吾久不見公禮,不圖進益乃爾。」加領幽州牧、假節。 ,皓數遣詰楷。 後爲廣陵太守、偏將軍。權爲吳王,遷揚威將軍,封建德侯。權稱尊號,爲鎭北將軍。 韶 年十 明日見韶,甚器之,卽拜承烈校尉,統河部曲,食曲阿、丹徒二縣,自置長吏,一如河 夜至京城下營,試攻驚之,兵皆乘城傳檄備警,讙聲動地,頗射外人,權使曉喩 收河餘衆,繕治京城,起樓櫓,脩器備以禦敵。權聞亂,從椒丘還,過定丹楊, 楷常惶怖,而卒被召,遂將妻子親兵數百人歸晉,晉以爲車騎將軍,封 初永安賊施但等劫皓弟謙,襲建業,或白楷二端不卽赴 楷弟異至領軍將軍,奕宗正卿,恢武陵太守。 赤烏四年卒。 子越嗣,至右將軍。 權問靑、徐諸屯 權歡悅日

(一) 晉諸公贊曰:吳平,降為渡遼將軍,永安元年卒。

吳錄曰:楷處事嚴整不如孫秀,而人閒知名,過也。

<u>-</u>

僅乃得免,忿恚歎曰:「吾昔初至京城,桓尙小兒,而今迫孤乃至此也!」桓以功拜建武將 彌 山盈谷,桓投刀奮命,與遜勠力,備遂敗走。桓斬上(兜)〔變〕道,截其徑要。 孫桓字叔武,河之子也。〔〕年二十五,拜安東中郎將,與陸遜共拒劉備。 備踰山越險, 備軍衆甚盛,

(一) 吳書曰:河有四子。長助,曲阿長。次誼,海鹽長。並早卒。次恒,儀容端正,器懷聰朗,博學殭記,能論議應對,權 常稱爲宗室顏淵,擢爲武衞都尉。從討關羽於華容,誘羽餘黨,得五千人,牛馬器械甚衆。

軍,封丹徒侯,下督牛渚,作横江塢,會卒。(三)

(三) 吳書曰:桓弟俊,字叔英,性度恢弘,才經文武,為定武中郎將,屯戍薄落,赤鳥十三年卒。長子建襲爵,平廣將軍。 少子順,鎮南將軍。順子丞,字顯世。

涿令,甚有稱績。永安中,陸機爲成都王大都督,請丞爲司馬,與機俱被害。 獲全。常使二人記事,丞答顧問,乃下詔曰:「自今已後,用侍郎皆當如今宗室丞、顧榮疇也。」。吳平赴洛,爲范陽 文士傳曰:丞好學,有文章,作螢火賦行於世。爲黃門侍郎,與顧榮俱爲侍臣。 歸命世內侍多得罪尤,惟榮、丞獨

陲,克堪厥任,不忝其榮者乎!故詳蓍云。 評曰:夫親親恩義,古今之常。宗子維城,詩人所稱。況此諸孫,或贊興初基,或鎭據邊

張顧諸葛步傳第七

父,而桓公爲霸者宗。今子布賢,我能用之,其功名獨不在我乎!」 宣則懼有私,宣之則恐非宜,進退不安。策聞之,歡笑曰:「昔管仲相齊,一則仲父,二則仲 大亂,徐方士民多避難揚土,昭皆南渡江。孫策創業,命昭爲長史、撫軍中郎將,升堂拜母, 稱善之。〔〕刺史陶謙舉茂才,不應,謙以爲輕己,遂見拘執。 昱傾身營救,方以得免。 漢末 趙昱、東海王朗俱發名友善。弱冠察孝廉,不就,與朗共論舊君諱事, 如比肩之舊,文武之事,一以委昭。〔三〕昭每得北方士大夫書疏,專歸美於昭,昭欲嘿而不 張昭字子布,彭城人也。少好學,善隸書,從白侯子安受左氏春秋,博覽衆書,與琅邪 州里才士陳琳等皆

(1)時汝南主簿應砌議宜爲舊君諱,論者皆互有異同,事在風俗通。昭著論曰:「客有見大國之議,士君子之論,云起 有疑焉。 元建武已來,舊君名諱五十六人,以爲後生不得協也。 取乎經論,譬諸行事,義高辭麗,甚可嘉羨。 蓋乾坤剖分,萬物定形,肇有父子君臣之經。故聖人順天之性,制禮尙敬,在三之義,君實食之,在喪之 愚意褊淺,竊

吳

張顧諸葛步傳第七

上不盡高祖,下不盡玄孫。又傳記四世而總麻,服之窮也;五世袒免,降殺同姓也;六世而親屬竭矣。又曲 哀,君親臨之,厚莫重焉,恩莫大焉,誠臣子所尊仰,萬夫所天恃,焉得而同之哉?然親親有衰,尊尊有殺,故禮服

有不逮事之義則不諱,不諱者,蓋名之謂,屬絕之義,不拘於協,況乃古君五十六哉!邾子會盟,季友來歸,不稱

其名,咸書字者,是時魯人嘉之也。何解臣子爲君父諱乎?周穆王諱滿,至定王時有王孫滿者,其爲大夫,是臣

協君也。 又厲王諱胡,及莊王之子名胡,其比衆多。夫類事建議,經有明據,傳有徵案,然後進攻退守,萬無奔北,

垂示百世,永無咎失。今應劭雖上尊舊君之名,而下無所斷齊,猶歸之疑云。,曲禮之篇,疑事無質,觀省上下,闕

〔三〕吳書曰:策得昭甚悅,謂曰:「吾方有事四方,以士人賢者上,吾於子不得輕矣。」 乃上爲校尉,待以師友之醴。 策臨亡,以弟權託昭,昭率羣僚立而輔之。〔〕上表漢室,下移屬城,中外將校,各令奉 義自證,文辭可爲,倡而不法,將來何觀?言聲一放,猶拾瀋也,過辭在前,悔其何追!」

天下鼎沸、羣盜滿山、孝廉何得寢伏哀戚,肆匹夫之情哉?」乃身自扶權上馬,陳兵而出, 然後衆心知有所歸。昭復爲權長史,授任如前。〔三後劉備表權行車騎將軍,昭爲軍師。權 權悲感未視事,昭謂權曰:「夫爲人後者,貴能負荷先軌,克昌堂構,以成勳業也。 方今

能駕御英雄,驅使羣賢,豈謂馳逐於原野,校勇於猛獸者乎?如有一旦之患,奈天下笑何? 每田獵,常乘馬射虎,虎常突前攀持馬鞍。昭變色而前曰:「將軍何有當爾?夫爲人君者,謂

權謝昭曰:「年少慮事不遠,以此慚君。」然猶不能已,乃作射虎車,爲方目,閒不置蓋,一人 爲御,自於中射之。時有逸羣之獸,輒復犯車,而權每手擊以爲樂。昭雖諫爭,常笑而不答。

後孫邵卒,百寮復舉昭,權曰:「孤豈爲子布有愛乎?領丞相事煩,而此公性剛,所言不從, 乎?」昭對曰:「昔紂爲糟丘酒池長夜之飲,當時亦以爲樂,不以爲惡也。」權默然,有慚 色,遂罷酒。初,權當置丞相,衆議歸昭。權曰:「方今多事,職統者責重,非所以優之也。」 中,乃當止耳。」昭正色不言,出外車中坐。權遣人呼昭還,謂曰:「爲共作樂耳,公何爲怒 封由拳侯。〔三〕權於武昌,臨釣臺,飲酒大醉。權使人以水灑羣臣曰:「今日酣飲,惟醉墮臺 不行。而君敢自尊大,豈以江南寡弱,無方寸之刃故乎!」貞卽遽下車。拜昭爲綏遠將軍, 魏黃初二年,遣使者邢貞拜權爲吳王。貞入門,不下車。昭謂貞曰:「夫禮無不敬,故法無

- 怨咎將興,非所以益之也。」乃用顧雍。 [1] 吳歷曰:策謂昭曰:「若仲謀不任事者,君便自取之。正復不克捷,緩步西歸,亦無所慮。」
- [三] 吳書曰:是時天下分裂,擅命者衆。孫策蒞事日淺,恩澤未洽,一旦傾隕,士民狼狽,頗有同異。及昭輔權,綏撫 百姓,諸侯賓旅寄寓之土,得用自安。權每出征,留昭鎮守,領幕府事。後黃巾賊起,昭討平之。權征合肥,命

昭別討匡琦,又督領諸將,攻破豫章賊率周鳳等於南城。自此希復將帥,常在左右,爲謀謨臣。權以昭舊臣,待遇

尤重。

(三)吳錄曰:昭與孫紹、滕胤、鄭禮等,採周、漢,撰定朝儀。

權 既稱尊號,昭以老病,上還官位及所統領。〔〕更拜輔吳將軍,班亞三司,改封婁侯, 在里宅無事, 乃著春秋左氏傳解及論語注。權嘗問衞尉嚴畯:「寧念小時所闇

吳 書 張顧諸葛步傳第七

書不?」唆因誦孝經「仲尼居」。昭曰:「嚴唆鄙生,臣請爲陛下誦之。」乃誦「君子之事上」,

咸以昭爲知所誦。

[1] 江表傳曰:權旣即尊位,請會百官,歸功周瑜。 昭舉笏欲褒贊功德,未及言,權曰:「如張公之計,今已乞食矣。」昭 足輔,是以盡誠匡弼,以成其業,上藩漢室,下保民物;鼎峙之計,本非其志也。曹公仗順而起,功以義立,冀以 其可測量哉!然則昭爲人謀,豈不忠且正乎! 臣松之以爲張昭勸迎曹公,所存豈不遠乎?夫其揚休正色,委質孫氏,誠以厄運初遘,塗炭方始,自策及權,才略 功於孫氏,有大當於天下矣。昔竇融歸漢,與國升降;張魯降魏,賞延于世。沈權舉全吳,望風順服,寵靈之厚, 大慚,伏地流汗。昭忠謇亮直,有大臣節,權敬重之,然所以不相昭者,蓋以昔駮周瑜、魯肅等議爲非也

臣莫拒,權歎曰:「使張公在坐,彼不折則廢,安復自誇乎?」明日,遣中使勞問,因請見昭。 樂取容,此臣所不能也。」權辭謝焉。 不圖復蒙引見,得奉帷幄。然臣愚心所以事國,志在忠益,畢命而已。若乃變心易慮,以偸 思盡臣節,以報厚恩,使泯沒之後,有可稱述,而意慮淺短,違逆盛旨,自分幽淪,長棄溝壑, 昭避席謝,權跪止之。昭坐定,仰曰:「昔太后、桓王不以老臣屬陛下,而以陛下屬老臣,是以 昭每朝見,辭氣壯厲,義形於色,曾以直言逆旨,中不進見。後蜀使來,稱蜀德美,而羣 吳 書 張顧諸葛步傳第七

襲爵。

數慰謝昭,昭固不起,權因出過其門呼昭,昭辭疾篤。 往。 老臣於牀下,遺詔顧命之言故在耳。」因涕泣橫流。 於衆中折孤,孤嘗恐失計。」昭熟視權曰:「臣雖知言不用,每竭愚忠者,誠以太后臨崩,呼 切。權不能堪,案刀而怒曰:「吳國士人入宮則拜孤,出宮則拜君,孤之敬君,亦爲至矣,而數 使人滅火,住門良久,昭諸子共扶昭起,權載以還宮,深自克責。 非本志也。 昭忿言之不用,稱疾不朝。權恨之,土塞其門,昭又於內以土封之。淵果殺彌、晏。 權以公孫淵稱藩,遣張彌、許晏至遼東拜淵爲燕王,昭諫曰:「淵背魏懼討,遠來求援: 若淵改圖,欲自明於魏,兩使不反,不亦取笑於天下乎。」權與相反覆,昭意彌 權擲刀致地,與昭對泣。 權燒其門,欲以恐之,昭更閉戶。 昭不得已,然後朝會。[一] 然卒遣彌、晏

| 習鑿齒曰:張昭於是乎不臣矣! 夫臣人者,三諫不從則奉身而退,身苟不絕,何忿懟之有?且寮穆違諫,卒霸西 閉戶拒命,坐待焚滅,豈不悖哉! 迴慮降心,不遠而復,是其善也。昭爲人臣,不度權得道,匡其後失,夙夜匪懈,以延來譽,乃追忿不用,歸罪於君, 戎,晉文暫怒,終成大業。遺誓以悔過見錄,狐偃無怨絕之辭,君臣道泰,上下俱榮。 今權悔往之非而 ,後盆

五年卒。 昭容貌矜嚴,有威風,權常曰:「孤與張公言,不敢妄也。」 遺令幅巾素棺,斂以時服。 權素服臨弔,諡曰文侯。〔〕長子承已自封侯,少子休 舉邦憚之。年八十一,嘉禾

(一) 典略曰:余爨聞劉荆州嘗自作書欲與孫伯符,以示禰正平,正平蚩之,言:「如是爲欲使孫策帳下兒讀之邪, 張子布見乎?」如正平言,以爲子布之才高乎?雖然,猶自蘊藉典雅,不可謂之無筆迹也。加聞吳中稱謂之仲父, 如此,其人信一時之良幹,恨其不於嵩岳等資,而乃播殖於會稽。 將使

軍旅乎?」奮對曰:「昔童汪死難,子奇治阿,奮實不才耳,於年不爲少也。」遂領兵爲將軍, 連有功效,至(平州)〔半州〕都督,封樂鄕亭侯。 昭弟子奮年二十,造作攻城大攻車,爲步騭所薦。 昭不願曰:「汝年尙少,何爲自委於

子和納之。權數令和脩敬於承,執子壻之禮。震諸葛恪誅時亦死。 初,承喪妻,昭欲爲索諸葛瑾女,承以相與有好,難之,權聞而勸焉,遂爲壻。〔〕〕生女,權爲 於長進,篤於物類,凡在庶幾之流,無不造門。年六十七,赤鳥七年卒,諡曰定侯。子震嗣。 款至衞尉,景豫章太守。〔〕又諸葛恪年少時,衆人奇其英才,承言終敗諸葛氏者元遜也。勤 曲五千人,承爲人壯毅忠讜,能甄識人物,拔彭城蔡款、南陽謝景於孤微童幼,後並爲國士, 爲長沙西部都尉。討平山寇,得精兵萬五千人。後爲濡須都督、奮威將軍,封都鄕侯,領部 承字仲嗣,少以才學知名,與諸葛瑾、步騭、嚴畯相友善。權爲驃騎將軍,辟西曹掾,出

[1] 吳錄曰:| 款字文德, 歷位內外, 以淸貞顯於當世。後以衞尉領中書令, 封留侯。二子, 條、機。條孫晧時位至尚書令、 機爲臨川太守。 謝景事在孫登傳

(三)臣松之案:承與諸葛瑾同以赤烏中卒,計承年小瑾四歲耳。

訴,下詔書賜休死,時年四十一。 承與與軍陳恂通情, 許增其伐,並徙交州。 中書令孫弘佞偽險詖,休素所忿,(三)弘因是譖 林都督,平三典軍事,遷揚武將軍。爲魯王霸友黨所譖,與顧譚、承俱以芍陂論功事, 弼都尉。 休字叔嗣,弱冠與諸葛恪、顧譚等俱爲太子登僚友,以漢書授登。〔〕從中庶子轉爲右 權常游獵,迨暮乃歸,休上疏諫戒,權大善之,以示於昭。及登卒後,爲侍中,拜羽

(一) 吳書曰:休進授,指摘文義,分別事物,並有章條。每升堂宴飲,酒酣樂作,登輒降意與同歡樂。 休爲人解達,登 甚愛之,常在左右。

(三)吳錄云:弘,會稽人也。

薦,弱冠爲合肥長,後轉在婁、曲阿、上虞,皆有治迹。 領尙書令,封陽遂鄉侯,拜侯還寺,而家人不知,後聞乃驚。 行太守事,討除寇賊,郡界寧靜,吏民歸服。 顧雍字元歎,吳郡吳人也。〔1〕蔡伯喈從朔方還,嘗避怨於吳,雍從學琴書。〔三]州郡表 數年,入爲左司馬。權爲吳王,累遷大理奉常, 孫權領會稽太守,不之郡,以雍爲丞,

〕 吳錄曰:雅會祖父奉,字季鴻,潁川太守。

= 江表傳曰:雅從伯喈學,專一清靜,敏而易教。 伯喈貴異之,謂曰:「卿必成致,今以吾名與卿。」故雍與伯喈同名,

由此也。

吳錄曰:雅字元歎,言爲蔡雅之所歎,因以爲字焉。

醜誣 時尚書郞懷敍面詈辱壹,雍責敍曰:「官有正法,何至於此!」(三) 獄,壹以囚見,雍和顏色,問其辭狀,臨出,又謂壹曰:「君意得無欲有所道?」壹叩頭無言。 聽采聞,頗以法令太稠,刑罰微重,宜有所蠲損。權默然,顧問雍曰:「君以爲何如?」 雍對 府及州郡文書。 曰:「臣之所聞,亦如昭所陳。」於是權乃議獄輕刑。〔〕久之,呂壹、秦博爲中書,與校諸官 如此。是歲,改爲太常,進封醴陵侯,代孫邵爲丞相,平尙書事。其所選用文武將吏各隨能 ,毀短大臣,排陷無辜,雍等皆見舉白,用被譴讓。後壹姦罪發露,收繫廷尉。雍往斷 「,心無適莫。 時訪逮民閒,及政職所宜,輒密以聞。 若見納用,則歸之於上,不用,終不 左右恐有酒失而瘫必見之,是以不敢肆情。權亦曰:「顧公在坐,使人不樂。」其見憚 雍爲人不飮酒,寡言語,舉動時當。 權嘗歎曰:「顧君不言,言必有中。」 至飮宴歡樂之 黃武四年,迎母於吳。旣至,權臨賀之,親拜其母於庭,公卿大臣畢會,後太子又往慶 權以此重之。然於公朝有所陳及,辭色雖順而所執者正。權嘗咨問得失,張昭因陳 壹等因此漸作威福,遂造作榷酤障管之利,舉罪糾奸,纖介必聞,重以深案

- 江表傳曰:權常令中書郞詣雅,有所咨訪。若合雅意,事可施行,卽與相反覆,究而論之,爲設酒食。如不合意, 等所陳,欲邀功名而爲其身,非爲國也,陛下宜禁制。苟不足以曜威損敵,所不宜聽也。」權從之。 之。」其見敬信如此。 <u>陳即正色改容,默然不言,無所施設,即退告。權曰:「顧公歡悅,是事合宜也;其不言者,是事未平也,孤當重思</u> 江邊諸將,各欲立功自效,多陳便宜,有所掩襲。 權以訪难,雅曰:「臣聞兵法戒於小利,此 軍國得失,行
- (三)江長傳曰:權嫁從女,女顧氏甥,故請雅父子及孫譚,譚時爲選曹尚書,見任貴重。是日,權極歡。譚醉酒,三起 何每見高帝,似不能言;漢奉光武,亦信恪勤。汝之於國,寧有汗馬之勞,可書之事邪?但階門戶之資,遂見寵 任耳,何有舞不復知止?雖爲酒後,亦由恃恩忘敬,謙虛不足。損吾家者必爾也。」因背向壁臥,譚立過一時,乃 舞,舞不知止。 事可不,自非面見,口未嘗言之。 雍內怒之。明日,召譚,訶責之曰:「君王以含垢爲德,臣下以恭謹爲節。 昔蕭何、吳漢並有大功,

歌;子皙創發,子產催令自裁。以此言之,雅不當責懷敍也。 賢,吳國寒心,自太子登、陸遜已下,切諫不能得,是以潘濬欲因會手劍之,以除國患,疾惡忠主,義形於色,而今 不當悲慨哉!懷敍本無私恨,無所爲嫌,故詈辱之,疾惡意耳,惡不仁者,其爲仁也。季武子死,曾點倚其門而 乃發起令言。若壹稱枉邪,不申理,則非錄獄本旨;若承辭而奏之,吳主儻以敬丞相所言,而復原宥,伯言、承明 徐衆評曰:雍不以呂壹見毀之故,而和顏悅色,誠長者矣。 然開引其意,問所欲道,此非也。 壹姦險亂法,毀傷忠

都尉。 雍爲相十九年,年七十六,赤烏六年卒。 初疾微時,權令醫趙泉視之,拜其少子濟爲騎 雍聞,悲曰:「泉善別死生,吾必不起,故上欲及吾目見濟拜也。」權素服臨弔,諡曰肅

吳

賢,輔國以禮,而侯統廢絕,殷甚愍之。 其以雍次子裕襲爵爲醴陵侯,以明著舊勳。」〔1〕 侯。長子邵早卒,次子裕有篤疾,少子濟嗣,無後,絕。 永安元年,詔曰:「故丞相雍,至德忠

(1) 吳錄曰:裕一名穆,終宜都太守。裕子榮。

晉書曰: 榮字彥先,爲東南名士,仕吳爲黃門郎,在晉歷顯位。 元帝初鎭江東,以榮爲軍司馬,禮遇甚重。 卒,表

贈侍中、驃騎將軍、儀同三司。榮兄子禺,字孟著,少有名望,爲散騎侍郎,早卒。

少,愚乞哀原。」權許而嘉之。轉東曹掾。或傳曹公欲東,權謂徽曰:「卿孤腹心,今傳孟德懷異意,莫足使揣之, 吳書曰:雅母弟徽。字子歎,少游學,有脣吻。孫權統事,聞徽有才辯,召署主簿。嘗近出行,見營軍將一男子至 不入口五日。權爲作布衣一襲,皆摩絮著之,强令悌釋服。悌雖以公議自割,猶以不見父喪,常盡壁作棺柩象, 筵,舒書其上,拜跪讀之,每句應諾,畢,復再拜。若父有疾耗之問至,則臨書垂涕,聲語哽咽。 冠憤加襲,起對,趣令妻還,其貞潔不濟如此。悌父向歷四縣令,年老致仕,悌每得父書,常灑掃,整衣服,更設几 將軍朱據共陳禍福,言辭切直,朝廷憚之。待妻有禮,常夜入晨出,希見其面。嘗疾篤,妻出省之,悌命左右扶起, 雅族人悌,字子通,以孝悌廉正聞於鄕黨。年十五爲郡吏,除郎中,稍遷偏將軍。權末年,嫡庶不分,悌數與驃騎 曆采聽,方與遠譚交爭,未有他意。」乃拜徽巴東太守,欲大用之,會卒。子裕,字季則,少知名,位至鎮東將軍。 固磐石,休戚共之,必欲知

江表消息,是以及耳。」

公厚待遣還。

權問定云何,

微曰:「敵國隱情,卒難探察,然

微 善,義出作兵。 公笑曰:「孤與孫將軍一結婚姻,共輔漢室,義如一家,君何爲道此?」 |徽曰:「正以明公與主將義 卿爲吾行。」拜輔義都尉,到北與曹公相見。公具問境內消息,微應對婉順,因說江東大豐,山藪宿惡,皆慕化爲 市行刑,問之何罪,云盜百錢,徽語使住。須臾,馳詣闕陳啓:「方今畜養士衆以圖北廣,視此兵丁壯健兒,且所盜 父以壽終,悌飲漿

郡五年,卒官,子譚、承云。 皆此類也。 康遭大喪,親爲制服結経。

邵當之豫章,發在近路,值

康疾病,時送者百數,邵辭賓客曰: 醑出於役伍,陽羨張秉生於庶民,鳥程吳粲、雲陽殷禮起乎微賤,邵皆拔而友之,爲立聲譽。 之祭者。小吏資質佳者,輒令就學,擇其先進,擢置右職,舉善以教,風化大行。一初,錢唐丁 以策女。年二十七,起家爲豫章太守。下車祀先賢徐孺子之墓,優待其後;禁其淫祀非禮 自州郡庶幾及四方人士,往來相見,或言議而去,或結厚而別,風聲流聞,遠近稱之。權妻 「張仲節有疾,苦不能來別,恨不見之,暫還與訣,諸君少時相待。」其留心下士,惟善所在, 邵字孝則,博覽書傳,好樂人倫。少與舅陸績齊名,而陸遜、張敦、卜靜等皆亞焉。〔〕 諝至典軍中郎,秉雲陽太守,禮零陵太守,<

三、粲太子少傅。

世以邵爲知人。

在

- (一) 吳錄曰: 敦字叔方, 辭字玄風, 並吳郡人。 敦德量淵懿, 清虚淡泊, 又善文辭。 孫權爲車騎將軍, 辟西曹掾, 轉主 簿,出補海昬令,甚有惠化,年三十二卒。 **卜靜終於剡令。**
- (三) 禮子基作通語曰:禮字德嗣,弱不好弄,潛識過人。少爲郡吏,年十九,守吳縣丞。 溫俱使蜀,諸葛亮甚稱歎之。稍遷至零陵太守,卒官。 孫權爲王,召除郎中。 後與張

文, 上傳曰:禮子基,無難督,以才學知名,著通語數十篇。 有三子。 巨字元大,有才器,初爲吳偏將軍,統家部曲,

吳

夏口,吳平後,爲蒼梧太守。少子滿,字慶元,吳郡太守。

節度。〔三每省簿書,未嘗下籌,徒屈指心計,盡發疑謬,下吏以此服之。加奉車都尉。薛綜爲 得之於勢輕也。昔漢文帝使愼夫人與皇后同席,袁盎退夫人之座,帝有怒色,及盎辨上下 肉之恩生,覬覦之望絕。昔賈誼陳治安之計,論諸侯之勢,以爲勢重,雖親必有逆節之累, 選曹尙書,固讓譚曰:「譚心精體密,貫道達微,才照人物,德允衆望,誠非愚臣所可越先。」 勢輕,雖疎必有保全之祚。故淮南親弟,不終饗國,失之於勢重也;吳芮疎臣,傳祚長沙, 後遂代綜。祖父雍卒數月,拜太常,代雍平尚書事。是時魯王霸有盛籠,與太子和齊衡,譚 偏裨而已。寄父子益恨,共搆會譚。〔三〕譚坐徙交州,幽而發憤,著新言二十篇。其知難篇 擊之,凌軍用退。時論功行賞,以爲駐敵之功大,退敵之功小,休、承並爲雜號將軍,緒、端 營將(秦兒)[秦晃]軍,休、承奮擊之,遂駐魏師。 時 琮羣子緒、端亦並爲將,因敵旣住,乃進 弟承與張休俱北征壽春,全琮時爲大都督,與魏將王凌戰於芍陂,軍不利,魏兵乘勝陷沒五 由是霸與譚有隙。時長公主壻衞將軍全琮子寄爲霸賓客,寄素傾邪,譚所不納。先是,譚 之儀,陳人彘之戒,帝旣悅懌,夫人亦悟。今臣所陳,非有所偏,誠欲以安太子而便魯王也。」 上疏曰:「臣聞有國有家者,必明嫡庶之端,異尊卑之禮,使高下有差,階級踰邈,如此則骨 譚字子默,弱冠與諸葛恪等爲太子四友,從中庶子轉輔正都尉。(1)赤烏中,代恪爲左

蓋以自悼傷也。見流二年,年四十二,卒於交阯。

- [1]陸機爲譚傳曰:宣太子正位東宮,天子方隆訓導之義,妙簡俊彥,講學左右。 時四方之傑畢集,太傅諸葛恪等雄 奇蓋衆,而譯以淸識絕倫,獨見推重。自太尉范愼、謝景、羊徽之徒,皆以秀稱其名,而悉在譚下。
- (三)吳書曰:譚初踐官府,上疏陳事,權輟食稱善,以爲過於除詳。雅性高亮,不脩意氣,或以此望之。然權鑒其能
- (三)吳錄曰:全踪父子屢言苎陂之役爲典軍陳恂詐增張休、顧承之功,而休、承與恂通情。 休坐繫獄,權爲譚故,沉吟

見待甚隆,數蒙賞賜,特見召請。

江表傳曰:有司奏譚誣罔大不敬,罪應大辟。 權以確故,不致法,皆徙之。 不決,欲令譚謝而釋之。及大會,以問譚,譚不謝,而曰:「陛下,讒言其與乎!」

相見,過於所聞,爲君嘉之。」拜騎都尉,領羽林兵。 領京下督。數年,與兄譚、張休等俱徙交州,年三十七卒。 山越,別得精兵八千人,還屯軍章阬,拜昭義中郞將,入爲侍中。 承字子直,嘉禾中與舅陸瑁俱以禮徵。 權賜丞相雍書曰:「貴孫子直,令問休休,至與 後爲吳郡西部都尉,與諸葛恪等共平 芍陂之役,拜奮威將軍,出

異之,薦之於權,與魯肅等並見賓待,後爲權長史,轉中司馬。建安二十年,權遣瑾使蜀通 諸葛瑾字子瑜,琅邪陽都人也。〔〕漢末避亂江東。 值孫策卒,孫權姊壻曲阿弘咨見而

好劉備,與其弟亮俱公會相見,退無私面。

[1] 吳書曰:其先葛氏,本琅邪諸縣人,後徙陽都。陽都先有姓葛者,時人謂之諸葛,因以爲氏。瑾少游京師,治毛詩、

風俗通曰:葛嬰爲陳涉將軍,有功而誅,孝文帝追錄,封其孫諸縣侯,因幷氏焉。 此與吳書所說不同

理,因以己心遙往忖度之。畢,以呈權,權喜,笑曰:「孤意解矣。顏氏之德,使人加親,豈謂 端,以物類相求,於是權意往往而釋。吳郡太守朱治,權舉將也,權曾有以望之,而素加敬 陷罪戾。臣謝過不暇,誠不敢有言。」權聞之愴然,乃曰:「特爲君赦之。」 披草萊,歸聖化,在流隸之中,蒙生成之福,不能躬相督厲,陳答萬一,至令模孤貧恩惠,自 此邪?」權又怪校尉殷模,罪至不測。羣下多爲之言,權怒益甚,與相反覆,惟瑾默然,權 難自詰讓,忿忿不解。 瑾揣知其故,而不敢顯陳,乃乞以意私自問,遂於權前爲書,泛論物 與權談說諫喩,未嘗切愕,徼見風彩,粗陳指歸,如有未合,則捨而及他,徐復託事造

宜答和,此用心於小,未留意於大者也。試爲陛下論其輕重,及其大小。陛下若抑威損忿, 和,瑾與備牋曰:「奄聞旗鼓來至白帝,或恐議臣以吳王侵取此州,危害關羽,怨深禍大,不 後從討關羽,封宣城侯,以綏南將軍代呂蒙領南郡太守,住公安。劉備東伐吳,吳王求

督公安,假節,封宛陵侯。〔三〕 內?俱應仇疾,誰當先後?若審此數,易於反掌。」〔1〕時或言瑾別遣親人與備相聞, **蹔省瑾言者,計可立決,不復咨之於羣后也。 陛下以關羽之親何如先帝。 荆州大小孰與海** 「孤與子瑜有死生不易之誓,子瑜之不負孤,猶孤之不負子瑜也。」(三)黃武元年,遷左將軍, 權日

- [一]臣松之云:以爲劉后以庸蜀爲關河,荆楚爲維翰,關羽揚兵沔、漢,志陵上國,雖匡主定霸,功未可必,要爲威聲遠 書所能迴駐哉?載之於篇,實爲辭章之費。 指,宜其在孫氏矣。 瑾以大義責備,答之何患無辭;且備、羽相與,有若四體,股肱橫虧,憤痛已深,豈此奢闊之 震,有其經略。 孫權曆包禍心,助魏除害,是爲翦宗子勤王之師,行曹公移都之計,拯漢之規,於茲而止。義旗所
- (三)江表傳曰: 蓮之在南郡,人有密讒瑾者。此語頗流聞於外,陸遜表保明瑾無此,宜以散其意。權報曰: 「子瑜與孤 以失身於人,委質定分,義無二心。弟之不留,猶瑾之不往也。』 其言足貫神明。 今豈當有此乎? 孤前得妄語文 卿意至,輒封來表,以示子瑜,使知卿意。」 疏,即封示子瑜,并手筆與子瑜,即得其報,論天下君臣大節,一定之分。孤與子瑜,可謂神交,非外言所閒也。知 產,且弟隨兄,於義爲順,何以不留孔明?孔明若留從卿者,孤當以書解玄德,意自隨人耳。』子瑜答孤言:『弟亮 從事積年,恩如骨肉,深相明究,其爲人非道不行,非義不言。玄德昔遣孔明至吳,孤嘗語子瑜曰:『卿與孔明同
- (三) 吳錄曰:曹眞、夏侯尚等圍朱然於江陵,又分據中州,瑾以大兵爲之救援。 瑾性弘緩,推道理,任計畫,無應卒倚 伏之術,兵久不解,權以此望之。及春水生,潘璋等作水城於上流,瑾進攻浮橋,眞等退走。雖無大勳,亦以全師

書

張顧諸葛步傳第七

^床境爲功。

虞翻以狂直流徙,惟瑾屢爲之說。翻與所親書曰:「諸葛敦仁,則天活物,此蒙淸論,有

欲以自安住耳,寧是興隆之漸邪!聞任陳長文、曹子丹輩,或文人諸生,或宗室戚臣,寧能 骨肉,以爲酷耳。至於御將,自古少有。丞之於操,萬不及也。今叡之不如丞,猶丞不如操 今,安有四五人把持刑柄,而不離刺轉相蹄齧者也! 彊當陵弱,弱當求援,此亂亡之道也。 懟,轉成嫌貳。一爾已往,羣下爭利,主幼不御,其爲敗也焉得久乎。所以知其然者,自古至 盡意,不敢爲非耳。逮丕繼業,年已長大,承操之後,以恩情加之,用能感義。今叡幼弱,隨 自還相賊,乃事理使然也。又長文之徒,昔所以能守善者,以操笮其頭,畏操威嚴,故竭心 御雄才虎將以制天下乎。夫威柄不專,則其事乖錯,如昔張耳、陳餘,非不敦睦,至於秉勢, 也。其所以務崇小惠,必以其父新死,自度衰微,恐困苦之民一朝崩沮,故彊屈曲以求民心, 役,以悅民心,其患更深於操時。 孤以爲不然。 操之所行,其惟殺 伐 小爲過差,及離閒人 以爲曹丕已死,毒亂之民,當望旌瓦解,而更靜然。聞皆選用忠良,寬刑罰,布恩惠,薄賦省 以保分。惡積罪深,見忌殷重,雖有祁老之救,德無羊舌,解釋難冀也。」 人東西,此曹等輩,必當因此弄巧行態,阿黨比周,各助所附。如此之日,姦讒並起,更相陷 瑾爲人有容貌思度,于時服其弘雅。權亦重之,大事咨訪。 叉別咨瑾曰:「近得怕言表,

子瑜,卿但側耳聽之,伯言常長於計校,恐此一事小短也。」〔三〕

(1) 臣松之以爲魏明帝一時明主,政自己出,孫權此論,竟爲無徵,而史載之者,將以主幼國疑,威柄不一,亂亡之形, 有如權言,宜其存錄以爲鑒戒。或當以雖失之於明帝,而事著於齊王,齊王之世,可不謂驗乎!不敢顯斥,抑足

表之微辭

融。融卒聞兵士至,惶懼猶豫,不能決計,兵到圍城,飮藥而死,三子皆伏誅。〔三〕 博弈,或有摴蒱,投壺弓彈,部別類分,於是甘果繼進,清酒徐行,融周流觀覽,終日不倦。融 淮南,假融節,令引軍入沔,以擊西兵。恪旣誅,遣無難督施寬就將軍施績、孫壹、全熙等取 父兄質素,雖在軍旅,身無采飾;而融錦罽文繡,濁爲奢綺。孫權薨,徙奮威將軍。後恪征 休吏假卒,或不遠千里而造焉。每會輒歷問賓客,各言其能,乃合楊促席,量敵選對,或有 襲爵,攝兵業駐公安,任司部曲吏士親附之。疆外無事,秋冬則射獵講武,春夏則延賓高會, 以憂戚。〔〕赤鳥四年,年六十八卒,遺命令素棺斂以時服,事從省約。恪已自封侯,故弟融 輒因事以答,辭順理正。 瑾子恪,名盛當世,權深器異之,然瑾常嫌之,謂非保家之子,每 權稱尊號,拜大將軍、左都護,領豫州牧。及呂壹談,權又有詔切磋瑾等,語在權傳。

(一) 吳書曰:初,瑾爲大將軍,而弟亮爲蜀丞相,二子恪、融皆典戎馬,督領將帥,族弟誕又顯名於魏,一門三方爲冠 蓋,天下榮之。」僅才略雖不及弟,而德行尤純。 妻死不改娶,有所愛妾,生子不舉,其篤愼皆如此

吳 書 張顧諸葛步傳第七

(三) 吳醬曰:融字叔長,生於籠貴,少而驕樂,學爲章句,博而不精,性寬容,多技藝,數以巾褐牽朝請,後拜騎都尉。 赤 鳥中,諸郡出部伍,新都都尉陳表、吳郡都尉顧承各率所領人會佃毗陵,男女各數萬口。長病死,權以融代表,後

代父瑾領攝。

[三] 江表傳曰:先是,公安有靈覺鳴,童謠曰:「白體鳴,龜背平,南郡城中可長生,守死不去義無成。」 刮金印龜,服之而死。 及恪被誅,融果

步騭字子山,臨淮淮陰人也。〔〕世亂,避難江東,單身窮困,與廣陵衞旌同年相善,俱

以種瓜自給,畫勤四體,夜誦經傳。〔三〕

[一] 吳書曰:晉有大夫楊食采於步,後有步叔,與七十子師事仲尼。 秦漢之際有爲將軍者,以功封淮陰侯,騰其後也。

(三)吳書曰:騰博研道藝,靡不貫覽,性寬雅沈深,能降志辱身。

欲以爲高,祗結怨耳。」良久,征羌開牖見之,身隱几坐帳中,設席致地,坐騭、旌於牖外,旌 獻征羌。征羌方在內臥,駐之移時,旌欲委去,騭止之曰:「本所以來,畏其彊也;而今舍去, 會稽焦征羌,郡之豪族,〔〕人客放縱。驚與旌求食其地,懼爲所侵,乃共脩刺奉瓜,以

不能食,騭極飯致飽乃辭出。 愈恥之,騭辭色自若。征羌作食,身享大案,殺膳重沓,以小盤飯與騭、旌,惟茱茹而已。 旌怒騭曰:「何能忍此?」騭曰:「吾等貧賤,是以主人以貧賤 旌

遇之,固其宜也,當何所恥?」(三)

- (一) 吳錄曰: 征羌名矯, 嘗爲征羌令。
- (三) 吳錄曰:衛旌字子旗,官至尙書。

署太守正昂,與燮相聞,求欲內附。隱因承制遣使宣恩撫納,由是加拜平戎將軍,封廣信 因斬徇之,威聲大震。士燮兄弟,相率供命,南土之賓,自此始也。益州大姓雍闓等殺蜀所 持節、征南中郎將。劉表所置蒼梧太守吳巨陰懷異心,外附內違。鷹降意懷誘,請與相見, 出領鄱陽太守。歲中,徙交州刺史、立武中郎將,領武射吏千人,便道南行。明年,追拜使 孫權爲討廣將軍,召騭爲主記,〔〕除海鹽長,還辟車騎將軍東曹掾。〔三〕建安十五年,

(一) 吳書曰:歲餘, 黱以疾免, 與琅邪諸葛瑾、彭城嚴畯俱游吳中, 並著聲名, 爲當時英俊。

(三)吳書曰:權爲徐州牧,以騰爲治中從事,舉茂才。

遂命騰上<u>益陽。備旣敗續,而零、桂諸郡猶相驚擾,處處阻兵,</u>騰周旋征討,皆平之。 黃武 二年,遷右將軍左護軍,改封臨湘侯。五年,假節,徙屯漚口。 延康元年,權遣呂岱代騭,騭將交州義士萬人出長沙。會劉備東下,武陵蠻夷蠢動,權

解牧職。時權太子登駐武昌,愛人好善,與騭書曰:「夫賢人君子,所以興隆大化,佐理時務 權稱尊號,拜驃騎將軍,領冀州牧。是歲,都督西陵,代陸遜撫二境,頃以冀州在蜀分,

崇替之所由也。方今王化未被於漢北,河、洛之濱尙有僭逆之醜,誠擥英雄拔俊任賢之時 成功。汲黯在朝,淮南寢謀;郅都守邊,匈奴竄迹。故賢人所在,折衝萬里,信國家之利器, 齊桓用管仲,被髮載車,齊國旣治,叉致匡合。近漢高祖擥三傑以興帝業,西楚失雄俊以喪 有司各任其職。故舜命九賢,則無所用心,彈五弦之琴,詠南風之詩,不下堂廟而天下治也。 願明太子重以經意,則天下幸甚。」

(二) 吳書曰:肅字偉恭,南陽人。少以才聞,善論議,臧否得中,甄奇錄異,薦述後進,題目品藻,曲有條貫,衆人以此 服之。權擢以爲〔選曹尚書〕,選舉號爲得才。求出補吏,爲桂陽太守,吏民悅服。徵爲卿。會卒,知與不知,並痛

惟賢是任,故皋陶作士,呂侯贖刑,張、于廷尉,民無冤枉,休泰之祚,實由此興。今之小臣, 誣,輒欲陷人以成威福;無罪無辜,橫受大刑,是以使民跼天蹐地,誰不戰慄?昔之獄官, 後中書呂壹典校文書,多所糾舉,騭上疏曰:「伏聞諸典校擿抉細微,吹毛求瑕,重案深 張顧諸葛步傳第七

敢專擅威福欺負所天乎。」又曰:「縣賞以顯善, 設刑以威姦,任賢而使能, 審明於法術,則 深責重,志在竭誠,夙夜兢兢,寢食不寧,念欲安國利民,建久長之計,可謂心膂股肱,社稷 施政令,欽順時節,官得其人,則陰陽和平,七曜循度。至於今日,官寮多闕,雖有大臣,復 意,務在得情,騭黨神明,受罪何恨。」又曰:「天子父天母地,故宮室百官,動法列宿。 若 明德愼罰,哲人惟刑,書傳所美。自今蔽獄,都下則宜諮顧雍,武昌則陸遜、潘濬,平心專 動與古異,獄以賄成,輕忽人命,歸咎于上,爲國速怨。夫一人吁嗟,王道爲虧,甚可仇疾。 後薦達屈滯,救解患難,書數十上。權雖不能悉納, 不務奉公而作威福,無益視聽,更爲民害,愚以爲可一切罷省。」權亦覺悟,遂誅呂壹。 經緯,如是,庶政豈不康哉!竊聞諸縣並有備吏,吏多民煩,俗以之弊。但小人因緣銜命, 何功而 之臣矣。宜各委任,不使他官監其所司,責其成效,課其負殿。此三臣者,思慮不到則已,豈 年正月一日及二十七日,地皆震動。地陰類,臣之象,陰氣盛故動,臣下專政之故也。夫天 不信任,如此天地焉得無變?故頻年枯旱,亢陽之應也。又嘉禾六年五月十四日,|赤鳥| 地見異,所以警悟人主,可不深思其意哉!」又曰:「丞相顧雍、上大將軍陸遜、太常潘濬,憂 不成,何事而不辨,何聽而不聞,何視而不覩哉。若今郡守百里,皆各得其人,共相 然時采其言,多蒙濟賴。〔一〕

(二) 吳錄云 ·:騰表言曰:「北降人王潛等說,北相部伍,圖以東向,多作布囊,欲以盛沙塞江,以大向荆州。夫備不豫設,

節、諸葛恪爲說隱所言,云:「每讀步騰表,輒失笑。 此江與開闢俱生,寧有可以沙藥塞理也 難以應卒,宜爲之防。」權曰:「此曹衰弱,何能有圖?必不敢來。若不如孤言,當以牛千頭,爲君作主人。」後有呂

飾奢綺,頗以此見譏。 赤鳥 九年,代陸遜爲丞相,猶誨育門生,手不釋書,被服居處有如儒生。然門內妻妾服 在西陵二十年,鄰敵敬其威信。性寬弘得衆,喜怒不形於聲色,而外

內肅然。

懼 陵太守,改封江陵侯; 璿給事中、宣威將軍,封都鄕侯。 同三司, 加昭武將軍,封西亭侯。 有讒禍,於是據城降晉。遣幾與弟璿詣洛陽爲任,晉以闡爲都督西陵諸軍事、衞將軍、儀 十八二年卒,子協嗣,統騭所領,加撫軍將軍。 加侍中,假節領交州牧,封宜都公;璣監江陵諸軍事、左將軍,加散騎常侍,領廬 鳳皇元年,召爲繞帳督。 闡累世在西陵,卒被徵命,自以失職,又 協卒,子璣嗣侯。協弟闡,繼業爲西陵督, 命車騎將軍羊祜、荆州刺史楊肇往

也。 也。 赴救闡。 也,然要其大歸,總其常患,四者而已。急論議一也,爭名勢二也,重別黨三也,務欲速 急論議則傷人,爭名勢則敗友,重朋黨則蔽主,務欲速則失德,此四者不除,未有能全 當世君子能不然者,亦比有之,豈獨古人乎!然論其絕異,未若顧豫章、諸葛使君、步 潁川周昭著書稱步騭及嚴畯等曰:「古今賢士大夫所以失名喪身傾家害國者, 孫皓使陸抗西行,祜等遁退。抗陷城,斬闡等,步氏泯滅,惟璿紹 其由非

殊焉。 若弔,慷愾之趨,惟篤人物,成敗得失,皆如所慮,可謂守道見機,好古之士也。若乃經國家, 辭氣謇謇,罔不惟忠。 當一方之戍,受上將之任,與使君、丞相不異也。 志,保其名好。孔子曰:『君子矜而不爭,羣而不黨〉』斯有風矣。又奮威之名,亦三君之次也, 祿不足以自奉。 至於二君,皆位爲上將,窮富極貴。 衞尉旣無求欲,二君叉不稱薦,各守所 古人交哉!又魯橫江昔杖萬兵,屯據陸口,當世之美業也,能與不能,孰不願焉。而橫江旣 處之才有不同,先後之名須反其初,此世常人所決勤薄也。至於三君分好,卒無虧損,豈非 諸論者因各敍其優劣。

初,先衞尉,次丞相,而後有使君也;其後並事明主,經營世務,出 以並陸、全之列,是以人無幽滯而風俗厚焉。使君、丞相、衞尉三君,昔以布衣俱相友善, 不同,至於趣舍大檢,不犯四者,俱一揆也。 昔丁諝出於孤家,吾粲由於牧豎,豫章揚其善, 丞相、嚴衞尉、張奮威之爲美也。論語言『夫子恂恂然善誘人』,又曰『成人之美,不成人之 亡,衞尉應其選,自以才非將帥,深辭固讓,終於不就。後徙九列,遷典八座,榮不足以自曜, 豫章有之矣。『望之儼然,卽之也溫,聽其言也厲』,使君體之矣。『恭而安,威而不 丞相履之矣。學不求祿,心無苟得,衞尉、奮威蹈之矣。此五君者,雖德實有差,輕重 而奮威將處此,決能明其部分,心無失道之欲,事無充詘之求,每升朝堂,循禮而動 叔嗣雖親貴,言憂其敗,蔡文至雖疏賤,談稱其賢。女配太子,受禮 然歷國事,論功勞,實有先後,故質位之榮

當軍旅,於馳騖之際,立霸王之功,此五者未爲過人。至其純粹履道,求不苟得,升降當世, 營、華覈並述吳書,後爲中書郎,坐事下獄,覈表救之,孫休不聽,遂伏法云。 保全名行,邈然絕俗,實有所師。故粗論其事,以示後之君子。」周昭者字恭遠,與韋曜、薛

局,故能究極榮位。諸葛瑾、步騭並以德度規檢見器當世,張承、顧邵虛心長者,好尙人物, 宰相,又不登師保,從容閭巷,養老而已,以此明權之不及策也。 相攻,流播南裔,哀哉! 周昭之論,稱之甚美,故詳錄焉。譚獻納在公,有忠貞之節。休、承脩志,咸庶爲善。愛惡 評曰:張昭受遺輔佐,功勳克舉,忠謇方直,動不爲己;而以嚴見憚,以高見外,旣不處 顧雍依杖素業,而將之智

張嚴程闞薛傳第八

之所自出,三軍之所繫命也,不宜輕脫,自敵小寇。 願麾下重天授之姿,副四海之望,無令 孫策創業,遂委質焉。表爲正議校尉,〔三〕從討丹楊。 國內上下危懼。」 張紘字子綱,廣陵人。游學京都,口還本郡,舉茂才,公府辟,皆不就,口避難江東。 策身臨行陳,紘諫曰:「夫主將乃籌謨

- (一) 吳書曰: 城入太學,事博士韓宗,治京氏易、歐陽尚書,又於外黃從濮陽闓受韓詩及禮記、左氏春秋。
- (三) 吳書曰:大將軍何進、太尉朱儁、司空荀爽三府辟爲掾,皆稱疾不就。
- (三)吳書曰:紘與張昭並與參謀,常令一人居守,一人從征討。後呂布襲取徐州,因爲之牧,不欲令紘與策從事。 有才,晉實用之。英偉君子,所游見珍,何必本州哉?」 舉茂才,移書發遣紘。紘心惡布,恥爲之屈。策亦重惜紘,欲以自輔。答記不遣,曰:「海產明珠,所在爲寶,楚雖 追

建安四年,策遣紘奉章至許宮,留爲侍御史。少府孔融等皆與親善。〔〕曹公聞策薨, 書 張嚴程闞薛傳第八

從其言,卽表權爲討虜將軍,領會稽太守。曹公欲令紘輔權內附,出紘爲會稽東部都尉。〔三〕

- (一)吳書曰:紘至,與在朝公卿及知舊述策材略絕異,平定三郡,風行草偃,加以忠敬款誠,乃心王室。時曹公爲司 恩,思還反命,以疾固辭。 空,欲加恩厚,以悅遠人,至乃僾文褒崇,改號加封,辟城爲掾,舉高第,補侍御史,後以紘爲九江太守。 紘心戀舊
- (三)吳書曰:權初承統,春秋方富,太夫人以方外多難,深懷憂勞,數有優令辭謝,付屬以輔助之義。|紘輒拜牋答謝, 融所殺,紘甚傷憤,而力不能討。昱門戶絕滅,及紘在東部,遺主簿至琅邪設祭,并求親戚爲之後,以書屬琅邪相 遺紘之部。或以紘本受北任,嫌其志趣不止於此,權不以介意。初,琅邪趙昱爲廣陵太守,察紘孝廉,昱後爲窄 相見豈復難哉?」權以紘有鎭守之勞,欲論功加賞。城厚自挹損,不敢蒙寵,權不奪其志。每從容侍燕,微言密 <u>臧宣,宣以趙宗中五歲男奉昱祀,權聞而嘉之。及討江夏,以東部少事,命紘居守,遙領所職。</u> 之勳;討逆平定江外,建立大業,宜有紀頌以昭公義。旣成,呈權,權省讀悲感,曰:「君眞識孤家門閥閱也。」乃 指,常有以規諷 盡餘憤乎?南北並定,世將無事,孫叔投戈,絳、灌俎豆,亦在今日,但用離析,無緣會面,爲愁歎耳。道直途淸, 思惟補察。 「聞大軍西征,足下留鎭。不有居者,誰守社稷?深固折衝,亦大勳也。無乃李廣之氣,倉髮益怒, 每有異事密計及章表書記,與四方交結,常令紘與張昭草創撰作。紘以破虜有破走董卓,扶持漢室 樂一當單于,以 孔融遺紘書曰:

江表傳曰:初,權於羣臣多呼其字,惟呼張昭曰張公,敝曰東部,所以重二人也。

後權以紘爲長史,從征合肥。〔1〕權率輕騎將往突敵,紘諫曰:「夫兵者凶器,戰者危事

陵,權從之。 (三) 令還吳迎家,道病卒。 臨困,授子靖留牋曰:「自古有國有家者,咸欲脩德政 任賢使能,務崇寬惠,順天命以行誅,可不勞而定也。」於是遂止不行。「紘建計宜出都」秣 將之任,非主將之宜也。願抑賁、育之勇,懷霸王之計。」權納紘言而止。旣還,明年將復 也。今麾下恃盛壯之氣,忽彊暴之虜,三軍之衆,莫不寒心,雖斬將搴旗,威震敵場,此乃偏 賢愚雜錯,長幼失敍,其所由來,情亂之也。故明君悟之,求賢如飢渴,受諫而不厭,抑情 之術,吐逆耳之言,其不合也,不亦宜乎!(雖)〔離〕則有釁,巧辯緣閒,眩於小忠,戀於恩愛, 夫人情憚難而趨易,好同而惡異,與治道相反。 傳曰『從善如登,從惡如崩』,言善之難也。 以比隆盛世,至於其治,多不馨香。非無忠臣賢佐,闇於治體也,由主不勝其情,弗能用耳。 然而貴於時動,乃後爲威耳。今麾下值四百之厄,有扶危之功,宜且隱息師徒,廣開播殖, 出軍,紘叉諫曰:「自古帝王受命之君,雖有皇靈佐於上,文德播於下,亦賴武功以昭其勳。 年六十卒。權省書流涕 損欲,以義割恩,上無偏謬之授,下無希冀之望。 宜加三思,含垢藏疾,以成仁覆之大。」時 人君承奕世之基,據自然之勢,操八柄之威,甘易同之歡,(三)無假取於人;而忠臣挾難進

(1) 吳書曰:合肥城久不拔,紘進計曰:「古之圍城,開其一面,以疑衆心。今圍之甚密,攻之又急,誠懼幷命戮力。死 戰之寇,固難卒拔,及救未至,可小寬之,以觀其變。」議者不同。會救騎至,數至圍下,馳騁挑戰

(三) 江表傳曰:|故謂權曰:「秣陵,楚武王所置,名爲金陵。 善其議,未能從也。後劉備之東,宿於秣陵,周觀地形,亦勸權都之。權曰:「智者意同。」遂都焉。 望氣者云金陵地形有王者都邑之氣,故掘斷連岡,改名秣陵。 地勢岡阜連石頭,訪問故老,云昔秦始皇東巡會稽經此縣, 今處所具存,地有其氣,天之所命,宜爲都邑。」 權

江百餘里,可以安大船,吾方理水軍,當移據之。」備曰:「蕪湖近濡須,亦佳也。」權曰:「吾欲圖徐州,宜近下 獻帝春秋云:劉備至京,謂孫權曰:「吳去此數百里,即有警急,赴救為難,將軍無意屯京乎。」 權曰:「秣陵有小

也。」

書皆云劉備勸都秣陵,而此獨云權自欲都之,又爲虛錯。 臣松之以爲秣陵之與蕪湖,道里所校無幾,於北侵利便,亦有何異?而云欲闚徐州, 貪秣陵近下,非其理也。

誻

 \subseteq 周禮太宰職曰"以八柄詔王馭羣臣。一曰爵,以馭其貴。二曰祿,以馭其富。三曰予,以馭其幸。四曰置,以馭 其行。五曰生,以馭其福。六曰奪,以馭其貧。七曰廢,以馭其罪。八曰誅,以馭其過

斯喻己,不悅。後積他事下獄,皆追以此爲詰,〔四〕送建安作船。久之,又就加誅 次說琴之精妙,倘因道「晉平公使師曠作淸角,曠言吾君德薄,不足以聽之」。 以言語辯捷見知,擢爲侍中、中書令。 晧使尚鼓琴,尚對曰:「素不能。」 **紘著詩賦銘誄十餘篇。〔〕子玄,官至南郡太守、尚書。〔三玄子尚,〔三孫晧時爲侍郎,** 敕使學之。 階 意 謂 尚 以 後晏言

、吳書曰:|紘見柟榴枕,愛其文,爲作賦。 **運賊、應機論,與琳書深歎美之。琳答曰:「自僕在河北,與天下隔,此閒率少於文章,易爲雄伯,故使僕受此過差** 陳琳在北見之, 以示人曰:「此吾鄕里張子綱所作也。」後紘見陳琳作武

融書,自書。 融遺紘書曰:「前勞手筆,多篆書。 之譚,非其實也。今景興在此,足下與子布在彼,所謂小巫見大巫, 神氣盡矣。」 紘旣好文學, 每舉篇見字,欣然獨笑,如復覩其人也。」 又善楷篆,

[三] 江表傳曰:玄淸介有高行,而才不及紘。

(三)江袤傳(日)稱倘有俊才。

) 環氏吳紀曰:睹嘗問:「詩云『汎彼栢舟』,惟栢中舟乎?」 尚對曰:「詩言『檜楫松舟』,則松亦中舟也。」 又問:「鳥 後問:「孤飮酒以方誰?」 之大者惟鶴,小者惟雀乎?」倚對曰:「大者有禿鶩,小者有鷦鷯。」,晧性忌勝己,而尚談論每出其表,積以致恨。 尚對曰:「陛下有百觚之量。」 皓云:「倘知孔丘之不王,而以孤方之!」 因此發怒收

初,紘同郡秦松字文表,陳端字子正,並與紘見待於孫策,參與謀謨。各早卒。

尚書岑昬率公卿已下百餘人,詣宮叩頭請,尚罪得減死。

畜祿賜,皆散之親戚知故,家常不充。 焉。 尉、從事中郎。及橫江將軍魯肅卒,權以畯代肅,督兵萬人,鎭據陸口。衆人咸爲畯喜,畯 騰齊名友善。 性質直純厚,其於人物,忠告善道,志存補益。 前後固辭:「樸素書生,不閑軍事,非才而據,咎悔必至。」發言慷慨,至於流涕,口權乃聽 世嘉其能以實讓。 嚴唆字曼才,彭城人也。少耽學,善詩、書、三禮,叉好說文。避亂江東,與諸葛瑾、步 權爲吳王,及稱尊號,唆嘗爲衞尉,使至蜀,蜀相諸葛亮深善之。不 廣陵劉穎與畯有舊,穎精學家巷,權聞徵之,以疾不 張昭進之於孫權,權以爲騎都

吳

就。 其弟略爲零陵太守,卒官,穎往赴喪,權知其詐病,急驛收錄。 唆亦馳語穎,使還謝權。

權怒廢畯,而顯得免罪。久之,以畯爲尚書令,後卒。〔〕〕

(二)志林曰:權又試畯騎,上馬墮鞍。

(三)吳書曰:"畯時年七十八,二子凱、爽。 凱官至升平少府。

亦有學行,官至太中大夫。問子欽齊桓、晉文、夷、惠四人優劣,」欽答所見,與玄相反覆,各 有文理。欽與太子登游處,登稱其翰宋。 畯著孝經傳、潮水論,又與裴玄、張承論管仲、季路,皆傳於世。玄字彥黃,下邳人也,

教於閨房,存周南之所詠,則道化隆於上,頌聲作於下矣。」登笑曰:「將順其美,匡救其惡, 誠所賴於傅君也。」 女,秉守太常,迎妃於吳,權親幸康船,深見優禮。旣還,秉從容進說登曰:「婚姻人倫之始, 王教之基,是以聖王重之,所以率先衆庶,風化天下,故詩美關雎,以爲稱首。願太子尊禮 <u>士變命爲長史。權聞其名儒,以禮徵秉,旣到,拜太子太傅。 黃武四年,權爲太子登娉周瑜</u> 程秉字德樞,汝南南頓人也。逮事鄭玄,後避亂交州,與劉熙考論大義,遂博通五經。

病卒官。著周易摘、尚書駮、論語弼,凡三萬餘言。秉爲傅時,率更令河南徵崇亦篤學

吳錄曰:崇字子和,治易、紊秋左氏傳,隸善內術。本姓李,遭亂更姓,遂隱於會稽,躬耕以求其志。 學,所教不過數人輒止,欲令其業必有成也。所交結如丞相步騰等, 初見太子登,以疾賜不拜。東宮官僚皆從諮詢。 太子數訪以異聞。 年七十而卒。 咸親焉。 嚴畯薦崇行足以厲俗, 好尙者從 學足以爲

所寫旣畢,誦讀亦遍。 赤烏五年,拜太子太傅,領中書如故。 令。孫權爲驃騎將軍,辟補西曹掾;及稱尊號,以澤爲尙書。嘉禾中,爲中書令,加侍中。 闞澤字德潤,會稽山陰人也。家世農夫,至澤好學,居貧無資,常爲人傭書,以供紙筆, 追師論講,究覽羣籍,兼通曆數,由是顯名。察孝廉,除錢唐長,遷郴

賓儀,叉著乾象曆注以正時日。每朝廷大議,經典所疑,輒諮訪之。以儒學勤勞,封都鄉 然所聞少窮。 權覽讀焉。 性謙恭篤愼,宮府小吏,呼召對問,皆爲抗禮。人有非短,口未嘗及,容貌似不足者,)訪澤,澤曰:「盛明之世,不宜復有此刑。」 權從之。 澤以經傳文多,難得盡用,乃斟酌諸家,刊約禮文及諸注說以授二宮,爲制行出入及見 權嘗問:「書傳篇賦, 初, 以呂壹姦罪發聞,有司窮治,奏以大辟,或以爲宜加焚裂,用彰元惡。 何者爲美?」澤欲諷喩以明治亂, 又諸官司有所患疾,欲增重科防, 因對賈誼過秦論最

書

進者數日 以檢御臣下,澤每日「宜依禮、律」,其和而有正,皆此類也。(二六年冬卒,權痛情感悼,食不

1) 吳錄曰:虞翻稱澤曰:「關生矯傑,蓋蜀之揚雄。」又曰:「關子儒術德行,亦今之仲舒也。」初,魏文帝即位,權嘗 從容問羣臣曰:「曹丕以盛年卽位,恐孤不能及之,諸卿以爲何如?」羣臣未對,澤曰:「不及十年,不其沒矣,大 王勿憂也。」權曰:「何以知之?」澤曰:「以字言之,不十爲不,此其數也。」文帝果七年而崩。

臣松之計孫權年大文帝五歲,其爲長幼也微矣。

權爲吳王,拜固議郞,自陸遜、張溫、駱統等皆拜之。 黃武四年爲尙書僕射,卒。 二 澤州里先輩丹楊唐固亦修身積學,稱爲儒者,著國語、公羊、穀梁傳注,講授常數十人。

(二) 吳錄曰: 固字子正, 卒時年七十餘矣。

答。一線下行酒,因勸酒曰:「蜀者何也?有犬爲獨,無犬爲蜀,横目茍身,虫入其腹。」(三)奉 曰:「不當復列君吳邪?」 綜應聲曰:「無口爲天,有口爲吳,君臨萬邦,天子之都。」 於是衆 征,及到九眞。事畢還都,守謁者僕射。西使張奉於權前列尚書闞澤姓名以嘲澤,澤不能 爲五官中郎〔將〕,除合浦、交阯太守。時交土始開,刺史呂岱率師討伐,綜與俱行,越海南 薛綜字敬文,沛郡竹邑人也。〔〕少依族人避地交州,從劉熙學。士燮旣附孫權,召綜

- (1) 吳錄曰:其先齊孟嘗君封於薛。 人,欲復其封。 陵、國兄弟相推,莫適受,乃去之竹邑,因家焉,故遂氏薛。 秦滅六國,而失其祀,子孫分散。 漢祖定天下,過齊,求孟嘗後,得其孫陵、國二 自國至綜,世典州郡,爲著姓。 綜少明
- 臣松之見諸書本「苟身」或作「句身」,以爲旣云「横目」,則宜曰「句身」。
- (三) 江表傳曰:費禕聘于吳,陛見,公卿侍臣皆在坐。酒酣,禕與諸哀恪相對嘲難,言及吳、蜀。禕問曰:「蜀字云 吳,下臨滄海,天子帝都。」與本傳不同。 何?」恪曰:「有水者濁,無水者蜀。 横目苟身,虫入其腹。」禕復問:「吳字云何?」恪曰:「無口者天,有口者

海、象郡,然則四國之內屬也,有自來矣。趙佗起番禺,懷服百越之君,珠官之南是也。 頗有似類。 教其耕犁,使之冠履;爲設媒官,始知聘娶;建立學校,導之經義。 居其間,稍使學書,粗知言語,使驛往來,觀見禮化。及後錫光爲交趾,任延爲九眞太守,乃 武帝誅呂嘉,開九郡,設交阯刺史以鎭監之。山川長遠,習俗不齊,言語同異,重譯乃通,民 如禽獸,長幼無別,椎結徒跣,貫頭左袵,長吏之設,雖有若無。 自斯以來,頗徙中國罪人雜 呂岱從交州召出,綜懼繼岱者非其人,上疏曰:「昔帝舜南巡,卒於蒼梧。秦置桂林、南 自臣昔客始至之時,珠崖除州縣嫁娶,皆須八月引戶,人民集會之時,男女自相 由此已降,四百餘年,

吳

岱旣至,有士氏之變。 曉時事。 劉彥之徒分作長吏,侵虐百姓,彊賦於民,黃魚一枚收稻一斛,百姓怨叛,山賊並出,攻州突 射萌,萌至物故。。交阯太守士燮遣兵致討,卒不能克。又故刺史會稽朱符,多以鄉人虞褒、 樂,功曹番歆起舞屬京,京不肯起,歆猶迫彊,萌忿杖歆,亡於郡內。 歆弟苗帥衆攻府,毒矢 以供設不豐,撾殺主簿,仍見驅逐。九眞太守儋萌爲妻父周京作主人,幷請大吏,酒酣作 反違法。珠崖之廢,起於長吏覩其好髮,髠取爲髲。及臣所見,南海黃蓋爲日南太守,下車 仰其賦入,以益中國也。然在九甸之外,長吏之選,類不精覈。漢時法寬,多自放恣,故數 貴致遠珍名珠、香藥、象牙、犀角、瑇瑁、珊瑚、琉璃、鸚鵡、翡翠、孔雀、奇物,充備實玩,不必 土廣人衆,阻險毒害,易以爲亂,難使從治。縣官羈縻,示令威服,田戶之租賦,裁取供辦, 吏恣聽,不能禁制。日南郡男女倮體,不以爲羞。由此言之,可謂蟲豸,有靦面目耳。 厭患,去留自在。津小檢攝,威武不足,爲所陵侮,遂至殺沒。後得零陵賴恭,先輩仁謹,不 可適,乃爲夫妻,父母不能止。交阯糜冷、九眞都龐二縣,皆兄死弟妻其嫂,世以此爲俗,長 逐出恭,求步騭。 符走入海,流離喪亡。次得南陽張津,與荆州牧劉表爲隙,兵弱敵彊,歲歲興軍,諸將 表叉遣長沙吳巨爲蒼梧太守。巨武夫輕悍,不爲恭〔所〕服,(所取)〔輒〕相怨恨, 是時津故將夷廖、錢博之徒尙多,騭以次鉏治,綱紀適定,會仍召出。 越軍南征,平討之日,改置長吏,章明王綱,威加萬里,大小承風。由

定,倘有高涼宿賊;其南海、蒼梧、鬱林、珠官四郡界未綏,依作寇盜,專爲亡叛逋逃之藪。 若岱不復南,新刺史宜得精密,檢攝八郡,方略智計,能稍稍以漸(能)治高涼者,假其威寵, 此言之,綏邊撫裔,實有其人。牧伯之任,旣宜淸能,荒流之表,禍福尤甚。 今日交州雖名粗 借之形勢,責其成效,庶幾可補復。 黃龍三年、建昌侯慮爲鎭軍大將軍,屯半州,以綜爲長史,外掌衆事,內授書籍。 故國之安危,在於所任,不可不察也。竊懼朝廷忽輕其選,故敢竭愚情,以廣聖思。」 如但中人,近守常法,無奇數異術者,則羣惡日滋,久遠 慮卒,

取才。 也。 術,器械錄鈍,犬羊無政,往必禽克,誠如明詔。 然其方土寒埆,榖稼不殖,民習鞍馬,轉徙 嚴,蓋所以存萬安之福,鎭四海之心。昔孔子疾時,託乘桴浮海之語,季由斯喜,拒以 之無益,此不可一也。 王者,萬國之元首,天下之所繫命也。 入守賊曹尙書,遷尙書僕射。時公孫淵降而復叛,權盛怒,欲自親征。 諺曰:『千金之子,坐不垂堂。』況萬乘之尊乎。今遼東戎貊小國,無城池之固,備禦之 雖有堯舜之德,智無所施,賁育之勇,力不得設,此不可二也。 漢元帝欲御樓船,薛廣德請刎頸以血染車。 卒聞大軍之至,自度不敵,鳥驚獸駭,長驅奔竄,一人匹馬,不可得見,雖獲空地,守 加叉洪流滉瀁,有成山之難,海行無常,風波難免,倏忽之間,人船異 是以居則重門擊标以戒不虞,行則清道案節以養威 何則?水火之險至危,非帝王所宜涉 加以鬱霧冥其上,鹹水 綜上疏諫曰:「夫帝 無所

計,又開闢以來所未嘗有,斯誠羣僚所以傾身側息,食不甘味,寢不安席者也。惟陛下抑雷 當拱手以待耳。今乃違必然之圖,尋至危之阻,忽九州之固,肆一朝之忿,旣非社稷之重 蒸其下,善生流腫,轉相洿染,凡行海者,稀無斯患,此不可三也。天生神聖,顯以符瑞,當 霆之威,忍赫斯之怒,逕乘橋之安,遠履冰之險,則臣子賴祉,天下幸甚。」時羣臣多諫,權 乘平喪亂,康此民物;嘉祥日集,海內垂定,逆虜凶虐,滅亡在近。中國一平,遼東自斃,但

領選職如故。(1) 六年春,卒。 凡所著詩賦難論數萬言,名曰私載,又定五宗圖述、二京解 使滿三也。」綜復再祝,辭令皆新,衆咸稱善。赤鳥三年,徙選曹尚書。五年,爲太子少傳, 正月乙未,權敕綜祝祖不得用常文,綜承詔,卒造文義,信辭粲爛。權曰:「復爲兩頭,

(1) 吳書曰:後權賜綜紫綬襲,綜陳讓紫色非所宜服,權曰:「太子年少,涉道日淺,君當博之以文,約之以禮,茅土之 封,非君而誰?」是時緣以名儒居師傅之位,仍兼選舉,甚爲優重。

位,爲散騎中常侍。數年,以病去官。孫晧初,爲左執法,遷選曹尚書,及立太子,又領少 傳。建衡三年,晧追歎瑩父綜遺文,且命瑩繼作。瑩獻詩曰:「惟臣之先,昔仕于漢,奕世縣 于珝,官至威南將軍,征交阯還,道病死。〔〕珝弟瑩,字道言,初爲祕府中書郎,孫休即 吳 書 張嚴程嗣薛傳第八

禍之將及,其是之謂乎!」

是違。 革揚聲。 賤,惟昆及弟,幸生幸育,託綜遺體。過庭旣訓,頑蔽難啓。 嗣,至德謙崇,禮遇棄加,惟渥惟豐。 顯,非願之始。亦惟寵遇,心存足止。 褐,受職剖符。 身,雖則灰隕,無報萬分。」 頑虛,孰能忍媿,臣實與居。 心,東南是歸。 仁澤流盈。追錄先臣,愍其無成,是濟是拔,被以殊榮。 ,頗涉臺觀。 乾德博好,文雅是貴,追悼亡臣,冀存遺類。 及臣斯陋,實闇實微,旣顯前軌,人物之機;復傳東宮,繼世荷輝,才不逮先,是忝 作守合浦,在海之隅,遷入京辇,遂升機樞。 厥初流隸,困于蠻垂。 暨臣父綜,遭時之難,卯金失御,邦家毀亂。 夙夜反側,克心自論,父子兄弟,累世蒙恩,死惟結草,生誓殺 哀哀先臣,念竭其忠, 重值文皇,建號東宫, 大皇開基,恩德遠施。 如何愚亂,曾無髣髴!瞻彼舊寵, 珝忝干里, 受命南征, 堂構弗克,志存耦耕。豈悟聖朝 適茲樂土, 洪恩未報, 枯瘁更榮, 乃作少傅, 特蒙招命, 庶存孑遺, 委世以終。 光華益隆 絕統復紀, 拯糧泥汙 旌旗備物,金 天啓其 自徽而 釋放 嗟臣蔑 明 顧此 明 聖 T]

漢晉春秋曰:孫休時,翔為五官中郎將,遣至蜀求馬。 水 免罪,入 其朝不 聞 ΙĒ 言,經其野民皆菜色。 臣聞燕雀處堂,子母相樂,自以爲安也,突決棟焚,而燕雀怡然不 及還,休問蜀政得失,對曰:「主闇而不知其過,臣下容身以

是歲,何定建議鑿聖谿以通江淮,皓令瑩督萬人往,遂以多盤石難施功,罷還,出爲武

騎常侍,答問處當,皆有條理。(二太康三年卒。 著書八篇,名曰新議。(三 所復恨。」階途召蠻還,爲左國史。頃之,選曹尚書同郡經禕以執意不移,爲羣小所疾,左 營者少,是以慺熡爲國惜之。實欲使卒垂成之功,編於前史之末。奏上之後,退塡溝壑,無 之盛美。瑩涉學旣博,文章尤妙,同寮之中,瑩爲冠首。今者見吏,雖多經學,記述之才,如 臣愚淺才劣,適可爲變等記注而已,若使撰合,必襲俘、峻之跡,懼墜大皇帝之元功,損當世 立,備有本末。昭、廣先亡,曜負恩蹈罪,瑩出爲將,復以過徙,其書遂委滯,迄今未撰奏。 其所撰作,不足紀錄。至少帝時,更差韋曜、周昭、薛瑩、梁廣及臣五人,訪求往事,所共撰 大吳受命,建國南土。大皇帝末年,命太史令丁学、郎中項峻始撰吳書。学、峻俱非史才, 軍征皓,皓奉書於司馬伷、王渾、王濬請降,其文,瑩所造也。 瑩旣至洛陽,特先見敍,爲散 謬,舉措煩苛,營每上便宜,陳緩刑簡役,以濟育百姓,事或施行。 遷光祿勳。 天紀四年,晉 多將賓客會聚瑩許。乃收禪下獄,徙桂陽,瑩還廣州。未至,召瑩還,復職。是時法政多 遷衡陽太守。旣拜,又追以職事見詰責,拜表陳謝。因過詣瑩,復爲人所白,云禪不懼罪, 皆立史官,敍錄功美,垂之無窮。漢時司馬遷、班固,咸命世大才,所撰精妙,與六經俱傳。 昌左部督。後定被誅,晧追聖谿事,下瑩獄,徙廣州。右國史華覈上疏曰:「臣聞五帝三王

(一)干寶晉紀曰:武帝從容問瑩曰:「孫晧之所以亡者何也?」瑩對曰:「歸命侯臣晧之君吳也,昵近小人,刑罰妄加,

大臣大將,無所親信,人人憂恐,各不自保,危亡之釁,實由於此。」帝遂問吳士存亡者之賢愚,瑩各以狀對。

[三] 王隱晉書曰: 瑩子)兼,字令長,清素有器字,資望故如上國,不似吳人。歷位二宮丞相長史。 元帝踐阼,累遷丹 楊尹、尚書,又爲太子少傅。自綜至魚,三世傅東宮。

林也。至曖辭榮濟舊,不亦長者乎!薛綜學識規納,爲吳良臣。及瑩纂蹈,尤有先風,然於 暴酷之朝,屢登顯列,君子殆諸。 評曰:張紘文理意正,爲世令器,孫策待之亞於張昭,誠有以也。嚴、程、闞生,一時儒

周瑜魯肅呂蒙傳第九

周瑜字公瑾,廬江舒人也。從祖父景,景子忠,皆爲漢太尉。〔〕父異,洛陽令。

(一)謝承後漢書曰:景字仲嚮,少以廉能見稱,以明學察孝廉,辟公府。後爲豫州刺史,辟汝南陳蕃爲別駕,潁川李 膺、荀緄、杜密、沛國朱寓爲從事,皆天下英俊之士也。稍遷至尚書令,遂登太尉。 張璠漢紀曰:景父榮,章、和世爲尚書令。 初景歷位牧守,好善愛士,每歲舉孝廉,延請入,上後堂,與家人宴會,

如此者數四。及贈送旣備,又選用其子弟,常稱曰:「移臣作子,於政何有?」先是,司徒韓縯爲河內太守,在公 無私,所舉一辭而已,後亦不及其門戶,曰:「我舉若可矣,不令恩偏稱一家也。」當時論者,或兩畿焉

道南大宅以舍策,升堂拜母,有無通共。瑜從父尚爲丹楊太守,瑜往省之。會策將東渡,到 渡擊秣陵,破笮融、薛禮,轉下湖孰、江乘,進入曲阿,劉繇奔走,而策之衆已數萬矣。因謂 歷陽,馳書報瑜,瑜將兵迎策。 策大喜曰:「吾得卿,諧也。」 遂從攻橫江、當利,皆拔之。 乃 瑜長壯有姿貌。初,孫堅興義兵討董卓,徙家於舒。堅子策與瑜同年,獨相友善,瑜推

周瑜魯肅呂蒙傳第九

守,而瑜與尙俱還壽春。術欲以瑜爲將,瑜觀術終無所成,故求爲居巢長,欲假塗東歸,術 瑜曰:「吾以此衆取吳會平山越已足。卿還鎭丹楊。」瑜還。頃之,袁術遣從弟胤代尙爲太 頃之,策欲取荆州,以瑜爲中護軍,領江夏太守,從攻皖,拔之。時得橋公兩女,皆國色也。 五十匹。〔〕瑜時年二十四,吳中皆呼爲周郎。以瑜恩信著於廬江,出備牛渚,後領春穀長。 聽之。遂自居巢還吳。是歲,建安三年也。策親自迎瑜,授建威中郎將,卽與兵二千人,騎

策自納大橋,瑜納小橋。〔三復進尋陽,破劉勳,討江夏,還定豫章、廬陵,留鎭巴丘。〔三〕

江表傳曰:策又給瑜鼓吹,爲治館舍,贈賜莫與爲比。 如前 (在丹楊,發衆及船糧以濟大事,論德酬功,此未足以報者也。」 策令曰:「周公瑾英儁異才, 與孤有總角之好,骨肉之分。

[11] 江表傳曰:策從容戲瑜曰:「橋公二女雖流離,得吾二人作壻,亦足爲歡。」

(三)臣松之案:孫策于時始得豫章、廬陵,尚未能得定江夏。瑜之所鎭,應在今巴丘縣也,與後所(平)(卒)巴丘處不

戸

鄧龍將兵數千人入柴桑,瑜追討擊,生虜龍送吳。十三年春,權討江夏,瑜爲前部大督。 年,督孫瑜等討麻、保二屯,梟其渠帥,囚俘萬餘口,還備(官亭)[宮亭]。 江夏太守黃祖遣將 五年,策薨,權統事。 瑜將兵赴喪,遂留吳,以中護軍與長史張昭共掌衆事。〔1〕十一

(二) 江表傳曰:曹公新破袁紹, 兵威日盛,建安七年,下書責權質任子。權召羣臣會議,張昭、秦松等猶豫不能決,權 吳 書 周瑜魯肅呂蒙傳第九

之如子也,汝其兄事之。」遂不送質。 戢將自焚。 豈與南面稱孤同哉?不如勿遺,徐觀其變。若曹氏能率義以正天下,將軍事之未晚。若圖爲暴亂,兵猶火也,不 得不與曹氏相首尾,與相首尾,則命召不得不往,便見制於人也。 銅,煮海爲鹽,境內富饒,人不思亂,汎舟舉帆,朝發夕到,士風勁勇,所向無敵,有何偪迫,而欲送質?質一入,不 野,遂據荆揚,至於南海,傳業延祚,九百餘年。今將軍承父兄餘資,兼六郡之衆,兵精糧多,將士用命,鑄山爲 意不欲遣質,乃獨將瑜詣母前定議,瑜曰:「昔楚國初封於荆山之側,不滿百里之地,繼嗣賢能,廣土開境,立基於 將軍韜勇抗威,以待天命,何送質之有!」權母曰:「公瑾議是也。公瑾與伯符同年,小一月耳,我視 極不過一侯印,僕從十餘人,車數乘,馬數匹,

平安,加馬超、韓遂尙在關西,爲操後患。且舍鞍馬,仗舟楫,與吳越爭衡,本非中國所長。 業,尙當橫行天下,爲漢家除殘去穢。況操自送死,而可迎之邪?請爲將軍籌之:今使北土 我共之矣。而勢力衆寡,又不可論。愚謂大計不如迎之。」瑜曰:「不然。操雖託名漢相, 已安,操無內憂,能曠日持久,來爭疆場,又能與我校勝負於船楫(可)〔閒〕乎?今北土旣未 其實漢賊也。將軍以神武雄才,兼仗父兄之烈,割據江東,地方數千里,兵精足用,英雄樂 **|表治水軍,蒙衝鬭艦,乃以千數,操悉浮以沿江,兼有步兵,水陸俱下,此爲長江之險,已與** 爲辭,今日拒之,事更不順。且將軍大勢,可以拒操者,長江也。今操得荆州,奄有其地,劉 權延見羣下,問以計策。議者咸曰:「曹公豺虎也,然託名漢相,挾天子以征四方,動以朝廷 其年九月,曹公入荆州,劉琮舉衆降,曹公得其水軍,船步兵數十萬,將士聞之皆恐。

之。」權曰:「老賊欲廢漢自立久矣,徒忌二袁、呂布、劉表與孤耳。今數雄已滅,惟孤尙存, 患也,而操皆冒行之。將軍禽操,宜在今日。瑜請得精兵三萬人,進住夏口,保爲將軍破 叉今盛寒,馬無藁草,驅中國士衆遠涉江湖之閒,不習水土,必生疾病。 此數四者,用兵之

孤與老賊,勢不兩立。君言當擊,甚與孤合,此天以君授孤也。」〔1〕

(一) 江表傳曰:權拔刀斫前奏案曰:「諸將吏敢復有言當迎操者,與此案同!」及會罷之夜,瑜請見曰:「諸人徒見操 臣松之以爲建計拒曹公,實始魯肅。于時周瑜使鄱陽,肅勸權呼瑜,瑜使鄱陽還,但與肅闍同,故能共成大勳。 公便在前發,孤當續發人衆,多載資糧,爲卿後援。 失所望,獨卿與子敬與孤同耳,此天以卿二人贊孤也。五萬兵難卒合,已選三萬人,船糧戰具俱辦,卿與子敬、程 萬,自足制之,願將軍勿慮。」權撫背曰:「公瑾,卿言至此,甚合孤心。 子布、文表諸人,各顧妻子,挟持私慮,深 且軍已久疲,所得表衆,亦極七八萬耳,尙懷狐疑。夫以疲病之卒,御狐疑之衆,衆數雖多,甚未足畏。得精兵五 本傳直云,權延見羣下,問以計策,瑜擺撥衆人之議,獨言抗拒之計,了不云肅先有謀,殆爲攘肅之善也。 書,言水步八十萬,而各恐懾,不復料其虛實,便開此議,甚無謂也。 今以實校之,彼所將中國人,不過十五六萬, 卿能辦之者誠決,邂逅不如意,便還就孤,孤當與孟德決之。」

 龍權。 公軍敗退,引次江北。 艦首尾相接,可燒而走也。」乃取蒙衝鬭艦數十艘,實以薪草,膏油灌其中,裹以帷幕,上建 時劉備爲曹公所破,欲引南渡江,與魯肅遇於當陽,遂共圖計,因進住夏口,遣諸葛亮 權遂遣瑜及程普等與備幷力逆曹公,遇於赤壁。時曹公軍衆已有疾病, 瑜等在南岸。瑜部將黃蓋曰:「今寇衆我寡,難與持久。然觀操軍船 一一交戰,

頸觀望,指言蓋降。 牙旗,先書報曹公,欺以欲降。(己又豫備走舸,各繫大船後,因引次俱前。曹公軍吏士皆延 人馬燒溺死者甚衆,軍遂敗退,還保南郡。〔三〕備與瑜等復共追。曹公留曹仁等守江陵城 蓋放諸船,同時發火。 時風盛猛,悉延燒岸上營落。頃之,煙炎張天,

徑自北歸。

- 1) 江麦傳載蓋書曰:「蓋受孫氏厚恩,常爲將帥,見遇不薄。然顧天下事有大勢,用江東六郡山越之人,以當中國百 口敕曰:「但恐汝詐耳。」蓋若信實,當投爵賞,超於前後也。」 歸命,是其實計。瑜所督領,自易摧破。交鋒之日,蓋爲前部,當因事變化,效命在近。」曹公特見行人,密問之, 萬之衆,衆寡不敵,海內所共見也。東方將吏,無有愚智,皆知其不可,惟周瑜、魯肅偏懷淺戇, 意未解耳。 今日
- (三) 江表傳曰:至戰日,蓋先取輕利艦十舫,載燥荻枯柴積其中,灌以魚膏,赤幔覆之,建旌旗龍幡於艦上。 時東南風 餘,同時發火,火烈風猛,往船如箭,飛埃絕爛,燒盡北船,延及岸邊營柴。」瑜等率輕銳尋繼其後,雷鼓大進,北軍 急,因以十艦最著前,中江舉帆,蓋舉火白諸校,使衆兵齊聲大叫曰:「降焉!」 操軍人皆出營立觀。 大壤,曹公退走。 去北軍二 里

乃渡屯北岸,克期大戰。日職親跨馬樂陳,會流矢中右脅,瘡甚,便還。後仁聞職臥未起,勒 兵騎別攻圍寧。寧告急於瑜。瑜用呂蒙計,留凌統以守其後,身與蒙上救寧。寧圍旣解, 兵就陳。瑜乃自興,案行軍營,激揚吏士,仁由是遂退。 **瑜與程普叉進南郡,與仁相對,各隔大江。 兵未交鋒,(1) 瑜卽遣甘寧前據夷陵。 仁分**

吳

| 吳錄曰:備謂瑜云:「仁守江陵城,城中糧多,足爲疾害。 使張益德將千人隨卿,卿分二千人追我,相爲從夏水入 截仁後,仁聞吾入必走。」 踰以二千人益之。

制,故不納。 將,必非久屈爲人用者。愚謂大計宜徙備置吳,盛爲築宮室,多其美女玩好,以娛其耳目, 軍領荆州牧,治公安。備詣京見權,瑜上疏曰:「劉備以梟雄之姿,而有關羽、張飛熊虎之 分此二人,各置一方,使如瑜者得挾與攻戰,大事可定也。今猥割土地以資業之,聚此三 人,俱在疆埸,恐蛟龍得雲雨,終非池中物也。」權以曹公在北方,當廣擥英雄,又恐備難卒 權拜瑜偏將軍,領南郡太守。以下雋、漢昌、劉陽、州陵爲奉邑,屯據江陵。 劉備以左將

爲得人,惟與程普不睦。〔三〕 兄奉之。是時權位爲將軍,諸將賓客爲禮尙簡,而瑜獨先盡敬,便執臣節。性度恢鄭,大率 給。後蓍令曰:「故將軍周瑜、程普,其有人客,皆不得問。」初瑜見友於策,太妃又使權以 病卒,行時年三十六。權素服舉哀,感動左右。喪當還吳,又迎之無湖,衆事費度,一爲供 結援。瑜還與將軍據襄陽以職操,北方可圖也。」權許之。瑜還江陵,爲行裝,而道於巴丘 能與將軍連兵相事也。乞與奮威俱進取蜀,得蜀而幷張魯,因留奮威固守其地,好與馬超 是時劉璋爲益州牧,外有張魯寇侵,瑜乃詣京見權曰:「今曹操新折衂,方憂在腹心,未

- [一]臣松之案,瑜欲取蜀,還江陵治嚴,所卒之處,應在今之巴陵,與前所鎭巴丘,名同處異也。
- (三) 江表傳曰:普頗以年長,數陵侮瑜。瑜折節容下,終不與校。普後自敬服而親重之,乃告人曰:「與周公瑾交,若 此名。」瑜威聲遠著,故曹公、劉備威欲疑譖之。及卒,權流涕曰:「公瑾有王佐之資,今忽短命,孤何賴哉!」後 權稱尊號,謂公卿曰:「孤非周公瑾,不帝矣。」 蘇張更生,酈叟復出,猶撫其背而折其辭,豈足下幼生所能移乎?」幹但笑,終無所言。幹還,稱瑜雅量高致,非 者服飾珍玩之物,因謂幹曰:「丈夫處世,遇知己之主,外託君臣之義,內結骨肉之恩,言行計從, 曰:「子翼良苦,遠涉江湖爲曹氏作說容邪?」」幹曰:「吾與足下州里,中間別隔,遙聞芳烈,故來敍闊,并觀雅規, |幹往見瑜。|幹有儀容,以才辯見稱,獨步|江、淮之間,莫與爲對。乃布衣葛巾,自託私行詣瑜。 飲醇醪,不覺自醉。」時人以其謙讓服人如此。初曹公聞瑜年少有美才,謂可游說動也,乃密下揚州,遣九江蔣 宴會敍別。 言辭所閒。 人臣耳。」瑜之破魏軍也,曹公曰:「孤不羞走。」後書與權曰:「赤壁之役,值有疾病,孤燒船自退, 橫使周瑜虛獲 而云說客,無乃逆詐乎?」瑜曰:「吾雖不及變、曠,聞弦賞音,足知雅曲也。」因延斡入,爲設酒食。畢,遣之曰: 適吾有密事,且出就館,事了,別自相請。」後三日,瑜請幹與周觀營中,行視倉庫軍資器仗訖,還宴飲,示之侍 昭、肅等先出,權獨與備留語,因言次,歎瑜曰:「公瑾文武籌略,萬人之英,顧其器量廣大,恐不久爲 中州之士,亦以此多之。劉備之自京還也,權乘飛雲大船,與張昭、秦松、魯肅等十餘人共追送之,大 瑜出迎之,立謂幹 禍福共之,假使

瑜少精意於音樂,雖三虧之後,其有闕誤,瑜必知之,知之必顧,故時人謠曰:「曲有誤,

周郞顧。」

吳

書

周瑜魯肅呂蒙傳第九

瑜兩男一女。女配太子登。男循尙公主,拜騎都尉,有瑜風,早卒。循弟胤,初拜興業

及全琮亦俱陳乞,權乃許之。會胤病死。 之,使自知耳。今二君勤勤援引漢高河山之誓,孤用恧然。雖德非其疇,猶欲庶幾,事亦 喻,曾無悛改。孤於公瑾,義猶二君,樂胤成就,豈有己哉?迫胤罪惡,未宜便還,且欲苦 鳴,抱罪之臣,展其後效。」權答曰:「腹心舊勳,與孤協事,公瑾有之,誠所不忘。 昔胤年 宗廟,傳於無窮,欲使功臣之後,世世相踵,非徒子孫,乃關苗裔,報德明功,勤勤懇懇,如此 帝封爵之誓曰『使黃河如帶,太山如礪,國以永存,爰及苗裔』;申以丹書,重以盟詛,藏于 如爾,故未順旨。以公瑾之子,而二君在中閒,苟使能改,亦何患乎!」瑾、騭表比上,朱然 少,初無功勞,橫受精兵,餧以侯將,蓋念公瑾以及於胤也。而胤恃此,酗淫自恣,前後告 之至,欲以勸戒後人,用命之臣,死而無悔也。況於瑜身沒未久,而其子胤降爲匹夫,益可 賓服,雖周之方叔,漢之信、布,誠無以尙也。夫折衝扞難之臣,自古帝王莫不貴重,故漢高 用命,視死如歸,故能擢曹操於烏林,走曹仁於郢都,揚國威德,華夏是震,蠢爾蠻荆,莫不 葛瑾、步騭連名上疏曰:「故將軍周瑜子胤,昔蒙粉飾,受封爲將,不能養之以福,思立功效, 悼傷。竊惟陛下欽明稽古,隆於興繼,爲胤歸訴,乞匄餘罪,還兵復爵,使失旦之雞,復得一 至縱情欲,招速罪辟。臣竊以瑜昔見寵任,入作心膂,出爲爪牙,銜命出征,身當矢石,盡節

禍,故便止之。 孤念公瑾,豈有已乎?」 走曹操,拓有荆州,皆是公瑾,常不忘之。一初聞峻亡,仍欲用護,聞護性行危險,用之適爲作 瑜兄子峻,亦以瑜元功爲偏將軍,領吏士千人。 峻卒,全琮表峻子護爲將。 權曰:「昔

已亂,肅不治家事,大散財貨,摽賣田地,以賑窮弊結士爲務,甚得鄕邑歡心。 魯肅字子敬,臨淮東城人也。生而失父,與祖母居。家富於財,性好施與。 爾時天下

家曲阿。會祖母亡,還葬東城。 紀,不足與立事,乃攜老弱將輕俠少年百餘人,南到居巢就職。職之東渡,因與同行,自留 與周瑜,瑜益知其奇也,遂相親結,定僑、札之分。袁術聞其名,就署東城長。肅見術無綱 周瑜爲居巢長,將數百人故過候肅,幷求資糧。肅家有兩囷米,各三千斛,肅乃指一囷

(一) 吳書曰:肅體貌魁奇,少有壯節,好爲奇計。 天下將亂,乃學擊劍騎射,招聚少年,給其衣食,往來南山中射獵,陰 解大數。今日天下兵亂,有功弗賞,不追無罰,何爲相偪乎?」又自植盾,引弓射之,矢皆凋鬒。騎旣嘉肅言,且 屬皆從命。乃使細弱在前,殭壯在後,男女三百餘人行。州追騎至,肅等徐行,勒兵持滿,謂之曰:「卿等丈夫,當 寇賊横暴,淮、泗間非遺種之地,吾聞江東沃野萬里,民富兵疆,可以避害,寧肯相隨俱至樂土,以觀時變乎?」其 相部勒,講武習兵。 父老咸曰:「魯氏世衰,乃生此狂兒!」 後雄傑並起,中州擾亂, 肅乃命其屬曰:「中國失綱,

度不能制,乃相率還。肅渡江往見策,策亦雅奇之。

者,必興于東南,推步事勢,當其曆數,終搆帝基,以協天符,是烈士攀龍附鳳馳鶩之秋。 吾 徙肅母到吳,肅具以狀語瑜。時孫策已薨,權尙住吳,瑜謂肅曰:「昔馬援答光武云。當今 功業,不可令去也。 方達此,足下不須以子楊之言介意也。」「肅從其言。 之世,非但君擇臣,臣亦擇君」。今主人親賢貴士,納奇錄異,且吾聞先哲祕論,承運代劉氏 觀其形勢,又可博集,時不可失,足下速之。」蕭答然其計。 葬畢還曲阿,欲北行。 會瑜已 無事滯於東城。近鄭寶者,今在巢湖,擁衆萬餘,處地肥饒,廬江閒人多依就之,況吾徒乎? 劉子揚與肅友善,遺肅書曰:「方今天下豪傑並起,吾子姿才,尤宜今日。 急還迎老母, 瑜因薦肅才宜佐時,當廣求其比,以成

極,據而有之,然後建號帝王以圖天下,此高帝之業也。」權曰:「今盡力一方,冀以輔漢耳, 規模如此,亦自無嫌。 **乎**?肅竊料之,漢室不可復興,曹操不可卒除。爲將軍計, 高帝區區欲尊事義帝而不獲者,以項羽爲害也。今之曹操,猶昔項羽,將軍何由得爲桓文 漢室傾危,四方雲擾,孤承父兄餘業,思有桓文之功。君旣惠顧,何以佐之?」,肅對曰:「昔 權即見肅,與語甚悅之。衆賓罷退,肅亦辭出,乃獨引肅還,合榻對飮。因密議曰:「今 何者?北方誠多務也。 因其多務,剿除黃祖,進伐劉表,竟長江所 惟有鼎足江東,以觀天下之釁。

貴重之,賜肅母衣服幃帳,居處雜物,富擬其舊。 此言非所及也。」張昭非肅謙下不足,頗訾毀之,云肅年少麤疎,未可用。權不以介意,益

彼此。 勞其軍中用事者,及說備使撫表衆,同心一意,共治曹操,備必喜而從命。如其克諧,天下 也」,卽共定交。備遂到夏口,遣亮使權,肅亦反命。〔〕〕 權旨,及陳江東彊固,勸備與權倂力。備甚歡悅。時諸葛亮與備相隨,肅謂亮曰「我子瑜友 至南郡,而表子宗已降曹公,備惶遽奔走,欲南渡江。 肅徑迎之,到當陽長阪,與備會,宣騰 可定也。今不速往,恐爲操所先。」權卽遣肅行。到夏口,聞曹公已向荆州,晨夜兼道。此 齊同,則宜撫安,與結盟好;如有離違,宜別圖之,以濟大事。」肅請得奉命弔表二子,幷慰 野萬里,士民殷富,若據而有之,此帝王之資也。今表新亡,二子素不輯睦,軍中諸將,各有 劉表死,肅進說曰:「夫荆楚與國隣接,水流順北,外帶江漢,內阻山陵,有金城之固,沃 加劉備天下梟雄,與操有隙,寄寓於表,表惡其能而不能用也。若備與彼協心,上下

(一) 臣松之案: 劉備與權併力,共拒中國,皆肅之本謀。 取其功。今此二書,同出一人,而舛互若此,非載述之體也。 又語諸葛亮曰「我子瑜友也」,則亮已亟聞肅言矣。 而蜀書

會權得曹公欲東之問,與諸將議,皆勸權迎之,而肅獨不言。 權起更衣,肅追於宇下,

書

早定大計,莫用衆人之議也。」權歎息曰:「此諸人持議,甚失孤望;今卿廓開大計,正與孤 不失下曹從事,乘犢車,從吏卒,交游士林,累官故不失州郡也。將軍迎操,欲安所歸,願 今廟可迎操耳,如將軍,不可也。何以言之。今廟迎操,操當以廟還付鄉黨,品其名位,猶

同,此天以卿賜我也。」(こ

魏書及九州春秋曰:曹公征荆州,孫權大懼,魯肅實欲勸權拒曹公,乃激說權曰:「彼曹公者,實嚴敵也,新丼袁 孫盛曰:吳書及江表傳,魯肅一見孫權便說拒曹公而論帝王之略,劉表之死也,又請使觀變,無緣方復激說勸迎 斬肅,肅因曰:「今事已急,即有他圖,何不遣兵助劉備,而欲斬我乎?」權然之,乃遣周瑜助備。 紹,兵馬甚精,乘戰勝之威,伐喪亂之國,克可必也。不如遣兵助之,且送將軍家詣鬻;不然,將危。」權大怒,欲

曹公也。又是時勸迎者衆,而云獨欲斬肅,非其論也。

相迎,足以顯卿未?」「肅趨進曰:「未也。」 公破走,肅即先還,權大請諸將迎肅。 尊威德加乎四海,總括九州,克成帝業,更以安車輕輪徵肅,始當顯耳。」 時周瑜受使至鄱陽,蕭勸追召瑜還。 肅將入閤拜, **遂任瑜以行事,以肅爲贊軍校尉,助畫方略。** 衆人聞之,無不愕然。 權起禮之,因謂曰:「子敬,孤持鞍下馬 就坐,徐皋鞭言曰:「願至 權撫掌歡笑。

後備詣京見權,求都督荆州,惟肅勸權借之,共拒曹公。〔〕曹公聞權以土地業備,方作

書,落筆於地

一〕漢晉春秋曰:呂範勸留備,肅曰:「不可。 撫安之。多操之敵,而自爲樹黨,計之上也。」權即從之。 將軍雖神武命世,然曹公威力實重,初臨川州,恩信未治,宜以借備,使

萬餘人,拜漢昌太守、偏將軍。十九年,從權破皖城,轉橫江將軍。 餘人,奉邑四縣,皆屬焉。令程普領南郡太守。肅初住江陵,後下屯陸口,威恩大行,衆增 略足任,乞以代瑜。瑜隕踣之日,所懷盡矣。」「己卽拜肅奮武校尉,代瑜領兵。瑜士衆四千 康樂。今旣與曹操爲敵,劉備近在公安,邊境密邇,百姓未附,宜得良將以鎭撫之。魯肅智 周瑜病困,上疏曰:「當今天下,方有事役,是瑜乃心夙夜所憂,願至尊先慮未然,然後

(1) 紅表傳載:初瑜疾困,與權牋曰:「瑜以凡才,昔受討逆殊特之遇,委以腹心,遂荷榮任, 瑜死不朽矣。」案此牋與本傳所載,意旨雖同,其辭乖異耳。 短命矣,誠不足惜,但恨微志未展,不復奉敎命耳。方今曹公在北,疆埸未靜,劉備寄寓,有似養虎,天下之事,未 效戎行。規定巴蜀,次取襄陽,憑賴威靈,謂若在握。至以不謹,道遇暴疾,昨自醫療,日加無損。人生有死,修 知終始,此朝士旰食之秋,至尊垂慮之日也。魯肅忠烈,臨事不苟,可以代瑜。人之將死,其言也善,儻或可採, 統御兵馬,志執鞭弭,自

「備與璋託爲宗室,冀憑英靈,以匡漢朝。今璋得罪左右,備獨竦懼,非所敢聞,願加寬 先是,益州牧劉璋綱維頹弛,周瑜、甘寧並勸權取蜀,權以咨備,備內欲自規,仍僞報

周瑜魯肅呂蒙傳第九

究竟,坐有一人曰:「夫土地者,惟德所在耳,何常之有!」」肅厲聲呵之,辭色甚切。 卿家軍敗遠來,無以爲資故也。今已得益州,旣無奉還之意,但求三郡,又不從命。」語未 見,各駐兵馬百步上,但請將軍單刀俱會。 承旨,權遣呂蒙率衆進取。備聞,自還公安,遣羽爭三郡。 |羽與肅隣界,數生狐疑,疆場紛錯,肅常以歡好撫之。 起謂曰:「此自國家事,是人何知!」目使之去。「己備遂割湘水爲界,於是罷軍。 若不獲請,備當放髮歸於山林。」後備西圖璋,留關羽守,權曰:「猾虜乃敢挾詐!」及 肅因責數羽曰:「國家區區本以土地借卿家者, 備旣定益州,權求長沙、零、桂,備 肅住益陽,與羽相拒。 肅邀羽相 羽操刀

| 吳書曰: 肅欲與羽會語,諸將疑恐有變,議不可往。 肅曰: 「今日之事,宜相開譬。 劉備負國,是非未決,羽 此。 子屬當重任,曾不能明道處分,以義輔時,而負恃弱衆以圖力爭,師曲爲老,將何獲濟?」羽無以答。 來欲收地邪?」肅曰:「不然。始與豫州觀於長阪,豫州之衆不當一校,計窮慮極,志勢摧弱, 已藉手於西州矣,又欲翦抖荆州之土,斯蓋凡夫所不忍行,而況整領人物之主乎!肅聞貪而棄義,必爲禍階。 重欲干命!」乃趨就羽。羽曰:「烏林之役,左將軍身在行間,寢不脫介,勠力破魏,豈得徒勞,無一塊壤,而足下 主上矜愍豫州之身,無有處所,不愛土地士人之力,使有所庇廕以濟其患,而豫州私獨飾情,愆德隳好。 圖欲遠竄,望不及 亦何敢 吾

號,臨壇,顧謂公卿曰:「昔魯子敬嘗道此,可謂明於事勢矣。」 肅年四十六,建安二十二年卒。權爲舉哀,又臨其葬。 諸葛亮亦爲發哀。(1) 權稱尊

〔一〕吳書曰:肅爲人方嚴,寡於玩飾,內外節儉,不務俗好。治軍整頓,禁令必行,雖在軍陳,手不釋卷。又善談論,能 屬文辭,思度弘遠,有過人之明。周瑜之後,肅爲之冠。

衡中,假節,遷夏口督。所在嚴整,有方幹。鳳皇三年卒。子睦襲爵,領兵馬。 肅遺腹子淑旣壯,濡須督張承謂終當到至。永安中,爲昭武將軍、都亭侯、武昌督。

之,曰:「彼豎子何能爲?此欲以肉餧虎耳。」他日與蒙會,又蚩辱之。 蒙大怒, 五六,竊隨當擊賊,當顧見大驚,呵叱不能禁止。歸以告蒙母,母恚欲罰之,蒙曰:「貧賤難 出走,逃邑子鄭長家。出因校尉袁雄自首,承閒爲言,策召見奇之,引置左右。 可居,脫誤有功,富貴可致。且不探虎穴,安得虎子?」母哀而舍之。時當職吏以蒙年小輕 呂蒙字子明,汝南富陂人也。少南渡,依姊夫鄧當。當爲孫策將,數討山越。蒙年十 引刀殺吏,

丹楊,所向有功,拜平北都尉,領廣德長。 之。蒙陰賒貰,爲兵作絳衣行縢,及簡日,陳列赫然,兵人練習,權見之大悅,增其兵。從討 數歲,鄧當死,張昭薦蒙代當,拜別部司馬。權統事,料諸小將兵少而用薄者,欲幷合

祖聞就死,委城走,兵追禽之。 權曰:「事之克,由陳就先獲也。」 以蒙爲橫野中郎將, 從征黃祖,祖令都督陳就逆以水軍出戰。 蒙勒前鋒,親梟就首,將士乘勝,進攻其城。

皆舍馬步走。兵追蹙擊,獲馬三百匹,方船載還。於是將士形勢自倍,乃渡江立屯,與相攻 擊,曹仁退走,遂據南郡,撫定荆州。 險道,賊走可得其馬。瑜從之。 甘寧前據夷陵,曹仁分衆攻寧,寧困急,使使請救。 以肅兵益蒙,蒙盛稱肅有膽用,且慕化遠來,於義宜益不宜奪也。 是歲,又與周瑜、程普等西破曹公於烏林,圍曹仁於南郡。 軍到夷陵, 還,拜偏將軍,領尋陽令。 即日交戰,所殺過半。 諸將以兵少不足分, 蒙謂瑜、普曰: 益州將襲肅舉軍來附,瑜表 權善其言,還肅兵。 敵夜遁去,行遇柴道,騎 瑜使 宮留

故意待也,君宜顧之。」遂往詣蒙。 於此也。」 不豫定? 備不虞? 魯肅代周瑜,當之陸口,過蒙屯下。 途拜蒙母,結友而別。(I) 肅造次應日:「臨時施宜。」 因爲肅畫五策。 肅於是越席就之,拊其背曰:「呂子明,吾不知卿才略所及乃至 酒酣,蒙問肅曰:「君受重任,與關羽爲鄰,將何計略,以 蒙曰:「今東西雖爲一家,而關羽實熊虎也,計安可 肅意尚輕蒙,或說肅曰:「呂將軍功名日顯,不可以

江表傳曰:初, 書。」權曰:「孤豈欲卿治經爲博士邪?但當令涉獵見往事耳。卿言多務孰若孤,孤少時歷詩、書、禮記、左傳、國書。」權曰:「孤豈欲卿治經爲博士邪?但當令涉獵見往事耳。卿言多務孰若孤,孤少時歷詩、書、禮記、左傳、國 權謂蒙及蔣欽曰:「卿今並當塗掌事, 宜學問以自開益。」蒙曰:「在軍中常苦多務, 恐不容復讀

好學,讀左傳略皆上口,梗亮有雄氣,然性頗自負,好陵人。今與爲對,當有單複以(卿)[鄉]待之。」密爲肅陳三 務,手不釋卷。。孟德亦自謂老而好學。卿何獨不自勉勖邪?」蒙始就學,篤志不倦,其所覽見,舊儒不勝。 乎?宜急讀孫子、六韜、左傳、國語及三史。孔子言『終日不食,終夜不寢以思,無益,不如學也』。 書傳,輕財尙義,所行可迹,並作國士,不亦休乎!」 策,肅敬受之, 蒙曰:「士別三日,即更刮目相待。 肅上代周瑜,過蒙言議,常欲受屈。肅拊蒙背曰:「吾謂大弟但有武略耳,至於今者,學識英博,非復吳下阿蒙。」 語,惟不讀易。至統事以來,省三史、諸家兵書,目以爲大有所益。如卿二人,意性朗悟,學必得之,寧當不爲 秘而不宜。權常歎曰:「人長而進益,如呂蒙、蔣欽,蓋不可及也。富貴榮顯,更能折節好學,耽悅 大兄今論,何一稱穰侯乎。兄今代公瑾,旣難爲繼,且與關羽爲鄰。斯人長而 光武當兵馬之 後魯

等皆勤勞國事,子弟雖小,不可廢也。書三上,權乃聽。 心率如此 時蒙與成當、宋定、徐顧屯次比近,三將死,子弟幼弱,權悉以兵幷蒙。 蒙於是又爲擇師,使輔導之,其操 蒙固辭,陳啓顧

權夾水口立塢,所以備御甚精,自曹公不能下而退。 縮退,其部伍孫子才、宋豪等,皆攜負老弱,詣蒙降。 魏使廬江謝奇爲蘄春典農,屯皖田鄉,數爲邊寇。蒙使人誘之,不從,則伺隙襲擊,奇遂 後從權拒曹公於濡須,數進奇計,又勸

[二] 吳錄曰:權欲作場, 步騎蹙人,不暇及水,其得入船乎?」 諸將皆曰:「上岸擊賊,洗足入船,何用塢爲?」 呂蒙曰:「兵有利鈍,戰無百勝,如有邂逅,敵 權曰:「善。」遂作之。

吳 書 周瑜魯肅呂蒙傳第九

, 吳書曰: 諸將皆勸作土山,添攻具,蒙趣進曰: 「治攻具及土山,必歷日乃成,城備旣脩,外救必至,不可圖也。且 拔,及水以歸,全勝之道也。」權從之。 乘雨水以入,若留經日,水必向盡,還道艱難,濛竊危之。今觀此城,不能甚固,以三軍銳氣,四面並攻,不移時可

當攻城,顧謂玄之曰:「郝子太聞世閒有忠義事,亦欲爲之,而不知時也。 左將軍在漢中,爲 南陽鄧玄之,玄之者郝普之舊也,欲令誘普。 萬人屯益陽拒羽,而飛書召蒙,使捨零陵,急還助肅。初,蒙旣定長沙,當之零陵,過酃,載 服,惟零陵太守郝普城守不降。而備自蜀親至公安,遣羽爭三郡。權時住陸口, 是時劉備令關羽鎭守,專有荆土,權命蒙西取長沙、零、桂三郡。 及被書當還,蒙祕之,夜召諸將,授以方略,晨 蒙移書二郡, 使魯肅將 望風歸

備請盟,權乃歸普等,割湘水,以零陵還之。以尋陽、陽新爲蒙奉邑。 見普,具宣蒙意,普懼而聽之。玄之先出報蒙,普尋後當至。蒙豫敕四將,各選百人,普出, 知備在公安,而羽在益陽,慚恨入地。蒙留(孫河)〔孫皎〕,委以後事, 便入守城門。須臾普出,蒙迎執其手,與俱下船。 白受誅,豈不痛哉?度此家不得外問,謂援可恃,故至於此耳。君可見之,爲陳禍福。」玄之 吾計力度慮,而以攻此,曾不移日,而城必破,城破之後,身死何益於事,而令百歲老母,戴 命,至尊遣兵,相繼於道。今子太以旦夕之命,待不可望之救,猶牛蹄中魚,冀賴江漢,其不命,至尊遣兵,相繼於道。今子太以旦夕之命,待不可望之救,猶牛蹄中魚,冀賴江漢,其不 可恃亦明矣。若子太必能一士卒之心,保孤城之守,尙能稽延旦夕,以待所歸者,可也。今 之事,君所親見也。彼方首尾倒懸,救死不給,豈有餘力復營此哉?今吾士卒精銳,人思致 夏侯淵所圍。關羽在南郡,今至尊身自臨之。近者破樊本屯,救酃,逆爲孫規所破。此皆目前 語畢,出書示之,因拊手大笑。普見書, 即日引軍赴益陽。

引退。拜蒙左護軍、虎威將軍 以蒙爲督,據前所立塢,置彊弩萬張於其上,以拒曹公。曹公前鋒屯未就,蒙攻破之,曹公 師還,逡征合肥,旣徹兵,爲張邃等所襲,蒙與逡統以死扞衞。 後曹公叉大出濡須,權

與關羽分土接境,知羽驍雄,有幷兼心,且居國上流,其勢難久。一初,魯肅等以爲曹公 魯肅卒,蒙西屯陸口,肅軍人馬萬餘盡以屬蒙。又拜漢昌太守,食下雋、劉陽、漢昌、州

守兵,聞不足言,往自可克。然地勢陸通,驍騎所騁,至尊今日得徐州,操後旬必來爭,雖 尚存,禍難始搆,宜相輔協,與之同仇,不可失也,蒙乃密陳計策曰:「(今)[令] 征虜守南郡, 以七八萬人守之,猶當懷憂。不如取羽,全據長江,形勢益張。」權尤以此言爲當。及蒙代 潘璋住白帝,蔣欽將游兵萬人,循江上下,應敵所在,蒙爲國家前據襄陽,如此,何憂於操, 肅,初至陸口,外倍修恩厚,與羽結好。 策,又聊復與論取徐州意,蒙對曰:「今操遠在河北,新破諸袁,撫集幽、冀,未暇東顧。 徐土 至尊聖明,蒙等尙存也。今不於彊壯時圖之,一旦僵仆,欲復陳力,其可得邪?」權深納其 何賴於羽?且羽君臣,矜其詐力,所在反覆,不可以腹心待也。今羽所以未便東向者,以

城,盡得羽及將士家屬,皆撫慰,約令軍中不得于歷人家,有所求取。蒙麾下士,是汝南人, 行,至羽所置江邊屯候,盡收縛之,是故羽不聞知。遂到南郡,士仁、麋芳皆降。〔1〕蒙入據 聞之,遂行,先遣蒙在前。蒙至尋陽,盡伏其精兵艨艟中,使白衣搖櫓,作商賈人服,晝夜兼 信之,稍撤兵以赴樊。魏使于禁救樊,羽盡禽禁等,人馬數萬,託以糧乏,擅取湘關米。權 馳上,襲其空虛,則南郡可下,而羽可禽也。」遂稱病篤,權乃露檄召蒙還,陰與圖計。羽果 蒙常有病,乞分士衆還建業,以治疾爲名。羽聞之,必撤備兵,盡赴襄陽。大軍浮江,晝夜 後羽討樊,留兵將備公安、南郡。蒙上疏曰:「羽討樊而多留備兵,必恐蒙圖其後故也。

鬭心。 中,家家致問,或手書示信。羽人還,私相參訊,咸知家門無恙,見待過於平時,故羽吏士無 糧。羽府藏財寶,皆封閉以待權至。羽還,在道路,數使人與蒙相聞,蒙輒厚遇其使,周游城 於是軍中震慄,道不拾遺。蒙旦暮使親近存恤耆老,問所不足,疾病者給醫藥,飢寒者賜衣 徑路,即父子俱獲,荆州遂定。 取民家一笠,以覆官鎧,官鎧雖公,蒙獪以爲犯軍令,不可以鄕里故而廢法, 會權尋至,羽自知孤窮,乃走麥城,西至漳鄉,衆皆委羽而降。權使朱然、潘璋斷其 **遂垂涕斬之。**

[一] 吳書曰:將軍士仁在公安拒守,蒙令虞翻說之。翻至城門,謂守者曰:「吾欲與汝將軍語。」 仁不肯相見。 軍不安,幸熟思焉。」仁得書,流涕而降。 曰:「明者防禍於未萌,智者圖惠於將來,知得知失,可與爲人, 知存知亡,足別吉凶。 大軍之行,斥候不及施,烽 守麋芳城守,蒙以仁示之,遂降。 幾笑。

呂虎威欲徑到南郡,斷絕陸道,生路一塞,案其地形,將軍爲在箕舌上耳,奔走不得免,降則失義,竊爲將 火不及舉,此非天命,必有內應。 將軍不先見時,時至又不應之,獨守縈帶之城而不降,死戰則毀宗滅祀,爲天下 翻謂蒙曰:「此譎兵也,當將仁行,留兵備城。」遂將仁至南郡。 南郡太 乃爲書

吳錄曰:初,南郡城中失火,頗焚燒軍器。 別以責芳,芳內畏懼,權聞而誘之,芳潛相和。及蒙攻之,乃以牛酒出

未下,會蒙疾發,權時在公安,迎置內殿,所以治護者萬方,募封內有能愈蒙疾者,賜千金。 以蒙爲南郡太守,封孱陵侯,行賜錢一億,黃金五百斤。蒙固辭金錢,權不許。

星辰下爲之請命。年四十二,遂卒於內殿。時權哀痛甚,爲之降損。蒙未死時,所得金寶 笑,不然則咄唶,夜不能寐。病中瘳,爲下赦令,羣臣畢賀。後更增篤,權自臨視,命道士於 諸賜盡付府藏,敕主者命絕之日皆上還,喪事務約。 權聞之,益以悲感。 時有鍼加,權爲之慘慽,欲數見其顏色,又恐勞動,常穿壁瞻之,見小能下食則喜,顧左右言

(1) 紅表傳曰:權於公安大會,呂蒙以疾辭,權笑曰:「禽溷之功,子明謀也,今大功已捷,慶賞未行,豈邑邑邪?」乃 增給步騎鼓吹,敕選虎威將軍官屬,抖南郡、廬江二郡威儀。 拜畢還營,兵馬導從,前後鼓吹,光耀于路

難得,宜容忍之。」權遂厚寧,卒得其用。 用之。甘寧麤暴好殺,旣常失蒙意,又時違權令,權怒之,蒙輒陳請:「天下未定,鬭將如寧 意。 及豫章太守顧邵卒,權問所用,蒙因薦遺奉職佳吏,權笑曰:「君欲爲祁奚耶?」於是 蒙少不脩書傳,每陳大事,常口占爲牋疏。常以部曲事爲江夏太守蔡遺所白,蒙無恨

蒙子霸襲爵,與守冢三百家,復田五十頃。霸卒,兄琮襲侯。琮卒,弟睦嗣。

子布、文表,俱言宜遣使脩檄迎之,子敬卽駮言不可,勸孤急呼公瑾,付任以衆,逆而擊之, 後孟德因獲劉琮之勢,張言方率數十萬衆水步俱下。孤普請諸將,咨問所宜,無適先對,至 繼,君今繼之。公瑾昔要子敬來東,致達於孤,孤與宴語,便及大略帝王之業,此一快也。 孫權與陸遜論周瑜、魯肅及蒙曰:「公瑾雄烈,膽略兼人,遂破孟德, 開拓荆州,邈焉難

耳。 劇易,果敢有膽而已;及身長大,學問開益,籌略奇至,可以次於公瑾,但言議英發不及之 也。 無拾遺,其法亦美也。」 能辦,外爲大言耳,孤亦恕之,不苟責也。然其作軍,屯營不失,令行禁止,部界無廢負,路 此二快也。 周公不求備於一人,故孤忘其短而貴其長,常以比方鄧禹也。又子明少時,孤謂不辭 圖取關羽,勝於子敬。 且其決計策,意出張蘇遠矣;後雖勸吾借玄德地,是其一短,不足以損其二長 子敬答孤書云:『帝王之起,皆有驅除,羽不足忌。』此子敬內不

周瑜、魯肅建獨斷之明,出衆人之表,實奇才也。 允當,故載錄焉。 羽,最其妙者。 評曰:曹公乘漢相之資,挾天子而掃羣桀,新盪荆城,仗威東夏,于時議者莫不疑貳。 初雖輕果妄殺,終於克己,有國士之量,豈徒武將而已乎!孫權之論, 呂蒙勇而有謀斷, 識軍計, 譎郝普, 禽關

韓 蔣周陳董甘淩徐潘丁傳第

程普字德謀,右北平土垠人也。 初爲州郡吏,有容貌計略,善於應對。 從孫堅征伐,討

黃巾於宛、鄧,破董卓於陽人,攻城野戰,身被創夷。

涇、安吳、陵陽、春穀諸賊,皆破之。 轉下秣陵、湖孰、句容、曲阿,普皆有功,增兵二千,騎五十匹。 進破鳥程、石木、波門、陵傳、 以矛突賊,賊披,策因隨出。後拜盪寇中郎將, 餘杭,普功爲多。策入會稽,以普爲吳郡都尉,治錢唐。後徙丹楊都尉,居石城。復討宣城、 堅薨,復隨孫策在淮南,從攻廬江,拔之,還俱東渡。 策嘗攻祖郎,大爲所圍,普與一騎共蔽扞策,驅馬疾呼, 領零陵太守,從討劉勳於尋陽,進攻黃祖於 策到横江、當利,破張英、于麋等,

沙羡,還鎭石城

樂安平定,代太史慈備海昬,與周瑜爲左右督,破曹公於鳥林,又進攻南郡,走曹仁。 策薨,與張昭等共輔孫權,遂周旋三郡,平討不服。 吳 程黃韓蔣周陳董甘凌徐潘丁傳第十 又從征江夏,還過豫章,別討樂安。

將軍,領江夏太守,治沙美,食四縣。

權分刑州與劉備,普復還領江夏,遷盪寇將軍,卒。〔〕權稱尊號,追論普功,封子咨爲亭侯。 先出諸將,普最年長,時人皆呼程公。性好施與,喜士大夫。周瑜卒,代領南郡太守。

(一) 吳書曰: 普殺叛者數百人,皆使投火,即日病癘,百餘日卒。

黃蓋字公覆,零陵泉陵人也。(1)初爲郡吏,察孝廉,辟公府。 孫堅舉義兵,蓋從之。 堅

南破山賊,北走董卓,拜蓋別部司馬。堅薨,蓋隨策及權,擐甲周旋,蹈刃屠城。 吳書曰:故南陽太守黃子廉之後也,枝葉分離,自祖遷于零陵,遂家焉。蓋少孤,嬰丁凶難,辛苦備嘗,然有壯志,

雖處貧賤,不自同於凡庸,常以負薪餘閒,學書疏,講兵事。

盡心,無爲衆先。」初皆怖威,夙夜恭職;久之,吏以蓋不視文書,漸容人事。 書委付兩掾,當檢攝諸曹,糾擿謬誤。兩掾所署,事入諾出,若有姦欺,終不加以鞭杖,宜各 教曰:「令長不德,徒以武功爲官,不以文吏爲稱。今賊寇未平,有軍旅之務,一以文 諸山越不賓,有寇難之縣,輒用蓋爲守長。石城縣吏,特難檢御,蓋乃署兩掾,分主諸 蓋亦嫌外解

叩頭謝罪。

怠,時有所省,各得兩掾不奉法數事。 乃悉請諸掾吏,賜酒食,因出事詰問。

兩掾辭屈,皆

|蓋曰:「前已相敕,終不以鞭杖相加,非相欺也。」 遂殺之。 縣中震慄。後轉春

穀長,尋陽令。 凡守九縣,所在平定。 遷丹楊都尉,抑彊扶弱,山越懷附。

見,郡境遂清。後長沙益陽縣爲山賊所攻,蓋又平討。加偏將軍,病卒于官。 帥,附從者赦之。自春訖夏,寇亂盡平,諸幽邃巴、醴、由、誕邑侯君長,皆改操易節,奉禮請 策火攻,語在瑜傳。(1) 拜武鋒中郎將。 武陵蠻夷反亂,攻守城邑,乃以蓋領太守。 才五百人,自以不敵,因開城門,賊半入,乃擊之,斬首數百,餘皆奔走,盡歸邑落。 蓋姿貌嚴毅,善於養衆,每所征討,士卒皆爭爲先。建安中,隨周瑜拒曹公於赤壁,建 誅討魁 時郡兵

(一) 吳書曰:赤壁之役,蓋爲流矢所中,時寒墮水,爲吳軍人所得,不知其蓋也,置廁牀中。 蓋自彊以一聲呼韓當, 聞之,曰:「此公覆聲也。」向之垂涕,解易其衣,遂以得生。 當

蓋當官決斷,事無留滯,國人思之。〔〕及權踐阼,追論其功,賜子树爵關內侯。

(一) 吳書曰:又圖畫蓋形,四時祠祭。

伐周旋,數犯危難,陷敵擒虜,爲別部司馬。[]及孫策東渡,從討三郡,遷先登校尉,授兵二 千,騎五十匹。從征劉勳,破黃祖,還討鄱陽,領樂安長,山越畏服。後以中郎 將 與周瑜等 拒破曹公,又與呂蒙襲取南郡,遷偏將軍,領水昌太守。 宜都之役,與陸遜、朱然等共攻蜀 韓當字義公,遼西令支人也。令音郎定反。支音互見反。以便弓馬,有膂力,幸於孫堅,從征

叉加都督之號。將敢死及解煩兵萬人,討丹楊賊,破之。會病卒,子綜襲侯領兵。 固守,叉敬望督司,奉遵法令,權善之。黃武二年,封石城侯,遷昭武將軍,領冠軍太守,後 軍於涿鄉,大破之,徙威烈將軍,封都亭侯。曹眞攻南郡,當保東南。在外爲帥,厲將士同心

(一) 吳書曰:當勤苦有功,以軍旅陪隸,分於英豪,故爵位不加。終於堅世,爲別部司馬。

載父喪,將母家屬部曲男女數千人奔魏。 常切齒。 其年,權征石陽,以綜有憂,使守武昌,而綜淫亂不軌。權雖以父故不問,綜內懷懼,行 東興之役,綜爲前鋒,軍敗身死,諸葛恪斬送其首,以白權廟。 魏以爲將軍,封廣陽侯。 數犯邊境,殺害人民,權

吳書曰:綜欲叛,恐左右不從,因諷使劫略,示欲饒之,轉相放效,為行旅大惠。後因詐言被詔,以部曲爲寇盜見 詰讓,云「將吏以下,當並收治」, 悉以嫁將吏,所幸婢妾,皆賜與親近,殺牛飮酒歃血,與共盟誓。 叉言恐罪自及。 左右因曰:「惟當去耳。」遂共圖計,以當葬父,盡呼親戚姑姊,

陽爲奉邑。 會稽冶賊呂合、秦狼等爲亂,欽將兵討擊,遂禽合、狼,五縣平定,徙討越中郎將,以經拘、昭 與策周旋,平定三郡,叉從定豫章。 蔣欽字公奕,九江壽春人也。孫策之襲袁術,欽隨從給事。及策東渡,拜別部司馬,授 賀齊討黟賊,欽督萬兵,與齊幷力,黟賊平定。從征合肥,魏將張遼襲權於津 調授葛陽尉,歷三縣長,討平盜賊,遷西部都尉。

北,欽力戰有功,遷盪寇將軍,領濡須督。後召還都,拜(津)右護軍,典領辭訟。

權嘗入其堂內,母疎帳縹被,妻妾布裙。 權歎其在貴守約,即敕御府爲母作錦被,改易

帷帳,妻妾衣服悉皆錦繡。

服德,論者美焉。〔1〕 自嫌於欽。曹公出濡須,欽與呂蒙持諸軍節度。盛常畏欽因事害己,而欽每稱其善。盛旣 初,欽屯宣城,嘗討豫章賊。 蕪湖令徐盛收欽屯吏,表斬之,權以欽在遠不許,盛由是

1〕 江表傳曰:權謂欽曰:「盛前白卿,卿今舉盛,欲慕祁奚邪?」 欽對曰:「臣聞公舉不挾私怨,盛忠而勤彊,有膽略 器用,好萬人督也。今大事未定,臣當助國求才,豈敢挾私恨以蔽賢乎!」權嘉之。

權討關羽,欽督水軍入沔,還,道病卒。權素服舉哀,以蕪湖民二百戶、田二百頃,給欽 子壹封宣城侯,領兵拒劉備有功,還赴南郡,與魏交戰,臨陳卒。壹無子,弟休領兵,

後有罪失業。

署別部司馬,授兵。權愛其爲人,請以自給。策討六縣山賊,權住宣城,使士自衞,不能千 人,意尙忽略,不治圍落,而山賊數千人卒至。權始得上馬,而賊鋒刃已交於左右,或斫中 周泰字幼平,九江下蔡人也。與蔣欽隨孫策爲左右,服事恭敬,數戰有功。 策入會稽,

吳

馬鞍,衆莫能自定。 十二創,良久乃蘇。是日無秦,權幾危殆。 惟泰奮激,投身衞權,膽氣倍人,左右由泰並能就戰。 策深德之,補春穀長。 後從攻皖,及討江夏,還 賊旣解散,身被

過豫章,復補宜春長,所在皆食其征賦。

於是盛等乃伏。 痕,問以所起。。泰輒記昔戰鬪處以對,畢,使復服,歡讌極夜。其明日,遣使者授以御蓋。〔1〕 也,權特爲案行至濡須塢,因會諸將,大爲酣樂 權自行酒到泰前,命秦解衣,權手自指其創 曹公出濡須,泰復赴擊,曹公退,留督濡須,拜平虜將軍。時朱然、徐盛等皆在所部,並不伏 從討黃祖有功。後與周瑜、程普拒曹公於赤壁,攻曹仁於南郡。 荆州平定,将兵屯岑。

(1) 江表傳曰:權把其臂,因流涕交連,字之曰:「幼平,卿爲孤兄弟戰如熊虎,不惜驅命,被創數十,膚如刻畫,孤亦何 自退也。」卽敕以己常所用御幘青縑蓋賜之。 心,不 待卿以骨肉之恩,委卿以兵馬之重乎!卿吳之功臣,孤當與卿同榮辱,等休戚。 幼平意快爲之, 勿以寒門 坐罷,住駕,使泰以兵馬導從出,鳴鼓角作鼓吹。

後權破闘羽,欲進圖蜀,拜泰漢中太守、奮威將軍,封陵陽侯。 黄武中卒。

子邵以騎都尉領兵。曹仁出濡須,戰有功,又從攻破曹休,進位裨將軍,黃龍二年卒。

弟承領兵襲侯。

陳武字子烈,廬江松滋人。孫策在壽春,武往脩謁,時年十八,長七尺七寸,因從渡江,

進位偏將軍。建安二十年,從擊合肥,奮命戰死。權哀之,自臨其葬。[1] 統事,轉督五校。仁厚好施,鄕里遠方客多依託之。尤爲權所親愛,數至其家。累有功勞, 征討有功,拜別部司馬。策破劉勳,多得廬江人,料其精銳,乃以武爲督,所向無前。

(1) 江表傳曰:權命以其愛妾殉葬,復客二百家。

孫盛曰:昔三良從廖,秦師以之不征;魏妾旣出,杜回以之儷仆。禍福之報,如此之效也。權仗計任術,以生從

死,世祚之促,不亦宜乎!

脩撫循得意,不失一人。權奇之,拜爲校尉。建安末,追錄功臣後,封脩都亭侯,爲解煩督。 子脩有武風,年十九,權召見獎厲,拜別部司馬,授兵五百人。時諸新兵多有逃叛,而

黃龍元年卒。

庶子,拜翼正都尉。兄脩亡後,表母不肯事脩母,表謂其母曰:「兄不幸早亡,表統家事,當奉 **豔亦與表善,後豔遇罪,時人咸自營護,信厚言薄,表獨不然,士以此重之。**(徙)〔從〕太子中 正如此。 弟表,字文奧,武庶子也,少知名,與諸葛恪、顧譚、張休等並侍東宮,皆共親友。尙書暨 母若能爲表屈情,承順嫡母者,是至願也;若母不能,直當出別居耳。」表於大義公 由是二母感寤雍穆。 表以父死敵場,求用爲將,領兵五百人。表欲得戰士之力,

吳

出,會鄱陽民吳遽等爲亂,攻沒城郭,屬縣搖動,表便越界赴討,遽以破敗,遂降。陸遜拜表 權甚嘉之。下郡縣,料正戶贏民以補其處。表在官三年,廣開降納,得兵萬餘人。 報父之仇,以人爲本。空枉此勁銳以爲僮僕,非表志也。」皆輒料取以充部伍。所在以聞 延,權不許。嘉禾三年,諸葛恪領丹楊太守,討平山越,以表領新安都尉,與恪參勢。 特爲赦明,誅戮其黨。遷表爲無難右部督,封都亭侯,以繼舊爵。表皆陳讓,乞以傳脩子 將軍,封侯。始施明感表,自變行爲善,遂成健將,致位將軍。 爲起屋宅。子戲年十七,拜別部司馬,授兵四百人。一戲卒,脩子延復爲司馬代敷。延弟永, 足精銳。 所受賜復人得二百家,在會稽新安縣。表簡視其人,皆堪好兵,乃上疏陳讓,乞以還官,充 浴,易其衣服,厚設酒食,歡以誘之。明乃首服,具列支黨。表以狀聞。權奇之,欲全其名 死無辭,廷尉以聞。權以表能得健兒之心,詔以明付表,使自以意求其情實。 傾意接待,士皆愛附,樂爲用命。時有盜官物者,疑無難士施明。 偏將軍,進封都鄉侯,北屯章阬。年三十四卒。家財盡於養士,死之日,妻子露立,太子登 韶曰:「先將軍有功於國,國家以此報之,卿何得辭焉?」表乃稱曰:「今除國賊, 明素壯悍,收考極毒,惟 表便破械沐 事捷當 初,表

董襲字元代,會稽餘姚人,長八尺,武力過人。〔〕孫策入郡,襲迎於高遷亭,策見而偉

別部司馬,授兵數千,遷揚武都尉。 之,到署門下賊曹。 時山陰宿賊黃龍羅、周勃聚黨數千人,策自出討,襲身斬羅、勃首,還拜 從策攻皖,又討劉勳於尋陽,伐黃祖於江夏。

[1]謝承後漢書稱襲志節慷慨,武毅英烈。

此地利人和之時也,萬無所憂。」衆皆壯其言。 有山川之固,而討逆明府,恩德在民。 策薨 ,權年少,初統事,太妃憂之,引見張昭及襲等,問江東可保安否,襲對曰:「江東地 討虜承基,大小用命,張昭秉衆事,襲等爲爪牙,

,便散走,旬日盡平,拜威越校尉,遷偏將軍。 鄱陽賊彭虎等衆數萬人, 襲與凌統、步騭、蔣欽各別分討。 襲所向輒破, 虎等望見旌

權舉觴屬襲曰:「今日之會,斷紲之功也。」 蒙衝裏。 交射,飛矢雨下,軍不得前。 建安十三年,權討黃祖。 襲身以刀斷兩紲,蒙衝乃橫流,大兵遂進。 襲與凌統俱爲前部,各將敢死百人,人被兩鎧,乘 配横兩蒙衝挾守河口,以栟閭大紲繫石爲矴,上有千人,以弩 祖便開門走,兵追斬之。 大舸船,突入 明 日 大

舸,乞使襲出。 其夜船敗,襲死。 曹公出濡須,襲從權赴之,使襲督五樓船住濡須口。 襲怒日、「受將軍任,在此備 權改服臨殯 ,供給甚厚。 賊 何等委去也, 夜卒暴風,五樓船傾覆,左右散走 敢復言此者斬!」 於是莫敢

與交歡;不爾,即放所將奪其資貨,於長吏界中有所賊害,作其發負,至二十餘年。 止不攻 隨,挾持弓弩,負毦帶鈴,民聞鈴聲,即知是寧。 (三人與相逢,及屬城長吏,接待隆厚者乃 甘寧字興霸,巴郡臨江人也。〔〕少有氣力,好游俠,招合輕薄少年,爲之渠帥; 羣聚相

(一) 吳書曰:寧本南陽人,其先客於巴郡。寧爲吏舉計掾,補蜀郡丞,頃之,棄官歸家。

劫,頗讀諸子,乃往依劉表,因居南陽,不見進用,後轉托黃祖,祖又以凡人畜之。〔三〕

- (三)吳書曰:寧輕俠殺人,藏舍亡命,聞於郡中。 其出入,步則陳車騎,水則連輕舟,侍從被文繡,所如光道路,住止常 以網錦維舟,去或割棄,以示奢也。
- (三) 吳書曰:寧將懂客八百人就劉表。表儒人,不習軍事。時諸英豪各各起兵,寧觀表事勢,終必無成,恐一朝土崩, 月逾邁,人生幾何,宜自遠圖,庶遇知己。」寧良久乃曰:「雖有其志,未知所由。」飛曰:「吾欲白子爲邾長,於是 稍亡。寧欲去,恐不獲免,獨憂悶不知所出。飛知其意,乃要寧,爲之置酒,謂曰:「吾薦子者數矣,主不能用。日 射,將兵在後,射殺校尉凌操。祖旣得免,軍罷還營,待寧如初。祖都督蘇飛數薦寧,祖不用,令人化誘其客,客 并受其禍,欲東入吳。 黃祖在夏口,軍不得過,乃留依祖,三年,祖不禮之。 權討祖,祖軍敗奔走,追兵急,寧以善 去就,孰與臨版轉丸乎?」寧曰:「幸甚。」飛白祖,聽寧之縣。招懷亡客抖義從者,得數百人。

彌橋,終爲篡盜。南荆之地,山陵形便,江川流通,誠是國之西勢也。寧已觀劉表,慮旣不 於是歸吳。周瑜、呂蒙皆共薦達,孫權加異,同於舊臣。寧陳計曰:「今漢祚日微,曹操

謂昭曰:「國家以蕭何之任付君,君居守而憂亂,奚以希慕古人乎?」權舉酒屬寧曰:「興 廣,即可漸規巴蜀。」權深納之。張昭時在坐,難曰:「吳下業業,若軍果行,恐必致亂。」寧 脩,怠於耕農,軍無法伍。 至尊今往,其破可必。 一破祖軍,鼓行而西,西據楚關,大勢彌 遠,兒子叉劣,非能承業傳基者也。至尊當早規之,不可後操。圖之之計,宜先取黃祖。祖 因入守之。時手下有數百兵,并所新得,僅滿千人。曹仁乃令五六千人圍寧。 霸,今年行討,如此酒矣,決以付卿。卿但當勉建方略,令必克祖,則卿之功,何嫌張長史之 今年老,昏耄已甚,財穀並乏,左右欺弄,務於貨利,侵求吏士,吏士心怨,舟船戰具,頓廢不 後隨魯肅鎭益陽,拒關羽。羽號有三萬人,自擇選銳士五千人,投縣上流十餘里淺瀨,云欲 日,敵設高樓,雨射城中,士衆皆懼,惟寧談笑自若。遣使報瑜,瑜用呂蒙計,帥諸將解圍 言乎。」權遂西,果禽祖,盡獲其士衆。遂授寧兵,屯當口。〔〕 (1) 吳書曰:初,權破祖,先作兩函,欲以盛祖及蘇飛首。飛令人告急於寧,寧曰:「飛若不言,吾豈忘之?」權爲諸將 後隨周瑜拒破曹公於烏林。攻曹仁於南郡,未拔,寧建計先徑進取夷陵,往即得其城, 尚必不走,豈當圖亡哉!若爾,寧頭當代入函。」權乃赦之。 戮,特從將軍乞其首領。」權感其言,謂曰:「今爲君致之,若走去何?」寧曰:「飛兔分裂之禍,受更生之恩,逐之 置酒,寧下席叩頭,血涕交流,爲權言:「飛嚋昔舊恩,寧不值飛,固已損骸於溝壑,不得致命於麾下。今飛罪當夷 一寧受攻累

程黃韓蔣周陳董甘凌徐潘丁傳第十

一二九三

今遂名此處爲關羽瀨。 唾,不敢涉水,涉水卽是吾禽。」 夜涉渡。肅與諸將議。 權嘉寧功,拜西陵太守,領陽新、下雉兩縣。 寧時有三百兵,乃曰:「可復以五百人益吾,吾往對之,保羽聞吾欬 肅便選千兵益寧,寧乃夜往。 羽聞之, 住不渡, 而結柴營,

後從攻皖,爲升城督。寧手持練,身緣城,爲吏士先,卒破獲朱光。 計功,呂蒙爲最,寧

次之,拜折衝將軍。

重,增兵二千人。(二 寧色厲,卽起拜持酒,通酌兵各一銀盌。至二更時,銜枚出斫敵。敵驚動,遂退。寧益貴 膝上,呵謂之曰:「卿見知於至尊,孰與甘寧?甘寧尙不惜死, 人食。食畢,寧先以銀盌酌酒,自飮兩盌,乃酌與其都督。都督伏,不肯時持。 後曹公出濡須,寧爲前部督,受敕出斫敵前營。 權特賜米酒衆殺,寧乃料賜手下百餘 卿何以獨惜死乎?」都督見 寧引白削置

(一) 江表傳曰:「曹公出濡須,號步騎四十萬,臨江飮馬。權率衆七萬應之,使寧領三千人爲前部督。權密敕寧,使夜 權曰:「孟德有張遼,孤有興霸,足相敵也。」停住月餘,北軍便退。 寧已還入營,作鼓吹,稱萬歲。因夜見權,權喜曰:「足以驚駭老子否?聊以觀卿膽耳。」即賜絹千疋,刀百口。 入魏軍。寧乃選手下健兒百餘人,徑詣曹公營下,使拔鹿角,踰壘入營,斬得數十級。北軍驚駭鼓躁,舉火如星,

寧雖麤猛好殺,然開爽有計略,輕財敬士,能厚養健兒,健兒亦樂爲用命。建安二十

年,從攻合肥,會疫疾,軍旅皆已引出,唯車下虎士千餘人,幷呂蒙、蔣欽、浚統及寧,從權追 遙津北。 張遼覘望知之,即將步騎奄至。 寧引弓射敵,與統等死戰。寧厲聲問鼓吹何以不

作,壯氣毅然,權尤嘉之。〔〕〕

(一) 吳書曰:凌統怨寧殺其父操,寧常備統,不與相見。 起曰:「寧能雙戟舞。」蒙曰:「寧雖能,未若濛之巧也。」因操刀持楯,以身分之。後權知統意,因令寧將兵,遂徙 屯於半州 權亦命統不得讎之。嘗於呂蒙舍會,酒酣,統乃以刀舞。寧

食,急上!」寧涕泣歔欷曰:「負卿。」與蒙俱還見母,歡宴竟日。 是爲臣下非法。」蒙素至孝,聞母言,卽豁然意釋,自至寧船,笑呼之曰:「興霸,老母待卿 曰:「至尊待汝如骨肉,屬汝以大事,何有以私怒而欲攻殺甘寧?寧死之日,縱至尊不問,汝 纜,解衣臥船中。蒙大怒,擊鼓會兵,欲就船攻寧。寧聞之,故臥不起。蒙母徒跣出諫蒙 乃出廚下兒還寧。寧許蒙不殺。斯須還船,縛置桑樹,自挽弓射殺之。畢,敕船人更增舸 寧卒,權痛惜之。子壤,以罪徙會稽,無幾死。 寧廚下兒曾有過,走投呂蒙。蒙恐寧殺之,故不卽還。後寧齌禮禮蒙母,臨當與升堂,

凌統字公績,吳郡餘杭人也。父操,輕俠有膽氣,孫策初興,每從征伐,常冠軍履鋒。

守永平長,平治山越,奸猾斂手,遷破賊校尉。及權統軍,從討江夏。入夏口,先登,破其

前鋒,輕舟獨進,中流矢死。

用。 軍旅,親賢接士,輕財重義,有國士之風。 城,於是大獲。權以統爲承烈都尉,與周瑜等拒破曹公於烏林,遂攻曹仁,遷爲校尉。雖在 斬黃祖將張碩,盡獲船人。還以白權,引軍兼道,水陸並集。 時呂蒙敗其水軍,而統先搏其 面,應時披壞,諸將乘勝,遂大破之。還,自拘於軍正。權壯其果毅,使得以功贖罪。 引刀斫勤,數日乃死。 及當攻屯,統曰:「非死無以謝罪。」 乃率厲士卒,身當矢石,所攻一 督陳勤會飲酒, 後從擊山賊,權破保屯先還,餘麻屯萬人,統與督張異等留攻圍之,克日當攻。 勤怒詈統,及其父操,統流涕不答,衆因罷出。勤乘酒凶悖, 統年十五,左右多稱述者,權亦以操死國事,拜統別部司馬,行破賊都尉,使攝父兵。 後權復征江夏,統爲前鋒,與所厚健兒數十人共乘一船,常去大兵數十里。 行入右江, 勤剛勇任氣,因督祭酒,陵轢一坐,舉罰不以其道。 統疾其侮慢,面折不爲 ,又於道路辱統。統不忍, 先期,統與

率親近三百人陷圍,扶扞權出。敵已毀橋,橋之屬者兩版,權策馬驅馳,統復還戰,左右盡 時權徹軍,前部已發,魏將張邃等奄至津北。權使追還前兵,兵去已遠,勢不相及,統 又從破皖,拜盪寇中郞將,領沛相。與呂蒙等西取三郡,反自益陽,從往合肥,爲右部

喜。 死,身亦被創,所殺數十人,度權已免,乃還。橋敗路絕,統被甲潛行。 統痛親近無反者,悲不自勝。權引袂拭之,謂曰:「公績,亡者已矣,苟使卿在,何患無 權旣御船, 見之驚

人?」自了拜偏將軍,倍給本兵。

(一) 吳書曰:統創甚,權遂留統於舟,盡易其衣服。其創賴得卓氏良藥,故得不死。

時有薦同郡盛遙於權者,以爲梗槩大節,有過於統,權曰:「且令如統足矣。」後召遙夜

至,時統已臥,聞之,攝衣出門,執其手以入。其愛善不害如此。

親舊故人,恩意益隆。事畢當出,會病卒,時年四十九。權聞之,拊牀起坐,哀不能自止,數 後聞。統素愛士,士亦慕焉。得精兵萬餘人,過本縣,步入寺門,見長吏懷三版,恭敬盡禮, 日減膳,言及流涕,使張承爲作銘誄。 統以山中人尚多壯悍,可以威恩誘也,權令東占且討之,命敕屬城,凡統所求,皆先給

罪免,封復襲爵領兵。〔〕〕 也。」及八九歲,令葛光教之讀書,十日一令乘馬,追錄統功,封烈亭侯,還其故兵。後烈有 二子烈、封,年各數歲,權內養於宮,愛待與諸子同,賓客進見,呼示之曰:「此吾虎子

孫盛曰:觀孫權之養士也,傾心竭思,以求其死力,泣周泰之夷,殉陳武之妾,請呂蒙之命,育凌統之孤,卑曲苦 志,如此之勤也。 是故雖令德無聞,仁澤(內)[罔]著,而能屈彊則吳,僭擬年歲者,抑有由也。然霸王之道,期於

委璞近務,邀利於當年哉?語曰「雖小道,必有可觀者焉,致遠恐泥」,其是之謂乎! 大者遠者,是以先王建德義之基,恢信順之宇,制經略之綱,明貴賤之序,易簡而其親可久,體全而其功可大,豈

傷射吏士千餘人。已乃開門出戰,大破之。射遂絕迹不復爲寇。權以爲校尉、蕪湖令。復 討臨城南阿山賊有功,徙中郎將,督核兵。 五百人,守柴桑長,拒黃祖。祖子射,嘗率數千人下攻盛。盛時吏士不滿二百,與相拒擊, 徐盛字文嚮,琅邪莒人也。 遭亂,客居吳,以勇氣聞。 孫權統事,以爲別部司馬,授兵

憤,顧謂同列曰:「盛等不能奮身出命,爲國家幷許洛,吞巴蜀,而令吾君與貞盟,不亦辱 下,諸將恐懼,未有出者,盛獨將兵,上突斫敵,敵披退走,有所傷殺,風止便還,權大壯之。 乎!」因涕泣橫流。貞聞之,謂其旅曰:「江東將相如此,非久下人者也。」 及權爲魏稱藩,魏使邢貞拜權爲吳王。權出都亭候貞,貞有驕色,張昭旣怒,而盛忿 曹公出濡須,從權禦之。魏嘗大出橫江,盛與諸將俱赴討。時乘蒙衝,遇迅風,船落敵岸

江。|休使兵將就船攻盛,盛以少禦多,敵不能克,各引軍退。 有功。曹休出洞口,盛與呂範、全琮渡江拒守。遭大風,船人多喪,盛收餘兵,與休夾 後遷建武將軍,封都亭侯,領廬江太守,賜臨城縣爲奉邑。劉備次西陵,盛攻取諸屯, 遷安東將軍,封蕪湖侯

將以爲無益,盛不聽,固立之。文帝到廣陵,望圍愕然,彌漫數百里,而江水盛長,便引軍 後魏文帝大出,有渡江之志,盛建計從建業築圍,作薄落,圍上設假樓,江中浮船。

返。 諸將乃伏。〔一〕

(二)干寶晉紀所云疑城,已注孫權傳。

魏氏春秋云:文帝歎曰:「魏雖有武騎千羣,無所用也。」

黃武中卒。子楷,襲爵領兵。

平,召合遺散,得八百人,將還建業。 寇,自璋在事,寇不入境。 此縣建昌起爲賊亂,轉領建昌,加武猛校尉,討治惡民,旬月盡 **債家至門,輒言後豪富相還。權奇愛之,因使召募,得百餘人,遂以爲將。** 別部司馬。 潘璋字文珪,東郡發干人也。 後爲吳大市刺奸,盜賊斷絕,由是知名,遷豫章西安長。 孫權爲陽羨長,始往隨權。性博蕩嗜酒,居貧,好賒酤, 劉表在荆州,民數被 討山賊 有功,署

馬斬謙、盛兵走者二人,兵皆還戰。權甚壯之,拜偏將軍,遂領百校,屯半州。 合肥之役,張遼奄至,諸將不備,陳武鬭死,宋謙、徐盛皆披走,璋身次在後,便馳進,横

權征關羽,璋與朱然斷羽走道,到臨沮,住夾石。璋部下司馬馬忠禽羽,并羽子平、都督

拜平北將軍、襄陽太守。 魏將夏侯尙等圍南郡,分前部三萬人作浮橋,渡百里洲上,諸葛瑾、楊粲並會兵赴救,

流五十里,伐葦數百萬束,縛作大筏,欲順流放火,燒敗浮橋。 作筏適畢,伺水長當下,倘便 未知所出,而魏兵日渡不絕。 。璋曰:「魏勢始盛,江水又淺,未可與戰。」 便將所領, 到魏上

引退。

璋下備陸口。

權稱尊號,拜右將軍。

財物,數不奉法。 頓,便立軍市,他軍所無,皆仰取足。 妻居建業,賜田宅,復客五十家。 瘴爲人麤猛,禁令肅然,好立功業, 所領兵馬不過數千, 而其所在常如萬人。 征伐止 監司舉奏,權惜其功而輒原不問。 然性奢泰,末年彌甚,服物僭擬。 嘉禾三年卒。子平,以無行徙會稽。璋 吏兵富者,或殺取其

鬭 丁奉字承淵,廬江安豐人也。 每斬將搴旗,身被創夷。 少以驍勇爲小將, 稍遷偏將軍。 孫亮即位,爲冠軍將軍,封都亭侯 屬甘寧、陸遜、潘璋等。 數隨征伐,戰

魏遣諸葛誕、胡遵等攻東興,諸葛恪率軍拒之。諸將皆曰:「敵聞太傅自來,上岸必遁

賞,正在今日!」乃使兵解鎧著胄,持短兵。敵人從而笑焉,不爲設備。奉縱兵斫之,大破 敵前屯。會據等至,魏軍遂潰。遷滅寇將軍,進封都(亭)〔鄕〕侯。 舉帆二日至,遂據徐塘。 天寒雪,敵諸將置酒高會,奉見其前部兵少,相謂曰:「取封侯爵 軍行遲,若敵據便地,則難與爭鋒矣。」乃辟諸軍使下道,帥麾下三千人徑進。 時北風,奉 不至,恃吾有以勝之。」及恪上岸,奉與將軍唐咨、呂據、留贊等,俱從山西上。奉曰:「今諸 奉獨曰:「不然。彼動其境內,悉許、洛兵大舉而來,必有成規,豈虛還哉?無恃敵之

矛,突入其陳中,斬首數百,獲其軍器。進封安豐侯。 魏將文欽來降,以奉爲虎威將軍,從孫峻至壽春迎之,與敵追軍戰於高亭。 奉跨馬持

|菱解圍。|奉爲先登,屯於黎漿,力戰有功,拜左將軍。 太平二年,魏大將軍諸葛誕據壽春來降,魏人圍之。 遣朱異、唐咨等往救,復使奉與黎

同,不可卒制,可因臘會,有陛下兵以誅之也。」休納其計,因會請綝,奉與張布目左右斬 爲救燭之勢。燭亡,軍還 之。遷大將軍,加左右都護。永安三年,假節領徐州牧。六年,魏伐蜀,奉率諸軍向壽春, 召奉告曰:「綝秉國威,將行不軌,欲與將軍誅之。」奉曰:「丞相兄弟友黨甚盛,恐人心不 孫休卽位,與張布謀,欲誅孫綝,布曰:「丁奉雖不能吏書,而計略過人,能斷大事。」休

功,漸以驕矜,或有毀之者,晧追以前出軍事,徙奉家於臨川。 徐塘,因攻晉穀陽。穀陽民知之,引去,奉無所獲。 皓怒,斬奉導軍。 三年,卒。 奉貴而有 命奉與諸葛靚攻合肥。奉與晉大將石苞書,搆而閒之,苞以徵還。建衡元年,奉復帥衆治 休薨,奉與丞相濮陽興等從萬彧之言,共迎立孫皓,遷右大司馬左軍師。 寶鼎三年,皓 奉弟封,官至後將軍,先奉

死。

保據東南,宜哉!陳表將家支庶,而與胄子名人比翼齊衡,拔萃出類,不亦美乎! 評曰:凡此諸將,皆江表之虎臣,孫氏之所厚待也。以潘璋之不脩,權能忘過記功,其

朱治朱然呂範朱桓傳第十一

年,拜司馬,從討長沙、零、桂等三郡賊周朝、蘇馬等,有功,堅表治行都尉。從破董卓於陽 人,入洛陽。麦治行督軍校尉,特將步騎,東助徐州牧陶謙討黃巾。 朱治字君理,丹楊故鄣人也。 初爲縣吏,後察孝廉,州辟從事,隨孫堅征伐。中平五

白虎,治遂入郡,領太守事。 策旣走劉繇,東定會稽。 有恩紀。治從錢唐欲進到吳,吳郡太守許貢拒之於由拳,治與戰,大破之。貢南就山賊嚴 所幷,遂搆嫌隙。而策家門盡在州下,治乃使人於曲阿迎太妃及權兄弟,所以供奉輔護,甚 壽春,辟治爲掾,遷吳郡都尉。是時吳景已在丹楊,而策爲術攻廬江,於是劉繇恐爲袁、孫 會堅薨,治扶翼策,依就袁術。後知術政德不立,乃勸策還平江東。時太傅馬日磾在

[吳郡] 太守,行扶義將軍,割婁、由拳、無錫、毗陵爲奉邑,置長吏。 征討夷越,佐定東南,禽 權年十五,治舉爲孝廉。後策薨,治與張昭等共尊奉權。建安七年,權表治爲(九眞)

朱治朱然呂範朱桓傳第十一

一三〇四

截黃巾餘類陳敗、萬秉等。黃武元年,封毗陵侯,領郡如故。二年,拜安國將軍,金印紫綬,

徙封故鄣。

權歷位上將,及爲吳王,治每進見,權常親迎,執版交拜,饗宴贈賜,恩敬特隆,至從行

吏,皆得奉贄私覿,其見異如此。

婦,及曹公破荆州,威震南土,賁畏懼,欲遣子入質。治聞之,求往見實,爲陳安危,仁]賁由 初,權弟翊,性峭急,喜怒快意,治數責數,踰以道義。權從兄豫章太守賁,女爲曹公子

[1] 江表傳載治說實曰:「破房將軍昔率義兵入討董卓,聲冠中夏,義士壯之。討遊繼世,鄭定六郡,特以君侯骨肉至 膚,啖虎狼之口,爲一女子,改慮易圖,失機毫釐,差以千里,豈不惜哉!」 旅,因之以飢饉,以此料之,豈能越長江與我爭利哉?將軍當斯時也,而欲背骨肉之親,違萬安之計, 幼帝流離,百姓元元未知所歸。而中國蕭條,或百里無煙,城邑空虛,道殘相望,士歎於外,婦怨乎室,加之以師幼帝流離,百姓元元未知所歸。而中國蕭條,或百里無煙,城邑空虛,道殘相望,士歎於外,婦怨乎室,加之以師 遠布腹心,求見拯救,此天下所共知也。前在東聞道路之言,云將軍有異趣,良用憮然。今曹公阻兵,傾覆漢室, 業,攬結英雄,周濟世務,軍衆日盛,事業日隆,雖昔蕭王之在河北,無以加也,必克成王基,應運東南。故劉玄德 親,器爲時生,故表漢朝,剖符大郡,兼建將校,仍關綜兩府,榮冠宗室,爲遠近所瞻。 加討廣聰明神武,繼承洪 割同氣之

權常歎治憂勤王事。性儉約,雖在富貴,車服惟供事。權優異之,自令督軍御史典屬城

戀土風,自表屯故鄣,鎭撫山越。 諸父老故人,莫不詣門,治皆引進, 與共飮宴,鄕黨以爲 詣王府,所遣數百人,每歲時獻御,權答報過厚。 是時<u>丹楊深地,頻有姦叛,亦以</u>年向老,思 文書,治領四縣租稅而已。然公族子弟及吳四姓多出仕郡,郡吏常以千數,治率數年一遣

榮。在故鄣歲餘,還吳。 黃武三年卒,在郡三十一年,年六十九。

紀弟緯、萬歲,皆早夭。才子爽,襲爵爲將,至鎭西將軍。 子才,素爲校尉領兵,旣嗣父爵,遷偏將軍。〔〕才弟紀,權以策女妻之,亦以校尉領兵。

(一) 吳書曰: 才字君業,爲人精敏,善騎射,權愛異之,常侍從游戲。 少以父任爲武衞校尉,領兵隨從征伐,屢有功捷。 迹其舉措乎!」於是更折節爲恭,留意於賓客,輕財尚義,施不望報,又學兵法,名聲始聞於遠近。會疾卒。 本郡議者以才少處榮貴,未留意於鄕黨,才乃歎曰:「我初爲將,謂跨馬蹈敵,當身履鋒,足以揚名,不知鄕黨復追

楊郡以羊酒召然,然到吳,策優以禮賀。 朱然字義封,治姊子也,本姓施氏。 初治未有子,然年十三,乃啓策乞以爲嗣。 策命丹

討,旬月而定。 校尉,督五縣。 燃嘗與權同學書,結恩愛。至權統事,以然爲餘姚長,時年十九。後遷山陰令,加折衝 權奇其能,分丹楊爲臨川郡,然爲太守,〔〕授兵二千人。會山賊盛起,然平 曹公出濡須,然備大塢及三關屯,拜偏將軍。建安二十四年,從討關羽,別

奐

與潘璋到臨沮禽羽,遷昭武將軍,封西安鄉侯。

(一) 臣松之案"此郡尊罷,非今臨川郡。

爲可任。」蒙卒,權假然節,鎭江陵。黃武元年,劉備舉兵攻宜都,然督五千人與陸遜幷力 拒備。然別攻破備前鋒,斷其後道,備遂破走。拜征北將軍,封永安侯。 虎威將軍呂蒙病篤,權問曰:「卿如不起,誰可代者?」蒙對曰:「朱然膽守有餘,愚以

是然名震於敵國,改封當陽侯。 穀食欲盡,因與敵交通,謀爲內應。垂發,事覺,然治戮泰。尚等不能克,乃徹攻退還。由 **隙攻破兩屯。魏攻圍然凡六月日,未退。江陵令姚泰領兵備城北門,見外兵盛,城中人少,** 等起土山,鑿地道,立樓櫓,臨城弓矢雨注,將士皆失色,然晏如而無恐意,方厲吏士,伺閒 中外斷絕。權遣潘璋、楊粲等解〔圍〕而圍不解。時然城中兵多腫病,堪戰者裁五千人。 眞 |盛督萬人備州上,立圍塢,爲然外救。|郃渡兵攻盛,盛不能拒,卽時卻退,郃據州上圍守,然 魏遣曹眞、夏侯尙、張郃等攻江陵,魏文帝自住宛,爲其勢援,連屯圍城。權遣將軍孫

還住拒敵,使前船得引極遠,徐乃後發。黃龍元年,拜車騎將軍、右護軍,領兗州牧。頃之, 六年,權自率衆攻石陽,及至旋師,潘璋斷後。夜出錯亂,敵追擊璋,璋不能禁。然即

以兗州在蜀分,解牧職。

嘉禾三年,權與獨克期大舉,權自向新城, 燃與全踪各受斧鉞,爲左右督。 會吏士疾

病,故未攻而退。

前初有表,孤以爲難必,今果如其言,可謂明於見事也。」遣使拜然爲左大司馬、右軍師。 天威,事蒙克捷,欲令所獲,震耀遠近,方舟塞江,使足可觀,以解上下之忿。惟陛下識臣先 反。先是,歸義馬茂懷姦,覺誅,權深忿之。然臨行上疏曰:「馬茂小子,敢負恩養。臣今奉 言,責臣後效。」權時抑表不出。然旣獻捷,羣臣上賀,權乃舉酒作樂,而出然表曰:「此家 退。〔三九年,復征柤中,魏將李興等聞然深入,率步騎六千斷然後道,然夜出逆之,軍以勝 時然所督兵將先四出,聞問不暇收合,便將帳下見兵八百人逆掩。。忠戰不利,質等皆 赤鳥五年,征柤中,行一魏將蒲忠、胡質各將數千人,忠要遮險隘,圖斷然後,質爲忠繼

- 襄陽記曰:相音如租稅之租。相中在上黃界,去襄陽一百五十里。魏時夷王梅敷兄弟三人,部曲萬餘家屯此,分 布在中廬宜城西山鄢、沔二谷中,土地平敞,宜桑麻,有水陸良田,沔南之膏腴沃壤,謂之祖中。
- (三)孫氏異同評曰:(魏志) 〔魏書〕及江表傳云然以景初元年、正始二年再出爲寇,所破胡質、蒲忠在景初元年。魏志 利,質等皆退。按魏少帝紀及孫權傳,是歲並無事,當是陳壽誤以吳嘉禾六年爲赤烏五年耳。 承魏書,依違不說質等爲然所破,而直云然退耳。吳志說赤鳥五年,於魏爲正始三年,魏將肅忠與朱然戰,忠不

然長不盈七尺,氣候分明,內行脩絜,其所文采,惟施軍器,餘皆質素。終日欽欽,常在

布帛。 戰場,臨急膽定,尤過絕人,雖世無事,每朝夕嚴鼓,兵在營者,咸行裝就隊,以此玩敵,使不 使醫藥口食之物,相望於道。 |然每遣使表疾病消息, |權輒召見,口自問訊,入賜酒食,出送 (本)〔卒〕,功臣名將存者惟然,莫與比隆。 寢疾二年,後漸增篤,權晝爲減膳,夜爲不寐,中 知所備,故出輒有功。諸葛瑾子融、步騭子協,雖各襲任,權特復使然總爲大督。又陸遜亦 自創業功臣疾病,權意之所鍾,呂蒙、凌統最重,然其次矣。年六十八,赤烏十二年

其任。冬,恪、融被害,續復還樂鄉,假節。太平二年,拜驃騎將軍。孫綝秉政,大臣疑貳,續 變,爲隙益甚。建興元年,遷鎭東將軍。二年春,恪向新城,要續幷力,而留置半州,使融兼 失利。權深嘉績,盛責怒融,融兄大將軍恪貴重,故融得不廢。初績與恪、融不平,及此 斷金之義。」融答許續。續便引兵及昶於紀南,紀南去城三十里,續先戰勝而融不進,續後 此天助也。今追之力少,可引兵相繼,吾欲破之於前,足下乘之於後,豈一人之功哉,宜同 率衆攻江陵城,不克而退。 續與奮威將軍諸葛融書曰:「昶遠來疲困,馬無所食,力屈而走, 結好,續下地住立,辭而不當。然卒,續襲業,拜平魏將軍,樂鄕督。明年,魏征南將軍王昶 膽力稱。遷偏將軍營下督,領盜賊事,持法不傾。魯王霸注意交績,嘗至其廨,就之坐,欲與 卒,權素服舉哀,爲之感慟。 子績嗣。 續字公緒,以父任爲郎,後拜建忠都尉。 叔父才卒,績領其兵,隨太常潘濬討五溪,以

恐吳必擾亂,而中國乘釁,乃密書結蜀,使爲幷兼之慮。蜀遣右將軍閻宇將兵五千,增白帝 司馬。初,然爲治行喪竟,乞復本姓,權不許,績以五鳳中表還爲施氏,建衡二年卒。 守,以須續之後命。永安初,遷上大將軍、都護督,自巴丘上迄西陵。元興元年,就拜左大

異之,範遂自委昵,將私客百人歸策。時太妃在江都,策遣範迎之。徐州牧陶謙謂範爲袁 策亦親戚待之,每與升堂,飲宴於太妃前。 氏覘候,諷縣掠考範,範親客健兒篡取以歸。時唯範與孫河常從策,跋涉辛苦,危難不避, 女母嫌,欲勿與,劉氏曰:「觀呂子衡寧當久貧者邪?」遂與之婚。後避亂壽春,孫策見而 呂範字子衡,汝南細陽人也。少爲縣吏,有容觀姿貌。邑人劉氏,家富女美,範求之。

相。策定秣陵、曲阿,收笮融、劉繇餘衆,增範兵二千,騎五十匹。後領宛陵令,討破丹楊賊 後從策攻破廬江,還俱東渡,到橫江、當利,破張英、于麋,下小丹楊、湖孰,領湖孰

還吳,遷都督。[1]

(一) 江表傳曰:策從容獨與範棊,範曰:「今將軍事業日大,士衆日盛,範在遠,聞綱紀猶有不整者,範願愛領都督,佐 曰:「不然。今捨本土而託將軍者,非爲妻子也,欲濟世務。猶同舟涉海,一事不牢,即俱受其敗。此亦範計,非 將軍部分之。」 策曰:「子衡,卿旣士大夫,加手下已有大衆,立功於外,豈宜復屈小職, 知軍中細碎事乎!」 範

吳

朱治朱然呂範朱桓傳第十一

但將軍 也。」 策笑,無以答。 節出, 更釋構,著袴褶,執鞭,詣閣下啓事,自稱領都督,策乃授傳,委以衆事。

軍中肅睦,威禁大行。

中郎將,征江夏,還平鄱陽。 逸攻瑀於海西,梟其大將陳牧。[1]又從攻祖郎於陵陽,太史慈於勇里。 是時下邳陳瑀自號吳郡太守,住海西,與彊族嚴白虎交通。策自將討虎,別遣範與徐 七縣平定,拜征虜

九州春秋曰:初平三年,揚州刺史陳禕死,袁術使瑀領揚州牧。 走陰陵,好辭以下瑀,瑪不知權,而又怯,不卽攻術。術於淮北集兵向壽春。 之而進,瑪走歸下邳。 後術為曹公所敗於封丘,南人叛瑪,瑪拒之。)禹懼, 使其弟公琰請和於術。 術執 術

康薨,奔喪于吳。 後權復征江夏,範與張昭留守。

曹公至赤壁,與周瑜等俱拒破之,拜裨將軍,領彭澤太守, 以彭澤、柴桑、歷陽爲奉邑。

劉備詣京見權,範密請留備。後遷平南將軍,屯柴桑。

破羽還,都武昌,拜範建威將軍,封宛陵侯,領丹楊太守, 權討關羽,過範館,謂曰:「昔早從卿言,無此勞也。 治建業,督扶州以下至海,轉以溧 今當上取之,卿爲我守建業。」

陽、懷安、寧國爲奉邑。

曹休、張遼、臧霸等來伐,範督徐盛、全踪、孫韶等, 以舟師拒休等於洞口。 遷前將軍,

假節,改封南昌侯。時遭大風,船人覆溺,死者數千,還軍,拜揚州牧。

性好威儀,州民如陸遜、全琮及貴公子,皆脩敬虔肅,不敢輕脫。 其居處服飾,於時奢

靡,然勤事奉法,故權悅其忠,不怪其侈。[1]

(一) 江表傳曰:人有白範與賀齊奢麗夸綺,服飾僭擬王者,權曰:「昔管仲踰禮,桓公優而容之,無損於霸。 苗,身無夷吾之失,但其器械精好,舟車嚴整耳,此適足作軍容,何損於治哉?」告者乃不敢復言。 今子衡、公

陽羨長,有所私用,策或料覆,功曹周谷輒爲傅著簿書,使無譴問。權臨時悅之,及後統事 以範忠誠,厚見信任,以谷能欺更簿書,不用也。 初策使範典主財計,權時年少,私從有求,範必關白,不敢專許,當時以此見望。

業,權過範墓呼日:「子衡!」言及流涕,祀以太牢。(1) 黃武七年,範遷大司馬,印綬未下,疾卒。權素服舉哀,遣使者追贈印綬。及還都建

[1] 江表傳曰:初,權移都建業,大會將相文武,時謂嚴畯曰:「孤昔歎魯子敬比鄧禹,呂子衡方吳漢,聞卿諸人未平此 語,便及大計,與禹相似,故比之。。呂子衡忠篤亮直,性雖好奢,然以憂公爲先,不足爲損,避袁術自歸於兄,兄作語,便及大計,與禹相似,故比之。。呂子衡忠篤亮直,性雖好奢,然以憂公爲先,不足爲損,避袁術自歸於兄,兄作 使,撫河北,行大司馬事耳,未有帝王志也。 禹勸之以復漢業,是禹開初議之端矣。 子敬英爽有殊略,孤始與一使,撫河北,行大司馬事耳,未有帝王志也。 禹勸之以復漢業,是禹開初議之端矣。 子敬英爽有殊略,孤始與一 論,今定云何?」 飕退席曰:「臣未解指趣,謂肅、範受饒,褒歎過實。」 權曰:「昔鄧仲華初見光武,光武時受更始論,今定云何?」 飕退席曰:「臣未解指趣,謂肅、範受饒,褒歎過實。」 權曰:「昔鄧仲華初見光武,光武時受更始

大將,別領部曲,故憂兄事,乞爲都督,辦護脩整,加之恪勤,與吳漢相類,故方之。皆有指趣,非孤私之也。」畯乃

吳 書 朱治朱然呂範朱桓傳第十一

服。

左右勸據降魏,據曰:「恥爲叛臣。」遂自殺。夷三族。 聞之,使中書奉韶,韶文欽、劉纂、唐咨等使取據,又造從兄(慮)〔憲〕以都下兵逆據於江都。 亭。

太平元年,帥師侵魏,未及淮,聞孫峻死,以從弟綝自代,據大怒,引軍還,欲廢綝。 恪,遷據爲驃騎將軍,平西宮事。五鳳二年,假節,與峻等襲壽春,還遇魏將曹珍,破之於高 疾,以據爲太子右部督。太子卽位,拜右將軍。魏出東興,據赴討有功。 江水溢流,漸淹城門,權使視水,獨見據使人取大船以備害。權嘉之,拜盪魏將軍。權寢 燃攻樊,據與朱異破城外圍,還拜偏將軍,入補馬閑右部督,遷越騎校尉。太元元年,大風, 範卒,遷安軍中郎將。數討山賊,諸深惡劇地,所擊皆破。隨太常潘濬討五谿,復有功。朱 明年,孫峻殺諸葛

會一 貴,桓分部良吏,隱親醫藥,飱粥相繼,士民感戴之。遷盪寇校尉,授兵二千人,使部伍吳、 一郡,鳩合遺散,期年之閒,得萬餘人。後丹楊、鄱陽山賊蜂起,攻沒城郭,殺略長吏,處 朱桓字休穆,吳郡吳人也。孫權爲將軍,桓給事幕府,除餘姚長。往遇疫癘,穀食荒 桓督領諸將,周旋赴討,應皆平定。 稍遷裨將軍,封新城亭侯

後代周泰爲濡須督。 **黄武元年,魏使大司馬曹仁步騎數萬向濡須,仁欲以兵襲取州**

洲 爲主制客,此百戰百勝之勢也。雖曹丕自來,尙不足憂,況仁等邪!」桓因偃旗鼓,外示虛 其士卒甚怯,叉千里步涉,人馬罷困,桓與諸軍,共據高城,南臨大江,北背山陵,以逸待勞, 稱客倍而主人半者,謂俱在平原,無城池之守,又謂士衆勇怯齊等故耳。今人旣非智勇,加稱客倍而主人半者,謂俱在平原,無城池之守,又謂士衆勇怯齊等故耳。今人旣非智勇,加 喻之曰:「凡兩軍交對,勝負在將,不在衆寡。諸君聞曹仁用兵行師,孰與桓邪?兵法所以 追還羨溪兵,兵未到而仁奄至。時桓手下及所部兵,在者五千人,諸將業業,各有懼心,桓 或別擊雕等,桓等身自拒泰,燒營而退,遂梟雕,生虜雙,送武昌,臨陳斬溺,死者千餘。權 弱,以誘致仁。仁果遣其子泰攻濡須城,分遣將軍常雕督諸葛虔、王雙等, 嘉桓功、封嘉興侯,遷奮武將軍,領彭城相。 上,僞先揚聲,欲東攻羨溪。桓分兵將赴羨溪,旣發,卒得仁進軍拒濡須七十里問。桓遣使 中洲者,部曲妻子所在也。 仁自將萬人留橐皋,復爲泰等後拒。 桓部兵將攻取油船, 乘油船別襲中

|休自效,便可乘勝長驅,進取壽春,割有淮南,以規許、洛,此萬世一時,不可失也。」 |權先與 元帥, 道皆險阨,若以萬兵柴路,則彼衆可盡,而休可生虜,臣請將所部以斷之。 |桓進計日:「休本以親戚見任,非智勇名將也。 **黄武七年,鄱陽太守周魴譎誘魏大司馬曹休,休將步騎十萬至皖城以迎魴。** 時陸遜爲 全踪與桓爲左右督,各督三萬人擊休。 今戰必敗, 敗必走, 走當由夾石、挂車 休知見欺,當引軍還,自負衆盛,邀於一戰 若蒙天威,得以

吳

陸遜議,遜以爲不可,故計不施行。

騎,欲須諸軍半渡,因迫擊之。及見桓節蓋在後,卒不敢出,其見憚如此。 廣三十餘丈,深者八九尺,淺者半之,諸軍勒兵渡去,桓自斷後。時廬江太守李膺整嚴兵 開門爲應。桓與衞將軍全琮俱以師迎。旣至,事露,軍當引還。城外有溪水,去城一里所, 黃龍元年,拜桓前將軍,領青州牧,假節。 嘉禾六年,魏廬江主簿呂習請大兵自迎,欲

爲,因斫殺之。桓佐軍進諫,刺殺佐軍,遂託狂發,詣建業治病。權惜其功能,故不罪。〔1〕 「天授陛下聖姿,當君臨四海,猥重任臣,以除姦逆,臣疾當自愈。」(三) 使子異攝領部曲,令醫視護,數月復遣還中洲。 之,顧謂左右曰:「我縱手,汝等各自去。」有一人旁出,語綜使還。桓出,不見綜,知左右所 因曰:「上自令胡綜爲督,綜意以爲宜爾。」桓愈恚恨,還乃使人呼綜。綜至軍門,桓出迎 將,有所掩襲。 孤當與君共定天下,欲令君督五萬人專當一面,以圖進取,想君疾未復發也。」桓曰: 桓素氣高,恥見部伍,乃往見踪,問行意,感激發怒,與踪校計。踪欲自解, 權自出祖送,謂曰:「今寇虜尙存,王塗未

孫盛曰:曹云臣無作威作福,作威作福,則凶于而家,害于而國。桓之賊忍,殆虎狼也,人君且猶不可,況將相 乎。語曰,得一夫而失一國,縱罪虧刑,失孰大焉!

 \exists 吳錄曰:桓奉觴曰:「臣當遠去,願一捋陛下鬚,無所復恨。」權馮几前席,桓進前捋鬚曰:「臣今日眞可謂捋虎鬚

也。」權大笑。

權賜鹽五千斛以周喪事。子異嗣 共分。及桓疾困,舉營憂戚。年六十二,赤烏元年卒。吏士男女,無不號慕。又家無餘財, 識,與人一面,數十年不忘,部曲萬日,妻子盡識之。 愛養東士,贍護六親,俸祿產業,皆與 |桓性護前,恥爲人下,每臨敵交戰,節度不得自由,輒嗔恚憤激。 然輕財貴義,兼以彊

還軍,爲孫綝所枉害。(三) 出東興,異督水軍攻浮梁,壞之,魏軍大破。〔三太平二年,假節,爲大都督,救壽春圍,不解。 欲歸命,宜且迎之。若嫌其有譎者,但當設計網以羅之,盛重兵以防之耳。」乃遣呂據督 降,密書與異,欲令自迎。異表呈飲書,因陳其僞,不可便迎。 權詔曰:「方今北土未一,欽云 邊窓害。異乃身率其手下二千人,掩破飲七屯,斬首數百,遷揚武將軍。權與論攻戰,辭對 破其外圍,還拜偏將軍。。魏廬江太守文欽營住六安,多設屯砦,置諸道要,以招誘亡叛,爲 二萬人,與異幷力,至北界,欽果不降。建興元年,遷鎭南將軍。是歲魏遣胡遵、諸葛誕等 異字季文,以父任除郎,自後拜騎都尉,代桓領兵。赤鳥四年,隨朱然攻魏樊城,建計 權謂異從父驃騎將軍據曰:「本知季文(懀)〔膽〕定,見之復過所聞。」十三年,文欽詐

- (一) 文士傳曰:張惇子純與張儼及異俱童少,往見驃騎將軍朱據。據聞三人才名,欲試之,告曰:「老鄙相聞,飢渴甚 盧、宋鵲,書名竹帛。」純賦席曰:「席以冬設,簟爲夏施,揖讓而坐,君子攸宜。」異賦弩曰:「南嶽之幹,鍾山之 矣。夫騕襞以迅驟爲功,應隼以輕疾爲妙,其爲吾各賦一物,然後乃坐。」 儼乃賦犬曰:「守則有威,出則有獲,韓
- (11) 吳書曰:異叉隨諸葛恪圍新城,城旣不拔,異等皆言宜速還豫章,襲石頭城,不過數日可拔。恪以書曉異,異投書 於地曰:「不用我計,而用傒子言!」恪大怒,立奪其兵,遂廢還建業。

銅,應機命中,獲隼高墉。」三人各隨其目所見而賦之,皆成而後坐,據大歡悅。

(三) 吳書曰: 綝要異相見,將往,恐陸抗止之,異曰: 「子通,家人耳,當何所疑乎!」 曰:「我吳國忠臣,有何罪乎?」 乃拉殺之。 遂往。綝使力人於坐上取之。異

克紹堂構。若範、桓之越隘,得以吉終,至於據、異無此之尤而反罹殃者,所遇之時殊也。 評曰:朱治、呂範以舊臣任用,朱然、朱桓以勇烈著聞,呂據、朱異、施績咸有將領之才,

虞陸張 駱陸 吾朱傳第十二

護,到東部候官,候官長閉城不受,翻往說之,然後見納。(三) 朗謂翻曰:「卿有老母,可以還 **詣府門,朗欲就之,翻乃脫衰入見,勸朗避策。 朗不能用,拒戰敗績,亡走浮海。** 虞翻字仲翔,會稽餘姚人也,江太守王朗命爲功曹。 孫策征會稽,翻時遭父喪,衰經 翻追隨營

矣。」〔三)翻旣歸,策復命爲功曹,待以交友之禮,身詣翻第。〔8〕 [一] 吳書曰:翻少好學,有高氣。年十二,客有候其兄者,不過翻,翻追與書曰:「僕聞虎魄不取腐芥,磁石不受曲鍼 過而不存,不亦宜乎!」客得書奇之,由是見稱。

(三)吳書曰:翻始欲送朗到廣陵,朗惑王方平記,言「疾來邀我,南岳相求」,故遂南行。既至候官,又欲投交州, 朗曰:「此妄書耳,交州無南岳,安所投乎?」 乃止。

(三)翻別傳曰: 朗使翻見豫章太守華歆, 圖起義兵。翻未至豫章, 聞孫策向會稽, 翻乃還。 敢過家,星行追朗至候官。 朗遺翻還,然後奔喪。 而傳云孫策之來,翻衰経詣府門,勸朗避策,則爲大異。 會遭父喪,以臣使有節,不

江表傳曰:「策書謂翻曰:「今日之事,當與卿共之,勿謂孫策作郡吏相待也。」 虞陸張駱陸吾朱傳第十二

也。 且,白虵自放,劉季害之,願少留意。」策曰:「君言是也。 然時有所思,端坐悒悒,有裨諶草 至於輕出微行,從官不暇嚴,吏卒常苦之。夫君人者不重則不威,故白龍魚服,困於豫 策好馳騁遊獵,翻諫曰:「明府用烏集之衆,驅散附之士,皆得其死力,雖漢高帝不及

創之計,是以行耳。」(1)

(一) 吳書曰:策討山越,斬其渠帥,悉令左右分行逐賊,獨騎與翻相得山中。翻問左右安在,策曰:「悉行逐賊。」翻 亦君所聞也。今欲守孤城,自料資糧,已知不足,不早為計,悔無及也。今大軍已次椒丘,僕便還去,明日日中迎 **猶調未耳。** 檄不到者,與君辭矣。」翻旣去,歆明旦出城,遣吏迎策。策旣定豫章,引軍還吳,變賜將士,計功行賞, 民勇果孰與鄙郡?」又曰:「不如也。」翻曰:「討逆將軍智略超世,用兵如神,前走劉揚州,君所親見,南定鄙郡: 門讓城,金鼓一震,不得無所傷害,卿便在前具宣孤意。」翻卽奉命辭行,徑到郡,請被稱葛巾與(敵)[散]相見。 江表傳曰:策討黃祖,旋軍欲過取豫章,特請翻語曰:「華子魚自有名字,然非吾敵也。 加聞其戰具甚少,若不開 翻能疏步隨之。」行及大道,得一鼓吏,策取角自鳴之,部曲識聲,小大皆出,遂從周旋,平定三郡。 地,勸策乘馬。策曰:「卿無馬奈何?」答曰:「翻能步行,日可二百里,自征討以來,吏卒無及翻者,明府試躍馬 謂歌曰:「君自料名聲之在海內,孰與鄙郡故王府君?」|歌曰:「不及也。」|翻曰:「豫章資糧多少?器仗精否?士 「孤昔再至壽春,見馬日磾,及與中州士大夫會,語我東方入多才耳,但恨學問不博,語議之間,有所不及耳。孤意 曰:「危事也!」令策下馬:「此草深,卒有驚急,馬不及繁策,但牽之,執弓矢以步。翻善用矛,請在前行。」得乎 卿博學治聞,故前欲令卿一詣許,交見朝士,以折中國妄語兒。卿不願行,便使子綱;恐子綱不能結 翻日

見輩舌也。」翻曰:「翻是明府家寶,而以示人,人倘留之,則去明府良佐,故前不行耳。」 策笑曰:「然。」因曰:

「孤有征討事,未得還府,卿復以功曹爲吾蕭何,守會稽耳。」後三日,便遣翻還郡。

名聲,敦與於王」,此言非也。 臣松之以爲王、華二公於擾攘之時,抗猛銳之鋒,俱非所能。歐之名德,實高於則,而江表傳述翻說華, 然王公拒戰,華逆請服,實由孫策初起,名微衆寡,故王能舉兵,豈武勝哉?策後威 云「海內

力轉盛,勢不可敵,華量力而止,非必用仲翔之說也。若使易地而居,亦華戰王服耳。

按吳歷載翻謂歌曰:「竊聞明府與王府君齊名中州,海內所宗,雖在東垂,常懷瞻仰。」歌答曰:「孤不如王會稽。」 翻復問:「不審豫章精兵,何如會稽?」對曰:「大不如也。」翻曰:「明府言不如王會稽,識光之譚耳;精兵不如 會稽,實如尊教。」 因述孫策才略殊異,用兵之奇,歐乃答云當去。(此說為勝也) 翻出,歐遣東迎策。二說有

不同、「此說爲勝也」。

致不虞。」 翻出爲富春長。策薨,諸長吏並欲出赴喪,翻曰:「恐鄰縣山民或有姦變,遠委城郭,必 因留制服行喪。 諸縣皆效之,咸以安寧。<a>(二)後翻州舉茂才,漢召爲侍御史,曹公

爲司空辟,皆不就。〔三〕

(二)吳書曰:策薨,權統事。 定武中郎將属,策之從兄也,屯鳥程,整帥吏士,欲取會稽。 會稽聞之, 使民守城以俟嗣

主之命,因令人告論暠。

之命,爲孝廉除害,惟執事圖之。」於是暠退。 <u>會稽典錄載翻說</u>揭曰:「討逆明府,不竟天年。今攝事統衆,宜在孝康,翻已與一郡吏士,嬰城固守,必欲出一旦

吳 書 虞陸張駱陸吾朱傳第十二

臣松之案:此二書所說策亡之時,翻猶爲功曹,與本傳不同。

(三)吳書曰:翻聞曹公辟,曰:「盗跖欲以餘財汚良家邪?」遂拒不受。

光,不足以損。」 窮通者也。」會稽東部都尉張紘又與融書曰:「虞仲翔前頗爲論者所侵,美寶爲質,彫摩益 東南之美者,非徒會稽之竹箭也。又觀象雲物,察應寒溫,原其禍福,與神合契,可謂探賾 翻與少府孔融書,并示以所著易注。融答書曰:「聞延陵之理樂,覩吾子之治易,乃知

行。關羽旣敗,權使翻筮之,得兌下坎上,節,五爻變之臨,翻曰:「不出二日,必當斷頭。」果 也,城中之人豈可盡信,何不急入城持其管籥乎。」蒙卽從之。時城中有伏計,賴翻謀不 如翻言。權曰:「卿不及伏羲,可與東方朔爲此矣。」 西上,南郡太守麋芳開城出降。 蒙未據郡城而作樂沙上,翻謂蒙曰:「今區區一心者麋將軍 呂蒙圖取關羽,稱疾還建業,以翻兼知醫術,請以自隨,亦欲因此令翻得釋也。後蒙舉軍 孫權以爲騎都尉。翻數犯顏諫爭,權不能悅,又性不協俗,多見誇毀,坐徙丹楊涇縣。

魏將于禁爲羽所獲,繫在城中,權至釋之,請與相見。他日,權乘馬出,引禁供行,翻呵 一爾降虜,何敢與吾君齊馬首乎!」欲抗鞭擊禁,權呵止之。後權于樓船會羣臣飮,

禁聞樂流涕,翻叉曰:「汝欲以僞求免邪?」權悵然不平。(1)

(二) 吳書曰:後權與魏和,欲遣禁還歸北,翻復諫曰:「禁敗數萬衆,身爲降虜,又不能死。北習軍政,得禁必不如所 無人,吾謀適不用耳。」禁雖爲翻所惡,然猶盛歎翻,魏文帝常爲翻設虛坐。 規。還之雖無所損,猶爲放盜,不如斬以令三軍,示爲人臣有二心者。」權不聽。墓臣送禁,翻謂禁曰:「卿勿謂吳

欲與堯、舜比隆,何得自喻於彼乎?」翻由是得免。權因敕左右,自今酒後言殺,皆不得 |孟德尙殺孔文舉,孤於|虞翻何有哉?」||基曰:「孟德輕害士人,天下非之。 大王躬行德義, 翻有罪,天下孰知之?且大王以能容賢畜衆,故海內望風,今一朝棄之,可乎?」權曰:「曹 劍欲擊之,侍坐者莫不惶遽,惟大句)農劉基起抱權諫曰:「大王以三爵之後(手)殺善士,雖 權旣爲吳王,歡宴之末,自起行酒,翻伏地陽醉,不持。權去,翻起坐。權於是大怒,手

芳聞之,有慚色。 車行,又經芳營門,東閉門,車不得過。|翻復怒曰:「當閉反開,當開反閉,豈得事宜邪?」 曰:「失忠與信,何以事君?傾人二城,而稱將軍,可乎?」 芳闔戶不應而遽避之。後翻乘 翻嘗乘船行,與麋芳相逢,芳船上人多欲令翻自避,先驅曰:避將軍船!」翻厲聲

人(也)〔邪〕!」權積怒非一,遂徙翻交州。雖處罪放,而講學不倦,門徒常數百人。(二)又爲 翻性疏直,數有酒失。權與張昭論及神仙,翻指昭曰:「彼皆死人,而語神仙,世豈有仙

書

老子、論語、國語訓注,皆傳於世。

翻別傳曰"權即尊號,翻因上書曰:「陛下膺明聖之德,體舜、禹之孝,歷運當期,順天濟物。奉承策命, 逸豫大慶,悅以忘罪。」 見宮闕百官之富,不覩皇輿金軒之飾,仰觀巍巍衆民之謠,傍聽鍾鼓侃然之樂,永隕海隅,棄骸絕域,不勝悲慕, 全宥九載,退當念戮,頻受生活,復偷視息。 罪棄兩絕,拜賀無階,仰瞻宸極,且喜且悲。 臣伏自刻省,命輕雀鼠,性輪毫釐,罪惡莫大,不容於誅, 臣年耳順,思咎憂憤,形容枯悴,髮白齒落,雖未能死,自悼終沒,不 昊天罔極, 臣獨抃舞。

(三)翻別傳曰:翻初立易注,奏上曰:「臣聞六經之始,莫大陰陽,是以伏羲仰天縣象,而建八卦,觀變動六爻爲六十 與道士相遇,放髮被鹿裘,布易六爻,撓其三以飲臣,臣乞盡吞之。道士言易道在天,三爻足矣。 然!若乃北海鄭玄,南陽宋忠,雖各立注,忠小差玄而皆未得其門,難以示世。」又奏鄭玄解尚書違失事目:「臣 朋,東北喪朋,顚倒反逆,了不可知。 孔子歎易曰:『知變化之道者,其知神之所爲乎!』以美大衍四象之作,而上 初以來,海內英才,其讀易者,解之率少。至孝靈之際,潁川荀靇號爲知易,臣得其注,有愈俗儒,至所說西南得 取諸離,斯誠天子所宜協陰陽致麟鳳之道矣。 知經!所覽諸家解不離流俗,義有不當實,輒悉改定,以就其正。 孔子曰:『乾元用九而天下治。』聖人南面,蓋 疏闊。 四,以通神明,以類萬物。臣高祖父故零陵太守光,少治孟氏易,曾祖父故平輿令成,纘述其業,至臣祖父鳳爲之 爲章首,尤可怪笑。又南郡太守馬融,名有俊才,其所解釋,復不及謂。孔子曰『可與共學,未可與適道』,豈不其 臣生遇世亂,長於軍旅,習經於枹鼓之間,講論於戎馬之上,蒙先師之說, 臣亡考故日南太守歆,受本於鳳,最有舊書,世傳其業,至臣五世。前人通講,多玩章句,雖有祕說, 謹正書副上,惟不罪戾。」翻又奏曰:「經之大者,莫過於易。 依經立注。 又臣郡吏陳桃夢臣 **豈臣受命,應當** 自漢 於經

海隅,生無可與語,死以青蠅爲弔客,使天下一人知己者,足以不恨。」以典籍自慰,依易設象,以占吉凶。又以 十七事,不可不正。行乎學校,傳乎將來,臣竊恥之。」翻放棄南方,云「自恨疏節,骨體不媚,犯上獲罪,當長沒 得,猶愈於玄。然此不定,臣沒之後,而奮乎百世,雖世有知者,懷謙莫或奏正。又玄所注五經,違義尤甚者百六 執瑁以朝諸侯,謂之酒杯;天子頮面,謂之澣衣;古篆『卯』字,反以爲昧。 甚違不知蓋闕之義。 於此數事,誤莫 『丱』同字,而以為昧;『分北三苗』,『北』古『別』字,又訓北,言北猃別也。若此之類,誠可怪也。玉人職曰天子 故徵士北海鄭玄所注尚書,以顧命康王執瑁,古『月』似『同』,從誤作『同』,既不覺定,復訓爲杯,謂之酒杯;成 聞周公制禮以辨上下,孔子曰『有君臣然後有上下,有上下然後禮義有所錯』,是故尊君卑臣,禮之大司也。伏見 大焉,宜命學官定此三事。又馬融訓註亦以爲同者大同天下,今經益『金』就作『銅』字,詁訓言天子副璽,雖皆不 王疾困憑几,洮稱爲濯,以爲澣衣成事,『洮』字虛更作『濯』,以從其非;又古大篆『卯』字讀當爲『柳』,古『柳』

豆公之条:羽云「片大笼『牛。 字賣皆言『卯』, ち『卯』『牛』宋氏解玄頗有繆錯,更爲立法,并著明楊、釋宋以理其滯。

字,以從聲故也,與日辰「卯」字字同音異。然漢書王莽傳論卯金刀,故以爲日辰之「卯」,今未能詳正。然世多亂 臣松之案:翻云「古大篆『丱』字讀當言『柳』,古『柳』『丱』同字」,竊謂翻言爲然。故「劉」「留」「聊」「柳」同用此

之,故翻所說云。荀諝,荀爽之別名。

初,山陰丁覽,太末徐陵,或在縣吏之中,或衆所未識,翻一見之,便與友善,終成顯

名。[]

[一] 會稽典錄曰: 覽字孝連,八歲而孤,家又單微,清身立行,用意不苟,推財從弟,以義讓稱。 仕郡至功曹,守始平 爲人精微絜淨,門無雜賓。 孫權深貴待之,未及擢用,會病卒,甚見痛惜,殊其門戶。實子固,字子賤,本名

吳 書 魔陸張駱陸吾朱傳第十二

恪爲丹楊太守,討山越,以平威重思慮,可與效力,請平爲丞,稍遷武昌左部督,傾心接物,士卒皆爲盡力。 侵奪,駱統爲陵家訟之,求與丁覽、卜淸等爲比,權許焉。陵子平,字伯先,重齓知名,翻甚愛之,屢稱歎焉。諸葛 七十六卒。子彌,字欽遠,仕晉,至梁州刺史。孫潭,光祿大夫。徐陵字元大,歷三縣長,所在著稱,遷零陵太守。 致敬,族弟孤弱,與同寒溫。翻與固同僚書曰:「丁子賤寒淵好德,堂構克舉,野無遺薪,斯之爲懿,其美優矣。令德 密,避滕密,改作固。 爲恪從事,意甚薄,及恪輔政,待严益疏。 時朝廷俟以列卿之位,故翻書曰:「元大受上卿之遇,叔向在晉,未若於今。」其見重如此。 之後,惟此君嘉耳。」 歷顯位,孫休時固爲左御史大夫,孫晧卽位,遷司徒。 恪被害,子建亡走,爲平部曲所得,平使遣去, 時悖虐,固與陸凱、孟宗同心憂國,年 別爲佗軍所獲。平兩婦 陵卒, 僮客土田或見

在南十餘年,年七十卒。(二)歸葬舊墓,妻子得還。(三)

歸宗,敬奉情過乎厚。其行義敦篤,皆此類也。

(二) 吳書曰: 翻雖在徙棄,心不忘國,常憂五谿宜討,以遼東海絕,聽入使來屬,尚不足取,今去人財以求馬, 利,又恐無獲。欲諫不敢,作表以示呂岱,岱不報,爲愛憎所白,復徙蒼梧猛陵。 旣非國

都;若以亡者,送喪還本郡,使兒子仕宦。會翻已終。 江表傳曰:後權遣將士至遼東,於海中遭風,多所沒失,權悔之,乃令曰:「昔趙簡子稱諸君之唯唯,不如周舍之諤 虞翻 亮直,善於盡言,國之周舍也。 前使翻在此,此役不成。」促下問交州,翻若倘存者,給其人船,發遣還

(三)會稽典錄曰:孫亮時,有山陰朱育,少好奇字,凡所特達,依體象類,造作異字千名以上。 仕郡門下書佐。太守濮 陽興正旦宴見掾吏,言次,問:「太守昔聞朱潁川問士於鄭召公,韓吳郡問士於劉聖博,王景興問士於處仲翔,嘗

子句章董黯,盡心色養,喪致其哀,單身林野,鳥獸歸懷,怨親之辱,白日報讎,海內聞名,昭然光著。太中大夫山 賢女,靡不育焉。』王府君笑曰:『地勢然矣,士女之名可悉聞乎?』翻對曰:『不敢及遠,略言其近者耳。 陰陳囂,漁則化盜,居則讓鄰,感侵退藩,遂成義里,攝養車嫗,行足厲俗,自揚子雲等上書薦之,粲然傳世。太尉 羣臣,因以命之。 『夫會稽上應牽牛之宿,下當少陽之位,東漸互海,西通五湖,南暢無垠,北渚浙江,南山攸居,實爲州鎭, 年,王府君以淵妙之才,超遷臨郡,思賢嘉善,樂采名俊,問功曹虞翻曰:『聞玉出崑山,珠生南海,遠方異域,各生 見鄭、劉二答而未覩仲翔對也。 欽聞國賢,思覩盛美有日矣,書佐寧識之乎?」 育對曰:「往過習之。 昔初平末 矣,潁川有巢、許之逸軌,吳有太伯之三讓,貴郡雖士人紛紜,於此足矣。』翻對曰:『故先言其近者耳,若乃引上世 君於難。 簿何章鄭雲,皆敦終始之義,引罪免居。門下督盜賊餘姚伍隆,鄭莫侯反。主簿任光,章安小吏黃他,身當白刃,濟 阯刺史上處綦毋俊,拔濟一郡,讓爵土之封。決曹掾上處孟英,三世死義。主簿句章梁宏,功曹史餘姚駟勳,主 淵懿,學究道源,著書垂藻,駱驛百篇,釋經傳之宿疑,解當世之槃結,或上窮陰陽之奧祕,下攄人情之歸極。 之夢,魯國有丹書之信。及陳宮、費齊皆上契天心,功德治狀,記在漢籍。 山陰鄭公,清亮質直,不畏彊禦。魯相山陰鍾離意,稟殊特之姿,孝家忠朝,宰縣相國,所在遺惠,故取養有君子 慮,是以天下義兵,思以爲首。 且會聞士人歎美貴邦,舊多英俊,徒以遠於京畿,含香未越耳。 尚書烏傷楊喬,桓帝妻以公主,辭疾不納。近故太尉上虞朱公,天姿聰亮,欽明神武, 揚州從事句章王脩,委身授命,垂聲來世。 山有金木鳥獸之殷,水有魚鹽珠蚌之饒,海嶽精液,善生俊異,是以忠臣係踵,孝子連閭, 上處女子曹娥,父弼江流,投水而死,立石碑紀, 炳然著顯。』王府君曰:『是旣然 河內太守上虞魏少英,遭世屯蹇,忘家憂國,列在八俊,為世 功曹雅好博古,寧識其人邪?』翻對曰: 有道山陰趙曄,徵士上處王充,各洪才 策無失謨, 往者孝 昔禹會 征無遺 下及 |交

元鼎五年,除東越,因以其地爲治,并屬於此,而立東部都尉,後徙章安。 代父死罪。其女則松陽柳朱、永寧(瞿素)〔翟素〕,或一醮守節,喪身不顧,或遭寇劫賊,死不虧行。皆近世之事,尙 章安虞翔,各馳文檄,曄若春榮。 成績著。 烏傷駱統。 蹤,天下所聞,故(桓文) 〔桓文林〕 遺之尺牘之書,比竟三高。 其聰明大略,忠直謇諤,則侍御史餘姚虞翻、偏將軍 者太守上虞陳業,絜身清行,志懷霜雪,貞亮之信,同操柳下,遭漢中微,委官棄祿,遁迹黟歙,以求其志,高邈妙 之前聞也。』」濮陽府君曰:「御史所云,旣聞其人,亞斯已下,書佐寧識之乎?」 宵曰:「瞻仰景行, 傳籍,較然彰明,豈如巢、許,流俗遺譚,不見經傳者哉?』王府君笑曰:『善哉話言也!賢矣, 惠帝恭讓,出則濟難。 君,非其地人也。若以外來言之,則大禹亦巡於此而葬之矣。鄭大里黃公,絜己暴秦之世,高祖卽阼,不能一致, 之事,及抗節之士,亦有其人。昔越王翳讓位,逃于巫山之穴,越人薰而出之,斯非太伯之儒邪?且太伯外來之 而分治於此?」育對曰:「劉賈爲荆王,賈爲英布所殺,又以劉濞爲吳王。 在耳目。」府君曰:「皆海內之英也。吾聞秦始皇二十五年,以吳越地爲會稽郡,治吳。漢封諸侯王,以何年復爲郡: 到永建四年,劉府君上書,浙江之北,以爲吳郡,會稽還治山陰。 府君稱善。是歲,吳之太平三年,歲在丁丑。育後仕朝,常在臺閣,爲東觀令,遙拜淸河太守,加位侍中, 其探極祕術,言合神明,則太史令上虞吳範。 其淵懿純德,則太子少傅山陰圖澤,學通行茂,作帝師儒。 徵士餘姚嚴遵,王莽數聘,抗節不行,光武中興,然後俯就,矯手不拜, 志陵雲日。 處士(鄧) [鄧] 盧敍,弟犯公憲,自殺乞代。吳寧斯敦、山陰祁庚、上虞樊正, 咸 其文章之士,立言粲盛,則御史中丞句章任奕, 自永建四年歲在己巳,以至今年,積百二十 其雄姿武毅,立功當世,則後將軍賀齊,動 陽朔元年,又徙治鄭,或有寇害,復徙句 景帝四年,濞反誅,乃復爲郡,治於吳。 非君不著。 敢不識之?近 鄱陽太守 太守未 皆著於

推刺占射,文藝多通

嚴,病卒。〔1〕 汜弟忠,宜都太守;〔1〕 聳,越騎校尉,累遷廷尉,湘東、河間太守;〔1〕 昺,廷 翻有十一子,第四子氾最知名,永安初,從選曹郎爲散騎中常侍,後爲監軍使者,討扶

尉尙書,濟陰太守。(目)

- | 會稽典錄曰:: 汜字世洪, 生南海, 年十六, 父卒, 還鄕里。 孫綝廢幼主, 迎立琅邪王休。 軍、餘姚侯、尋卒 世也。」綝不懌,竟立休。休初即位,汜與賀邵、王蕃、薛瑩俱爲散騎中常侍。以討扶嚴功拜交州刺史、冠軍將 軌,召百官會議,皆惶怖失色,徒唯唯而已。

 氾對曰:「明公爲國伊周,處將相之位,擅廢立之威,將上安宗廟,下 惠百姓,大小踴躍,自以伊霍復見。今迎王未至,而欲入宮,如是,羣下搖蕩,衆聽疑惑,非所以永終忠孝,揚名後 休未至,綝欲入宫,圖爲不
- (三) 會稽典錄曰: 忠字世方, 翻第五子。 夏督景堅守不下,城潰被害。忠子譚,字思奧 遠致,爲著聞之士。交同縣王岐於孤宦之族,仕進先至宜都太守,忠乃代之。晉征吳,忠與夷道監陸晏、晏弟中 貞固幹事,好識人物,造吳郡陸機於童齓之年,稱上虞魏遷於無名之初,終皆

晉陽秋稱譚淸貞有檢操,外如退弱,內堅正有膽幹。 仕晉,歷位內外,終於衞將軍,追贈侍中左光祿大夫,開府儀

(三) 會稽典錄曰: 聳字世龍, 翻第六子也。 招未齒於丘園,索良才於總猥,所譽依已成,所毀依已敗,此吾所以歎息也。」灣疾俗喪祭無度,弟昺卒,祭以少 锋抽引人物,務在幽隱孤陋之中。 清虛無欲,進退以禮,在吳歷淸官,入晉,除河間相, 時王岐難聳,以高士所達,必合秀異,聳書與族子察曰:「世之取士,曾不 王素聞聳名, 厚敬禮

虞陸張駱陸吾朱傳第十二

牢,酒飯而已,當時族黨並遵行之。

[E]]會稽典錄曰:房字世文,翻第八子也。少有倜儻之志,仕吳黃門郎,以捷對見異,超拜尚書侍中。 持節都督武昌已上諸軍事,昺先上還節蓋印綬,然後歸順。在濟陰,抑彊扶弱,甚著威風。 晉軍來伐, 遣昺

術大奇之。孫策在吳,張昭、張紘、秦松爲上賓,共論四海未泰,須當用武治而平之,績年少 出橋,績懷三枚,去,拜辭墮地,術謂曰:「陸郎作賓客而懷橘乎?」績跪答曰:「欲歸遺母。」 服,則脩文德以來之。』今論者不務道德懷取之術,而惟尙武,績雖童蒙,竊所未安也。」昭 末坐,遙大聲言曰:「昔管夷吾相齊桓公,九合諸侯,一匡天下,不用兵車。孔子曰:『遠人不 陸續字公紀,吳郡吳人也。父康,漢末爲廬江太守。〔〕續年六歲,於九江見袁術。術

(一) 謝承後漢書曰:康字季寧,少惇孝悌,勤脩操行,太守李肅察孝廉。 終,舉茂才,歷三郡太守,所在稱治,後拜廬江太守。 肅後坐事伏法,康斂尸送。愛還潁川,行服,禮

人。續旣有躄疾,又意(在)[存]儒雅,非其志也。雖有軍事,著述不廢,作渾天圖,注易釋 長,皆與績友善。孫權統事,辟爲奏曹掾,以直道見憚,出爲鬱林太守,加偏將軍,給兵二千 **續容貌雄壯,博學多識,星曆算數無不該覽。 虞翻舊齒名盛,龐統荆州令士,年亦差** 吳 書 魔陸張駱陸吾朱傳第十二

|玄,皆傳於世。豫自知亡日,乃爲辭曰:「有漢志士吳郡陸績,幼敦詩、書,長玩禮、易,受命南 書同文,恨不及見也。」年三十二卒。長子宏,會稽南部都尉,次子叡,長水校尉。〔1〕 征,遘疾(遇)〔逼〕厄,遭命不(幸)〔永〕,嗚呼悲隔!」又曰:「從今已去,六十年之外,車同軌,

[1] 續於鬱林所生女,名曰鬱生,適張溫弟白。姚信集有表稱之曰:「臣聞唐、虞之政,舉善而敎,旌德擢異,三王所 書,齊人哀其哭。乞蒙聖朝,斟酌前訓,上開天聰,下垂坤厚,褒鬱生以義姑之號,以厲兩髦之節,則皇風穆暢,士 神明,送終以禮,邦士慕則。臣聞昭德以行,顯行以爵,苟非名爵,則勸善不嚴,故士之有誄,魯人志其勇,祀婦見 生抗聲昭節,義形於色,冠蓋交橫,醬而不許,奉白姊妹巖蟣之中,蹈履水火,志懷霜雪,義心固於金石,體信貫於 <u>鬱生,少履貞特之行,幼立匪石之節,年始十三,適同郡張白。侍廟三月,婦禮未卒,白遭罹家禍,遷死異郡。</u> 麥,士女同榮。故王燭建寒松之節而齊王表其里,義姑立殊絕之操而魯侯高其門。臣切見故鬱林太守陸績女子 先,是以忠臣烈士,顯名國朝,淑婦貞女,表迹家閻。蓋所以闡崇化業,廣殖淸風,使苟有令性,幽明俱著,苟懷懿

延見,文辭占對,觀者傾竦,權改容加禮。 節操,容貌奇偉。權聞之,以問公卿曰:「溫當今與誰爲比?」大(司)農劉基曰:「可與全踪 爲輩。」太常顧雍曰:「基未詳其爲人也。 張溫字惠恕,吳郡吳人也。父允,以輕財重士,名顯州郡,爲孫權東曹掾,卒。溫少脩 罷出,張昭執其手曰:「老夫託意,君宜明之。」 拜 溫當今無輩。」權曰:「如是,張允不死也。」 徵到

議郎、選曹尙書,徙太子太傅,甚見信重。

是以忍鄙倍之羞,使下臣溫通致情好。陛下敦崇禮義,未便恥忽。臣自(己)遠境,及卽近 · 亮達見計數,必知神慮屈申之宜,加受朝廷天覆之惠,推亮之心,必無疑貳。」 溫至蜀,詣闕 之,使入豫章部伍出兵,事業未究。 勤任旅力,清澄江滸,願與有道平一宇內,委心協規,有如河水,軍事(興)〔凶〕煩,使役乏少, 今陛下以聰明之姿,等契往古,總百揆於良佐,參列精之炳燿,遐邇望風, 莫不欣賴。 吳國 拜章曰:「昔高宗以諒闍昌殷祚於再興,成王以幼沖隆周德於太平,功冒溥天,聲貫罔極 對曰:「臣入無腹心之規,出無專對之用,懼無張老延譽之功,又無子產陳事之效。 然諸葛 曹氏通意,(以)故屈卿行。若山越都除,便欲大搆於(蜀)〔丕〕。行人之義,受命不受辭也。」溫 郊,頻蒙勞來,恩詔輒加,以榮自懼,悚怛若驚。 謹奉所齎函書一封。」 蜀甚貴其才。 還,頃 時年三十二,以輔義中郎將使蜀。權謂溫曰:「卿不宜遠出,恐諸葛孔明不知吾所以與

皆貶高就下,降損數等,其守故者十未能一,其居位貪鄙,志節汙卑者,皆以爲軍吏,置營 暨豔事起,遂因此發舉。豔字子休,亦吳郡人也,溫引致之,以爲選曹郎,至尙書。豔性狷厲, 好爲淸議,見時郎署混濁淆雜,多非其人,欲臧否區別,賢愚異貫。 彈射百僚,覈選三署,率 權旣陰銜溫稱美蜀政,又嫌其聲名大盛,衆庶炫惑,恐終不爲己用,思有以中傷之,會

(一) 吳錄曰: 彪字仲虞, 廣陵人也。

然臣周旋之閒,爲國觀聽,深知其狀,故密陳其理。溫實心無他情,事無逆迹,但年紀尙 多士旣受普篤之恩,張溫又蒙最隆之施。而溫自招罪證,孤負榮遇,念其如此,誠可悲疚。 將軍駱統表理溫曰:「伏惟殿下,天生明德,神啓聖心,招髦秀於四方,置俊义於宮朝。

巧也。 鄰國,則有私觀之禮;季子聘諸夏,亦有燕譚之義也。古人有言,欲知其君,觀其所使,見 私相從,非國事而陰相聞者也;若以命行,旣脩君好,因敍己情,亦使臣之道也。故孔子使 ai,至忠之臣也,漢文,大明之君也,然而絳、灌一言,賈誼遠退。何者。疾之者深,譖之者 少,鎭重尙淺,而戴赫烈之寵,體卓偉之才,亢臧否之譚,效褒貶之議。於是務勢者妒其寵, 減之,用之彊羸,溫不下之,至於遲速,溫不後之,故得及秋冬之月, 赴有警之期,不敢忘恩 寇之害,而增健兵之銳也。 但自錯落,功不副言。 然計其送兵,以此許晏,數之多少,溫不 而遺力也。溫之到燭,共譽殷禮,雖臣無境外之交,亦有可原也。境外之交,謂無君命而 下也。夫宿惡之民,放逸山險,則爲勁寇,將置平土,則爲健兵,故溫念在欲取宿惡,以除勁 國家不嫌於豔爲最重之義,是以溫亦不嫌與豔爲最輕之交也。時世寵之於上,溫竊親之於 舉於衆人,中見任於明朝,亦見交於溫也。君臣之義,義之最重,朋友之交,交之最輕者也。 休光,四方之麗觀也。 國家之於<u>暨</u>豔,不內之忌族,猶等之平民,是故先見用於朱治,次見 之者也。故論溫才卽可惜,言罪則可恕。若忍威烈以赦盛德,宥賢才以敦大業,固明朝之 非處虎,然其弘雅之素,英秀之德,文章之采,論議之辨,卓躁冠羣,煒曄曜世,世人未有及 爭名者嫉其才,玄默者非其譚,瑕釁者諱其議,此臣下所當詳辨,明朝所當究察也。 然而誤聞於天下,失彰於後世,故孔子曰『爲君難,爲臣不易』也。溫雖智非從橫,武 古賈

懷於今日,納愚言於聖聽,實盡心於明朝,非有念於溫身也。」權終不納。 臣非愛溫者也。昔之君子,皆抑私忿,以增君明。彼獨行之於前,臣恥廢之於後,故遂發宿 聰叡,察講論之曲直,若潛神留思,纖粗研核,情何嫌而不宣,事何昧而不昭哉?溫非親臣, 闊,辭則俱巧,意則俱至,各自言欲爲國,誰其言欲爲私,**倉卒之間,猶難即別。然以殿下之** 之理,猶未易周也,固當聽察羣下之言,以廣聰明之烈。 今者人 非溫旣殷勤,臣是溫又契 亦不必貪原也。 凡此數者,校之於事旣不合,參之於衆亦不驗。 臣竊念人君雖有聖哲之 協原、康邪?又原在職不勤,當事不堪,溫數對以醜色,彈以急聲;若其誠欲賣恩作亂,則 外交也。王靖內不憂時,外不趨事,溫彈之不私,推之不假,於是與靖遂爲大怨,此其盡節 人,顯國美於異境,揚君命於他邦。是以晉趙文子之盟于宋也,稱隨會於屈建;楚王孫圉 其下之明明,知其上之赫赫。溫若譽禮,能使彼歎之,誠所以昭我臣之多良,明使之得其 姿,非常之智,然以一人之身,御兆民之衆,從層宮之內,瞰四國之外,照羣下之情,求萬機 之明驗也。靖兵衆之勢,幹任之用,皆勝於賈原、蔣康,溫尙不容私以安於靖,豈敢賣恩以 之使于晉也,譽左史於趙鞅。亦向他國之輔,而歎本邦之臣,經傳美之以光國,而不譏之以

後六年,溫病卒。二弟祗、白,亦有才名,與溫俱廢。 (1)

[一] 會稽典錄曰:餘姚虞俊歎曰:「張惠恕才多智少,華而不實,怨之所聚,有覆家之禍,吾見其兆矣。」諸葛亮聞俊愛

溫,意未之信,及溫放黜,亮乃歎俊之有先見。 亮初聞溫敗,未知其故,思之數日,曰:「吾已得之矣,其人於淸濁

見之士,退藏於密,不使名浮於德,不以華傷其實,既不能被褐韞寶,挫廉逃譽,使才映一世,聲蓋人上, 道,庸可暫替!溫則反之,能無敗乎?權旣疾溫名盛,而駱統方驟言其美,至云「卓躁冠羣,燒曄曜世, 世人未有 臣松之以爲莊周云「名者公器也,不可以多取」,張溫之廢,豈其取名之多乎!多之爲弊,古賢旣知之矣。 斯何異療之方盛,又撝膏以熾之哉 是以遠 沖用之

文士傳曰:溫姊妹三人皆有節行,爲溫事,已嫁者皆見錄奪。 其中妹先適顧承,官以許嫁丁氏,成婚有日,遂飲藥 吳朝嘉歎,鄉人圖畫,爲之贊頌云。

夫糟糠不足,我何心獨飽!」姊曰::「誠如是,何不告我,而自苦若此。」 乃自以私粟與統: 叉以告母,母亦賢之,遂使分施,由是顯名。 妻,統時八歲,遂與親客歸會稽。 其母送之,拜辭上車,面而不顧,其母泣涕於後。 御者曰: 有困乏,統爲之飲食衰少。 其姊仁愛有行,寡歸無子,見統甚哀之,數問其故。 統曰:「士大 「夫人猶在也。」統曰::「不欲增母思,故不顧耳。」事適母甚謹。 駱統字公緒,會稽烏傷人也。父俊,官至陳相,爲袁術所害。〔〕〕 時饑荒,鄕里及遠方客多 統母改適, 爲華歆小

(一) 謝承後漢書曰:俊字孝遠,有文武才幹,少爲郡吏,察孝廉,補尙書郎,擢拜陳相。 值袁術僭號,兄弟忿爭,天下鼎

沸,羣賊並起。陳與比界,奸慝四布,俊厲威武,保疆境,賊不敢犯。養濟百姓,災害不生,歲獲豐稔。後術軍衆

饑困,就俊求糧。俊疾惡術,初不應答。術怒,密使人殺俊。

爲功曹,行騎都尉,妻以從兄輔女。統志在補察,苟所聞見,夕不待且。常勸權以尊賢接 士,勤求損益,饗賜之日,可人人別進,問其燥溼,加以密意,誘窳使言,察其志趣,令皆感恩 孫權以將軍領會稽太守,統年二十,試爲鳥程相,民戶過萬,咸歎其惠理。權嘉之,召

尤用戀本畏遠,同之於死。每有徵發,羸謹居家重累者先見輸送。小有財貨,傾居行賂 **蕪**曠,聽聞屬城,民戶浸寡,又多殘老,少有丁夫,聞此之日,心若焚燎。 思尋所由,小民無 衆無以辟四方。』推是言之,則民以君安,君以民濟,不易之道也。今彊敵未殄,海內未义,三 軍有無已之役,江境有不釋之備,徵賦調數,由來積紀,加以殃疫死喪之災,郡縣荒虛,田疇 俟民茂,義以民行,六者旣備,然後應天受祚,保族宜邦。書曰:『衆非后無能胥以寧,后非 戴義,懷欲報之心。權納用焉。出爲建忠中郎將,領武射吏三千人。及凌統死,復領其兵。 知,旣有安土重遷之性,且又前後出爲兵者,生則困苦無有溫飽,死則委棄骸骨不反,是以 福爲尊貴,曜德義爲榮顯,永世胤爲豐祚。然財須民生,彊賴民力,威恃民勢,福由民殖,德 不顧窮盡。 是時徵役繁數,重以疫癘,民戶損耗,統上疏曰:「臣聞君國者,以據疆土爲彊富,制威 輕剽者則迸入險阻,黨就羣惡。百姓虛竭,嗷然愁擾,愁擾則不營業,不營業

嚴圭共拒破之,封新陽亭侯,後爲濡須督。數陳便宜,前後書數十上,所言皆善,文多故不 悉載。尤以占募在民閒長惡敗俗,生離叛之心,急宜絕置,權與相反覆,終遂行之。年三十 六,黄武七年卒。 以隨陸遜破蜀軍於宜都,遷偏將軍。黃武初,曹仁攻濡須,使別將常雕等襲中洲,統與

陸瑁字子璋,丞相遜弟也。少好學篤義。陳國陳融、陳留濮陽逸、沛郡蔣纂、廣陵袁迪

等,皆單貧有志,就瑁遊處,自己瑁割少分甘,與同豐約。 **瑁迎攝養,至長乃別。州郡辟舉,皆不就。** 臨死遺書,託以孤弱,瑁爲起立墳墓,收導其子。又瑁從父績早亡,二男一女,皆數歲以還, 及同郡徐原,爰居會稽,素不相識,

(一) 迪孫曄,字思光,作獻帝春秋,云迪與張紘等俱過江,迪父綏爲太傅掾,張超之討董卓,以綏領廣陵事。

善惡異流,貴汝潁月旦之評,誠可以厲俗明教,然恐未易行也。宜遠模仲尼之汎愛,中則郭 善矜愚,忘過記功,以成美化。加今王業始建,將一大統,此乃漢高棄瑕錄用之時也,若令 |泰之弘濟,近有益於大道也。」 | 豔不能行,卒以致敗。 時尙書暨豔盛明臧否,差斷三署,頗揚人層昧之失,以顯其讁。瑁與書曰:「夫聖人嘉

者?北寇與國,壞地連接,苟有閒隙,應機而至。夫所以越海求馬,曲意於淵者,爲赴目前 者,非嘉其德義也,誠欲誘納愚弄,以規其馬耳。淵之驕黠,恃遠負命,此乃荒貊常態,豈足 貨幷沒,不可勝數。今陛下不忍悁悁之忿,欲越巨海,身踐其土,羣臣愚議,竊謂不安。 深怪?昔漢諸帝亦嘗銳意以事外夷,馳使散貨,充滿西域,雖時有恭從,然其使人見害,財 疏諫曰:「臣聞聖王之御遠夷,羈縻而已,不常保有,故古者制地,謂之荒服,言慌惚無常,不 可保也。 嘉禾元年,公車徵瑁,拜議郞、選曹尙書。孫權忿公孫淵之巧詐反覆,欲親征之,瑁上 今淵東夷小醜,屏在海隅,雖託人面,與禽獸無異。國家所爲不愛貨寶遠以加之

濟。若實孑然無所憑賴,其畏怖遠迸,或難卒滅。使天誅稽於朔野,山虜承間而起,恐非萬 道里尙遠,今到其岸,兵勢三分,使彊者進取,次當守船,又次運糧,行人雖多,難得悉用; 加以單步負糧,經遠深入,賊地多馬,邀截無常。若淵狙詐,與北未絕,動衆之日,脣齒相

安之長慮也。」權未許。

爲先。願陛下抑威任計,暫寧六師,潛神嘿規,以爲後圖,天下幸甚。」權再覽瑁書,嘉其詞 興師旅,告喩而已。今凶桀未殄,疆埸猶警,雖蚩尤、鬼方之亂,故當以緩急差之,未宜以淵 稱帝,于時天下义安,百姓殷阜,帶甲之數,糧食之積,可謂多矣,然漢文循以遠征不易,重 費,務自休養,以待鄰敵之闕,未有正於此時,舍近治遠,以疲軍旅者也。昔尉佗叛逆,僭號 事,從容廟堂之上,以餘議議之耳。至于中夏鼎沸,九域槃互之時,率須深根固本,愛力惜 理端切,遂不行。 瑁重上疏曰:「夫兵革者,固前代所以誅暴亂,威四夷也,然其役皆在姦雄已除,天下無

赤烏二年,瑁卒。子喜亦涉文籍,好人倫,孫晧時爲選曹尚書。 [1] 初,瑁同郡聞人敏見待國邑,優於宗脩,惟瑁以爲不然,後果如其言。

(一) 吳錄曰: 喜字文仲, 瑁第二子也, 入晉爲散騎常侍。 瑁孫曄,字士光,至車騎將軍、儀同三司。 曄弟玩,字<u>士</u>瑤。

晉陽秋稱玩器量淹雅,位至司空,追贈太尉。

選長吏,表燦爲曲阿丞,遷爲長史,治有名迹。 孫權爲車騎將軍,召爲主簿,出爲山陰令,還爲參軍校尉。 吾粲字孔休,吳郡烏程人也。[1]孫河爲縣長,粲爲小吏,河深奇之。 河後爲將軍,得自 雖起孤微,與同郡陸遜、卜靜等比肩齊聲矣。

(一) 吳錄曰:一缀生數歲,孤城嫗見之,謂其母曰:「是兒有卿相之骨。」

死耳!人窮,奈何棄之。」粲、淵所活者百餘人。 沒著岸,爲魏軍所獲,或覆沒沈溺,其大船尙存者,水中生人皆攀緣號呼,他吏士恐船傾沒, 黃武元年,與呂範、賀齊等俱以舟師拒魏將曹休於洞口。 值天大風,諸船粳繼斷絕,漂

霸出駐夏口,遣楊竺不得令在都邑。又數以消息語陸遜,遜時駐武昌,連表諫爭。由此爲霸 平山越,入爲屯騎校尉、少府,遷太子太傅。遭二宮之變,抗言執正,明嫡庶之分,欲使魯王 以嘉鳴爲貴,何必隱形於天外,潛鱗於重淵者哉?」粲募合人衆,拜昭義中郞將,與呂岱討 還,遷會稽太守,召處士謝譚爲功曹,譚以疾不詣,粲教曰:「夫應龍以屈伸爲神,鳳皇

虞陸張駱陸吾朱傳第十二

竺等所譖害,下獄誅。

用,舉清厲濁,足以沮勸,若一時貶黜,懼有後咎。豔不聽,卒敗。 是時選曹尙書暨豔,疾貪汙在位,欲沙汰之。據以爲天下未定,宜以功覆過,棄瑕取 朱據字子範,吳郡吳人也。有姿貌膂力,又能論難。黃武初,徵拜五官郎中,補侍御

遂詐而受之,典校呂壹疑據實取,考問主者,死於杖下,據哀其無辜,厚棺斂之。 壹叉表據 財好施,祿賜雖豐而常不足用。嘉禾中,始鑄大錢,一當五百。後據部曲應受三萬緡,工王 取,權大感寤,曰:「朱據見枉,況吏民乎?」乃窮治壹罪,賞助百萬。 吏爲據隱,故厚其殯。權數責問據,據無以自明,藉草待罪。數月,典軍吏劉助覺,言王遂所 尉,領兵屯湖孰。黃龍元年,權遷都建業,徵據尙公主,拜左將軍,封雲陽侯。謙虛接士,輕尉,領兵屯湖孰。黃龍元年,權遷都建業,徵據尙公主,拜左將軍,封雲陽侯。謙虛接士,輕 權咨嗟將率,發憤歎息,追思呂蒙、張溫,以爲據才兼文武,可以繼之,自是拜建義校

雲陽侯,尙公主。孫晧時,宣至驃騎將軍。 死,[1] 遂左遷新都郡丞。未到,中書令孫弘譖潤據,因權寢疾,弘爲詔書追賜死,時年五十 七。孫亮時,二子熊、損各復領兵,爲全公主所譖,皆死。永安中,追錄前功,以熊子宣襲爵 赤鳥九年,遷驃騎將軍。遭二宮搆爭,據擁護太子,言則懇至,義形于色,守之以

(1)殷基通語載據爭曰:「臣聞太子國之本根,雅性仁孝,天下歸心,今卒責之,將有一朝之慮。 不存,漢武信江充而戾太子冤死。臣竊懼太子不堪其憂,雖立思子之宮,無所復及矣。」 昔晉獻用驪姬而申生

焉。吾粲、朱據遭罹屯蹇,以正喪身,悲夫! 防未備,用致艱患。駱統抗明大義,辭切理至,值權方閉不開。 之左丘明,老聃之嚴周矣;以瑚璉之器,而作守南越,不亦賊夫人歟!張溫才藻俊茂,而智 評曰:虞翻古之狂直,固難免乎末世,然權不能容,非曠宇也。 陸瑁篤義規諫,君子有稱 陸績之於揚玄,是仲尼

三國志卷五十八

吳書十三

陸遜傳第十三

陸遜字伯言,吳郡吳人也。本名議,世江東大族。行逐少孤,隨從祖廬江太守康在官。

袁術與康有際,將攻康,康遣遜及親戚還吳。遜年長於康子績數歲,爲之綱紀門戶。

(二) 陸氏世頌曰: 遜祖紆,字叔盤,敏淑有思學,守城門校尉。父駿,字季才,淳懿信厚,爲邦族所懷,官至九江都尉。

遜陳便宜,乞與募焉。 事。□縣連年亢旱,遜開倉穀以振貧民,勸督農桑,百姓蒙賴。時吳、會稽、丹楊多有伏匿, 孫權爲將軍,遜年二十一,始仕幕府,歷東西曹令史,出爲海昌屯田都尉,並領縣 會稽山賊大帥潘臨,舊爲所在毒害,歷年不禽。遜以手下召兵,討治

深險,所向皆服,部曲已有二千餘人。 鄱陽賊帥尤突作亂,復往討之,拜定威校尉,軍屯利

(二)陸氏祠堂像贊曰:海昌,今鹽官縣也。

權以兄策女配遜,數訪世務,遜建議曰:「方今英雄棊時,豺狼闚望,克敵寧亂,非衆不

爲帳 **彊者爲兵,羸者補戶,得精卒數萬人,宿惡盪除,所過肅淸,還屯蕪湖** 多而往兵少,遜乃益施牙幢,分布鼓角,夜潛山谷間,鼓譟而前,應時破散。 而山寇舊惡,依阻深地。 下右部督。 會丹楊賊帥費棧受曹公印綬,扇動山越,爲作內應,權遣遜討棧。 夫腹心未平,難以圖遠,可大部伍,取其精銳。」 遂部伍東三郡, 權納其策,以 棧支黨

權曰:「此誠長者之事,顧人不能爲耳。」 而 君薦之,何也?」遜對曰:「式意欲養民,是以白遜。 會稽太守淳于式表遜枉取民人,愁擾所在。 遜後詣都,言次,稱式佳吏,權曰:「式白君 若遜復毀式以亂聖聽,不可長也。」

猛,旣難爲敵,且已據測州,恩信大行,兼始有功,膽勢益盛,未易圖也。」 於我,有相聞病,必益 所忌,無復是過。 可代卿者? 如 來言,然我病篤。」遜日:「羽矜其驍氣,陵轢於人。 呂蒙稱疾詣建業,遜往見之,謂曰:「關羽接境,如何遠下,後不當可憂也?」 蒙曰:「誠 蒙對曰:「陸遜意思深長,才堪負重,觀其規慮,終可大任。 若用之,當令外自韜隱,內察形便,然後可克。」權乃召遜,拜偏將軍右部 無備。 今出其不意,自可禽制。 始有大功,意驕志逸,但務北進,未嫌 下見至尊,宜好爲計。」蒙日:「羽 蒙至都,權問:「誰 而未有遠名,非羽

遜至陸口,書與羽曰:「前承觀釁而動,以律行師,小舉大克,一何巍巍!敵國敗績,利

是歲建安二十四年十一月也。 亭侯。備宜都太守樊友委郡走,諸城長吏及蠻夷君長皆降。遜請金銀銅印,以假授初附。 潛軍而上,使遜與呂蒙爲前部,至卽克公安、南郡。遜徑進,領宜都太守,拜撫邊將軍,封華 之。」羽覽遜書,有譧下自託之意,意大安,無復所嫌。遜具啓形狀,陳其可禽之要。權乃 蔑以尙茲。聞徐晃等少騎駐旌,闚望麾葆。操猾虜也,忿不思難,恐潛增衆,以逞其心。雖 日:「于禁等見獲,遐邇欣歎,以爲將軍之勳足以長世,雖昔晉文城濮之師,淮陰拔趙之略, 在同盟,聞慶拊節,想遂席卷,共獎王綱。近以不敏,受任來西,延慕光塵,思稟良規。」又 云師老,猶有驍悍。且戰捷之後,常苦輕敵,古人杖術,軍勝彌警,願將軍廣爲方計,以全獨 僕書生疏遲,忝所不堪,喜鄰威德,樂自傾盡,雖未合策,猶可懷也。 儻明注仰,有以察

帥衆還降。前後斬獲招納,凡數萬計。權以遜爲右護軍、鎭西將軍,進封婁侯。〔1〕 合夷兵數千人,首尾西方。遜復部旌討破布、凱。 即破晏等,生降得鳳。叉攻房陵太守鄧輔、南郷太守郭睦,大破之。 遜遣將軍李異、謝旌等將三千人,攻蜀將詹晏、陳鳳。異將水軍,旌將步兵,斷絕險要, 布、凱脫走,蜀以爲將。 遜令人誘之,布 秭歸大姓文布、鄧凱等

(1) 吳書曰: 權嘉遜功德,欲殊顯之,雖爲上將軍列侯,猶欲令歷本州舉命,乃使揚州牧呂範就辟別駕從事,

吳 書 陸遜傳第十二

畢至,苟可以熙隆道教者,未必遠近。今荆州始定,人物未達,臣愚悽悽,乞普加覆載抽拔 之恩,令並獲自進,然後四海延頸,思歸大化。」權敬納其言。 時荆州士人新還,仕進或未得所,遜上疏曰:「昔漢高受命,招延英異,光武中興,羣俊

虜,更嘗事多,其軍始集,思慮精專,未可干也。 今住已久,不得我便,兵疲意沮,計不復生, 掎角此寇,正在今日。」 乃先攻一營,不利。 諸將皆曰:「空殺兵耳。」 遜曰:「吾已曉破之之 今乃令入五六百里,相銜持經七八月,其諸要害皆以固守,擊之必無利矣。」 遜曰:「備是猾 處處結營,察其布置,必無他變。伏願至尊高枕,不以爲念也。」諸將並曰:「攻備當在初, 近。尋備前後行軍,多敗少成,推此論之,不足爲戚。臣初嫌之,水陸俱進,今反舍船就步, 千人於平地立營,欲以挑戰。 諸將皆欲擊之,遜曰:「此必有譎,且觀之。」〔1〕 備知其計不 盛、鮮于丹、孫桓等五萬人拒之。備從巫峽、建平連圍至夷陵界,立數十屯,以金錦爵賞誘動 曰:「夷陵要害,國之關限,雖爲易得,亦復易失。失之非徒損一郡之地,荆州可憂。今日爭 可,乃引伏兵八千,從谷中出。遜曰:「所以不聽諸君擊班者,揣之必有巧故也。」 遜上疏 諸夷,使將軍馮習爲大督,張南爲前部,輔匡、趙融、廖淳、傅肜等各爲別督,先遣吳班將數 黃武元年,劉備率大衆來向西界,權命遜爲大都督、假節,督朱然、潘璋、宋謙、韓當、徐

其舟船器械,水步軍資,一時略盡,尸骸漂流,塞江而下。備大慚恚,曰:「吾乃爲遜所折辱, 促諸軍四面蹙之,土崩瓦解,死者萬數。情因夜遁,驛人自擔,燒鐃鎧斷後,僅得入白帝城。 術。」 乃敕各持一把茅,以火攻拔之。 一爾勢成,通率諸軍同時俱攻,斬張南、馮習及胡王 沙摩柯等首,破其四十餘營。備將杜路、劉寧等窮逼請降。備升馬鞍山,陳兵自繞。 遜督

(一) 吳書曰: 諧將並欲迎擊備, 遜以爲不可,曰:「備舉軍東下, 銳氣始盛, 且乘高守險, 難可卒攻, 攻之縱下, 猶難盡 馳之憂,今緣山行軍,勢不得展,自當罷於木石之閒,徐制其弊耳。」 諸將不解,以爲遜畏之,各懷憤恨 克,若有不利,損我大勢,非小故也。今但且獎厲將士,廣施方略,以觀其變。若此閒是平原曠野,當恐有顯沛交

豈非天邪!

救安東,安東自解。」及方略大施,備果奔潰。恒後見遜曰:「前實怨不見救,定至今日,乃 族,見圍已困,奈何不救。」逐曰:「安東得士衆心,城牢糧足,無可憂也。待吾計展,欲不 知調度自有方耳。」 初,孫桓別討備前鋒於夷道,爲備所圍,求救於遜。遜曰:「未可。」 諸將曰:「孫安東公

受,而不相順,非所謂也。僕雖書生,受命主上。國家所以屈諸君使相承望者,以僕有尺寸 備天下知名,曹操所憚,今在境界,此彊對也。 諸君並荷國恩,當相輯睦,共翦此虜,上報所 當禦備時,諸將軍或是孫策時舊將,或公室貴戚,各自矜恃,不相聽從。遜案劍曰:「劉

竊慕相如、寇恂相下之義,以濟國事。」權大笑稱善,加拜遜輔國將軍,領荆州牧,即改封江 其才。叉此諸將或任腹心,或堪爪牙,或是功臣,皆國家所當與共克定大事者。臣雖駑懦 遜,諸將乃服。權聞之,曰:「君何以初不啓諸將違節度者邪?」 遜對曰:「受恩深重,任過 可稱,能忍辱負重故也。 各在其事,豈復得辭!軍令有常,不可犯矣。」及至破備,計多出

然、駱統以爲曹丕大合士衆,外託助國討備,內實有姦心,謹決計輒還。 方受敵也。 叉備旣住白帝,徐盛、潘璋、宋謙等各競表言備必可禽,乞復攻之。 無幾,魏軍果出,三 權以問遜,遜與朱

(1) 吳錄曰:劉備聞魏軍大出,書與遜云:「賊今已在江陵,吾將復東,將軍謂其能然不?」遜答曰:「但恐軍新破,創 應未復,始求通親,且當自補,未暇窮兵耳。若不惟算,欲復以傾覆之餘,遠送以來者,無所逃命。」

置遜所。權每與禪、亮書,常過示遜,輕重可否,有所不安,便令改定,以印封行之。 備尋病亡,子禪襲位,諸葛亮秉政,與權連和。時事所宜,權輒令遜語亮,并刻權印,以

翼,三道俱進,果衝休伏兵,因驅走之,追亡逐北,徑至夾石,斬獲萬餘,牛馬騾驢車乘萬兩 逆休。[1] 休旣覺知,恥見欺誘,自恃兵馬精多,遂交戰。 遜自爲中部,令朱桓、全琮爲左右 七年,權使鄱陽太守周魴譎魏大司馬曹休,休果舉衆入皖,乃召遜假黃鉞,爲大都督,

軍資器械略盡。休還,疽發背死。諸軍振旅過武昌,權令左右以御蓋覆遜,入出殿門,凡所

賜遜,皆御物上珍,於時莫與爲此。遣還西陵。

[1]陸機為遜銘曰:魏大司馬曹休侵我北鄙,乃假公黃鉞,統御六師及中軍禁衞而攝行王事,主上執鞭,百司屈膝。 吳錄曰:假遜黃鉞,吳王親執鞭以見之。

矣,廙以細辯而詭先聖之教,皆非也。君今侍東宮,宜遵仁義以彰德音,若彼之談,不須講 戲兵不整,遜對之髡其職吏。南陽謝景善劉廙先刑後禮之論,遜呵景曰:「禮之長於刑久 太子,並掌荆州及豫章三郡事,董督軍國。時建昌侯慮於堂前作鬭鴨欄,頗施小巧,遜正色 日:「君侯宜勤覽經典以自新益,用此何爲?」慮卽時毀徹之。射聲校尉松於公子中最親, 黃龍元年,拜上大將軍、右都護。是歲,權東巡建業,留太子、皇子及尙書九官,徵遜輔

舍陳平之愆,用其奇略,終建勳祚,功垂干載。夫峻法嚴刑,非帝王之隆業;有罰無恕,非 (不)[非]姦穢入身,難忍之過,乞復顯用,展其力效。此乃聖王忘過記功,以成王業。 普漢高 罹罪,雖不愼可責,然天下未一,當圖進取,小宜恩貸,以安下情。且世務日興,良能爲先,自 遜雖身在外,乃心於國,上疏陳時事曰:「臣以爲科法嚴峻,下犯者多。 頃年以來,將吏

懷遠之弘規也。」

時務。 惟,未見其利,萬里襲取,風波難測,民易水土,必致疾疫,今驅見衆,經涉不毛,欲益更損 圖事,但當畜力而後動耳。昔桓王創基,兵不一旅,而開大業。陛下承運,拓定江表。臣聞 欲利反害。又珠崖絕險,民猶禽獸,得其民不足濟事,無其兵不足虧衆。今江東見衆,自足 寬其租賦,衆克在和,義以勸勇,則河渭可平,九有一統矣。」權遂征夷州,得不補失。 治亂討逆,須兵爲威,農桑衣食,民之本業,而干戈未戢,民有飢寒。臣愚以爲宜育養士民, 權欲遣偏師取夷州及朱崖,皆以諮遜,遜上疏曰:「臣愚以爲四海未定,當須民力,以濟 今兵興歷年,見衆損減,陛下憂勞聖慮,忘寢與食,將遠規夷州,以定大事,臣反覆思

陛下乘桴遠征,必致闚鶥,感至而憂,悔之無及。若使大事時捷,則淵不討自服;今乃遠惜 方蕩平華夏,總一大猷。今不忍小忿,而發雷霆之怒,違垂堂之戒,輕萬乘之重,此臣之所 運,破操鳥林,敗備西陵,禽羽荆州, 斯三虜者當世雄傑,皆摧其鋒。聖化所綏, 萬里草偃, 蠻夷猾夏,未染王化,鳥寬荒裔,拒逆王師,至令陛下爰赫斯怒,欲勞萬乘汎輕越海,不慮其 遼東衆之與馬,奈何獨欲捐江東萬安之本業而不惜乎?乞息六師,以威大虜,早定中夏,垂 危而涉不測。方今天下雲擾,羣雄虎爭,英豪踊躍,張聲大視。陛下以神武之姿,誕膺期 及公孫淵背盟,權欲往征,遜上疏曰:「淵憑險恃固,拘留大使,名馬不獻,實可讎忿。 臣聞志行萬里者,不中道而輟足;圖四海者,匪懷細以害大。彊寇在境,荒服未庭,

耀將來。」權用納焉。

邏得扁。 市、安陸、石陽,石陽市盛,峻等奄至,人皆捐物入城。城門噎不得關,敵乃自斫殺己民,然後 部伍,張拓聲勢,步趨船,敵不敢干。軍到白圍,託言住獵,潛遣將軍周峻、張梁等擊江夏新 遜,遜曰:「賊知大駕以旋,無所復感,得專力於吾。 叉已守要害之處, 兵將意動,且當自定 遜未答,方催人種葑豆,與諸將弈棊射戲如常。 瑾曰:「伯言多智略,其當有以。」 自來見 就料視。若亡其妻子者,卽給衣糧,厚加慰勞,發遣令還,或有感慕相攜而歸者。鄰境懷 得闔。斬首獲生,凡千餘人。〔〕其所生得,皆加營護,不令兵士干擾侵侮。將家屬來者,使 立計,令瑾督舟船,遜悉上兵馬,以向襄陽城。敵素憚遜,遽還赴城。瑾便引船出,遜徐整 以安之,施設變術,然後出耳。今便示退,賊當謂吾怖,仍來相蹙,必敗之勢也。」乃密與瑾 之,三江夏功曹趙濯、弋陽備將裴生及夷王梅頤等,並帥支黨來附遜。遜傾財帛,周贍經 嘉禾五年,權北征,使遜與諸葛瑾攻襄陽。遜遣親人韓扁齎表奉報,還,遇敵於沔中,鈔 瑾聞之甚懼,書與遜云:「大駕已旋,賊得韓扁,具知吾闊狹。 且水乾,宜當急去。」

(一) 臣松之以爲遜 將,奄襲小縣,致令市人駭奔,自相傷害?俘馘千人,未足損魏,徒使無辜之民橫罹茶酷,與諸葛渭濱之師,何其 慮孫權以退,魏得專力於己,既能張拓形勢,使敵不敢犯,方舟順流, 無復怵惕矣, 何爲復潛遣諸 恤。

殊哉!用兵之道旣違,失律之凶宜應,其祚無三世,及孫而滅,豈此之餘殃哉

[三] 臣松之以爲此無異殘林覆巢而全其遺騖,曲惠小仁,何補大虐。

還洛。 聞,撰衆相迎。宜潛速嚴,更示定期。」以書置界上,式兵得書以見式,式惶懼,遂自送妻子 然,即假作答式書云:「得報懇惻,知與休久結嫌隙,勢不兩存,欲來歸附,輒以密呈來書表 又魏江夏太守逯式遂音錄。兼領兵馬,頗作邊害,而與北舊將文聘子休宿不協。 由是吏士不復親附,遂以免罷。〔1〕 遜聞其

[1]臣松之以爲邊將爲害,蓋其常事,使遂式得罪,代者亦復如之,自非狡焉思肆,將成大患,何足虧損雅慮, 尙爲小 **酢哉?以斯爲美,又所不取。**

賊寇。而祗固陳取之,郡民吳遽等果作賊殺祗,攻沒諸縣。豫章、廬陵宿惡民,並應遽爲寇。 遜自聞,輒討卽破,遽等相率降,遜料得精兵八千餘人,三郡平。 六年,中郎將周祗乞於鄱陽召募,事下問遜。

遜以爲此郡民易動難安,不可與召,恐致

時中書典校呂壹,竊弄權柄,擅作威福,遜與太常潘濬同心憂之,言至流涕。 後權誅

壹,深以自責,語在權傳。

力,財由民出。夫民殷國弱,民瘠國彊者,未之有也。故爲國者,得民則治,失之則亂,若不 時謝淵、謝厷等各陳便宜,欲興利改作,〔〕以事下遜。 遜議曰:「國以民為本,彊由民

受利,而令盡用立效,亦爲難也。 是以詩歎『宜民宜人,受祿于天』。乞垂聖恩,寧濟百姓,

數年之間,國用少豐,然後更圖。」

[一] 會稽典錄曰:謝淵字休德,少修德操,躬秉耒耜,旣無感容,又不易慮,由是知名。舉孝廉,稍遷至建武將軍,雖在 其子志行明辯,而被闇昧之謗,望諸夫子烈然高斷,而各懷遲疑,非所望也。」秀卒見明,無復瑕玷,終爲顯士,淵 戎旅,猶垂意人物。 駱統子名秀,被門庭之誇,衆論狐疑, 莫能證明。 淵聞之歎息曰:「公緒早夭,同盟所哀。 聞

吳歷稱云,謝厷才辯有計術。

懼,不遑鑒寐。惟君天資聰叡,明德顯融,統任上將,匡國弭難。夫有超世之功者,必應光 方。於乎!總司三事,以訓羣寮,可不敬與,君其勖之!其州牧都護領武昌事如故。」 以君爲丞相,使使持節守太常傅常授印綬。君其茂昭明德,脩乃懿續,敬服王命,綏靖四 大之寵;懷文武之才者,必荷社稷之重。昔伊尹隆湯,呂尙翼周,內外之任,君實兼之。今 |赤鳥七年,代||顧雍爲丞相,詔曰:「朕以不德,應期踐運,王塗未一,姦宄充路,夙夜戰 先是,二宮並闕,中外職司,多遣子弟給侍。全琮報遜,遜以爲子弟苟有才,不憂不用,

踪子寄,果阿附魯王,輕爲交構。遜書與踪日:「卿不師日磾,而宿留阿寄,終爲足下門戶致

不宜私出以要榮利;若其不佳,終爲取禍。且聞二宮勢敵,必有彼此,此古人之厚忌也。

家無餘財。 徙。太子太傅吾粲坐數與遜交書,下獄死。權累遣中使責讓遜,遜憤恚致卒,時年六十三, 欲口論適庶之分,以匡得失。旣不聽許,而遜外生顧譚、顧承、姚信,並以親附太子,枉見流 魯王藩臣,當使寵秩有差,彼此得所,上下獲安。 謹叩頭流血以聞。」 書三四上,及求詣都 禍矣。」 琮旣不納,更以致隙。 及太子有不安之議, 遜上疏陳:「太子正統, 宜有盤石之固,

時,追諡遜曰昭侯。 聲名,而遜謂之終敗,勸竺兄穆令與別族。其先覩如此。長子延早夭,次子抗襲爵。孫休 升;在我下者,則扶持之。今觀君氣陵其上,意蔑乎下,非安德之基也。」又廣陵楊竺少獲 初,暨豔造營府之論,遜諫戒之,以爲必禍。 叉謂諸葛恪曰:「在我前者,吾必奉之同

後所問,一焚滅之,莫令人見也。」建興元年,拜奮威將軍。太平二年,魏將諸葛誕舉壽春 就都治病。 廬桑果,不得妄敗。恪入屯,儼然若新。而恪柴桑故屯,頗有毀壞,深以爲慚。太元元年, 謝恩。孫權以楊竺所白遜二十事問抗,禁絕賓客,中使臨詰,抗無所顧問,事事條答,權意漸 赤烏九年,遷立節中郎將,與諸葛恪換屯柴桑。抗臨去,皆更繕完城圍,葺其牆屋,居 抗字幼節,孫策外孫也。遜卒時,年二十,拜建武校尉,領遜衆五千人,送葬東還,詣都 病差當還,權涕泣與別,謂曰:「吾前聽用讒言,與汝父大義不篤,以此負汝。 前

吳 書 陸遜傳第十三

降,拜抗爲柴桑督,赴壽春,破魏牙門將偏將軍,遷征北將軍。 永安二年,拜鎭軍將軍,都督 西陵,自關羽至白帝。三年,假節。孫晧卽位,加鎭軍大將軍,領益州牧。建衡二年,大司 馬施績卒,拜抗都督信陵、西陵、夷道、樂鄉,公安諸軍事,治樂鄉。

符,近覽劉氏傾覆之釁,考之典籍,驗之行事,中夜撫枕,臨餐忘食。昔匈奴未滅,去病辭 左。」十七條失本,故不載。 苟且,夙夜憂怛,念至情慘。夫事君之義犯而勿欺,人臣之節匪躬是殉,謹陳時宜十七條如 館;漢道未純,賈生哀泣。況臣王室之出,世荷光寵,身名否泰,與國同感,死生契闊,義無 所恃,徒以長川峻山,限帶封域,此乃守國之末事,非智者之所先也。臣每遠惟戰國存亡之 州,豈但鴻溝以西而已。國家外無連國之援,內非西楚之彊,庶政陵遲,黎民未义,而議者 六國所以兼幷於彊秦,西楚所以北面於漢高也。今敵跨制九服,非徒關右之地;割據九 抗聞都下政令多闕,憂深慮遠,乃上疏曰:「臣聞德均則衆者勝寡,力侔則安者制危,蓋

失之,無所不至。 是以雅人所以怨刺,仲尼所以歎息也。春秋已來,爰及秦、漢,傾覆之釁,未有不由斯者也。 小人不明理道,所見旣淺,雖使竭情盡節,猶不足任,況其姦心素篤,而憎愛移易哉?苟患 時何定弄權,閹官預政;抗上疏曰:「臣聞開國承家,小人勿用,靖譖庸回,唐書攸戒, 今委以聰明之任,假以專制之威,而冀雍熙之聲作, 肅清之化立,不可得

也。 職,抑黜羣小,然後俗化可淸,庶政無穢也。」 方今見吏,殊才雖少,然或冠冕之胄,少漸道教,或清苦自立,**資**能足用,自可隨才授

軍徐胤率水軍詣建平, 吾寧棄江陵而赴西陵,況江陵牢固乎?」初,江陵平衍,道路通利,抗敕江陵督張咸作大堰 陵,必不能守,所損者小。 抗每不許。 將軍羊祜率師向江陵,諸將咸以抗不宜上,抗曰:「江陵城固兵足,無所憂患。 假令敵沒江 至,衆甚苦之。 諸將咸諫曰:「今及三軍之銳,亟以攻闡,比晉救至,闡必可拔。何事於圍 蔡貢等徑赴西陵,敕軍營更樂嚴圍,自赤谿至故市,內以圍闡,外以禦寇,晝夜催切,如敵以 今反身攻之,旣非可卒克,且北救必至,至而無備,表裏受難,何以禦之?」 諸將咸欲攻闡 而以弊士民之力乎。」抗曰:「此城處勢旣固,糧穀又足,且所繕修備禦之具,皆抗所宿規。 水軍督留慮、鎭西將軍朱琬拒胤;身率三軍,憑圍對肇。將軍朱喬、營都督兪贊亡詣 鳳皇元年,西陵督步闡據城以叛,遣使降晉。 抗聞之,日部分諸軍,令將軍左奕、吾彥、 諸將皆惑,屢諫不聽。。

「酤至當陽,聞堰敗,乃改船以車運,大費損功力。晉巴東監 宜都太守雷譚言至懇切,抗欲服衆,聽令一攻。攻果無利,圍備始合。一晉車騎 荆州刺史楊肇至西陵。抗令張咸固守其城;公安督孫遵巡南岸禦 如使西陵槃結,則南山羣夷皆當擾動,則所憂慮,難可竟言也。 抗聞,使咸

肇。抗曰:「贊軍中舊吏,知吾虛實者,吾常慮夷兵素不簡練,若敵攻圍,必先此處。」即夜易 城,誅夷闡族及其大將吏, 若將追者。 擎至經月,計屈夜遁。 夷民,皆以舊將充之。 學衆兇懼,悉解甲挺走,抗使輕兵躡之,肇大破敗,祜等皆引軍還。 明日,肇果攻故夷兵處,抗命旋軍擊之,矢石雨下,肇衆傷死者相屬。 抗欲追之,而慮闡畜力項領,伺視閒隙,兵不足分,於是但鳴鼓戒衆, 自此以下, 所請赦者數萬口。 **脩治城**圍, 東還樂鄉, 抗遂陷西陵 貌無矜色,

晉陽秋曰:抗與羊祜推僑、札之好。 抗警遺酤酒、酤飲之不疑。抗有疾、酤饋之藥、 抗亦推心服之。于時以爲華 謙沖如常,故得將士歡心。 (二)

元、子反復見於今。

乎?臣 漢晉春秋曰:羊祜旣 抗得而服之,諸將或諫,抗不答。 傷者,皆送而相還。 保分界,無 不如是,正足以彰其德耳,於祜無傷也。」 求 細 益而已。」於是吳、晉之閒,餘糧栖畝而不犯,牛馬逸而入境,可宣告而取也。 抗嘗疾,求藥於耐,耐以成合與之,曰:「此上藥也,近始自作,未及服,以君疾急, 歸,增脩德信,以懷吳人。 孫皓聞二境交和,以詰於抗,抗曰:「夫一邑一 陸抗每告其邊戍曰:「彼專為德,我專為暴, 或以祜、抗爲失臣節,兩畿之。 鄉,不可以無信義之人,而況大國 是不戰 沔上獵,吳 而自服 獲晉 故相致。」 人先 各

智鑿齒 以力;冶夫獻策,而費人斯歸;樂毅緩攻,而風烈長流。觀其所以服物制勝者, 力從橫之人,臧獲牧豎之智,未有不憑此以創功,捨茲而獨立者也。是故晉文退舍,而原城請命;穆子 曰:夫理勝者天下之所保,信順者萬人之所宗,雖大猷既喪,義聲久淪,狙詐 豈徒威力相詐而已哉!自今三 馳於當塗, 權略周乎急務,負 圍 鼓 了訓之

吳.

之所 體於先日。 豈設狙詐以危賢, 狗已身之私名, 貪外物之重我, 闇服之而不備者哉!由是論之, 苟守局而保疆, 一卒 弘明遠風,折衝於枕席之上,校勝於帷幄之內,傾敵而不以甲兵之力,保國而不浚溝池之固,信義感於寇讐,丹懷 夫殘 家鼎足四十有餘年矣,吳人不能越淮、沔而進取中國,中國不能陵長江以爭利者,力均 鎭定民心,緝寧外內,奮其危弱,抗權上國者,莫若親行斯道,以侔其勝。使彼德靡加吾,而此善流聞: 暴俗,易生民之視聽,馳不戰乎江表。 故能德音悅暢,而襁負雲集,殊鄰異域,義讓交弘,自吳之遇敵,未有若此 如以德來,而沉不制乎?是以羊祜恢大同之略,思五兵之則,齊其民人,均其施澤,振義網以羅疆吳,明兼愛以革 能;協數以相危,小人之近事;積詐以防物,臧獲之餘慮;威勝以求安,明哲之所賤。賢人君子所以拯世 彼而利我,未若利我而無殘;振武以懼物,未若德廣而民懷。匹夫猶不可以力服,而況一國乎? 抗見國小主暴,而晉德彌昌,人積兼己之善,而己無固本之規,百姓懷嚴敵之德,闔境有棄主之慮,思所以 而智侔,道不足以相傾也。 歸重邦國 力服循不

資,庶政所以倫敍,四門所以穆淸也。 故大司農樓玄、散騎中常侍王蕃、少府李勖,皆當世 非先王之正典,或甫侯之所戒也。是以百姓哀聳,士民同感。蕃、勖永已,悔亦靡及,誠望 加,心經忠義,身被極刑,豈不痛哉!且已死之刑,固無所識,至乃焚樂流漂,棄之水濱,懼 赦賢之辟,春秋有宥善之義。 秀穎,一時顯器,旣蒙初寵,從容列位,而並旋受誅殛,或圮族替祀,或投棄荒裔。蓋問禮 加拜都護。聞武昌左部督薛瑩徵下獄,抗上疏曰:「夫俊义者,國家之良寶,社稷之貴 垂範,舍此 一而取彼者,其道良弘故也。 書曰:『與其殺不辜,寧失不經。』而蕃等罪名未定,大辟以 有

吳 書 陸遜傳第十三

陛下赦召玄出,而頃聞薛瑩卒見逮錄。瑩父綜納言先帝,傅弼文皇,及瑩承基,內厲名行, 今之所坐,罪在可宥。臣懼有司未詳其事,如復誅戮,益失民望,乞垂天恩,原赦瑩罪,哀矜

庶獄,清澄刑網,則天下幸甚!」

無無悔吝。」 克獲,不補所喪哉?且阻兵無衆,古之明鑒,誠宜蹔息進取小規,以畜士民之力,觀釁伺隙, 非國家之良策也。 萬計、士卒彫瘁、寇不爲衰,而我已大病矣!今爭帝王之資,而昧十百之利,此人臣之姦便, 沮,訓諸司以德,而撫百姓以仁,然後順天乘運,席卷宇內,而聽諸將徇名,窮兵黷武,動費 兵,力農畜穀,使文武之才效展其用,百揆之署無曠厥職,明黜陟以厲庶尹,審刑罰以 師,紂作淫虐而周武授鉞。 時師旅仍動,百姓疲弊,抗上疏曰:「臣聞易貴隨時,傳美觀釁,故有夏多罪而殷湯用 昔齊魯三戰,魯人再克而亡不旋踵。 **苟無其時,玉臺有憂傷之慮,孟津有反施之軍。** 何則。大小之勢異也。 今不務富國强 況今師所 示勸

流,受敵二境。 此乃社稷安危之機,非徒封疆侵陵小害也。臣父遜昔在西垂陳言,以爲西陵國之西門,雖 云易守,亦復易失。 一年春,就拜大司馬、荆州牧。三年夏,疾病,上疏曰:「西陵、建平,國之蕃表,旣處下 若敵汎舟順流,舳艫千里,星奔電邁,俄然行至,非可恃援他部以救倒縣也。 若有不守,非但失一郡,則荆州非吳有也。 如其有虞,當傾國爭之。

諧大事此臣之所深感也。若臣死之後,乞以西方爲屬。願陛下思覽臣言,則臣死且不朽。」 豎宦,開立占募,兵民怨役,逋逃入占。乞特詔簡閱,一切料出,以補疆埸受敵常處,使臣 所部足滿八萬,省息衆務,信其賞罰,雖韓、白復生,無所展巧。若兵不增,此制不改,而欲克 待變。臣愚以爲諸王幼沖,未統國事,可且立傅相,輔導賢姿,無用兵馬,以妨要務。又黃門 往在西陵,得涉遜迹,前乞精兵三萬,而〈至〉〔主〕者循常,未肯差赴。自步闡以後,益更損 今臣所統千里,受敵四處,外禦彊對,內懷百蠻,而上下見兵財有數萬,嬴弊日久,難以

別軍所殺。癸亥,景亦遇害,時年三十一。景妻,孫晧適妹,與景俱張承外孫也。三 封毗陵侯,旣領抗兵,拜偏將軍、中夏督,澡身好學,著書數十篇也。〔〕二月壬戌,晏爲王濬 晉軍伐吳,龍驤將軍王濬順流東下,所至輒克,終如抗慮。景字士仁,以尙公主拜騎都尉, 秋遂卒,子晏嗣。晏及弟景、玄、機、雲,分領抗兵。晏爲裨將軍、夷道監。天紀四年,

(1) 文士傳曰:陸景母張承女,諸葛恪外生。恪誅,景母坐見黜。景少爲祖母所育養,及祖母亡,景爲之心喪三年。

(三) 景弟機,字士衡,雲字士龍。

故,機、雲並自結於成都王穎。顯用機爲平原相,雲淸河內史。尋轉雲右司馬,甚見委仗。無幾而與長沙王搆 公。太傅楊駿辟機爲祭酒,轉太子洗馬、尙書著作郎。雲爲吳王郎中令,出宰浚儀,甚有惠政,吏民懷之,生爲立 機雲別傳曰:晉太康末,俱入洛,造司空張華,華一見而奇之,曰:「伐吳之役,利在獲二儒。」遂爲之延譽,薦之諸 後並歷顯位。 機天才綺練,文藻之美,獨冠於時。雲亦善屬文,清新不及機,而口辯持論過之。于時朝廷多

從而毀之。是役也,玖弟超亦領衆配機,不奉軍令。機繩之以法,超宣言曰陸機將反。及牽秀等譖機於穎,以爲 羣士之右,多不厭服。機屢戰失利,死散過半。初,宦人孟玖,穎所嬖幸,乘籠豫權,雲數言其短,穎不能納,玖又 隙,遂舉兵攻洛,以機行後將軍,督王粹、<u>牽秀等諸軍二十萬,士龍著南征賦以美其事。機吳人,羇旅單官,頓居</u> 滅,天下痛惜之。機文章爲世所重,雲所著亦傳於世。初,抗之克步闡也,誅及嬰孩,識道者尤之曰:「後世必受其 殃!」及機之誅,三族無遺,孫惠與朱誕書曰:「馬援擇君,凡人所聞,不意三陸相攜暴朝,殺身傷名,可爲悼歎。」 持兩端,玖叉搆之於內,穎信之,遺收機,幷收雲及弟耽,並伏法。機兄弟旣江南之秀,亦著名諸夏,並以無罪夷

抗貞亮籌幹,咸有父風,奕世載美,具體而微,可謂克構者哉! 奇遜之謀略,又歎權之識才,所以濟大事也。及遜忠誠懇至,憂國亡身,庶幾社稷之臣矣。 評曰:劉備天下稱雄,一世所憚,陸遜春秋方壯,威名未著,摧而克之,罔不如志。 予旣

事亦並在晉書。

吳主五子傳第十四

庶子。 休右船,譚爲輔正,表爲翼正都尉,是爲四友,而謝景、范愼、刁玄、羊衜等皆爲賓客,循音道。 而寐。 於是東宮號爲多士。 令休從昭受讀,還以授登。 以選入,侍講詩書,出從騎射。權欲登讀漢書,習知近代之事,以張昭有師法,重煩勞之,乃 不受。是歲,立登爲太子,選置師傅,銓簡秀士,以爲賓友,於是諸葛恪、張休、顧譚、陳表等 孫登字子高,權長子也。 後又以庶子禮拘,復令整巾侍坐。黃龍元年,權稱尊號,立爲皇太子,以恪爲左輔, 太傅張溫言於權曰:「夫中庶子官最親密,切問近對,宜用雋德。」於是乃用表等爲中 登待接寮屬,略用布衣之禮,與恪、休、譚等或同輿而載,或共帳 魏黃初二年,以權爲吳王,拜登東中郎將,封萬戶侯,登辭疾

(一) 吳錄曰: 愼字孝敬, 廣陵人, 竭忠知己之君, 纏緜三益之友, 時人榮之。 著論二十篇, 名曰矯非。後爲侍中, 武昌左部督,治軍整頓。孫晧移都,甚憚之,詔曰:「慎勳德俱茂,朕所敬憑,宜登上公,以副衆望。」以爲太尉。

吳主五子傳第十四

慎自恨久爲將,遂託老耄。 軍士戀之,舉營爲之隕涕。鳳凰三年卒,子耀嗣。玄,丹楊人。简,南陽人。

吳書日. 循 初爲中庶子。 年二十。時廷尉監隱蕃交結豪傑,自衞將軍全琮等皆傾心敬待,惟衛及宣詔郎豫章楊迪

拒絕不與通,時人咸怪之。而蕃後叛逆,衆乃服之。

孝敬深而狹。」 達,言能釋結,則謝景。 江表傳曰:登使侍中胡綜作賓友目曰:「英才卓越,超踰倫匹,則諸葛恪。 所言皆有指趣。 究學甄微,游夏同科,則范愼。」 循乃私駁綜曰: 「元遜才而疏,子嘿精而狠,叔發 而衛卒以此言見咎,不爲恪等所親。後四人皆敗,吳人謂衛之言有徵。 精識時機,達幽究微, 則顧譚。 位至桂 辨而浮, 凝辨宏

禮制 道有闕,又陳陸遜忠勤,無所顧憂,權遂留焉。 後弟慮卒,權爲之降損,登晝夜兼行,到賴鄉,自聞,即時召見。見權悲泣,因諫曰:「慮寢疾 見釋。又失盛水金馬盂,覺得其主,左右所爲,不忍致罰,呼責數之,長遣歸家,敕親近勿言。 之。有一人操彈佩丸,咸以爲是,辭對不服,從者欲捶之,登不聽,使求過丸, 時年穀不豐,頗有盜賊,乃表定科令,所以防禦,甚得止姦之要。 良田,不踐苗稼,至所頓息,又擇空閒之地,其不欲煩民如此。 不起,此乃命也。 ,臣竊憂惶。」 權遷都建業,徵上大將軍陸遜輔登鎭武昌,領宮府留事。 陽太守,卒。 方今朔土未一,四海喁喁,天戴陛下,而以下流之念,減損大官殺饌,過於 權納其言,爲之加膳。 住十餘日,欲遣西還,深自陳乞,以久離定省,子 嘉禾三年,權征新城,使登居守, 嘗乘馬出,有彈丸過,左右求 登或射獵,當由徑道,常遠避 比之非類,乃 總知留事。

道生、欲立太子、宜先立后。」權曰:「卿母安在?」對曰:「在吳。」權默然。(1) 賜,登不敢辭,拜受而已。 登所生庶賤,徐夫人少有母養之恩,後徐氏以妒廢處吳,而步夫人最寵。 徐氏使至,所賜衣服,必沐浴服之。登將拜太子,辭曰:「本立而 步氏有

[一] 吳書曰:弟和有寵於權,登親敬,待之如兄,常有欲讓之心。

聰哲,德行清茂,宜早建置,以繫民望。諸葛恪才略博達,器任佐時。 萬國喁喁,係命陛下,危者望安,亂者仰治。願陛下棄忘臣身,割下流之恩,修黃老之術,篤 愚陋,年過其壽,生爲國嗣,沒享榮祚,於臣已多,亦何悲恨哉!方今大事未定,逋寇未討 照,選置臣官,得與從事,備知情素,敢以陳聞。臣重惟當今方外多虞,師旅未休,當厲六 臣,或宜廊廟,或任將帥,皆練時事,明習法令,守信固義,有不可奪之志。此皆陛下日月所 養神光,加羞珍膳,廣開神明之慮,以定無窮之業,則率土幸賴,臣死無恨也。皇子和仁孝 下重感,以此爲哽結耳。臣聞死生有命,長短自天,周晉、顏回有上智之才,而尙夭折,況臣 專對之材。刁玄優弘,志履道眞。 通敏有識斷,入宜委腹心,出可爲爪牙。范愼、華融矯矯壯節,有國士之風。羊衜辯捷,有 臣不自惜,念當姿離供養,埋胔后土,長不復奉望宮省,朝覲日月,生無益於國,死貽陛 立凡二十一年,年三十三卒。 臨終,上疏曰:「臣以無狀,嬰抱篤疾,自省微劣,懼卒隕 裴欽博記, 翰宋足用。 蔣脩、虞翻,志節分明。凡此諸 張休、顧譚、謝景,皆

情,棄官奔赴,拜表自劾。權曰:「君與太子從事,異於他吏。」使中使慰勞,聽復本職,發遣 瑾、步騭、朱然、全琮、朱據、呂岱、吾粲、闞澤、嚴畯、張承、孫怡忠於爲國,通達治體。可令 寬刑輕賦,均息力役,以順民望。陸遜忠勤於時,出身憂國,謇謇在公,有匪躬之節。 還郡。 諡登日宣太子。(二) 旣絕而後書聞,權益以擢感,言則隕涕。是歲,赤烏四年也。 不血刃,而大事可定也。臣聞『鳥之將死其鳴也哀,人之將死其言也善』,故子囊臨終,遺 陳上便宜,蠲除苛煩,愛養士馬,撫循百姓。五年之外,十年之內,遠者歸復,近者盡力,兵 軍,以圖進取。軍以人爲衆,衆以財爲寶,竊聞郡縣頗有荒殘,民物凋弊,姦亂萌生,是以法 言戒時,君子以爲忠,豈況臣登,其能已乎。願陛下留意聽采,臣雖死之日,猶生之年也。」 令繁滋,刑辟重切。臣聞爲政聽民,律令與時推移,誠宜與將相大臣詳擇時宜,博**宋衆議**, 謝景時爲豫章太守,不勝哀

(一)吳書曰:初葬句容,置園邑,奉守如法,後三年改葬蔣陵。

殺,國除。〔〕 子璠、希,皆早卒,次子英,封吳侯。 五鳳元年,英以大將軍孫峻擅權,謀誅峻,事覺自

(一)吳歷曰:孫和以無罪見殺,衆庶皆懷憤歎,前司馬桓慮因此招合將吏,欲共殺峻立英,事覺,皆見殺,英實不知。 謝景者字叔發,南陽宛人。在郡有治迹,吏民稱之,以爲前有顧劭,其次卽景。數年卒

等議,咸以慮宜爲鎭軍大將軍,授任偏方,以光大業。」權乃許之,於是假節開府,治半 於衆望。年二十,嘉禾元年卒。無子,國除。 州。[1] 慮以皇子之尊,富於春秋,遠近嫌其不能留意。及至臨事,遵奉法度,敬納師友,過 屏本朝,爲國鎭衞。 如舊,羣寮大小,咸用於邑。方今姦寇恣睢,金鼓未弭,腹心爪牙,惟親與賢。輒與丞相雍 「帝王之興,莫不褒崇至親,以光羣后,故魯衞於周,寵冠諸侯,高帝五王,封列于漢,所以藩 雍等奏慮性聰體達,所尙日新,比方近漢,宜進爵稱王,權未許。 久之,尙書僕射存上疏曰: 孫慮字子智,登弟也。少敏惠有才藝,權器愛之。黃武七年,封建昌侯。後二年,丞相 建昌侯慮稟性聰敏,才兼文武,於古典制,宜正名號。陛下謙光,未肯

(一) 吳書載權詔曰:「期運擾亂,凶邪肆虐,威罰有序,干戈不戢。 以上將之位,顯以殊特之榮,籠以兵馬之勢,委以偏方之任。外欲威振敵虜,厭難萬里,內欲鎭撫遠近,慰卹將 士,誠/慮建功立事竭命之秋也。 /慮其內脩文德,外經武訓,持盈若沖,則滿而不溢。 敬愼乃心,無忝所受。」 以慮氣志休懿,武略夙昭,必能爲國佐定大業,故授

孫和字子孝,慮弟也。 少以母王有寵見愛,年十四,爲置宮衞,使中書令闞澤敎以書

蔡穎、張純、封備、嚴維等皆從容侍從。[1] 藝。好學下士,甚見稱述。 赤烏五年,立爲太子,時年十九。 **闞澤爲太傅,薛綜爲少傅,而**

吳書曰:和少岐嶷有智意,故權尤愛幸,常在左右,衣服禮秩雕玩珍異之賜,諸子莫得比焉。 次,又戰者凶事,常變勞僭怛,不復會同飲食,數上諫,戒令持重,務在全勝,權還,然後敢安。 朝臣,考績行能,以知優劣,各有條貫。後(諸葛豐)〔諸葛壹〕僞叛以誘魏將諸葛誕,權潛軍待之。和以權暴露外朝臣,考績行能,以知優劣,各有條貫。後(諸葛豐)〔諸葛壹〕僞叛以誘魏將諸葛誕,權潛軍待之。和以權暴露外 師涉學,精識聰敏,尊敬師傅,愛好人物。、顯等每朝見進賀,和常降意,歡以待之。 講校經義,綜察是非,及訪諮 好文學,善騎射,承

張純字元基,敦之子。 吳錄曰:純少厲操行,學博才秀,切問捷對,容止可觀。 拜郎中,補廣德令,治有異績,擢爲

不再。凡所患者,在於人情所不能絕,誠能絕無益之欲以奉德義之塗,棄不急之務以脩功 者,高山景行,恥非其次。夫以天地長久,而人居其閒,有白駒過隙之喩,年齒一暮, 用,勞精損思而終無所成,非所以進德脩業,積累功緒者也。且志士愛日惜力,君子慕其大 務,而但交游博弈以妨事業,非進取之謂。後羣寮侍宴,言及博弈,以爲妨事費日而無益於 之。又都督劉寶白庶子丁晏,晏亦白寶,和謂晏曰:「文武在事,當能幾人,因隙搆薄, 危害,豈有福哉?」遂兩釋之,使之從厚。常言當世士人宜講脩術學,校習射御,以周世 是時有司頗以條書問事,和以爲姦妄之人,將因事錯意,以生禍心,不可長也,表宜絕 榮華 圖相

業之基,其於名行,豈不善哉?夫人情猶不能無嬉娛,嬉娛之好,亦在於飮宴琴書射御之 以示賓客。 閒,何必博弈,然後爲歡。 時蔡穎好弈,直事在署者頗斅焉,故以此諷之。 乃命侍坐者八人,各蓍論以矯之。 於是中庶子韋曜退而論奏,和

居。 象,據、晃牽入殿,杖一百,(三)竟徙和於|故鄣,羣同坐諫誅放者十數。衆咸寃之。(三) 督陳象上書,稱引晉獻公殺申生,立奚齊,晉國擾亂,又據、晃固諫不止。 闕請和。 吟者歷年,[1]後遙幽閉和。 適庶之義,理不可奪,全寄、楊竺爲魯王霸支黨,譖愬日興。 粲遂下獄誅,譚徙交州。 權由是發怒,夫人憂死,而和寵稍損,懼於廢黜。 全公主使人覘視,因言太子不在廟中,專就妃家計議,又言王夫人見上寢疾,有喜色。 是後王夫人與全公主有隙。 權登白爵觀見,甚惡之,敕據、晃等無事念念。 於是驃騎將軍朱據、尚書僕射屈晃率諸將吏泥頭自縛,連日詣 權嘗寢疾,和祠祭於廟,和妃叔父張休居近廟,邀和過所 魯王霸覬覦滋甚,陸遜、吾粲、顧譚等數陳 權欲廢和立亮,無難督陳正、五營 權大怒,族誅正 權沈

殷基通語曰:初權旣立和爲太子,而封關爲魯王,初拜猶同官室,禮秩未分。羣公之議,以爲太子、國王上下有序, 軍呂岱、大司馬全琮、左將軍呂據、中書令孫弘等附督王,中外官僚將軍大臣舉國中分。權惠之,謂侍中孫峻曰: 禮秩宜異,於是分宮別僚,而隨端開矣。 太常顧譚、驃騎將軍朱據、會稽太守滕胤、大都督施績、尚書丁密等奉禮而行,宗事太子,驃騎將軍步騰、鎭南將 自侍御賓客造爲二端,仇黨疑貳,滋延大臣。 丞相陸遜、大將軍諸葛恪

吳

吳主五子傳第十四

「子弟不睦,臣下分部,將有袁氏之敗,爲天下笑。一人立者,安得不亂?」於是有改嗣之規矣。

此事,則其餘不足觀矣!呂岱、全琮之徒,蓋所不足論耳。 猶將義不黨庶,沉霸實無聞,而和爲令嗣乎?夫邪僻之人,豈其舉體無善,但一爲不善,衆美皆亡耳。 騰若果有 劉,唇悖甚矣。步騭以德度著稱,爲吳良臣,而阿附於霸,事同楊竺,何哉?和旣正位,適庶分定,就使才德不殊 臣松之以爲袁紹、劉表謂尚、琮爲賢,本有傳後之意,異於孫權旣以立和而復寵霸,坐生亂階,自構家禍,方之袁、

(三)吳歷曰:晃入,口諫曰:「太子仁明,顯聞四海。今三方鼎跱,實不宜搖動太子,以生衆心。 諫亡身。封晃子緒爲東陽亭侯,弟幹、恭爲立義都尉。」緒後亦至尚書僕射。 晃,汝南人,見胡冲答問。 雖死,猶生之年。」叩頭流血,辭氣不撓。權不納晃言,斥還田里。孫晧卽位,詔曰:「故僕射屈晃,志匡社稷,忠 願陛下少垂聖慮,老臣

· 吳書曰:張純亦盡言極諫,權幽之,遂棄市。

〔三〕吳書曰:權寢疾,意頗感寤,欲徵和還立之,全公主及孫峻、孫弘等固爭之,乃止。

勝他人。」此言頗泄。又恪有徙都意,使治武昌宮,民間或言欲迎和。及恪被誅,孫峻因此 舅也。妃使黃門陳遷之建業上疏中宮,幷致問於恪。臨去,恪謂遷曰:「爲我達妃,期當使 奪和璽綬,徙新都,又遣使者賜死。和與妃張辭別,張曰:「吉凶當相隨,終不獨生活也。」 太元二年正月,封和爲南陽王,遣之長沙。〔〕四月,權薨,諸葛恪秉政。恪卽和妃張之

(一) 吳書曰: 和之長沙, 行過蕪湖, 有鵲巢于帆檣, 故官寮聞之皆憂慘, 以爲檣末傾危, 非久安之象。 或言鵲巢之詩有

亦自殺,舉邦傷焉。

「積行累功以致爵位」之言,今王至德茂行,復受國土,儻神靈以此告寤人意乎?

明日,望拜於東門之外。其翌日,拜廟薦祭,歔欷悲感。比七日三祭,倡技晝夜娛樂。有司 廟。 太守,四時奉祠。有司奏言,宜立廟京邑。寶鼎二年七月,使守大匠薛珝營立寢堂,號日淸 改葬明陵,置園邑二百家,令、丞奉守。後年正月,又分吳郡、丹楊九縣爲吳興郡,治鳥程,置 奏言「祭不欲數,數則黷,宜以禮斷情」,然後止。〔三〕 時引見仁,親拜送於庭。[1]靈輿當至,使丞相陸凱奉三牲祭於近郊,皓於金城外露宿。 十二月,遣守丞相孟仁、太常姚信等備官僚中軍步騎二千人,以靈輿法駕,東迎神於明 孫休立,封和子晧爲鳥程侯,自新都之本國。 休薨,皓卽阼,其年追諡父和曰文皇帝,

- 〔1〕吳書曰:比仁還,中使手詔,日夜相繼,奉問神靈起居動止。巫覡言見和被服、顏色如平(生)日, 晧悲喜涕淚, 召公卿尙書詣闕門下受賜 悉
- (三) 吳歷曰: 和四子: 皓、德、謙、俊。孫休卽位,封德錢唐侯,謙永安侯,俊拜騎都尉。 皓在武昌,吳興施但因民之不 但遂前到九里,固、閥出擊,大破之。但兵裸身無鎧甲,臨陳皆披散。謙獨坐車中,遂生獲之。固不敢殺,以狀告 時, 時就之, 母子皆死。 俊, 張承外孫, 聰明辨惠, 為遠近所稱, 階又殺之。 堪命,聚萬餘人,劫謙,將至秣陵,欲立之。 未至三十里住,擇吉日,但遣使以謙命詔丁固、諸葛觀。 視即斬其使。

孫霸字子威,和(同母)弟也。 和爲太子。霸爲魯王,寵愛崇特,與和無殊。頃之,和、霸不

您,不審陛下何以解之。若無以解異國,則亦無以釋境內。 境內守疑,異國興謗,非所以育 流,而西北二隅,去國不遠,異同之語,易以聞達。聞達之日,聲論當興,將謂二宮有不順之 以寢息不寧。就如所嫌,猶宜補察,密加斟酌,不使遠近得容異言。臣懼積疑成謗,久將宣 觀聽小宜,期於溫故博物而已,然非臣下傾企喁喁之至願也。或謂二宮不邍典式,此臣所 備衞,抑絕賓客,使四方禮敬,不復得通,雖實陛下敦尚古義,欲令二宮專志於學,不復顧慮 所以歸德,勤命二宮賓延四遠,使異國聞聲,思爲臣妾。今旣未垂意於此,而發明詔,省奪 茂,自正名建號,於今三年,德行內著,美稱外昭,西北二隅,久所服聞。謂陛下當副順遐邇 之基。頃聞二宮並絕賓客,遠近悚然,大小失望。竊從下風,聽採衆論,咸謂二宮智達英 穆之聲聞於權耳,權禁斷往來,假以精學。督軍使者羊衛上疏曰:「臣聞古之有天下者,皆 先顯別適庶,封建子弟,所以尊重祖宗,爲國藩表也。
一宫拜授,海內稱宜,斯乃大吳興隆 巍巍,鎭社稷也。願陛下早發優詔,使二宮周旋禮命如初,則天淸地晏,萬國幸甚矣。」

<u>烂屍于江,兄穆以數諫戒烂,得</u>発大辟,猶徙南州。 霸賜死後,又誅寄、安、奇等,咸以黨霸 和故也。 時全寄、吳安、孫奇、楊竺等陰共附霸,圖危太子。潛毀旣行,太子以敗,霸亦賜死。流

霸二子,基、壹。五鳳中,封基爲吳侯,壹宛陵侯。基侍孫亮在內,太平二年,盜乘御

爾那 稽烏傷縣 迫乎? 下哀原之。」亮曰:「法者,天下所共,何得阿以親親故邪。當思惟可以釋此者,奈何以情相 」玄曰:「舊赦有大小,或天下,亦有千里、五百里赦,隨意所及。」亮曰:「解人不當 乃赦宮中,基以得免。 亮問侍中刁玄曰:「盜乘御馬罪云何?」玄對曰:「科應死。然魯王早終,惟陛 孫皓即位,追和、霸舊隙,削基、壹爵土,與祖母謝姬俱徙會

宗祀。 此則 王有制 日,分遣諸王,各早就國,詔策殷勤,科禁嚴峻,其所戒敕,無所不至,誠欲上安宗廟,下全諸 至於太彊,輒爲不軌,上則幾危社稷,下則骨肉相殘,其後懲戒,以爲大諱。自光武以來,諸 尊,與天同位,是以家天下,臣父兄,四海之內,皆爲臣妾。 仇讎有善,不得不舉,親戚有惡, 欲諸王處江濱兵馬之地,徙奮於豫章。奮怒,不從命,又數越法度。 不得不誅,所以承天理物,先國後身,蓋聖人立制,百代不易之道也。 前世得失之驗也。 孫奮字子揚,霸弟也,母曰仲姬。太元二年,立爲齊王,居武昌。 此乃天下愚智,所共嗟痛。大行皇帝覽古戒今,防芽遏萌,慮於千載。 ,惟得自娛於宮內,不得臨民,干與政事,其與交通,皆有重禁,遂以全安,各保福祚。 近袁紹、劉表各有國土,土地非狹,人衆非弱, **昔漢初興**,多王子弟, 恪上牋諫曰:「帝王之 以適庶不分,遂滅其 權薨,太傅諸葛恪不 是以寢疾之

將 今。 恭敬之節,下當裁抑驕恣荒亂以爲警戒。而聞頃至武昌以來,多違詔敕,不拘制度,擅發諸 禁,當如我何』 陳道,當納用之,而聞怒錡,有收縛之語。 呂岱親受先帝詔敕,輔導大王,旣不承用其言,令懷憂怖。 將兵治護宮室。 帝法教,懷輕慢之心,臣下寧負大王,不敢負先帝遺詔,寧爲大王所怨疾,豈敢忘尊主之威, 王,使百世相承 福慶之基原,是以不自知言至,願蒙三思。」 口 而令詔敕不行於藩臣邪?此古今正義,大王所照知也。 不可悔。 惟疾者能甘之。 大王宜深以魯王爲戒,改易其行,戰戰兢兢,盡敬朝廷,如此則無求不得。 向使魯王早納忠直之言,懷驚懼之慮,享祚無窮,豈有滅亡之禍哉?夫良藥苦 ?聞此之日,大小驚怪,莫不寒心。 ,無凶國害家之悔也。大王宜上惟太伯順父之志,中念河間獻王、東海王彊 又左右常從有罪過者,當以表聞,公付有司,而擅私殺,事不明白。 忠言逆耳,惟達者能受之。 叉中書楊融,親受詔敕,所當恭肅,云『正自不聽 今者恪等慺慺欲爲大王除危殆於萌芽,廣 里語曰:"明鏡所以照形, 古事所以知 夫福來有由,禍來有漸,漸生不**憂**, 華錡先帝近臣,忠良正直,其所 若薬忘先 大司馬

傳相謝慈等諫奮,奮殺之。〔〕坐廢爲庶人,徙章安縣。 奮得牋懼,遂移南昌,游獵彌甚,官屬不堪命。 及恪誅,奮下住蕪湖,欲至建業觀變。 太平三年,封爲章安侯。〔三

(三) 江表傳載亮韶曰:「齊王奮前坐殺吏、廢爲庶人,連有赦令、獨不見原,縱未宜復王,何以不侯?又諸孫兄弟作將,

列在江渚,孤有兄獨爾云何?」有司奏可,就拜爲侯。

死,訛言奮與上虞侯奉當有立者。奮母仲姬墓在豫章,豫章太守張俊疑其或然,掃除墳塋。 建衡二年,孫晧左夫人王氏卒。晧哀念過甚,朝夕哭臨,數月不出,由是民間或謂晧

時聞之,車裂俊,夷三族,誅奮及其五子,國除。[]]

(二) 江表傳曰:豫章吏十人乞代俊死,晧不聽。奮以此見疑,本在章安,徙還吳城禁錮,使男女不得通婚,或年三十四

十不得嫁娶。奮上表乞自比禽獸,使男女自相配偶。階大怒,遣察戰齎藥賜奮,奮不受藥,叩頭千下,曰:「老臣

十四十也。若先已長大,自失時未婚娶,則不由階之禁錮矣。此雖欲增晧之惡,然非實理。 臣松之案:建衡二年至曆之死,孫晧即位,尚猶未久。若曆未被疑之前,兒女年二十左右,至曆死時,不得年三

評曰:孫登居心所存,足爲茂美之德。 慮、和並有好善之姿,規自砥礪,或短命早終,或

不得其死,哀哉!霸以庶干適,奮不遵軌度,固取危亡之道也。然奮之誅夷,橫遇飛禍矣。

賀全呂周鍾離傳第十五

反,轉守太末長,誅惡養善,期月盡平。 糾合,衆千餘人,舉兵攻縣。齊率吏民,開城門突擊,大破之,威震山越。後太末、豐浦民 簿諫曰:「從,縣大族,山越所附,今日治之,明日寇至。」齊聞大怒,便立斬從。 賀齊字公苗,會稽山陰人也。〔〕少爲郡吏,守剡長。縣吏斯從輕俠爲姦,齊欲治之,主 從族黨遂相

(1) 虞預晉書曰:賀氏本姓慶氏。齊伯父純,儒學有重名,漢安帝時爲侍中、江夏太守,去官,與江夏黃瓊、(漢中)〔廣 漢〕楊厚俱公車徵。避安帝父孝德皇(帝) 諱、改爲賀氏。齊父輔、永寧長。

共殺升,雅稱無上將軍,彊稱會稽太守。賊盛兵少,未足以討,齊住軍息兵。雅與女壻何雄 遣使乞盟。齊因告喻,爲陳禍福,升遂送上印綬,出舍求降。賊帥張雅、詹彊等不願升降,反 韓晏領南部都尉,將兵討升,以齊爲永寧長。晏爲升所敗,齊叉代晏領都尉事。升畏齊威名, 建安元年,孫策臨郡,察齊孝廉。時王朗奔東冶,候官長商升爲朗起兵。策遣永寧長

吳書

賀全呂周鍾離傳第十五

爭勢兩乖,齊令越人因事交構,遂致疑隙,阻兵相圖。 齊乃進討,一戰大破雅, 彊黨震懼 率衆出降。

鼓角,齊勒兵待之。賊夜聞鼓聲四合,謂大軍悉已得上,驚懼惑亂,不知所爲,守路備險者, 處,以弋拓(斬山)〔塹〕爲緣道,夜令潛上,乃多縣布以援下人,得上百數人,四面流布,俱鳴 軍住經日,將吏患之。齊身出周行,觀視形便,陰募輕捷士,爲作鐵弋,密於隱險賊所不備 六千級,名帥盡禽,復立縣邑,料出兵萬人,拜爲平東校尉。十年,轉討上饒,分以爲建平縣 之。臨陳斬明,其免、當、進、御皆降。轉擊蓋竹,軍向大潭,(三)〔一〕將又降。凡討治斬首 見部伍,辭不肯留。齊乃斬蕃,於是軍中震慄,無不用命。遂分兵留備,進討明等,連大破 餘汗。齊以爲賊衆兵少,深入無繼,恐爲所斷,令松陽長丁蕃留備餘汗。 屯漢興,吳五六千戶別屯大潭,鄒臨六千戶別屯蓋竹,(大潭)同出餘汗。 千兵,各使本縣長將之,皆受齊節度。賊洪明、洪進、苑御、吳兔、華當等五人,率各萬戶,連 葉鄉爲始新縣。 戶屯林歷山。 候官旣平,而建安、漢興、南平復亂,齊進兵建安,立都尉府,是歲八年也。郡發屬縣五 十三年,遷威武中郎將,討丹陽黟、歙。時武彊、葉鄉、東陽、豐浦四鄉先降,齊表言以 林歷山四面壁立,高數十丈,徑路危狹,不容刀楯,賊臨高下石,不可得攻。 而緣賊帥金奇萬戶屯安勒山,毛甘萬戶屯烏聊山,黟帥陳僕、祖山等二萬 晋干。軍討漠興,經 蕃本與齊鄰城,恥

皆走還依衆。大軍因是得上,大破僕等,其餘皆降,凡斬首七千。〔1〕齊復表分歙爲新定、黎

陽、休陽。并黟、歙凡六縣,權遂割爲新都郡,齊爲太守,立府於始新,加偏將軍

(一)抱朴子曰:昔吳遣賀將軍討山賊,賊中有善禁者,每當交戰,官軍刀劍不得拔,弓弩射矢皆還自向,輒致不利。 將軍長情有思,乃曰:「吾聞金有刃者可禁,蟲有毒者可禁,其無刃之物,無毒之蟲,則不可禁。彼必是能禁吾兵 者也,必不能禁無刃物矣。」乃多作勁木白棓,選有力精卒五千人爲先登,盡捉棓。 彼山賊恃其有善禁者, 賀

嚴備。於是官軍以白棓擊之,彼禁者果不復行,所擊殺者萬計。

就車。 水縣。〔〕彼命詣所在,及當還郡,權出祖道,作樂舞象。〔三 賜齊朝車駿馬,罷坐住駕,使齊 非積行累勤,此不可得。」 十六年,吳郡餘杭民郎稚合宗起賊,復數千人,齊出討之,即復破稚,表言分餘杭爲臨 齊辭不敢,權使左右扶齊上車,令導吏卒兵騎,如在郡儀。權望之笑曰:「人當努力, 去百餘步乃旋。

(一)吳錄曰:晉改爲臨安。

三、災害曰:權謂齊曰:「今定天下,都中國,使殊俗買珍,狡獸卒舞,非君誰與?」齊曰:「殿下以神武應期,鄭開王 業,臣幸遭際會,得驅馳風塵之下,佐助末行,效鷹犬之用,臣之願也。 若殊俗貢珍,狡獸率舞,宜在聖德,非臣所

能

十八年,豫章東部民彭材、李玉、王海等起爲賊亂,衆萬餘人。齊討平之,誅其首惡,餘

皆降服。揀其精健爲兵,次爲縣戶。遷奮武將軍

吳

二十年,從權征合肥。時城中出戰,徐盛被創失矛,齊引兵拒擊,得盛所失。〔1〕

(1) 江表傳曰:權征合肥還,爲張遼所掩襲於津北,幾至危殆。齊時率三千兵在津南迎權。權旣入大船,會諸將飮 宴,齊下席涕泣而言曰:「至尊人主,常當持重。今日之事,幾至禍敗,羣下震怖,若無天地,願以此爲終身誡。」

權自前收其淚曰:「大慚!謹以尅心,非但書諸紳也。」

遜討破突,斬首數千,餘黨震服,丹楊三縣皆降,料得精兵八千人。拜安東將軍,封山陰侯, 二十一年,鄱陽民尤突受曹公印綬,化民爲賊,陵陽、始安、涇縣皆與突相應。齊與陸

分,將士失色,賴齊未濟,偏軍獨全,諸將倚以爲勢。 黃武初,魏使曹休來伐,齊以道遠後至,因住新市爲拒。會洞口諸軍遭風流溺,所亡中

出鎭江上,督扶州以上至皖。

節領徐州牧。 文畫,弓弩矢箭,咸取上材,蒙衝鬭艦之屬,望之若山。、休等憚之,遂引軍還。遷後將軍,假 齊性奢綺,尤好軍事,兵甲器械極爲精好,所乘船雕刻丹鏤,青蓋絳襜,干櫓戈矛,葩瓜

軍初罷,六月盛夏,出其不意,詔齊督麋芳、鮮于丹等襲蘄春,遂生虜宗。後四年卒,子達及 弟景皆有令名,爲佳將。〔〕〕 初一晉宗爲戲口將,以衆叛如魏,還爲蘄春太守,圖襲安樂,取其保質。權以爲恥忿,因

[一] 會稽典錄曰:景爲滅賊校尉,御衆嚴而有恩,兵器精飾,爲當時冠絕,早卒。」達頗任氣,多所犯迕, 勞,而爵位不至,然輕財貴義,膽烈過人。子質,位至虎牙將軍。景子邵,別有傳。 故雖有征戰之

餘人,出屯牛渚,稍遷偏將軍。 與共有無,遂顯名遠近。後權以爲奮威校尉,授兵數千人,使討山越。因開募召,得精兵萬 贈,不及啓報。」柔更以奇之。〔1〕是時中州士人避亂而南,依琮居者以百數,琮傾家給濟, 皆散用,空船而還。柔大怒,踪頓首曰:「愚以所市非急,而士大夫方有倒縣之患,故便振 孫權爲車騎將軍,以柔爲長史,徙桂陽太守。柔嘗使琮齎米數千斛到吳,有所市易。踪至, 歸,州辟別駕從事,詔書就拜會稽東部都尉。 全琮字子璜,吳郡錢唐人也。父柔,漢靈帝時舉孝廉,補尙書郎右丞,董卓之亂,棄官 孫策到吳,柔舉兵先附,策表柔爲丹楊都尉。

(一)徐衆評曰:禮,子事父無私財,又不敢私施,所以避尊上也。棄命專財而以邀名,未盡父子之禮。 以先人急,斯亦馮煖市義、汲黯振救之類,全謂邀名,或負其心。 臣松之以爲子路問「聞斯行諸」?子曰「有父兄在」。 踪刺散父財,誠非子道,然士類縣命,憂在朝夕,權其輕

之,恐事泄,故寢踪表不答。及禽羽,權置酒公安,顧謂琮曰:「君前陳此,孤雖不相答,今日 建安二十四年,劉備將關羽圍樊、襄陽,琮上疏陳羽可討之計,權時已與呂蒙陰議襲

書

賀全呂周鍾離傳第十五

之捷,抑亦君之功也。」於是封陽華亭侯。

常帶甲仗兵,伺候不休。頃之,敵數千人出江中,踪擊破之,梟其將軍尹盧。遷踪綏南將軍, 黃武元年,魏以舟軍大出洞口,權使呂範督諸將拒之,軍營相望。 敵數以輕船鈔擊,琮

進封錢唐侯。四年,假節領九江太守。

萬餘人。權召踪還牛渚,罷東安郡。〔三〕黃龍元年,遷衞將軍、左護軍、徐州牧,〔三〕尙公主。 **寇賊,攻沒屬縣,權分三郡險地爲東安郡,琮領太守。〔〕至,明賞罰,招誘降附,數年中,得** 七年,權到院,使琮與輔國將軍陸遜擊曹休,破之於石亭。是時丹楊、吳、會山民復爲

- (一) 吳錄曰: 琮時治富春。
- (三)江表傳曰:除還,經過錢唐,脩祭墳墓,麾幢節蓋,曜於舊里,請會邑人平生知舊、宗族六親,施散惠與,千有餘萬, 本土以爲榮。
- \subseteq 吳書曰:初,琮爲將甚勇決,當敵臨難,奮不顧身。及作督帥,養威持重,每御軍,常任計策,不營小利 江表傳曰:權使子登出征,已出軍,次于安樂,羣臣莫敢諫。 踪密表曰:「古來太子未嘗偏征也,故從曰撫軍,守曰 今太子東出,非古制也,臣竊憂疑。」權即從之,命登旋軍,議者咸以爲琮有大臣之節也

舉不百全者,非國家大體也。今分兵捕民,得失相半,豈可謂全哉?縱有所獲,猶不足以弱 嘉禾二年,督步騎五萬征六安,六安民皆散走,諸將欲分兵捕之。琮曰:「夫乘危徼倖,

敵而副國望也。 如或邂逅,虧損非小,與其獲罪,除寧以身受之,不敢徼功以負國也。」

悔之。後言次及之,琮對曰:「當是時,羣臣有不諫者,臣以爲不忠。」 之兵,以冀萬一之利,愚臣猶所不安。」權不聽。 圍珠崖及夷州,皆先問踪,踪曰:「以聖朝之威,何向而不克?然殊方異域,隔絕障海,水土 氣毒,自古有之,兵入民出,必生疾病,轉相汚染,往者懼不能反,所獲何可多致。猥虧江岸 赤鳥 九年,遷右大司馬、左軍師。 爲人恭順,善於承顏納規,言辭未嘗切迕。 軍行經歲,士衆疾疫死者十有八九,權深 初,權將

嗣。 後襲業領兵,救諸葛誕于壽春,出城先降,魏以爲平東將軍,封臨湘侯。 **琮旣親重,宗族子弟並蒙寵貴,賜累千金,然猶謙虛接士,貌無驕色。** 十二年卒,子懌 懌兄子禪、儀

吳書曰:除長子緒,幼知名,奉朝請,出授兵,稍遷揚武將軍、牛渚督。孫亮卽位,遷鎭北將軍。 東關之役,緒與丁 |奉建議引兵先出,以破||魏軍,封一子亭侯,年四十四卒。 次子||寄,坐阿黨||魯王||霸賜死。 小子吳,孫權外孫,封都鄉

權親斷諸縣倉庫及囚繫,長丞皆見,岱處法應問,甚稱權意,召署錄事,出補餘姚長,召募精權 呂岱字定公,廣陵海陵人也,爲郡縣吏,避亂南渡。 孫權統事,岱詣幕府,出守吳丞。

一三八四

兵討之,遂禽合、狼,五縣平定,拜昭信中郎將。[1] 健,得千餘人。 東治五縣賊呂合、秦狼等爲亂,權以岱爲督軍校尉,與將軍蔣欽等將

(一) 吳書曰:建安十六年,岱督郎將尹異等,以兵二千人西誘漢中賊帥張魯到漢興卷城,魯嫌疑斷道,事計不立,權遂

建安二十年,督孫茂等十將從取長沙三郡。又安成、攸、永新、茶陵四縣吏共入陰山

召岱還。

關羽,復爲反亂。碭據攸縣,龍在醴陵。權遣橫江將軍魯肅攻攸,碭得突走。岱攻醴陵,遂 城,合衆拒岱,岱攻圍,即降,三郡克定。權留岱鎭長沙。安成長吳碭及中郎將袁龍等首尾

禽斬龍,遷廬陵太守。

害,權又詔岱討之,生縛金,傳送詣都,斬首獲生凡萬餘人。遷安南將軍,假節,封都鄕侯。 都尉。又鬱林夷賊攻圍郡縣,岱討破之。是時桂陽 延康元年,代步騭爲交州刺史。到州,高凉賊帥錢博乞降,岱因承制,以博爲高凉西部 **湞陽賊王金合衆於南海界上,首亂爲**

藉累世之恩,爲一州所附,未易輕也。」岱曰:「今徽雖懷逆計,未虞吾之卒至,若我潛軍輕 承命,舉兵戍海口以拒良等。 岱於是上疏請討徽罪,督兵三千人晨夜浮海。 或謂岱曰:「徽 南三郡爲交州,以將軍戴良爲刺史,海東四郡爲廣州,岱自爲刺史。 交阯太守士燮卒,權以燮子徽爲安遠將軍,領九眞太守,以校尉陳時代燮。岱表分海 遣良與時南入,而徽不

徼外扶南、林邑、堂明諸王,各遣使奉貢。 權嘉其功,進拜鎭南將軍。 是除廣州,復爲交州如故。 袒迎岱。 誰能圖之?」遂行,過合浦,與良俱進。徽聞岱至,果大震怖,不知所出,卽率兄弟六人肉 舉,掩其無備,破之必也。稽留不速,使得生心,嬰城固守,七郡百蠻,雲合響應,雖有智者, 岱皆斬送其首。 徽大將甘醴、桓治等率吏民攻岱,岱奮擊大破之,進封番禺侯。於 岱既定交州,復進討九眞,斬獲以萬數。 又遣從事南宣國化,暨

裁之。」 郡晏然,無忧惕之驚,又得惡民以供賦役,重用歎息。賞不踰月,國之常典,制度所宜,君其 致梟首;桓凶狡反覆,已降復叛。 春偏將軍,使領其衆,遂爲列將,桓、厲等皆見斬獲,傳首詣都。 冶賊隨春、南海賊羅厲等一時並起。權復詔岱督劉纂、唐咨等分部討擊,春卽時首降,岱拜 定之。嘉禾三年,權令岱領潘璋士衆,屯陸口,後徙蒲圻。 於是益著。 黃龍三年,以南土清定,召岱還屯長沙漚口。[1] 會武陵蠻夷蠢動,岱與太常潘濬共討 元惡既除,大小震懾,其餘細類,掃地族矣。 前後討伐,歷年不禽, 自今已去,國家永無南顧之虞,三 非君規略,誰能梟之?忠武之節, 四年,廬陵賊李桓、路合、會稽東 權韶岱日:「厲負險作亂,自

王隱交廣記曰:吳後復置廣州,以南陽滕脩爲刺史。 **丈四尺,封以示脩,脩乃服之。** 或語脩蝦鬚長一丈,脩不信,其人後故至東海,取蝦鬚長四

、 書 賀全呂周鍾離傳第十五

潘濬卒,岱代濬領荆州文書,與陸遜並在武昌,故督蒲圻。頃之,廖式作亂,攻圍城邑,

等駱驛相繼,攻討一年破之,斬式及遣諸所僞署臨賀太守費楊等,幷其支黨,郡縣悉平,復 副軍校尉,監兵蒲圻。孫亮卽位,拜大司馬。 遜卒,諸葛恪代遜,權乃分武昌爲兩部,岱督右部,自武昌上至蒲圻。遷上大將軍,拜子凱 此足下過廉頗也,何其事事快也。周易有之,禮言恭,德言盛,足下何有盡此美耶!」及陸 悅其美。加以文書鞅掌,賓客終日,罷不舍事,勞不言倦,又知上馬輒自超乘,不由跨躡,如 兩作歌,今則足下與陸子也。 忠勤相先,勞謙相讓,功以權成,化與道合,君子歎其德,小人 還武昌。時年已八十,然體素精勤,躬親王事。奮威將軍張承與岱書曰:「昔日奭翼周,二 零陵、蒼梧、鬱林諸郡騷擾,岱自表輒行,星夜兼路。權遣使追拜岱交州牧,及遣諸將唐咨

曰:「呂岱出身萬里,爲國勤事,家門內困,而孤不早知。股肱耳目,其責安在?」於是加賜 岱清身奉公,所在可述。

初在

交州,歷年不餉家,妻子飢乏。

權聞之歎息,以讓羣臣

錢米布絹,歲有常限。

以貴德淵者也。」及原死,岱哭之甚哀,曰:「德淵,呂岱之益友,今不幸,岱復於何聞過?」 御史。原性忠壯,好直言,岱時有得失,原輒諫諍,叉公論之,人或以告岱,岱歎曰:「是我所 始,岱親近吳郡徐原,慷慨有才志,岱知其可成,賜巾禱,與共言論,後遂薦拔,官至侍

談者美之。

奉行之。 太平元年,年九十六卒,子凱嗣。 遺令殯以素棺,疏巾布構,葬送之制,務從約儉,凱皆

民帥小醜不足仗任,事或漏泄,不能致体,乞遣親人齎牋七條以誘休: 義校尉。被命密求山中舊族名帥爲北敵所聞知者,令譎挑魏大司馬揚州牧曹休。魴答,恐 大帥彭綺作亂,攻沒屬城,乃以魴爲鄱陽太守,與胡綜勠力攻討,遂生禽綺,送詣武昌,加昭 蟻聚爲寇,以魴爲錢唐侯相,旬月之間,斬式首及其支黨,遷丹楊西部都尉。黃武中,鄱陽 周魴字子魚,吳郡陽羨人也。少好學,舉孝廉,爲寧國長,轉在懷安。錢唐大帥彭式等

君侯垂日月之光,照遠民之趣,永令歸命者有所戴賴。」 此!不勝翹企,萬里託命。謹遣親人董岑、邵南等託叛奉牋。時事變故,列於別紙,惟明公 首西顧,未嘗不寤寐勞歎,展轉反側也。今因隙穴之際,得陳宿昔之志,非神啓之,豈能致 微薄,名位不昭,雖懷焦渴,曷緣見明。 狐死首丘,人情戀本,而逼所制,奉覿禮違。 每獨矯 其一曰:「魴以千載徼幸,得備州民,遠隔江川,敬恪未顯,瞻望雲景,天實爲之。精誠

其二曰:「魴遠在邊隅,江汜分絕,恩澤教化,未蒙撫及,而於山谷之間,遙陳所懷,懼以

杜絕向化者心,惟明使君遠覽前世,矜而愍之,留神所質,速賜祕報。魴當候望舉動,俟須嚮 **乞降春天之潤,哀拯其急,不復猜疑,絕其委命。事之宣泄,受罪不測,一則傷慈損計,二則** 雖志行輕微,存沒一節,顧非其所,能不悵然!敢緣古人,因知所歸,拳拳輸情,陳露肝膈 矣無貳。豈圖頃者中被橫譴,禍在漏刻,危於投卵,進有離合去就之宜,退有誣罔枉死之咎, 大義,未見信納。夫物有感激,計因變生,古今同揆。魴仕東典郡,始願已獲,銘心立報,永

指關西,江邊諸將無復在者,才留三千所兵守武昌耳。若明使君以萬兵從皖南首江渚,魴 主中營自掩石陽,別遣從弟孫奐治安陸城,脩立邸閣,輂貲運糧,以爲軍儲,又命諸葛亮進 呂範、孫韶等入淮,全踪、朱桓趨合肥,諸葛瑾、步騭、朱然到襄陽,陸議、潘璋等討梅敷。東 故在山草,看伺空隙,欲復爲亂,爲亂之日,魴命訖矣。東主頃者潛部分諸將,圖欲北進。 自披盡,懼以卑賤,未能采納。 焦灼,未知軀命,竟在何時。人居世閒,猶白駒過隙,而常抱危怖,其可言乎!惟當陳愚,重 厚,雖或豐舍,終見翦除。今又令魴領郡者,是欲責後效,必殺魴之趣也。雖尙視息,憂惕 解,因立密計,欲北歸命,不幸事露,誅及嬰孩。膨旣目見靖事,且觀東主一所非薄,燼不復 其三日:「魴所代故太守廣陵王靖,往者亦以郡民爲變,以見譴責,靖勤自陳釋,而終不 願明使君少垂詳察,忖度其言。 今此郡民,雖外名降首,而

軍臨境,傳檄屬城,思詠之民,誰不企踵?願明使君上觀天時,下察人事,中參蓍龜,則足昭 便從此率厲吏民,以爲內應。此方諸郡,前後舉事,垂成而敗者,由無外援使其然耳;若北

往言之不虛也。」

語心計,不宣脣齒,骨肉至親,無有知者。又已敕之,到州當言往降,欲北叛來者得傳之也。 告誓星辰。精誠之微,豈能上感,然事急孤窮,惟天是訴耳。 **魴建此計,任之於天,若其濟也,則有生全之福;邂逅泄漏,則受夷滅之禍。常中夜仰天,** 言悔叛還首。 亡,魄爽怳惚。 其四日:「所遣董岑、邵南少長家門,親之信之,有如兒子,是以特令齎牋,託叛爲辭,目 東主有常科,悔叛還者,皆自原罪。如是彼此俱塞,永無端原。縣命西望,涕 私恐使君未深保明,岑、南二人可留其一,以爲後信。 **' 遣使之日,截生載死,形存氣** 齎教還, 教還故當

成也。 令此閒民知北軍在彼,即自善也。 諸刺姦耳。 盤節未解,山棲草藏,亂心猶存,而今東主圖興大衆,舉國悉出,江邊空曠,屯塢虛損,惟有 其五日:「鄱陽之民,實多愚勁,帥之赴役,未卽應人,倡之爲變,聞聲響抃。 今使君若從皖道進住江上,魴當從南對岸壓口爲應。 若因是際而騷動此民,一旦可得便會,然要恃外援,表裏機互,不爾以往,無所 此閒民非苦飢寒而甘兵寇,苦於征討,樂得北屬,但窮困 若未徑到江岸,可住百里上, 今雖降首,

舉事,不時見應,尋受其禍耳。如使石陽及青、徐諸軍首尾相銜,牽綴往兵,使不得速退者, 則善之善也。魴生在江、淮,長於時事,見其便利,百舉百捷,時不再來,敢布腹心。」

當大成,恨去電速,東得增衆專力討綺,綺始敗耳。願使君深察此言。」 則與靖等同禍。前彭綺時,聞旌麾在逢龍,此郡民大小歡喜,並思立效。 其鑒不遠。今魴歸命,非復在天,正在明使君耳。若見救以往,則功可必成,如見救不時, 然,是事大趣也。私恐石陽城小,不能久留往兵,明使君速垂救濟,誠宜疾密。 **聞豫設科條,當以新贏兵置前,好兵在後,攻城之日,云欲以羸兵填塹,使卽時破,雖未能** 其六曰:「東主致恨前者不拔石陽,今此後舉,大合新兵,幷使潘濬發夷民,人數甚多, 若留一月日閒,事 王靖之變,

仍,乞未罪怪。」 之大事,事宜神密,若省魴牋,乞加隱祕。 瞻見之,知去就之分已決,承引所救畫定。 叉彼此降叛,日月有人,闊狹之閒,輒得聞知。今 都尉印各二百紐,得以假授諸魁帥,獎厲其志,并乞請幢麾數十,以爲表幟,使山兵吏民,目 其七曰:「今舉大事,自非爵號無以勸之,乞請將軍、侯印各五十紐,郎將印百紐,校尉、 伏知智度有常,防慮必深,魴懷憂震灼,啓事蒸

上以光贊洪化,下以輸展萬一,憂心如擣,假寐忘寢。 聖朝天覆,含臣無效,猥發優命,敕臣 **魩因別爲密表曰:「方北有逋寇,固阻河洛,久稽王誅,自擅朔土,臣曾不能吐奇舉善,**

以前 裂瓦 喜怖交集,竊恐此人不可卒得,假使得之,懼不可信,不如令臣譎休,於計爲便。 被報施行。 六軍囊括,虜無孑遺,威風電邁,天下幸甚。 無古人單複之術,加卒奉大略,伀矇狼狽,懼以輕愚,忝負特施,豫懷憂灼。 經年之冀願,逢值千載之一會,輒自督竭,竭盡頑蔽,撰立牋草以誑誘休者,如別紙。 而天弗違,博詢芻蕘,以成盛勳。 :誘致賊休,恨不如計。令於郡界求山谷魁帥爲北賊所聞知者,令與北通。 解,斬獲萬計。 休果信魴,帥步騎十萬,輜重滿道,徑來入院。魴亦合衆,隨陸遜橫截休,休幅 朝廷神謨,欲必致休於步度之中,靈贊聖規,休必自送,使 謹拜表以聞,幷呈牋草,懼於淺局,追用悚息。」 臣聞唐堯先天 臣伏思惟 此臣得以 臣知

疑慮。 之竹帛。」 魴 事捷軍旋,權大會諸將歡宴,酒酣,謂魴曰:「君下髮載義,成孤大事,君之功名,當書 |初建密計時,頻有郎官奉詔詰問諸事,魴乃詣部郡門下,因下髮謝,故休聞之, 不復 加裨將軍,賜爵關內侯。〔一〕

(二)徐霥評曰:夫人臣立功效節,雖非一塗,然各有分也。爲將執桴鼓,則有必死之義,志守則有不假器之義,死必得 所,義在不苟。」魴爲郡守,職在治民,非君所命,自占誘敵,髠剔髮膚,以徇功名,雖事濟受爵,非君子所美。

拔。 魴表乞罷 賊帥董嗣負阻劫鈔, 兵,得以便宜從事 豫章、臨川並受其害。〔〕〕 **魴遣閒諜,授以方策,誘狙殺嗣。** 吾粲、唐咨嘗以三千兵攻守, 嗣弟怖懼,指武昌降於 連月不能

槩

卷六十

陸遜,乞出平地,自改爲善,由是數郡無復憂惕。

(1)臣松之案"孫亮太平二年始立臨川郡,是時未有臨川。

魴在郡十三年卒,賞善罰惡,威恩並行。子處,亦有文武材幹,天紀中爲東觀令、無難

(1) 虞預晉書曰:處入晉,爲御史中丞,多所彈糾,不避疆禦。齊萬年反,以處爲建威將軍,西征,衆寡不敵,處臨陳慷 揚土豪右,而札凶経放恣,爲百姓所苦。泰寧中,王敦誅之,滅其族。 慨,奮不顧身,遂死於戰場,追贈平西將軍。處子用、礼,皆有才力,中與之初,並見寵任。 其諸子姪悉處列位,爲

餘畝。 得寢公憲而從君邪?」收曰:此是郡界,緣君意顧,故來蹔住。今以少稻而殺此民,何心 民繫獄,欲繩以法,牧爲之請。長曰:「君慕承宮,自行義事,「三僕爲民主,當以法率下,何 送還收,收閉門不受。民輸置道旁,莫有取者。 復留?」遂出裝,還山陰,長自往止之,爲釋繫民。民慚懼,率妻子春所取稻得六十斛米, 鍾離牧字子幹,會稽山陰人,漢魯相意七世孫也。〔〕少爰居永興,躬自墾田,種稻二十 臨熟,縣民有識認之,牧曰:「本以田荒,故墾之耳。」 遂以稻與縣人。 縣長聞之,召 牧由此發名。[三]

(一) 會稽典錄曰:收父緒,樓船都尉,兄駰,上計吏,少與同郡謝贊、吳郡顧譚齊名。 牧童與時號爲遲訥,腳常謂人曰:

「牧必勝我,不可輕也。」時人皆以爲不然。

- 續漢書曰:宮字少子,琅邪人,嘗在蒙陰山中耕種禾黍,臨熟,人就認之,宮便推與而去,由是發名,位至左中郎
- **彩** 侯中
- (三)徐衆評曰:牧蹈長者之規。 貴蒼梧之讓,非讓道也;不取尾生之信,非信所也;不許直躬之直,非直體也;不嘉申鳴之忠,非忠意也。今牧 讓非其義,所救非人,非所謂惡不仁者。苟不惡不仁,安得爲仁哉!蒼梧燒娶妻而美,讓於其兄;尾生篤信,水 吾不知也。』『惡不仁者,其爲仁矣。』今小民不展四體,而認人之稻,不仁甚矣,而收推而與之,义浚其罪,斯爲 哉?」答曰:「異乎吾所聞。原憲之問於孔子曰:『克伐怨欲不行焉,可以爲仁乎?』孔子曰:『可以爲難矣,仁則 犯而不校,還而不取,可以爲難矣,未得爲仁讓也。夫聖人以德報德,以直報怨,而收欲以德報怨,非也。 至不去而死;直躬好直,證父攘羊;申鳴牽法,盡忠於君而執其父。忠信直讓,此四行者,聖賢之所貴 問者曰:「如牧所行,犯而不校,又從而救之,直而不有,又還而不受,可不謂之仁讓乎 也。 必不得 然 不

令。 部伍,以充兵役。封秦亭侯,拜越騎校尉。 會建安、鄱陽、新都三郡山民作亂,出收爲監軍使者,討平之。賊帥黃亂、常俱等出其 赤鳥五年,從郎中補太子輔義都尉,遷南海太守。〔1〕 還爲丞相長史,轉司直,遷中書

已,二者何從?吾從孔子也。」

|會稽典錄曰:高凉財率仍弩等破略百姓,殘害吏民,牧越界撲討,旬日降服。又揭陽縣賊率曾夏等衆數千人,歷 十餘年,以侯爵雜繒千匹,下書購募,絕不可得。 牧遺使慰鬱,登皆首服, 自改爲良民。 始興太守洋衙與太常滕

吳

此。在郡四年,以疾去職。 胤書曰:「鍾離子幹吾昔知之不熟,定見其在南海,威恩部伍,智勇分明,加操行清純,有古人之風。」其見貴如

卒官。 家無餘財,士民思之。 子禪嗣,代領兵。 (E) 散,五谿平。遷公安督、揚武將軍,封都鄉侯,徙濡須督。〔〕復以前將軍假節,領武陵太守。 道,緣山險行,垂二千里,從塞上,斬惡民懷異心者魁帥百餘人及其支黨凡千餘級,純等 火貴速之勢也。」敕外趣嚴,掾史沮議者便行軍法。撫夷將軍高尚說收曰:「昔潘太常督兵 遣恩信吏宣教慰勞。」收曰:「不然。外境內侵,誑誘人民,當及其根柢未深而撲取之,此救 禦之?」皆對曰:「今二縣山險,諸夷阻兵,不可以軍驚擾,驚擾則諸夷盤結。宜以漸安,可 諸夷邑君,或起應純,又進攻酉陽縣,郡中震懼。 牧問朝吏曰:「西蜀傾覆,邊境見侵,何以 陵太守,往之郡。魏遣漢葭縣長郭純試守武陵太守,率涪陵民入蜀遷陵界,屯于赤沙,誘致 而明府以三千兵深入,尙未見其利也。」牧曰:「非常之事,何得循舊?」即率所領,晨夜進 五萬,然後以討五谿夷耳。是時劉氏連和,諸夷率化,今旣無往日之援,而郭純已據遷陵, 永安六年,蜀幷于魏,武陵五谿夷與蜀接界,時論懼其叛亂,乃以牧爲平魏將軍,領武

一〕會稽典錄曰:收之在濡須,深以進取可圖,而不敢陳其策,與侍中東觀令朱育宴,慨然歎息。 育謂牧恨於策爵未 副,因謂牧曰:「朝廷諸君,以際會坐取高官,享侯功無與比,不肯在人下,見顧者猶以於邑,況於侯也!」、牧笑而

賢難 也。 答曰:「卿之所言,未獲我心也。馬援有言,人當功多而賞薄。吾功不足錄,而見寵已過當,豈以爲恨?國家不深 相知,而見害朝人,是以默默不敢有所陳。 蒙國威靈自濟,今日何爲常。 丞相討鄱陽,以二千人授吾,潘太常討武陵,吾又有三千人,而朝廷下議,栗吾於彼,使江渚諸督,不復發兵相繼。 王既許而不能,卒隕將成之業,賜劍杜郵。 ;非得賢難,用之難;非用之難,任之難。」 育復曰:「國家已自知侯,以侯之才,無爲不成。愚謂自可陳所懷。」 牧曰:「武安君謂秦王云:『非成業難 向使吾不料時度宜,苟有所陳,至見委以事,不足兵勢,終有敗績之患,何無不成之 若其不然,當建進取之計,以報所受之恩,不徒自守而已, 今國家知吾,不如秦王之知武安,而害吾者有過范睢。 武安君欲爲秦王丼兼六國,恐授事而不見任, 故先陳此言。 大皇帝時, 憤歎以此 得得 陸 秦

= 會稽典錄曰:收次子盛,亦履恭讓,爲尙書郎。 後半年,晉果遣將脩信陵城。晉軍平吳,徇領水軍督,臨陳戰死。 宜城、信陵爲建平援,若不先城,敵將先入。 盛以施績、 弟徇領兵爲將,拜偏將軍,戍西陵,與監軍使者唐盛論地形勢, 留平,智略名將, 屢經於彼,無云當城之者,不然徇計。 謂

難, ,貴重於時,然不檢姦子,獲譏毀名云。 綏靜邦域者也。 評曰:山越好爲叛亂,難安易動,是以孫權不遑外禦,卑詞魏氏。 凡此諸臣,皆克寧內 呂岱清恪在公;周魴 譎略多奇;鍾離收蹈長者之規、全琮有當世之

三國志卷六十一

吳書十六

潘濬陸凱傳第十六

夏從事。 潘濬字承明,武陵漢壽人也。弱冠從宋仲子受學。〔〕年未三十,荆州牧劉表辟爲部江 時沙羨長贓穢不脩,濬按殺之,一郡震竦。後爲湘鄉令,治甚有名。劉備領荆州

以濬爲治中從事。備入蜀,留典州事。

(二) 吳書曰:潛爲人聰察,對問有機理,山陽王粲見而貴異之。 由是知名,爲郡功曹。

賞必行,法不可干,斬首獲生,蓋以萬數,自是羣蠻衰弱,一方寧靜。〔8〕 尊號,拜爲少府,進封劉陽侯,(三)遷太常。 五谿蠻夷叛亂盤結,權假濬節,督諸軍討之。 孫權殺關羽,幷刑土,拜濬輔軍中郎將,授以兵。〔〕遷奮威將軍,封常遷亭侯。〔三權稱

(一) 江表傳曰:權克荆州,將吏悉皆歸附,而濬獨稱疾不見。權遣人以牀就家輿致之,濟伏面著牀席不起,涕泣交橫 尹。此二人,卿荆國之先賢也,初雖見囚,後皆擢用,爲楚名臣。卿獨不然,未肯降意,將以孤異古人之量邪?」 哀咽不能自勝。 權慰勞與語,呼其字曰:「承明,昔觀丁父,都俘也,武王以爲軍帥;彭仲爽,申俘也,文王以爲令

吳

陵屬劉備, 使 不可得,而十餘自起,此亦侏儒觀一節之驗也。」權大笑而納其言,卽遣濬將五千往,果斬平之。 親近以 濟曰:「他是南陽舊姓,頗能弄脣吻,而實無辯論之才。 手巾拭其面,潛起下地拜謝。 外白差督督萬人往討之。 權不聽,特召問潛,滯答:「以五千兵往, 即以爲治中,荆州諸軍事一以諮之。 臣所以知之者,伷昔嘗爲州人設饌, 武陵部從事樊伷誘導諸夷, 足可以擒伷。」 權 [日:「卿 比 至. 日中,食 圖以武 何以 輕

- (三) 吳書曰: 芮玄卒, 濬幷領玄兵, 屯夏口。 玄字文表, 丹楊人。 父祖, 字宣嗣, 從孫堅征伐有功, 堅薦祉爲九江太守, 功封溧陽侯。 後轉吳郡,所在有聲。 年卒,權甚愍惜之。 權爲子登揀擇淑媛,羣臣咸稱玄父祉兄良並以德義文武顯名三世, 玄兄良,字文鸞,隨孫策平定江東,策以爲會稽東部都尉,卒,玄領良兵,拜奮武中郎將,以 故遂娉玄女爲妃焉。 黄武五
- (三) 江表傳曰:權數射雉,潛諫權,權曰:「相與別後,時時蹔出耳,不復如往日之時也。」 潛曰:「天下未定,萬機務多, 射雉非急,弦絕括破,皆能爲害,乞特爲臣故息置之。」潛出,見雉翳故在,乃手自撤壞之。權由是自絕,不復射

雉。

. 吳書 之。潛聞大怒,疏責瀛曰:「吾受國厚恩,志報以命,爾輩在都,當念恭順,親賢慕善,何故與降虜交,以糧餉之?在 遠聞此,心震面熱,惆悵累旬。 度,爲衆作殿,濬遂斬之。其奉法不憚私議,皆此類也。 所媚,不可聽也。」 曰:驃騎將軍步騰屯漚口,求召募諸郡以增兵。 權從之。 中郎將豫章徐宗,有名士也,嘗到京師,與孔融交結,然儒生誕節,部曲寬縱,不 疏到,急就往使受杖一百,促責所餉。」當時人咸怪潛,而審果圖叛誅夷,衆乃歸 權以問潛,潛曰:「豪將在民閒,耗亂爲害,加騰有名勢,在所 歸義隱蕃,以口辯爲豪傑所善, 潛子 翥亦與 周旋, 饋餉 奉節

服

<u>江表傳曰:時濬姨兄零陵蔣琬爲蜀大將軍,或有閒濬於武陵太守衞旌者,云濬遣密使與琬相聞,欲有自託之計。</u>

旌以啓權,權曰:「承明不爲此也。」即封旌表以示於濟,而召旌還,冤官。

矣。」壹大懼,遂解散雍事。 從,潛乃大請百寮,欲因會手刃殺壹,以身當之,爲國除患。 又問:「若此公免退,誰當代之?」壹未答広,太曰:「得無潘太常得之乎?」 左將軍朱據等,皆見禁止。 黃門侍郎謝太語次問壹:「顧公事何如?」壹答:「不能住。」 太 見,無不陳壹之姦險也。 先是,濬與陸遜俱駐武昌,共掌留事,還復故。 赤烏二年,濬卒,子翥嗣。 由此壹龍漸衰,後遂誅戮。 濬求朝, 詣建業, 欲盡辭極諫。 濬女配建昌侯孫慮。(二) 時校事呂壹操弄威柄,奏按丞相顧雍 權引咎責躬,因誚讓大臣,語在權傳。 至,聞太子登已數言之而不見 壹密聞知, 今日代顧公, 稱疾不行。 恐明日便擊君 壹良久曰:「君 濬每進

如其言,不審州里誰當復相代者?」 襄陽記曰:襄陽習溫爲荆州大公平。 大公平,今之州都。 溫曰:「無過於君也。」後祕爲尚書僕射,代溫爲公平,甚得州里之譽。 |祕過辭於溫,問曰:「先君昔曰君侯當爲州里議主,今果

陸凱字敬風,吳郡吳人,丞相遜族子也。黃武初爲永興、諸暨長,所在有治迹,拜建武都

皓與晉平,使者丁忠自北還,說皓弋陽可襲,凱諫止,語在皓傳。 寶鼎元年,遷左丞相。 征北將軍,假節領豫州牧。孫晧立,遷鎭西大將軍,都督巴丘,領荆州牧,進封嘉興侯。 軍,封都鄉侯,轉爲武昌右部督。 朱崖,斬獲有功,遷爲建武校尉。五鳳二年,討山賊陳毖於零陵,斬毖克捷,拜巴丘督、偏將 雖統軍衆,手不釋書。 與諸將共赴壽春,還,累遷盪魏、綏遠將軍。孫休卽位,拜 好太玄,論演其意,以筮輒驗。赤鳥中,除儋耳太守,討

虞,不知所赴。」晧聽凱自視。 皓性不好人視己, 羣臣侍見, 皆莫敢迕。凱說皓曰:「夫君臣無不相識之道, 若卒有不

空,辜無罪,賞無功,使君有謬誤之愆,天爲作妖。而諸公卿媚上以求愛,困民以求饒, 年以來,君威傷於桀紂,君明闇於姦雄,君惠閉於羣孽。無災而民命盡,無爲而國財 時徙都武昌,楊土百姓泝流供給,以爲患苦,又政事多謬,黎元窮匱。 凱上疏曰: 不樂而亡。夫民者,國之根也,誠宜重其食,愛其命。民安則君安,民樂則君樂。自頃 臣聞有道之君,以樂樂民;無道之君,以樂樂身。樂民者,其樂彌長;樂身者,

導君於不義,敗政於淫俗,臣竊爲痛心。今鄰國交好,四邊無事,當務息役養士,實其 廩庫,以待天時。 而更傾動天心,騷擾萬姓,使民不安,大小呼嗟,此非保國養民之術

成其謀。此往事之明證也。 奢侈,目眩於美色,志濁於財寶,邪臣在位,賢哲隱藏,百姓業業,天下苦之,是以遂有 覆巢破卵之憂。 漢所以彊者,躬行誠信,聽諫納賢,惠及負薪,躬請巖穴,廣采博察,以 所繫,非在口之所進退也。昔秦所以亡天下者,但坐賞輕而罰重,政刑錯亂,民力盡於 臣聞吉凶在天,猶影之在形,響之在聲也,形動則影動,形止則影止,此分數乃有

守,可保萬世,而劉氏與奪乖錯,賞罰失所,君恣意於奢侈,民力竭於不急,是以爲晉所 **伐**,君臣見虜。此目前之明驗也。 近者漢之衰末,三家鼎立,曹失綱紀,晉有其政。又益州危險,兵多精彊,閉門固

聞見,百姓所爲煩苛,刑政所爲錯亂,願陛下息大功,損百役,務寬盪,忽苛政。 臣闇於大理,文不及義,智慧淺劣,無復冀望,竊爲陛下惜天下耳。臣謹奏耳目所

童謠言:「寧飮建業水,不食武昌魚;寧還建業死,不止武昌居。」 臣聞翼星爲變,熒惑

叉武昌土地,實危險而塉确,非王都安國養民之處,船泊則沈漂,陵居則峻危,且

作妖,童謠之言,生於天心,乃以安居而比死,足明天意,知民所苦也。

人上,祿延子孫,曾無致命之節,匡救之術,苟進小利於君,以求容媚,荼毒百姓,不爲 臣聞國無三年之儲,謂之非國,而今無一年之畜,此臣下之責也。而諸公卿位處

張,畜積日耗,民有離散之怨,國有露根之漸,而莫之恤也。 民力困窮,鬻賣兒子,調賦 君計也。 此,民可得保,先王之國存焉。 相仍,日以疲極,所在長吏,不加隱括,加有監官,旣不愛民,務行威勢,所在騷擾,更爲 百姓之心。此猶魚鼈得兎毒螫之淵,鳥獸得離羅網之綱,四方之民瓣負而至矣。如 煩苛,民苦二端,財力再耗,此爲無益而有損也。 願陛下一息此輩,矜哀孤弱,以鎭撫 自從孫弘造義兵以來,耕種旣廢,所在無復輸入,而分一家父子異役,廩食日

歲歲相承,此爲無益,願陛下料出賦嫁,給與無妻者。如此,上應天心,下合地意,天下 奢侈,不蹈先迹。 伏聞織絡及諸徒坐,乃有千數,計其所長,不足爲國財,然坐食官廩, 時,後宮列女,及諸織絡,數不滿百,米有畜積,貨財有餘。 先帝崩後,幼、景在位,更改 臣聞五音令人耳不聰,五色令人目不明,此無益於政,有損於事者也。自昔先帝

賢。願陛下簡文武之臣,各勤其官,州牧督將,藩鎭方外,公卿尚書,務脩仁化,上助陛 者也。 臣伏見當今內籠之臣,位非其人,任非其量,不能輔國匡時,羣黨相扶,害忠隱 王聖主取士以賢,不拘卑賤,故其功德洋溢,名流竹素,非求顏色而取好服、捷口、容悅 臣聞殷湯取士於商賈,齊桓取士於車轅,周武取士於負薪,大漢取士於奴僕。明 吳 書 潘濬陸凱傳第十六

下,下拯黎民,各盡其忠,拾遺萬一,則康哉之歌作,刑錯之理淸。 **願陛下留神思臣愚**

定大恨凱,思中傷之,凱終不以爲意,乃心公家,義形於色,表疏皆指事不飾,忠懇內發。 有得以壽終者邪!何以專爲佞邪,穢塵天聽?宜自改厲。不然,方見卿有不測之禍矣。」 時殿上列將何定佞巧便辟,貴幸任事,凱面責定曰:「卿見前後事主不忠,傾亂國政,寧

留神思,訪以時務,各盡其忠,拾遺萬一。」遂卒,時年七十二。 薛瑩、滕脩及族弟喜、抗,或清白忠勤,或姿才卓茂,皆社稷之槙幹,國家之良輔,願陛下重 以國事。奚熙小吏,建起浦里田,欲復嚴密故迹,亦不可聽。姚信、樓玄、賀邵、張悌、郭逴、 建衡元年,疾病,晧遣中書令董朝問所欲言,凱陳:「何定不可任用,宜授外任,不宜委

昌,曾不迴顧,器械軍資,一無所取,在戎果毅,臨財有節。夫夏口,賊之衝要,宜選名將以 表薦禪曰:「禪體質方剛,器幹彊固,董率之才,魯肅不過。及被召當下,徑還赴都,道由武 子禪,初爲黃門侍郎,出領部曲,拜偏將軍。凱亡後,入爲太子中庶子。右國史華覈

鎭戍之,臣竊思惟,莫善於禪。」

疆場,故以計容忍。 初,晧常銜凱數犯顏忤旨,加何定譖構非一,旣以重臣,難繩以法,又陸抗時爲大將在 抗卒後,竟徒凱家於建安。

或曰寶鼎元年十二月,凱與大司馬丁奉、御史大夫丁固謀, 因皓謁廟,欲廢皓立孫休

子。 時左將軍留平領兵先驅,故密語平,平拒而不許,誓以不泄,是以所圖不果。太史郎陳

苗奏晧久陰不雨,風氣迴逆,將有陰謀,晧深警懼云。〔〕〕

1〕吳錄曰:舊拜廟,選兼大將軍領三千兵為衞,凱欲因此兵以圖之,令選曹白用丁奉。1時偶不欲,曰:「更選。」 執據,雖蹔兼,然宜得其人。略曰:「用留平。」凱令其子禪以謀語平。平素與丁奉有隙, 禪未及得宣凱旨,平語 |凱 令

|禪曰:「聞野豬入丁奉營,此凶徵也。」有喜色。||禪乃不敢言,還,因具啓凱,故輟止。

切直,恐非晧之所能容忍也。 以付之。虛實難明,故不著于篇,然愛其指擿峼事,足爲後戒,故鈔列于聞傳左云。 予連從荆、揚來者得凱所諫晧二十事,博問吳人,多云不聞凱有此表。又按其文殊甚 或以爲凱藏之篋笥,未敢宣行,病困,晧遣董朝省問欲言,因

哈遣親近趙欽口詔報凱前表曰:「孤動必遵先帝,有何不平。君所諫非也。 叉建業宮

不利,故避之,而西宮室宇摧朽,須謀移都,何以不可徙乎。」凱上疏曰:

臣竊見陛下執政以來,陰陽不調,五星失暑,職司不忠,奸黨相扶,是陛下不遵先

意驅馳,六軍流離悲懼,逆犯天地,天地以災,童歌其謠。縱令陛下一身得安,百姓愁 帝之所致。日子王者之興,受之於天,脩之由德,豈在宮乎。而陛下不諮之公輔,便盛

勞,何以用治?此不遵先帝一也。

梟之殿堂,屍骸暴棄。 王蕃黃中通理,處朝忠謇,斯社稷之重鎭,大吳之龍逢也,而陛下忿其苦辭,惡其直對, 臣聞有國以賢爲本,夏殺龍逢,殷獲伊摯,斯前世之明效,今日之師表也。 邦內傷心,有識悲悼,咸以吳國大差復存。先帝親賢,陛下反

之,是陛下不遵先帝二也。 臣聞宰相國之柱也,不可不彊,是故漢有蕭、曹之佐,先帝有顧、步之相。 而萬彧

瑣才凡庸之質,昔從家隸,超步紫闄,於彧已豐,於器已溢,而陛下愛其細介, 不訪大

趣,榮以尊輔,越尙舊臣。賢良憤惋,智士赫咤,是不遵先帝三也。

先帝愛民過於嬰孩,民無妻者以妾妻之,見單衣者以帛給之,枯骨不收而取埋之。

而陛下反之,是不遵先帝四也。

是不遵先帝五也。 房無曠積之女。今中宮萬數,不備嬪嬙,外多鰥夫,女吟於中。 昔桀紂滅由妖婦, 幽厲亂在嬖妾,先帝鑒之,以爲身戒,故左右不置淫邪之色,後 風雨逆度, 正由此起,

先帝憂勞萬機,猶懼有失。陛下臨阼以來,游戲後宮,眩惑婦女,乃令庶事多曠,下

吏容姦,是不遵先帝六也。

先帝篤尙朴素,服不純麗,宮無高臺,物不彫飾,故國富民充,姦盜不作。而陛下徵

調州郡,竭民財力,土被玄黃,宮有朱紫,是不遵先帝七也。

任,內非其人,陳聲、曹輔,斗筲小吏,先帝之所棄,而陛下幸之,是不遵先帝八也。 先帝外仗顧、陸、朱、張,內近胡綜、薛綜,是以庶績雍熙,邦內清肅。今者外非其

拘以視瞻之敬,懼以不盡之酒。夫酒以成禮,過則敗德,此無異商辛長夜之飮也,是不 先帝每宴見羣臣,抑損醇醲,臣下終日無失慢之尤,百寮庶尹,並展所陳。而陛下

遵先帝九也。

爵,權以戰兵。 若江渚有難,烽燧互起,則度等之武不能禦侮明也,是不遵先帝十也。 今宮女曠積,而黃門復走州郡,條牒民女,有錢則舍,無錢則取,怨呼道路,母子死 昔漢之桓、靈,親近宦豎,大失民心。今<u>高通、詹廉、羊度,黄門小人,而陛下賞以重</u>

訣,是不遵先帝十一也。

視其弱息。今則不然,夫婦生離,夫故作役,兒從後死,家爲空戶,是不遵先帝十二也。 先帝在時,亦養諸王太子,若取乳母,其夫復役,賜與錢財,給其資糧,時遣歸來,

先帝歎曰:「國以民爲本,民以食爲天,衣其次也,三者,孤存之於心。」今則不然,

農桑並廢,是不遵先帝十三也。

先帝簡士,不拘卑賤,任之鄉閭,效之於事,舉者不虚,受者不妄。今則不然,浮華

者登,朋黨者進,是不遵先帝十四也。

先帝戰士,不給他役,使春惟知農,秋惟收稻,江渚有事,責其死效。今之戰士,供

給衆役,廩賜不贍,是不遵先帝十五也。

夫賞以勸功,罰以禁邪,賞罰不中,則士民散失。 今江邊將士,死不見哀,勞不見

賞,是不遵先帝十六也。

今在所監司,已爲煩猥,無有內使,擾亂其中,一民十吏,何以堪命。昔景帝時,交

阯反亂,實由茲起,是爲遵景帝之闕,不遵先帝十七也。

夫校事,吏民之仇也。先帝末年,雖有呂壹、錢欽,尋皆誅夷,以謝百姓。今復張

立校曹,縱吏言事,是不遵先帝十八也。

先帝時,居官者咸久於其位,然後考績黜陟。今州縣職司,或莅政無幾,便徵召遷

轉,迎新送舊,紛紜道路,傷財害民,於是爲甚,是不遵先帝十九也。

先帝每察竟解之奏,常留心推按,是以獄無寃囚,死者吞聲。今則違之,是不遵先

帝二十也。

若臣言可錄,藏之盟府;如其虛妄,治臣之罪。 願陛下留意。〔三〕

〔一〕 江表傳載凱此表曰:「臣拜受明詔,心與氣結。陛下何心之難悟,意不聰之甚也!」

(三)江表傳曰:
皓所行彌暴,凱知其將亡、上表曰: 「臣聞惡不可積、過不可長;積惡長過,喪亂之源也。 臣聞爲人主者,攘災以德,除咎以義。故湯遭大旱,身禱桑林,熒惑守心,宋景退殿,是以旱魃銷亡,妖星移舍。 廣力肆業,以備有虞。且始徙都,屬有軍征,戰士流離,州郡騷擾,而大功復起,徵召四方,斯非保國致治之漸也。 今宮室之不利,但當克己復禮,篤湯、宋之至道,愍黎庶之困苦,何憂宮之不安, 災之不銷乎。陛下不務脩德,而 柄在臣下,軍有連征之費,民有彫殘之損。賊臣干政,公家空竭。今疆敵當塗,西州傾覆,孤罷之民,宜當畜養, 白髮生於鬢膚,黃耇被於甲胄。天下始靜,晏駕早崩,自含息之類,能言之倫,無不歔欷, 也。臣年已六十九,榮祿已重,於臣過望,復何所冀?所以勤勤數進苦言者,臣伏念大皇帝創基立業,勞苦勤至, 避之,乃可以妨勞役,長坐不利宮乎?父之不安,子亦何倚?』臣拜紙詔,伏讀一周,不覺氣結於胸,而涕泣雨集 過二十稔也。臣常忿亡國之人夏桀、殷紂,亦不可使後人復忿陛下也。臣受國恩,奉朝三世,復以餘年,值遇陛 意。意奢情至,吏日欺民;民離則上不信下,下當疑上,骨肉相克,公子相奔。臣雖愚,闇於天命,以心審之,敗不 **積惡之漸,臣深憂之,此禍兆見矣。 故略陳其要,寫盡愚懷。 陛下宜克己復禮,述脩前德,不可捐棄臣言,而放奢** 不聞非,故設進善之旌,立敢諫之鼓。」武公九十,思聞警戒,詩美其德,士悅其行。臣察陛下無思警戒之義,而有 **臺榭,既致水旱,民又多疾,其不疑也?爲父長安,使子無倚,此乃子離於父,臣離於陛下之象也。臣子一離,雖** 務築宮室,若德之不脩,行之不貴,雖殷辛之瑤臺,秦皇之阿房,何止而不喪身覆國,宗廟作墟乎?夫興土功,高 中,不見省報,於邑歎息,企想應罷。昨食時,被詔曰:『君所諫,誠是大趣,然未合鄙意,如何?此宮殿不利,宜當 九思,社稷存焉。」初,皓始起宮,凱上表諫,不聽,凱重表曰:「臣聞宮功當起,夙夜反側,是以頻煩上事,往往留 下,不能循俗,與衆沈浮。若比干、伍員,以忠見戮,以正見疑,自謂畢足,無所餘恨,灰身泉壤,無負先帝,願陛下 如喪考妣。 是以古人懼 幼主嗣統,

之世,又乏大皇帝之德,可不慮哉?願陛下留意,臣不虚言。」 豫三年。當此之時,寇鈔懾威,不犯我境,師徒奔北,且西阻岷、漢,南州無事,尚猶沖讓,未肯築宮,況陛下危側 皇帝曰:『逆廣游魂,當愛育百姓,何聊趣於不急?』然臣下懇惻,由不獲已,故裁調近郡,苟副衆心,比當就功,猶 念克骨,茅莢不翦,復何益焉?是以大皇帝居于南宫,自謂過於阿房。故先朝大臣,以爲宫室宜厚,備衞非常,大

胤字敬宗,凱弟也。 始爲御史、尚書選曹郎,太子和聞其名,待以殊禮。 會全寄

等阿附魯王霸,與和分爭,陰相諧構,胤坐收下獄,楚毒備至,終無他辭。[1] (二)吳錄曰:太子自懼黜廢,而魯王覬覦益甚。 權時見楊竺,辟左右而論霸之才,竺深述霸有文武英麥,宜爲嫡嗣,於

道。又遣問遜何由知之,遜言胤所述。召胤考問,胤爲太子隱曰:「楊竺向臣道之。」遂共爲獄。竺不勝痛毒,服 共密議,欲令陸遜表諫。旣而遜有表極諫,權疑竺泄之,竺辭不服。權使竺出轉其由,竺白頃惟胤西行,必其所 是權乃許立焉。有給使伏于牀下,具聞之,以告太子。胤當至武昌,往辭太子。太子不見,而微服至其車上,與 是所道。初權疑些泄之,及服,以爲果然,乃斬竺。

就加安南將軍。復討蒼梧建陵賊,破之,前後出兵八千餘人,以充軍用。 軍而南,重宣至誠,遺以財幣。賊帥百餘人,民五萬餘家,深幽不羈,莫不稽顙,交域淸泰。 史、安南校尉。胤入南界,喻以恩信,務崇招納,高涼渠帥黃吳等支黨三千餘家皆出降。引 後爲衡陽督軍都尉。赤烏十一年,交阯九眞夷賊攻沒城邑,交部騷動。 以胤爲交州刺

永安元年,徵爲西陵督,封都亭侯,後轉(左)[在]虎林。中書丞華覈表薦胤曰:「胤天姿

州,十有餘年,賓帶殊俗,寶玩所生,而內無粉黛附珠之妾,家無文甲犀象之珍,方之今臣, 横被,化感人神,遂憑天威,招合遺散。至被詔書當出,民感其恩,以忘戀土,負老攜幼,甘 聰朗,才通行絜,昔歷選曹,遺迹可紀。還在||交州,奉宣朝恩,流民歸附,海隅肅清。 之者衆。若召還都,寵以上司,則天工畢脩,庶績咸熙矣。」 心景從,衆無攜貳,不煩兵衞。自諸將合衆,皆脅之以威,未有如胤結以恩信者也。銜命在 南海,歲有(舊)[暴]風瘴氣之害,風則折木,飛砂轉石,氣則霧鬱,飛鳥不經。 自胤至州,風 實難多得。宜在攀轂,股肱王室,以贊唐虞康哉之頌。江邊任輕,不盡其才,虎林選督,堪 氣絕息,商旅平行,民無疾疫,田稼豐稔。 州治臨海,海流秋鹹,胤又畜水,民得甘食。 惠風 蒼梧

胤卒,子式嗣,爲柴桑督、揚武將軍。天策元年,與從兄禕俱徙建安。天紀二年,召還

建業,復將軍、侯。

評曰:潘濬公淸割斷,陸凱忠壯質直,皆節槩梗梗,有大丈夫格業。 胤身絜事濟,著稱

土,可謂良牧矣。

三國志卷六十二

吳書十七

是儀胡綜傳第十七

是儀字子羽,北海營陵人也。本姓氏,初爲縣吏,後仕郡, 郡相孔融嘲儀, 言「氏」字

「民」無上,可改爲「是」,乃遂改焉。(二後依劉繇,避亂江東。 繇軍敗,儀徙會稽。 〔一〕徐衆評曰:古之建姓,或以所生,或以官號,或以祖名,皆有義體,以明氏族。 故曰胙之以土而命之氏, 此先王之 典也,所以明本重始,彰示功德,子孫不忘也。 今離文析字,橫生忌諱,使儀易姓,忘本誣祖,不亦謬哉! 敎人易

孫權承攝大業,優文徵儀。到見親任,專典機密,拜騎都尉。

姓,從人改族,融旣失之,儀又不得也。

呂蒙圖襲關羽,權以問儀,儀善其計,勸權聽之。從討羽,拜忠義校尉。儀陳謝,權令

曰:「孤雖非趙簡子,卿安得不自屈爲周舍邪?」

受。 **黃武中,遣儀之皖就將軍劉邵,欲誘致曹休。**休到,大破之,遷偏將軍,入闕省尚書事, 旣定荆州,都武昌,拜裨將軍,後封都亭侯,守侍中。欲復授兵,儀自以非材,固辭不

吳

外總平諸官,兼領辭訟,又令教諸公子書學。

自取夷滅,爲不忠之鬼!顧以聞知當有本末。」據實答問,辭不傾移。權遂舍之,嘉亦得 於是見窮詰累日,詔旨轉厲;羣臣爲之屛息。儀對曰:「今刀鋸已在臣頸,臣何敢爲嘉隱諱, 太守刁嘉謗訕國政,權怒,收嘉繫獄,悉驗問。時同坐人皆怖畏壹,並言聞之,儀獨云無聞 侯。後從太子還建業,復拜侍中、中執法,平諸官事、領辭訟如舊。典校郎呂壹誣白故江夏 大駕東遷,太子登留鎭武昌,使儀輔太子。太子敬之,事先諮詢,然後施行。進封都鄉

(一)徐衆評曰:是儀以羈旅異方,容仕吳朝,值證邪殄行,當嚴毅之威,命縣漏刻,禍急危機,不雷同以害人,不苟免以 邪,資此四德,加之以交檢,崇之以識約,履之以和順,保傅二宮,存身愛名,不亦宜乎! 傷義,可謂忠勇公正之士,雖而奚之免叔向,慶忌之濟朱雲,何以尚之?忠不諂君,勇不懾聳,公不存私,正不黨

蜀相諸葛亮卒,權垂心西州,遣儀使蜀申固盟好。奉使稱意,後拜尚書僕射。

本。」書三四上。爲傅盡忠,動輒規諫;事上勤,與人恭。 懿德,兼資文武,當今之宜,宜鎭四方,爲國濟輔。宣揚德美,廣耀威靈,乃國家之良規,海 南、魯二宮初立,儀以本職領魯王傅。 儀嫌二宮相近切,乃上疏曰:「臣竊以魯王天挺 但臣言辭鄙野,不能究盡其意。愚以二宮宜有降殺,正上下之序,明敎化之

左右對曰:「似是儀家也。」權曰:「儀儉,必非也。」問果他家。 其見知信如此。 不治產業,不受施惠,爲屋舍財足自容。鄰家有起大宅者,權出望見,問起大室者誰,

服不精細,食不重膳,拯贍貧困,家無儲畜。權聞之,幸儀舍,求視疏飯,親嘗之,對之

歎息,即增俸賜,益田宅。儀累辭讓,以恩爲戚。

下守職,懼於不稱,實不敢以愚管之言,上干天聽。」 時時有所進達,未嘗言人之短。權常責儀以不言事,無所是非,儀對曰:「聖主在上,臣

歎曰:「使人盡如是儀,當安用科法爲?」 事國數十年,未嘗有過。 呂壹歷白將相大臣,或一人以罪聞者數四,獨無以白儀。

及寢疾,遺令素棺,斂以時服,務從省約,年八十一卒。

爲蘄春太守,去江數百里,數爲寇害。權使緣與賀齊輕行掩襲,生虜得宗,加建武中郎將。 少,使綜料諸縣,得六千人,立解煩兩部,詳領左部、綜領右部督。吳將晉宗叛歸魏,魏以宗 權為車騎將軍,都京,召綜還,爲書部,與是儀、徐詳俱典軍國密事。 下循行,留吳與孫權共讀書。策薨,權爲討虜將軍,以綜爲金曹從事,從討黃祖,拜鄂長。 胡綜字偉則,汝南固始人也。少孤,母將避難江東。孫策領會稽太守,綜年十四,爲門 劉備下白帝,權以見兵

魏拜權爲吳王,封綜、儀、詳皆爲亭侯。

黃武八年夏,黃龍見夏口,於是權稱尊號,因瑞改元。 叉作黃龍大牙,常在中軍,諸軍

進退,視其所向,命綜作賦曰:

望。仙人在上,鑒觀四方,神實使之,爲國休祥。軍欲轉向,黃龍先移,金鼓不鳴,寂然 進止有度,約而不煩。四靈旣布,黃龍處中,周制日月,實曰太常,桀然特立,六軍所 恢大繇,革我區夏。乃律天時,制爲神軍,取象太一,五將三門;疾則如電,遲則如雲, 是經,惟皇之極。乃自在昔,黃、虞是祖,越歷五代,繼世在下。應期受命,發迹南土,將 師,湯有鳴條。 求厥成。 黃、農創代,拓定皇基,上順天心,下息民災。 高辛誅共,舜征有苗,啓有甘 與道俱,天贊人和,僉曰惟休。 變施,闇謨若神,可謂祕奇。在昔周室,赤烏銜書,今也大吳,黃龍吐符。合契河洛,動 乾坤肇立,三才是生。狼弧垂象,實惟兵精。聖人觀法,是效是營,始作器械,爰 周之牧野,漢之垓下,靡不由兵,克定厥緒。明明大吳,實天生德,神武

蜀聞權踐作,遣使重申前好。 綜爲盟文,文義甚美,語在權傳。

權下都建業,詳、綜並爲侍中,進封鄕侯,兼左右領軍。時魏降人或云魏都督河北振威

吳 書 是儀胡綜傳第十七

殿民倒戈;高祖誅項,四面楚歌。方之今日,未足以喩。臣質不勝昊天至願,謹遣所親同 流化萬里,自江以南,戶受覆燾。英雄俊傑,上達之士,莫不心歌腹詠,樂在歸附者也。今 郡黃定恭行奉表,及託降叛,閒關求達,其欲所陳,載列于左。」 年六月末,奉聞吉日,龍興踐阼,恢弘大繇,整理天綱,將使遺民,覩見定主。 昔武王伐殷, 志。 翻飛,遂爲曹氏執事戎役,遠處河朔,天衢隔絕,雖望風慕義,思託大命,媿無因緣,得展其 往往而處,自三代以來,大亂之極,未有若今時者也。臣質志薄,處時無方,繫於土壤,不能 每往來者,竊聽風化,伏知陛下齊德乾坤,同明日月,神武之姿,受之自然,敷演皇極, 其一曰:「天綱弛絕,四海分崩,羣生憔悴,士人播越,兵寇所加, 邑無居民, 風塵煙火,

履冰炭。昔樂毅爲燕昭王立功於齊,惠王卽位,疑奪其任,遂去燕之趙,休烈不虧。彼豈欲 疑,誣臣欲叛。雖識眞者保明其心,世亂讒勝,餘嫌猶在,常懼一旦橫受無辜,憂心孔疚:如 臣受性簡略,素不下人,視彼數子,意實迫之,此亦臣之過也。遂爲邪議所見搆會,招致猜 耳。及曹氏之亡,後嗣繼立,幼沖統政,讒言彌興。同儕者以勢相害,異趣者得閒其言,而 方之任,總河北之軍。當此之時,志望高大,永與曹氏同死俱生,惟恐功之不建,事之不成 以爲知天命也。臣昔爲曹氏所見交接,外託君臣,內如骨肉,恩義綢繆,有合無離,遂受偏 其二日:「昔伊尹去夏入商,陳平委楚歸漢,書功竹帛,遺名後世,世主不謂之背誕者,

此方之民,思爲臣妾,延頸舉踵,惟恐兵來之遲耳。若使聖恩少加信納,當以河北承望王 弱攻昧,宜應天時,此實陛下進取之秋,是以區區敢獻其計。今若內兵淮、泗,據有下邳, 實,或謂此中有他消息,不知臣質搆讒見疑,恐受大害也。且臣質若有罪之日,自當奔赴鼎 月以幾,魯望高子,何足以喻!又臣今日見待稍薄,蒼蠅之聲,縣縣不絕,必受此禍,遲速事 師,(疑)〔款〕心赤實,天日是鑒。而光去經年,不聞咳唾,未審此意竟得達不?瞻望長歎,日 計。時以倉卒,未敢便有章表,使光口傳而已。以爲天下大歸可見,天意所在,非吳復誰? 荆、陽二州,聞聲響應,臣從河北席卷而南,形勢一連,根牙永固。關西之兵繫於所衞,青、 然今與古,厥勢不同,南北悠遠,江湖隔絕,自不舉事,何得濟免!是以忘志士之節,而思立 亦宜也。死而弗義,不去何爲!樂毅之出,吳起之走,君子傷其不遇,未有非之者也。願陛 鑊,束身待罪,此蓋人臣之宜也。 今日無罪,橫見譖毀,將有商鞅、白起之禍。 尋惟事勢,去 耳。臣私度陛下未垂明慰者,必以臣質貫穿仁義之道,不行若此之事,謂光所傳,多虛少 爲政,莫或同心,士卒衰耗,帑藏空虚,綱紀毀廢,上下並昬,想前後數得降叛,具聞此問。兼 功之義也。且臣質又以曹氏之嗣,非天命所在,政弱刑亂,柄奪於臣,諸將專威於外,各自 下推古況今,不疑怪於臣質也。又念人臣獲罪,當如伍員奉己自效,不當徼幸因事爲利。 一三其德,蓋畏功名不建,而懼禍之將及也。昔遣魏郡周光以賈販爲名,託叛南詣,宣達密

能相究虛實,今此間實贏,易可克定,陛下舉動,應者必多。上定洪業,使普天一統,下令臣 徐二州不敢徹守,許、洛餘兵衆不滿萬,誰能來東與陛下爭者?此誠千載一會之期,可不深 [質建非常之功,此乃天也。 若不見納,此亦天也。 願陛下思之,不復多陳。] 思而熟計乎!及臣所在,旣自多馬,加以羌胡常以三四月中美草時,驅馬來出,隱度今者, 可得三千餘匹。陛下出軍,當投此時,多將騎士來就馬耳。此皆先定所一二知。凡兩軍不

厚禍,卽恐天下雄夫烈士欲立功者,不敢復託命陛下矣。願陛下思之。皇天后土,實聞其 歸大化,唱和不速,以取破亡。今臣款款,遠授其命,若復懷疑,不時舉動,令臣孤絕,受此 言。」此文既流行,而質已入爲侍中矣。 信子遠,懷疑猶豫,不決於心,則今天下袁氏有也。 願陛下思之。 閒聞界上將閻浮、趙楫欲 其三日:「昔許子遠舍袁就曹,規畫計較,應見納受,遂破袁軍,以定曹業。 向使曹氏不

精別,使臣微言妙旨,不得上達。於邑三歎,曷惟其已。謹詣闕拜章,乞蒙引見。」權卽召 年二十二,委棄封域,歸命有道,賴蒙天靈,得自全致。臣至止有日,而主者同之降人,未見 蕃謝答問,及陳時務,甚有辭觀。 二年,青州人隱蕃歸吳,上書曰:「臣聞紂爲無道,徼子先出;高祖寬明,陳平先入。臣 巧捷詭辯有似禰衡,而才皆不及。」權又問可堪何官,綜對曰:「未可以治民,且試以 綜時侍坐,權問何如,綜對曰:「蕃上書,大語有似東

都辇小職。」 權以蕃盛論刑獄,用爲廷尉監。 左將軍朱據、廷尉郝普稱蕃有王佐之才,普尤

將軍,兼左執法,領辭訟。 與之親善,常怨歎其屈。 後||落謀叛,事覺伏誅,「」普見賣自殺。據禁止,歷時乃解。 拜綜偏 遼東之事,輔吳將軍張昭以諫權言辭切至,權亦大怒,其和協彼

此,使之無隙,綜有力焉。

(二) 吳錄曰: 審有口才, · 吳歷曰:權問普:「卿前盛稱蕃,又爲之怨望朝廷,使蕃反叛,皆卿之由。」 受毒乎?」蕃曰:「孫君,丈夫圖事,豈有無伴!烈士死,不足相牽耳。」遂閉口而死。 善,常車馬雲集,賓客盈堂。及至事覺,蕃亡走,捕得,考問黨與,蕃無所言。吳主使將入,謂曰:「何乃以肌肉爲人 魏明帝使詐叛如吳,令求作廷尉職,重案大臣以離閒之。旣爲廷尉監,衆人以據、普與蕃親

性嗜酒,酒後歡呼極意,或推引杯觴,撐擊左右。權愛其才,弗之責也。

遭喪,皆不得去,而數有犯者。 凡自權統事,諸文誥策命,鄰國書符,略皆綜之所造也。 權患之,使朝臣下議。 綜議以爲宜定科文,示以大辟,行之 初以內外多事,特立科,長吏

人,其後必絕。遂用綜言,由是奔喪乃斷。

赤烏六年卒,子沖嗣。 沖平和有文幹,天紀中爲中書令。[1]

(二) 吳錄曰:沖後仕晉尚書郎、吳郡太守。

徐詳者字子明,吳郡鳥程人也,先綜死。

才用,各見信任,辟之廣夏,其榱椽之佐乎!

三國志卷六十三

吳書十八

吳範劉惇趙達傳第十八

吳範字文則,會稽上虞人也。 以治曆數,知風氣,聞於郡中。 舉有道,詣京都,世亂不

祖,祖得夜亡。權恐失之,範曰:「未遠,必生禽祖。」至五更中,果得之。劉表竟死,荆州分 亡。」權遂征祖,卒不能克。明年,軍出,行及尋陽,範見風氣,因詣船賀,催兵急行,至卽破 初,權在吳,欲討黃祖,範曰:「今茲少利,不如明年。明年戊子,荆州劉表亦身死國 會孫權起於東南,範委身服事,每有災祥,輒推數言狀,其術多效,遂以顯名。

衆離落,死亡且半,事必不克。權以難範,範曰:「臣所言者天道也,而岱所見者人事耳。」 及壬辰歲,範叉白言:「歲在甲午,劉備當得益州。」後呂岱從蜀還,遇之白帝,說備部

備卒得蜀。

權與呂蒙謀襲關羽,議之近臣,多日不可。權以問範,範曰:「得之。」後羽在麥城,使

權問範曰:「竟當降否?」範曰:「彼有走氣,言降詐耳。」權使潘璋邀其徑路,覘

中不至,權問其故,範曰:「時尙未正中也。」頃之,有風動帷,範拊手曰:「羽至矣。」 須臾, 候者還,白羽已去。範曰:「雖去不免。」問其期,曰:「明日日中。」權立表下漏以待之。

外稱萬歲,傳言得羽。

後權與魏爲好,範曰:「以風氣言之,彼以貌來,其實有謀,宜爲之備。」劉備盛兵西陵,

範曰:「後當和親。」終皆如言。 其占驗明審如此。

權以範爲騎都尉,領太史令,數從訪問,欲知其決。 範祕惜其術,不以至要語權。

是恨之。〔〕

〔一〕吳錄曰:範獨心計,所以見重者術,術亡則身棄矣,故終不言。

詔臨當出,權恚其愛道於己也,削除其名。 呼左右,以侯綬帶範。範知權欲以厭當前言,輒手推不受。及後論功行封,以範爲都亭侯。 侯。」及立爲吳王,範時侍宴,曰:「昔在吳中,嘗言此事,大王識之邪?」權曰:「有之。」因 初,權爲將軍時,範嘗白言江南有王氣,亥子之間有大福慶。權曰:「若終如言,以君爲

怒甚嚴,敢有諫者死,範謂滕曰「與汝偕死。」滕曰:「死而無益,何用死爲?」範曰:「安能 人剛直,頗好自稱,然與親故交接有終始。 素與魏滕同邑相善。 滕嘗有罪,權責

爲!」〔〕 釋,乃免滕。 言未卒,權大怒,欲便投以戟。逡巡走出,範因突入,叩頭流血,言與涕並。良久,權意 慮此,坐觀汝邪?」乃髡頭自縛詣門下,使鈴下以聞。鈴下不敢,曰:「必死,不敢白。」 範 曰:「汝有子邪?」曰:「有。」曰:「使汝爲吳範死,子以屬我。」鈴下曰:「諾。」乃排閤入。 滕見範謝曰:「父母能生長我,不能免我於死。丈夫相知,如汝足矣,何用多

〔一〕 會稽典錄曰: 滕字周林,祖父河內太守朗,字少英,列在八俊。 滕性剛直,行不苟合,雖遭困偪,終不迴撓。 策,幾殆,賴太妃救得免,語見妃嬪傳。歷(歷山)[歷陽]、(潘陽)[鄱陽]、山陰三縣令,鄱陽太守。 初亦迕

黃武五年,範病卒。 長子先死,少子尙幼,於是業絕。 權追思之,募三州有能舉知術數

如吳範、趙達者,封千戶侯,卒無所得。〔1〕

1〕吳錄曰:範先知其死日,謂權曰:「陛下某日當喪軍師。」權曰:「吾無軍師,焉得喪之?」範曰:「陛下出軍臨敵。 須臣言而後行,臣乃陛下之軍師也。」至其日果卒。

一松之案,範死時,權未稱帝,此云陛下,非也

劉惇字子仁,平原人也。 遭亂避地,客遊廬陵,事孫輔。以明天官達占數顯於南土。

每有水旱寇賊,皆先時處期,無不中者。 輔異焉,以爲軍師,軍中咸敬事之,號曰神明

吳 書 吳範劉惇趙達傳第十八

建安中, 孫權在豫章,時有星變,以問惇,惇曰:「災在丹楊。」權曰:「何如?」曰:「客

勝主人,到某日當得問。」是時邊鴻作亂,卒如惇言。

惇亦寶愛其術,不以告人,故世莫得而明也。 惇於諸術皆善,尤明太乙,皆能推演其事,窮盡要妙,著書百餘篇,名儒刁玄稱以爲奇。

名無實。」其精微若是。 此。」遂出酒酣飲。 斤,何以辭無?」 時坐有他賓,內得主人情,主人慚曰:「以卿善射有無,欲相試耳,竟效如 以敍意,如何?」達因取盤中隻箸,再三從橫之,乃言:「卿東壁下有美酒一斛,又有鹿肉三 上,立處其數,驗覆果信。 身渡江。治九宮一算之術,究其微旨,是以能應機立成,對問若神,至計飛蝗,射隱伏,無不 趙達,河南人也。少從漢侍中單甫受學,用思精密,謂東南有王者氣,可以避難,故脫 或難達曰:「飛者固不可校,誰知其然,此殆妄耳。」達使其人取小豆數斗,播之席 又有書簡上作千萬數,著空倉中封之,令達算之。 嘗過知故,知故爲之具食。食畢,謂曰:「倉卒乏酒,又無嘉肴,無 達處如數,云「但有

事達,勤苦累年,達許教之者有年數矣,臨當喻語而輒復止。 達寶惜其術,自闞澤、殷禮皆名儒善士,親屈節就學,達祕而不告。 太史丞公孫滕少師 滕他日齎酒具,候顏色,拜跪

此術微妙,頭乘尾除,一算之法,父子不相語。然以子篤好不倦,今眞以相授矣。」飲酒數 而請,達曰:「吾先人得此術,欲圖爲帝王師,至仕來三世,不過太史郎,誠不欲復傳之。且 行,達起取素書兩卷,大如手指,達曰:「當寫讀此,則自解也。 吾久廢,不復省之,今欲思論 一過,數日當以相與。」滕如期往,至乃陽求索書,驚言失之,云:「女壻昨來,必是渠所竊。」

初孫權行師征伐,每令達有所推步,皆如其言。權問其法,達終不語,由此見薄,祿位

不至 []

(二)與書曰:初,權即尊號,令達算作天子之後,當復幾年?達曰:「高祖建元十二年,陛下倍之。」權大喜,左右稱萬

歲。果如達言。

達效,聞而哭泣。達欲弭妻意,乃更步算,言:「向者謬誤耳,尙未也。」後如期死。 祥,不亦難乎!」 閒居無爲,引算自校,乃歎曰:「吾算訖盡某年月日,其終矣。」 達妻數兒 有書,求之不得,乃錄問其女,及發棺無所得,法術絕焉。 達常笑謂諸星氣風術者曰:「當迴算帷幕,不出戶牖以知天道,而反晝夜暴露以望氣 權聞達

(一) 吳錄曰: 皇象字休明,廣陵江都人。幼工酱。時有張子並、陳梁甫能書。 妙,中國善書者不能及也。嚴武字子卿,衞尉畯再從子也,圍棊莫與爲輩。宋壽占夢,十不失一。 |甫恨逋, 並恨峻, 象斟酌其閒, 甚得其 曹不與善畫、

吳範劉惇趙達傳第十八

權使證屛風,誤落筆點素,因就以作蠅。 既進御,權以爲生蠅,舉手彈之。 孤城鄭嫗能相人,及範、惇、達八人,世

皆稱妙,謂之八絕云。

晉陽秋曰:吳有葛衡字思眞,明達天官,能爲機巧,作渾天,使地居于中,以機動之,天轉而地止,以上應晷度。

評曰:三子各於其術精矣,其用思妙矣,然君子等役心神,宜於大者遠者,是以有識之

士,舍彼而取此也。[]

(一)孫盛曰:夫玄覽未然,逆鑒來事,雖裨竈、梓愼其猶病諸,況術之下此者乎?吳史書達知東南當有王氣,故輕舉濟 君子志其大者,無所取諸。 安有迴轉一籌,可以鉤深測隱,意對逆占,而能遂知來物者乎?流俗好異,妄設神奇,不幸之中,仲尼所棄,是以 帝王之符瑞哉?昔聖王觀天地之文,以畫八卦之象,故亹亹成於蓍策,變化形乎六爻,是以三易雖殊,卦繇理一, 魏承漢緒,受命中畿,達不能豫覩兆萌,而流竄吳越。又不知吝術之鄙,見薄於時,安在其能逆覩天道而審

于建安、數十年閒,生民殆盡,比至小康,皆百死之餘耳。江左雖有兵革,不能如中國之甚也,焉知達不算其安 臣松之以爲盛云「君子志其大者,無所取諸」,故評家之旨,非新聲也。其餘所畿,則皆爲非理。自中原酷亂,至 以祕術見薄,在悔吝之間乎!古之道術,蓋非一方,探賾之功,豈惟六爻,苟得其要,則可以易而知之矣, 危,知禍有多少,利在東南,以全其身乎?而責不知魏氏將興, 流播吳越,在京房之籌,循不能自免刑戮,況達但 迴轉

籌,胡足怪哉?達之推算,窮其要妙以知幽測隱,何愧于古!而以裨、梓限之,謂達爲妄,非篤論也。

船多沒,仙公船亦沉淪,吳主甚悵恨。明日使人鉤求公船,而登高以望焉。久之,見公步從水上來,衣履不沾,而 挽扑子曰:時有葛仙公者,每飲酒醉,常入人家門前陂水中臥,竟日乃出。 有酒色。旣見而言曰:「臣昨侍從而伍子胥見請,暫過設酒,忽忽不得,卽委之。」又有姚光者,有火術。 試之,積荻數千束,使光坐其上,又以數千束荻裹之,因猛風而燔之。荻了盡,謂光當以化爲燼, 曾從吳主別, 到例州,還遇大風,百官 而光端坐灰中, 吳主身臨

振衣而起,把一卷書。吳主取其書視之,不能解也。

故,不敢不以實上聞。」 景帝乃厚賜之。 然則鵝死亦有鬼也。 叉曰:吳景帝有疾,求覡視者,得一人。 上,乃使覡視之。告曰:「若能說此冢中鬼婦人形狀者,當加賞而卽信矣。」 竟日盡夕無言,帝推問之急,乃曰: 「實不見有鬼,但見一頭白鵝立墓上,所以不卽白之,疑是鬼神變化作此相,當候其眞形而定。 景帝欲試之,乃殺鵝而埋於苑中,架小屋,施牀几,以婦人屐履服物著其 無復移易,不知何

之。 問象曰:「可食不?」象曰:「故爲陛下取以作生鱠,安敢取不可食之物!」乃使廚下切之。 得蜀薑作齏甚好,恨爾時無此。」緣曰:「蜀薑豈不易得,願差所使者,幷付直。」 御帳給之,賜遺前後累千金,從<u></u>象學蔽形之術。 試還後宮,及出殿門,莫有見者。 葛洪神仙傳曰: 仙人介象,字元則,會稽人,有諸方術。 立生可食。 「可得耳。」乃令人於殿庭中作方掐,汲水滿之,丼求鉤。 |象起餌之,垂綸於埳中。 須臾,果得鯔魚。 |吳主共論鱠魚何者最美,像曰:「鯔魚爲上。」 |吳主曰:「論近道魚耳,此出海中,安可得邪?」 |象曰: 符,以著靑竹杖中,使行人閉目騎杖,杖止,便買薑訖,復閉目。 吳主聞之,徽象到武昌,甚敬貴之,稱爲介君,爲起宅,以 此人承其言騎杖,須臾止,已至成都 又使象作變化,種瓜菜百果,皆 吳主指左右一人, 吳主曰:「聞蜀使來, 以錢五十付 吳主驚喜,

吳

不知是何處,問人,人言是獨市中,乃買養。于時吳使張溫先在蜀,旣於市中相識,甚驚,便作書寄其家。此人買

董舉,捉書負董,騎杖閉目,須臾已還到吳,廚下切鱠適了。

爲惑衆,所謂夏蟲不知冷冰耳。臣松之以爲葛洪所記,近爲惑衆,其書文頗行世,故場臣松之以爲葛洪所記,近爲惑衆,其書文頗行世,故場

臣松之以爲葛洪所記,近爲惑衆,其書文頗行世,故撮取數事,載之篇末也。神仙之術, 詎可測量,臣之臆斷,以

一四二八

諸葛滕二孫濮陽傳第十九

諸葛恪字元遜,瑾長子也。少知名。〔〕〕 弱冠拜騎都尉,與顧譚、張休等侍太子登講論

道藝,並爲賓友。從中庶子轉爲左輔都尉。

[1] 江表傳曰:恪少有才名,發藻岐嶷,辯論應機,莫與爲對。 權見而奇之,謂瑾曰:「藍田生玉,眞不虚也。」

, 吳錄曰:恪長七尺六寸,少鬚眉,折頞廣額,大口高聲。

也。」權曰:「卿其能令張公辭屈,乃當飮之耳。」恪難昭曰:「昔師尙父九十,秉旄仗鉞,猶 未告老也。今軍旅之事,將軍在後,酒食之事,將軍在先,何謂不養老也?」昭卒無辭,遂 問恪曰::「卿父與叔父孰賢?」對曰::「臣父爲優。」權問其故,對曰::「臣父知所事,叔父不 知,以是爲優。」權叉大噱。命恪行酒,至張昭前,昭先有酒色,不肯飲,曰:「此非養老之禮 「乞請筆益兩字。」因聽與筆。恪續其下曰「之驢。」舉坐歡笑,乃以驢賜恪。他日復見,權 恪父瑾面長似驢,孫權大會羣臣,使人牽一驢入,長檢其面,題曰諸葛子瑜。恪跪曰:

諸葛滕二孫濮陽傳第十九

敢不謝?」恪之才捷,皆此類也。[1]權甚異之,欲試以事,令守節度。節度掌軍糧穀,文書 因下謝,權曰:「馬未至而謝何也。」 | 恪對曰:「夫蜀者陛下之外麼,今有恩詔,馬必至也,安 後蜀使至,羣臣並會,權謂使曰:「此諸葛恪雅好騎乘,還告丞相,爲致好馬。」恪

繁猥,非其好也。(三)

[1]恪別傳曰:權嘗變蜀使費禕,先逆敕羣臣:「使至,伏食勿起。」禪至,權爲輟食,而羣下不起。禪啁之曰:「鳳皇來 |權曰:「人令卿食馬矢,卿使人食鷄卵何也?」||恪曰:「所出同耳。」|權大笑。 江表傳曰:曾有白頭鳥集殿前, 胤不如臣。」恪嘗獻權馬,先鎉其耳。范愼時在坐,嘲恪曰:「馬雖大畜,稟氣於天,今殘其耳,豈不傷仁?」 恪答 鄉!」禪停食餅:索筆作麥賦,恪亦請筆作磨賦,咸稱善焉。權嘗問恪:「頃何以自娛,而更肥澤?」 曰:「母之於女,恩愛至矣,穿耳附珠,何傷於仁?」太子嘗嘲恪:「諸葛元遜可食馬矢。」恪曰:「願太子食鷄卵。 聞富潤屋,德潤身,臣非敢自娛,脩己而已。」又問:「卿何如滕胤?」恪答曰:「登階躡履,臣不如胤;迴籌轉策, 曰:「恪欺陛下, 翔,騏驎吐哺,驢騾無知,伏食如故。」恪答曰:「爰植梧桐,以待鳳皇,有何燕雀, 未嘗聞鳥名白頭翁者,試使恪復求白頭母。」恪曰:「鳥名鸚母,未必有對,試使輔吳復求鸚父。」 權曰:「此何鳥也?」恪曰:「白頭翁也。」張昭自以坐中最老,疑恪以鳥戲之,因 自稱來翔?何不彈射, |恪對曰:「臣 使還故

(三) 江表傳曰:權爲吳王,初置節度官,使典掌軍糧,非漢制也。初用侍中偏將軍徐詳,詳死,將用恪。 群,書與陸遜曰:「家兄年老,而恪性疎,今使典主糧穀,糧穀軍之要最,僕雖在遠,竊用不安。足下特爲啓至尊轉 諸葛亮聞恪代

昭不能答,坐中皆歡笑。

百。拜畢,命恪備威儀,作鼓吹,導引歸家,時年三十二。 興吾家,將大赤吾族也。」恪盛陳其必捷。權拜恪撫越將軍,領丹楊太守,授棨戟武騎三 敗則鳥竄,自前世以來,不能羈也。皆以爲難。恪父瑾聞之,亦以事終不逮,歎曰:「恪不大 棘,若魚之走淵,猨狖之騰木也。時觀閒隙,出爲寇盜,每致兵征伐,尋其窟藏。其戰則蠭至, 逋亡宿惡,咸共逃竄。山出銅鐵,自鑄甲兵。俗好武習戰,高尙氣力,其升山赴險,抵突叢 鄰接,周旋數千里,山谷萬重,其幽邃民人,未嘗入城邑,對長吏,皆仗兵野逸、白首於林莽。 乞爲官出之,三年可得甲士四萬。衆議咸以丹楊地勢險阻,與吳郡、會稽、新都、鄱陽四郡 恪以丹楊山險,民多果勁,雖前發兵,徒得外縣平民而已,其餘深遠,莫能禽盡,屢自求

被戮,知官惟欲出之而已,於是老幼相攜而出,歲期,人數皆如本規。恪自領萬人,餘分給 從化,皆當撫慰,徙出外縣,不得嫌疑,有所執拘。」曰陽長胡伉得降民周遺,遺舊惡民,困 盡,新田不收,平民屯居,略無所入,於是山民飢窮,漸出降首。恪乃復敕下曰:「山民去惡 分內諸將,羅兵幽阻,但繕藩籬,不與交鋒,候其穀稼將熟,輒縱兵芟刈,使無遺種。 舊穀旣 恪到府,乃移書四郡屬城長吏,令各保其疆界,明立部伍,其從化平民,悉令屯居。乃

吳書

諸葛滕二孫濮陽傳第十九

諸將

相徑要,欲圖壽春,權以爲不可。 北將軍,封都鄉侯。恪乞率衆佃廬江、皖口,因輕兵襲舒,掩得其民而還。復遠遣斥候,觀 易嘉折首,周之方、召,漢之衞、霍,豈足以談。功軼古人,勳超前世。主上歡然,遙用歎息。 黨歸義,蕩滌山藪,獻戎十萬。野無遺寇,邑罔殘姦。旣埽兇慝,又充軍用。 藜蓧稂莠,化爲 感四壯之遺典,思飮至之舊章。 故遣中臺近官,迎致犒賜,以旌茂功,以慰劬勞。」 拜恪威 善草。魑魅魍魎,更成虎士。雖實國家威靈之所加,亦信元帥臨履之所致也。雖詩美執訊, 則狼顧。皇帝赫然,命將西征,神策內授,武師外震。兵不染鍔,甲不沾汗。元惡旣梟,種 權嘉其功,造尙書僕射薛綜勞軍。綜先移恪等曰:「山越特阻,不賓歷世,緩則首鼠,急

命,豈況下此而無所闕?且仲尼不以數子之不備而引以爲友,不以人所短棄其所長也。 爲輔車,上熙國事,下相珍惜。又疾世俗好相謗毀,使已成之器,中有損累;將進之徒,意 與丞相陸遜書曰:「楊敬叔傳述清論,以爲方今人物彫盡,守德業者不能復幾,宜相左右,更 七十二人,至于子張、子路、子貢等七十之徒,亞聖之德,然猶各有所短,師辟由喭,賜不受 不歡笑。聞此喟然,誠獨擊節。愚以爲君子不求備於一人,自孔氏門徒大數三千,其見異者 赤烏中,魏司馬宣王謀欲攻恪,權方發兵應之,望氣者以爲不利,於是徙恪屯於柴桑。 加

旨也。 得容其閒,則三至之言,浸潤之譖,紛錯交至,雖使至明至親者處之,猶難以自定,況已爲 邪惡,志在陳力,便可獎就,騁其所任。若於小小宜適,私行不足,皆宜闊略,不足縷責。 微相責,久乃至於家戶爲怨,一國無復全行之士也。」恪知遜以此嫌己,故遂廣其理而贊其 隙,且未能明者乎?是故張、陳至於血刃,蕭、朱不終其好,本由於此而已。 夫不舍小過,纖 正義,則人不堪。內不服其行,外不堪其責,則不得不相怨。相怨一生,則小人得容其閒。 本起,非爲大讎,惟坐克己不能盡如禮,而責人專以正義。夫己不如禮,則人不服。責人以 人則易,賢愚可知。自漢末以來,中國士大夫如許子將輩,所以更相謗訕,或至於禍,原其 士誠不可纖論苛克,苛克則彼賢聖猶將不全,況其出入者邪?故曰以道望人則難,以人望 以當今取士,宜寬於往古,何者?時務從橫,而善人單少,國家職司,常苦不充。苟令性不 會遜卒,恪遷大將軍,假節,駐武昌,代遜領荆州事 且.

召恪、弘及太常滕胤、將軍呂據、侍中孫峻,屬以後事。〔〕〕 久之,權不豫,而太子少,乃徵恪以大將軍領太子太傅,中書令孫弘領少傳。權疾困

(一)吳書曰:權寢疾,議所付託。時朝臣咸皆注意於恪,而孫峻表恪器任輔政,可付大事。權嫌恪剛很自用,峻以當 今朝臣皆莫及,遂固保之,乃徵恪。後引恪等見臥內,受詔牀下,權詔曰:「吾疾困矣, 委。」恪歔欷流涕曰:「臣等皆受厚恩,當以死奉詔,願陛下安精神,損思慮,無以外事爲念。」權詔有司諸事 恐不復相見, 諸事一以相 一統

吳

於恪,惟殺生大事然後以聞。爲治第館,設陪衞。羣官百司拜揖之儀,各有品敍。諸法令有不便者,條列以聞,權 輒聽之。中外翕然,人懷歡欣

錯,當於今時整頓軍具,率厲將士,警備過常,念出萬死,無顧一生,以報朝廷,無忝爾先。 莫不悅。恪每出入,百姓延頸,思見其狀。 **齒**?近漢之世,燕、蓋交遘,有上官之變,以身值此,何敢怡豫邪。 又弟所在,與賊犬牙相 民惡其上,動見瞻觀,何時易哉?今以頑鈍之姿,處保傅之位,艱多智寡,任重謀淺,誰爲脣 皇太子以丁酉踐尊號,哀喜交幷,不知所措。吾身受顧命,輔相幼主,竊自揆度,才非博陸 國,羣下大小,莫不傷悼。至吾父子兄弟,並受殊恩,非徒凡庸之隸,是以悲慟,肝心圮裂。 咨事,於坐中誅之,乃發喪制服。與弟公安督融書曰:「今月十六日乙未, 大行皇帝委棄萬 親正疏,古人明戒也。」恪更拜太傅。於是罷視聽,息校官,原逋責,除關稅,事崇恩澤,衆 妄委所戍,徑來奔赴。雖懷愴怛不忍之心,公義奪私,伯禽服戎,若茍違戾,非徒小故。以 叉諸將備守各有境界,猶恐賊虜聞諱,恣睢寇竊。邊邑諸曹,已別下約敕,所部督將,不得 而受姬公負圖之託,懼忝丞相輔漢之效,恐損先帝委付之明,是以憂慚惶惶,所慮萬端。且 翌日,權薨。弘素與恪不平,懼爲恪所治,祕權死問,欲矯詔除恪。峻以告恪,恪請弘

初,權黃龍元年遷都建業,二年築東興隄遏湖水。後征淮南,敗以內船,由是廢不復

等同時幷沒,死者數萬。故叛將韓綜爲魏前軍督,亦斬之。獲車乘牛馬驢騾各數千,資器 城。 山積,振旅而歸。進封恪陽都侯,加剌揚州牧,督中外諸軍事,賜金一百斤,馬二百匹,繒布 上,便鼓譟亂斫。 飲,見贊等兵少,而解置鎧甲,不持矛戟。但兜鍪刀楯,倮身緣遏,大笑之,不即嚴兵。兵得 圍兩塢,圖壤隄遏。 略守之,引軍而還。 城在高峻,不可卒拔。恪遣將軍留贊、呂據、唐咨、丁奉爲前部。時天寒雪,魏諸將會 恪以建興元年十月會衆於東興,更作大隄,左右結山俠樂兩城,各留千人,使全端、留 魏軍驚擾散走,爭渡浮橋,橋壞絕,自投於水,更相蹈藉。 恪興軍四萬,晨夜赴救。遵等敕其諸軍作浮橋度,陳於隄上,分兵攻兩 魏以吳軍入其疆土,恥於受侮,命大將胡遵、諸葛誕等率衆七萬,欲攻 樂安太守桓嘉

恪,恪不聽。中散大夫蔣延或以固爭,扶出 恪遂有輕敵之心,以十二月戰克,明年春,復欲出軍。〔〕諸大臣以爲數出罷勞,同辭諫

(1)漢晉春秋曰:恪使司馬李衡往閩說姜維,令同舉,曰:「古人有言,聖人不能爲時,時至亦不可失也。 門,外內猜隔,兵挫於外,而民怨於內,自曹操以來,彼之亡形未有如今者也。若大舉伐之,使吳攻其東,漢入其 西,彼救西則東虚,重東則西輕,以練實之軍,乘虛輕之敵,破之必矣。」 継從之。 今敵政 在私

恪乃著論諭衆意曰:「夫天無二日,土無二王,王者不務兼幷天下而欲垂祚後世,古今

吳

定事。 衆,於今適盡,而後生者未悉長大,正是賊衰少未盛之時。 其子幼弱,而專彼大任,雖有智計之士,未得施用。當今伐之,是其厄會。聖人急於趨時,誠 今以魏比古之秦,土地數倍;以吳與蜀比古六國,不能半之。然今所以能敵之,但以操時兵 卽仇讎欲相除也。 有讎而長之,禍不在己,則在後人,不可不爲遠慮也。 昔伍子胥曰:『越 山,不及曹操尙微,與之力競,坐觀其彊大,吞滅諸袁。北方都定之後,操率三十萬衆來向 懷,憚於勞苦,使秦漸得自大,遂以幷之,此旣然矣。近者劉景升在荆州,有衆十萬,財穀如 未可得用耳。 輕其後,此吾所以長歎息者也。自(本)〔古〕以來,務在產育,今者賊民歲月繁滋,但以尙小, 謂今日。 西耳,尙以幷吞六國,今賊皆得秦、趙、韓、魏、燕、齊九州之地,地悉戎馬之鄕,士林之藪。 無備越之心,至於臨敗悔之,豈有及乎。越小於吳,尙爲吳禍,況其彊大者邪。昔秦但得關 十年生聚,十年教訓,二十年之外,吳其爲沼乎!』夫差自恃彊大,聞此邈然,是以誅子胥而 荆州,當時雖有智者,不能復爲畫計,於是景升兒子,交臂請降,遂爲囚虜。 凡敵國欲相吞, 未之有也。昔戰國之時,諸侯自恃兵彊地廣,互有救援,謂此足以傳世,人莫能危。恣情從 若不早用之,端坐使老,復十數年,略當損半,而見子弟數不足言。若賊衆一倍,而 若順衆人之情,懷偸安之計,以爲長江之險可以傳世,不論魏之終始,而以今日遂 若復十數年後,其衆必倍於今,而國家勁兵之地,皆已空盡,唯有此見衆可以 加司馬懿先誅王凌,續自隕斃,

楚,身被創痍,介胄生蟣蝨,將士厭困苦,豈甘鋒刃而忘安寧哉。 慮於長久不得兩存者耳! 慮其大危,而愛其小勤者也。昔漢祖幸已自有三秦之地,何不閉關守險,以自娛樂,空出攻 孫。今恪無具臣之才,而受大吳蕭、霍之任,智與衆同,思不經遠,若不及今日爲國斥境,俛 獨一時。昔吳始以伍員爲迂,故難至而不可救。劉景升不能慮十年之後,故無以詒其子 所憂,可思於後。」衆皆以恪此論欲必爲之辭,然莫敢復難。 反側,所慮如此,故聊疏愚言,以達二三君子之末。 若一朝隕歿,志畫不立,貴令來 世 知我 每覽剌邯說公孫述以進取之圖,近見家叔父表陳與賊爭競之計,未嘗不喟然歎息也。 夙夜 仰年老,而讎敵更彊,欲刎頸謝責,寧有補邪?今聞衆人或以百姓尚貧,欲務閒息,此不知

悟矣。」於是違衆出軍,大發州郡二十萬衆,百姓騷動,始失人心。 以爲不安。」恪題論後,爲書答友曰:「足下雖有自然之理,然未見大數。熟省此論,可以開 稷之福邪!宜且案兵養銳,觀釁而動。今乘此勢,欲復大出,天時未可。而茍任盛意,私心 大業,成先帝之志,寇遠自送,將士憑賴威德,出身用命,一旦有非常之功,豈非宗廟神靈社 丹楊太守聶友素與恪善,書諫恪曰:「大行皇帝本有遏東關之計,計未施行。今公輔贊

吳

呼嗟。 望,而怨黷興矣。 病,乃進救兵。恪引軍而去。士卒傷病,流曳道路,或頓仆坑壑,或見略獲,存亡忿痛,大小 軍朱異有所是非,恪怒,立奪其兵。都尉蔡林數陳軍計,恪不能用,策馬奔魏。魏知戰士罷 圍新城。 恐兵勞而功少,不如止圍新城。新城困,救必至,至而圖之,乃可大獲。」恪從其計,迴軍還 吏日白病者多,恪以爲詐,欲斬之,自是莫敢言。 恪內惟失計,而恥城不下,忿形於色。 將 恪意欲曜威淮南,驅略民人,而諸將或難之曰:「今引軍深入,疆場之民,必相率遠遁 而恪晏然自若。 '攻守連月,城不拔。士卒疲勞,因暑飮水,泄下流腫,病者大牛,死傷塗地。 諸營 出住江渚一月,圖起田於潯陽,詔召相銜,徐乃旋師。 由此衆庶失

詔? 所罪責,當進見者,無不竦息。又改易宿衞,用其親近,復敕兵嚴,欲向青、徐。 」嘿惶懼辭出,因病還家。 秋八月軍還, 陳兵導從, 歸入府館。即召中書令孫嘿,厲聲謂曰:「卿等何敢妄數作 烙征行之後,曹所奏。署令長職司,一罷更選,愈治威嚴,多

惆悵不悅。 通夕不寐。 孫峻因民之多怨,衆之所嫌,搆恪欲爲變,與亮謀,置酒請恪。 嚴畢趨出,犬銜引其衣,恪曰:「犬不欲我行乎?」還坐,頃刻乃復起,犬又銜其 明將盥漱,聞水腥臭,侍者授衣,衣服亦臭。 恪怪其故,易衣易水,其臭如初,意 恪將見之夜,精爽擾動

衣,恪令從者逐犬,遂升車。

時中外守備,亦悉不見,衆皆異之。出行之後,所坐廳事屋棟中折。 初,恪將征淮南,有孝子著縗衣入其閤中,從者白之,令外詰問,孝子曰:「不自覺入。」 自新城出住東興,有白

虹見其船,還拜蔣陵,白虹復繞其車。

當力進。」恪躊躇而還,劍履上殿,謝亮,還坐。設酒,恪疑未飲,峻因曰:「使君病未善平, 當有常服藥酒,自可取之。」恪意乃安,別飮所齎酒。〔〕酒數行,亮還內。峻起如廁,解長 等密書與恪曰:「今日張設非常,疑有他故。」恪省書而去。 未出路門,逢太常滕胤,恪曰: 復刃,乃除地更飲。〔三〕 裁傷左手,峻應手斫約,斷右臂。 武衞之士皆趨上殿,峻云:「所取者恪也,今已死。」 悉令 衣,著短服,出曰:「有詔收諸葛恪!」〔三恪驚起,拔劍未得,而峻刀交下。張約從旁斫峻, 「卒腹痛,不任入。」胤不知峻陰計,謂恪曰:「君自行旋未見,今上置酒請君,君已至門,宜 安,自可須後,峻當具白主上。」欲以嘗知恪。恪答曰:「當自力入。」散騎常侍張約、朱恩 及將見,駐車宮門,峻已伏兵於帷中,恐恪不時入,事泄,自出見恪曰:「使君若尊體不

(一) 吳歷曰:張約、朱恩密疏告恪,恪以示滕胤,胤勸恪還,恪曰:「峻小子何能爲邪!但恐因酒食中人耳。」 乃以藥酒

孫盛評曰:恪與胤親厚,約等疏,非常大事,勢應示胤,共謀安危。然恪性强梁,加素侮峻,自不信,故入,豈胤微

吳 書 諸葛滕二孫濮陽傳第十九

勸,便爲之冒禍乎?吳歷爲長。

(三)吳錄曰:峻提刀稱韶收恪,亮起立曰:「非我所爲!非我所爲!」 乳母引亮還內。

吳歷云:峻先引亮入,然後出稱詔。與本傳同。

臣松之以爲峻欲稱韶,宜如本傳及吳歷,不得如吳錄所言。

3 搜辨記曰:恪入,已被殺,其妻在室、〔語〕使婢(語)曰:「汝何故血臭?」婢曰:「不也。」 眼目視瞻, 何以不常?」婢蹙然起躍,頭至于棟,攘臂切齒而言曰:「諸葛公乃爲孫峻所殺!」於是大小知恪死 有頃愈劇,又問婢曰:「汝

矣,而吏兵尋至。

豈非兆見於彼而禍成於此哉?往聞長寧之甄文偉,今覩元遜之逆呂侯,二事體同,故並而載之,可以鏡誡于後, 國,而方向大敵,所規所圖,唯守與戰,何可矜已有餘,晏然無戚?斯乃性之寬簡,不防細微,卒爲降人郭脩所害 別謂禪:「君必能辦賊者也。」言其明略內定,貌無憂色,況長寧以爲君子臨事而懼,好謀而成者。 蜀人禦之,精嚴垂發,六軍雲擾,士馬擐甲,羽檄交馳,費禕時爲元帥,荷國任重,而與來敏圍碁,意無厭倦。 足,則功名不成,勳績莫著。況呂侯國之元耆,智度經遠,而甫以十思戒之,而便以示劣見拒,此元遜之疎,乃機神 <u>泛林曰:初權病篤,召恪輔政。臨去,大司馬呂岱戒之曰:「世方多難,子每事必十思。」恪答曰:「昔季文子三思</u> 其英辯、造次可觀,而晒呂侯無對爲陋,不思安危終始之慮,是樂春藻之繁華,而忘秋實之甘口也。 不俱者也。若因十思之義,廣諮當世之務,聞善速於雷動,從諫急於風移,豈得隕首殿堂,死凶豎之刃?世人奇 至重也,以人臣行主威至難也,兼二至而管萬機,能勝之者鮮矣。自非採納羣謀,詢于獨義,虛己受人,恆若不 而後行,夫子曰『再思可矣』,今君令恪十思,明恪之劣也。」位無以答,當時咸謂之失言。 虞喜曰: 且蜀爲蕞爾之 昔魏人伐蜀 夫託以天下 敏臨

也。 建業南有長陵,名曰石子岡,葬者依焉。 先是,童謠曰:「諸葛恪,蘆葦單衣篾鉤落,於何相求成子閣。」成子閣者,反語石子岡 鉤落者,校飾革帶,世謂之鉤絡帶。 恪果以葦

(二) 吳錄曰: 恪時年五十一。

席裹其身而篾束其腰,投之於此岡。〔〕〕

欲北走魏,行數十里,爲追兵所逮。恪外甥都鄉侯張震及常侍朱恩等,皆夷三族。 尉。少子建,步兵校尉。聞恪誅,車載其母而走。峻遣騎督劉承追斬竦於白都。建得渡江, 恪長子綽,騎都尉,以交關魯王事,權遣付恪,令更敎誨,恪鴆殺之。中子竦,長水校

諸葛恪得承祖考風流之烈,伯叔諸父遭漢祚盡,九州鼎立,分託三方,並履忠勤,熙隆世業。 崇一朝,大風衝發,希有極日,然猶繼以雲雨,因以潤物,是則天地之威,不可經日**浹辰,帝** 民,空竭府藏,專擅國憲,廢易由意,假刑劫衆,大小屏息。侍中武衞將軍都鄕侯俱受先帝 王之怒,不宜訖情盡意。 **发及於恪,生長王國,陶育聖化,致名英偉,服事累紀,禍心未萌,先帝委以伊、周之任,屬以** 初,竦數諫恪,恪不從,常憂懼禍。及亡,臨淮臧均表乞收葬恪曰:「臣聞震雷電激,不 恪素性剛愎,矜己陵人,不能敬守神器,穆靜邦內,興功暴師,未期三出,虛耗士 臣以狂愚,不知忌諱,敢冒破滅之罪,以邀風雨之會。 ' 伏念故太傅

書

不已之恩,於以揚聲遐方,沮勸天下,豈不弘哉!昔變布矯命彭越,臣竊恨之,不先請主上, 恩;斯則漢高發神明之譽也。惟陛下敦三皇之仁,垂哀矜之心,使國澤加於辜戮之骸,復受 反,能不憯然!且已死之人,與土壤同域,鑿掘斫刺,無所復加。 願聖朝稽則乾坤,怒不極 物,樂極則哀生,見恪貴盛,世莫與貳,身處台輔,中閒歷年,今之誅夷,無異禽獸,觀訖情 縣市積日,觀者數萬,詈聲成風。國之大刑,無所不震,長老孩幼,無不畢見。人情之於品 首徇示,六軍喜踊,日月增光,風塵不動,斯實宗廟之神靈,天人之同驗也。今恪父子三首, 神明,智勇百於刑、聶,躬持白刃,梟恪殿堂,勳超朱虛,功越東牟。 國之元害,一朝大除,馳 囑寄之詔,見其奸虐,日月滋甚,將恐蕩搖宇宙,傾危社稷,奮其威怒,精賞昊天,計慮先於 乞聖朝哀察。」於是亮、峻聽恪故吏斂葬,遂求之於石子岡。〔〕〕 而專名以肆情,其得不誅,實爲幸耳。今臣不敢章宣愚情,以露天恩,謹伏手書,冒昧陳聞, 旬,使其鄕邑若故吏民,收以士伍之服,惠以三寸之棺。 昔項籍受殯葬之施,韓信獲收斂之

(一) 江麦傳曰:朝臣有乞爲恪立碑以銘其勳績者,博士盛沖以爲不應。孫休曰:「盛夏出軍,士卒傷損,無尺寸之功, 不可謂能;受託孤之任,死於豎子之手,不可謂智。沖議爲是。」 遂寢。

言之悲歎。」恪誅後,孫峻忌友,欲以爲鬱林太守,友發病憂死。友字文悌,豫章人也。〔1〕 始恪退軍還,聶友知其將敗,書與滕胤曰:「當人彊盛,河山可拔,一朝羸縮,人情萬端,

(1) 吳錄曰:友有脣吻,少爲縣吏。虞翻徙交州,縣令使友送之,翻與語而奇焉,爲書與豫章太守謝斐,令以爲功曹。 其閒,由是知名。後爲將,討儋耳,還拜丹楊太守,年三十三卒。 爲宜作功曹,君其避之。」乃用爲功曹。使至都,諸葛恪友之。時論謂顧子嘿、子直,其聞無所復容,恪欲以友居爲宜作功曹,君其避之。」乃用爲功曹。使至都,諸葛恪友之。時論謂顧子嘿、子直,其聞無所復容,恪欲以友居 郡時見有功曹,斐見之,問曰:「縣吏聶友,可堪何職?」對曰:「此人縣閒小吏耳,猶可堪曹佐。」 斐曰:「論者以

冠尙公主。年三十,起家爲丹楊太守,徙吳郡、會稽,所在見稱。〔三〕 權爲車騎將軍,拜耽右司馬,以寬厚稱,早卒,無嗣。 令損益潤色之,亦不幸短命。 權爲吳王,追錄舊恩,封胤都亭侯。 滕胤字承嗣,北海劇人也。伯父耽,父胄,與劉繇州里通家,以世擾亂,渡江依繇。 **胄善屬文,權待以賓禮,軍國書疏,常** 少有節操,美容儀。〔〕弱

(三) 吳書曰:胤上表陳及時宜,及民閒優劣,多所匡弼。 〔一〕吳灣曰:胤年十二,而孤單榮立,能治身厲行。爲人白皙,威儀可觀。 每正朔朝賀脩勤,在位大臣見者,無不歎賞。 察言觀色,務盡情理。 人有窮冤悲苦之言,對之流涕。 權以胤故,增重公主之賜,屢加存問。胤每聽辭訟,斷罪法

於海內,天下莫不震動,萬姓之心,冀得蒙君而息。今猥以勞役之後,興師出征,民疲力屈, 恪將悉衆伐魏,胤諫恪曰:「君以喪代之際,受伊、霍之託,入安本朝,出摧强敵,名聲振 太元元年,權寢疾,詣都,留爲太常,與諸葛恪等俱受遺詔輔政。 孫亮卽位,加衞將軍。

者大事,事以衆濟,衆苟不悅,君獨安之?」恪曰:「諸云不可者,皆不見計算,懷居苟安者 省文書,或通曉不寐。〔〕 國家之資,藉戰勝之威,則何往而不克哉!」以胤爲都下督,掌統留事。胤白日接賓客,夜 也,而子復以爲然,吾何望焉?夫以曹芳闇劣,而政在私門,彼之臣民,固有離心。今吾因 遠主有備。若攻城不克,野略無獲,是喪前勞而招後責也。 不如案甲息師,觀隙而動。 且兵

[一] 吳書曰:胤籠任彌高,接士愈勤,表奏書疏,皆自經意,不以委下。

鄉侯。 共事如前。〔一〕 辭位,峻曰:「鯀禹罪不相及,滕侯何爲?」峻、胤雖內不沾洽,而外相包容,進胤虧高密侯 精果膽決。 孫峻字子遠,孫堅弟靜之曾孫也。 既誅諸葛恪,遷丞相大將軍,督中外諸軍事,假節,進封富春侯。滕胤以恪子竦妻父 孫權末,徙武衞都尉,爲侍中。權臨薨,受遺輔政,領武衞將軍,故典宿衞,封都 靜生暠。暠生恭,爲散騎侍郎。恭生峻。少便弓馬,

〕吳錄曰:羣臣上奏,共推峻爲太尉,議胤爲司徒。 心所附,不可貳也。乃表以峻爲丞相,又不置御史大夫,士人皆失望矣。 時有媚峻者,以爲大統宜在公族,若滕胤爲亞公,聲名素重,衆

|峻素無重名,驕矜險害,多所刑殼,百姓囂然。 又姦亂宮人,與公主魯班私通。 五鳳元

年,吳侯英謀殺峻,英事泄死。

壽春,會欽敗降,軍還。〔1〕是歲,蜀使來聘,將軍孫儀、(孫邵綝恂)〔張怡、林恂〕等欲因會殺 二年,魏將毌丘儉、文欽以衆叛,與魏人戰於樂嘉, 峻帥驃騎將軍呂據、左將軍留贊襲

事泄,儀等自殺,死者數十人,幷及公主魯育。

(一) 吳書曰:留贊字正明,會稽長山人。少為郡吏,與黃巾賊帥吳桓戰,手斬得桓。贊一足被創,遂屈不伸。 之。有閒, 置乃以刀自割其筋, 血流滂沱, 氣絕良久。家人驚怖, 亦以旣爾, 遂引申其足。足申創愈, 以得蹉步。 未至壽春,道路病發,峻令贊將軍重先還。魏將蔣班以步騎四千追贊。贊病困,不能整陳,知必敗,乃解曲蓋印 無不克。 敵耳。」弟子不肯受,拔刀欲斫之,乃去。初,贊爲將,臨敵必先被髮叫天,因抗音而歌,左右應之,畢乃進戰,戰 綬付弟子以歸,曰:「吾自爲將,破敵搴旗,未嘗負敗。今病困兵羸,衆寡不敵,汝速去矣,俱死無益於國,適所以快 旨,權以此憚之。諸葛恪征東興,贊爲前部,合戰先陷陳,大敗魏師,遷左將軍。孫峻征淮南,授贊節,拜左護軍。 凌統聞之,請與相見,甚奇之,乃表薦贊,遂被試用。累有戰功,稍遷屯騎校尉。時事得失,每常規諫,好直言不阿 非有常人,而我屈躄在閻巷之閒,存亡無以異。今欲割引吾足,幸不死而足申,幾復見用,死則已矣。」親戚皆難 好讀兵書及三史,每覽古良將戰攻之勢,輒對書獨歎,因呼諸近親謂曰:「今天下擾亂,英豪並起,歷觀前世,富貴 及敗,歎曰:「吾戰有常術,今病因若此,固命也!」遂被害,時年七十三,衆庶痛惜焉。二子略、平,並 然性烈,

峻欲城廣陵,朝臣知其不可城,而畏之莫敢言。唯滕胤諫止,不從,而功竟不就。 吳 書 諸葛滕二孫濮陽傳第十九

整,峻惡之,稱心痛去,遂夢爲諸葛恪所擊,恐懼發病死,時年三十八,以後事付綝。 咨自江都入淮、泗,以圖唐、徐。 峻與胤至石頭,因餞之,領從者百許人入據營。 其 明年,文欽說峻征魏,峻使欽與呂據、車騎〔將軍〕劉纂、鎭南〔將軍〕朱異、前將軍唐 據御軍齊

亂,迫融等使有書難綝。 并喻胤宜速去意。胤自以禍及,因留融、晏,勒兵自衞,召典軍楊崇、將軍孫咨,告以綝爲 於江都,使中使敕文欽、劉纂、唐咨等合衆擊據,遣侍中左將軍華融、中書丞丁晏告胤取據, 士數十人,夷胤三族。(三 呂侯以在近道,故皆爲胤盡死,無離散者。時大風,比曉,據不至。綝兵大會,遂殺胤及將 龍門,將士見公出,必皆委綝就公。時夜已半,胤恃與據期,又難舉兵向宮,乃約令部曲,說 **劫融等,使詐詔發兵。融等不從,胤皆殺之。〔1〕胤顏色不變,談笑若常。或勸胤引兵至蒼** 胤爲大司馬,代呂岱駐武昌。據引兵還,使人報胤,欲共廢綝。綝聞之,遣從兄慮將兵逆據 ,領中外諸軍事,代知朝政。 孫綝字子通,與峻同祖。 綝不聽,表言胤反,許將軍劉丞以封爵,使率兵騎急攻圍胤。 呂據聞之大恐,與諸督將連名,共表薦滕胤爲丞相,綝更以 胤叉

書,乃擢融爲太子庶子,遂知名顯達。 或告溫曰:「蕊山下有華德裝者,雖年少,美有令志,可舍也。」 溫遂止融家,朝夕談講。 融子謂,黃門郎,與融幷見害。 次子譚,以才辯稱,晉祕書監 俄而溫為選部尚

(三)臣松之以爲孫綝雖凶虐,與滕胤宿無嫌隙,胤若且順綝意,出鎭武昌,豈徒免當時之禍,仍將永保元吉,而犯機觸

厚之,至右將軍、無難督,授節蓋,平九官事。綝遇慮薄於峻時,慮怒,與將軍王惇謀殺綝。 綝遷大將軍,假節,封永寧侯,負貴倨傲,多行無禮。一初,峻從弟慮與誅諸葛恪之謀,峻

恩救,會誕敗引還。 兵五千詭道襲都陸,盡焚異資糧。綝授兵三萬人使異死戰,異不從,綝斬之於鑊里,而遣弟 所破,軍卻退就高。異復作車箱圍趣五木城。苞、泰攻異,異敗歸,而魏太山太守胡烈以奇 軍任度、張震等募勇敢六千人,於屯西六里爲浮橋夜渡,築偃月壘。爲魏監軍石苞及州泰 大發卒出屯鑊里,復遣異率將軍丁奉、黎斐等五萬人攻魏,留輜重於都陸。 安豐城,爲文欽勢。 魏鎭南將軍王基圍誕,欽等突圍入城。魏悉中外軍二十餘萬增誕之圍。朱異帥三萬人屯 魏大將軍諸葛誕舉壽春叛,保城請降。吳遣文欽、唐咨、全端、全懌等帥三萬人救之。 魏兗州刺史州泰拒異於陽淵,異敗退,爲泰所追,死傷二千人。綝於是 綝旣不能拔出誕,而喪敗士衆,自戮名將,莫不怨之。 異屯黎漿,遣將

從姊女也,以其謀告綝。綝率衆夜襲全尚,遣弟恩殺劉承於蒼龍門外,遂圍宮。〔1〕使光祿 虎林,殺損於建業。綝入諫不從,亮遂與公主魯班、太常全尚、將軍劉承議誅綝。亮妃,綝 嫌綝,乃推魯育見殺本末,責怒虎林督朱熊、熊弟外部督朱損不匡正孫峻,乃令丁奉殺熊於 將軍據入蒼龍宿衞,弟武衞將軍恩、偏將軍幹、長水校尉闓分屯諸營,欲以專朝自固。 亮內 勳孟宗告廟廢亮,召羣司議曰:「少帝荒病昏亂,不可以處大位,承宗廟,以告先帝廢之。 諸 班告遠近。尚書桓彝不肯署名,綝怒殺之。曰 綝以孫亮始親政事,多所難問,甚懼。 還建業,稱疾不朝,築室于朱雀橋南, 使弟威遠

(1) 江表傳曰:亮召全尚息黃門侍郎紀密謀,曰:「孫綝專勢,輕小於孤。孤見敕之,使速上岸,爲唐咨等作援,而留湖 姊,邂逅泄漏,誤孤非小也。」紀承韶,以告尚,倘無遠慮,以語紀母。母使人密語綝。綝夜發嚴兵廢亮,比明,兵 **解散,不得舉手,正爾自得之。** 規取之,卿父作中軍都督,使密嚴整士馬,孤當自出臨橋,帥宿衞虎騎、左右無難一時圍之。 無面目復見。」因自殺。 牽攀止之,乃不得出,歎咤二日不食,罵其妻曰:「爾父憒憒,敗我大事!」又呼紀,紀曰:「臣父奉詔不謹,負上, 已圍宮。亮大怒,上馬,帶鞬執弓欲出,曰:「孤大皇帝之適子,在位已五年,誰敢不從者?」 侍中近臣及乳母共 中,不上岸一步。又委罪朱異,擅殺功臣,不先表聞。築第橋南,不復朝見。此爲自在,無復所畏,不可久忍。今 卿去,但當使密耳。 卿宣詔語卿父,勿令卿母知之,女人既不曉大事,且綝同堂 作版詔敕綝所領皆

孫盛曰:亮傳稱亮少聰慧,勢當先與紀謀,不先令妻知也。江表傳說漏泄有由,於事爲詳矣。

三漢晉春秋曰:蘇,魏尚書令階之弟。

吳錄曰:晉武帝問醉鑒吳之名臣,瑩對稱彝有忠貞之節。

以作戲具。朱據先帝舊臣,子男熊、損皆承父之基,以忠義自立,昔殺小主,自是大主所創, 內,取兵子弟十八已下三千餘人,習之苑中,連日續夜,大小呼嗟,敗壞藏中矛戟五千餘枚, 能輔導陛下。頃月以來,多所造立,親近劉承,悅於美色,發吏民婦女,料其好者,留於宮 以今月二十七日擒倘斬承。以帝爲會稽王,遣楷奉迎。百寮喁喁,立住道側。」 重,曾無一言以諫陛下,而與敵往來,使傳國消息,懼必傾危社稷。 推案舊典,運集大王,輒 金銀,師工晝夜不息。太常全尙,累世受恩,不能督諸宗親,而全端等委城就魏。尚位過 帝不復精其本末,便殺熊、損,諫不見用,諸下莫不側息。帝於宮中作小船三百餘艘,成以 典軍施正勸綝徵立琅邪王休,綝從之,遣宗正楷奉書於休日:「綝以薄才,見授大任,不

國,因緣肺腑,位極人臣,傷錦敗駕,罪負彰露,尋愆惟闕,夙夜憂懼。臣聞天命棐諶,必就有 德,是以幽厲失度,周宣 頭伍子胥廟,又壞浮屠祠,斬道人。休旣卽位,稱草莽臣,詣闕上書曰:「臣伏自省,才非幹 綝遣將軍孫耽送亮之國,徙尙於零陵,遷公主於豫章。 綝意彌溢,侮慢民神,遂燒大橋 一中興,陛下聖德,纂承大統,宜得良輔,以協雍熙,雖堯之盛,循求稷

|契之佐,以協明聖之德。 古人有言:『陳力就列,不能者止。』 相、荆州牧,食五縣。」恩爲御史大夫、衞將軍,據右將軍,皆縣侯。幹雜號將軍、亭侯。 闓亦 康社稷,功勳赫然。昔漢孝宣踐阼,霍光尊顯,褒德賞功,古今之通義也。其以大將軍爲丞 會,羣公卿士,暨于朕躬,以奉宗廟。朕用憮然,若涉淵冰。大將軍忠計內發,扶危定傾,安 印綬節鉞,退還田里,以避賢路。」休引見慰喩。又下詔曰:「朕以不德,守藩于外,值茲際 封亭侯。綝一門五侯,皆典禁兵,權傾人主,自吳國朝臣未嘗有也。 臣雖自展竭,無益庶政,謹上

以言聞休,休銜之,恐其有變,數加賞賜,又復加恩侍中,與綝分省文書。或有告綝懷怨侮 衞士施朔又告「綝欲反有徵」。休密問張布,布與丁奉謀於會殺綝。 精兵萬餘人,皆令裝載,所取武庫兵器,咸令給與。[1]將軍魏邈說休日「綝居外必有變」,武 上欲圖反者,休執以付綝,綝殺之,由是愈懼,因孟宗求出屯武昌,休許焉,盡敕所督中營 之者。吾以陛下賢明,故迎之。帝非我不立,今上禮見拒,是與凡臣無異,當復改圖耳。」布 |綝奉牛酒詣||休,|休不受,齎詣左將軍||張布;酒酣,出怨言曰:「,初廢少主時,多勸吾自爲

(一) 吳歷曰: 綝求中書兩郎, 典知荆州諸軍事, 主者奏中書不應外出, 休特聽之, 其所請求, 一皆給與。

戊辰腊會,綝稱疾。休彊起之,使者十餘輩,綝不得已,將入,衆止焉。綝曰「國家屢 永安元年十二月丁卯,建業中謠言明會有變,綝聞之,不悅。夜大風發木揚沙,綝益

有命,不可辭。可豫整兵,令府內起火,因是可得速還。」遂入,尋而火起,綝求出,休曰:「外 兵自多,不足煩丞相也。」綝起離席, 「卿何以不徙滕胤、呂據?」綝復曰:「顧沒爲官奴。」休曰:「何不以胤、據爲奴乎!」遂斬 以綝首令其衆曰:「諸與綝同謀皆赦。」放仗者五千人。 發孫峻棺,取其印綬,斲其木而埋之,以殺魯育等故也 奉、布目左右縛之。 綝叩首曰:「願徙交州。」休日: **闓乘船欲北降**,追殺之。

其罹恪等事見遠徙者,一切召還。」 曰:「諸葛恪、滕胤、呂據蓋以無罪爲峻、綝兄弟所見殘害,可爲痛心,促皆改葬, |綝死時年二十八。|休恥與峻、綝同族,特除其屬籍, 稱之曰故峻、故綝云。 各爲祭奠。 休又下詔

時除 深與相結。 上虞令,稍遷至尙書左曹,以五官中郎將使燭,還爲會稽太守。 濮陽興字子元,陳留人也。父逸,漢末避亂江東,官至長沙太守。〔〕興少有士名,孫權 及休卽位,徵興爲太常衞將軍、平軍國事,封外黃侯。 時琅邪王休居會稽,興

(1)逸事見陸瑁傳。

唯興以爲可成。 永安三年,都尉嚴密建丹楊湖田,作浦里塘。 遂會諸兵民就作, 功傭之費不可勝數, 士卒死亡,或自賊殺, 百姓大怨之。 韶百官會議,咸以爲用功多而 田不保成,

四五二

興遷爲丞相,與休寵臣左將軍張布共相表裏,邦內失望。

迎立 酷因收興、布,徙廣州、道追殺之、夷三族。 階。 七年七月,休薨。 **皓旣踐**阵,加興侍郎,領青州牧。 左典軍萬彧素與烏程侯孫晧善, 俄彧譖興、布追悔前事。 乃勸興、布,於是興、布廢休適子而 十一(年)[月]朔入朝,

經國,協張布之邪,納萬彧之說,誅夷其宜矣。 而孫峻之時猶保其貴,必危之理也。 乎!若躬行所與陸遜及弟融之書,則悔吝不至,何尤禍之有哉。滕胤厲脩士操,遵蹈規矩, 評曰:諸葛恪才氣幹略,邦人所稱,然驕且吝,周公無觀,況在於恪。 矜己陵人,能無敗 峻、綝凶豎盈溢,固無足論者。 濮陽興身居宰輔,慮不

王樓賀章華傳第二十

邵、薛瑩、虞氾俱爲散騎中常侍,皆加駙馬都尉。時論清之。遣使至蜀,蜀人稱焉,還爲夏邵、薛瑩、虞氾俱爲散騎中常侍,皆加駙馬都尉。時論清之。遣使至蜀,蜀人稱焉,還爲夏 王蕃字水元,廬江人也。博覽多聞,無通術藝。 。始爲尙書郞,去官。孫休卽位,與賀

孫晧初,復入爲常侍,與萬彧同官。彧與晧有舊,俗士挾侵,謂蕃自輕。 又中書丞陳

口監軍。

酒亦不解。。蕃性有威嚴,行止自若,皓大怒,呵左右於殿下斬之。衛將軍滕牧、征西將軍留 甘露二年,丁忠使晉還,皓大會羣臣,蕃沈醉頓伏,皓疑而不悅,舉蕃出外。頃之請還,

平請,不能得。[]

不主皮,爲力不同科,其義云何」? 蕃思惟未答,即於殿上斬蕃。出登來山,使親近將(跳) [擲]審首,作虎跳狼 問蕃「射

爭咋齧之,頭皆碎壞,欲以示威,使衆不敢犯也。此與本傳不同。

何則? 以報厚施乎?」或曰:「唐虞之朝無謬舉之才,造义之門無騖蹇之質,蕃上誣明選,下訕楨幹,何傷於日月,適多 吳錄曰:"時每於會,因酒酣,輒令侍臣嘲謔公卿,以爲笑樂。 見其不知量耳。」 物有本性,不可橫處非分也。」或出自谿谷,羊質虎皮,虚受光赫之籠,跨越三九之位,犬馬猶能識養,將何 萬彧旣爲左丞相,蕃嘲彧曰:「魚潛於淵,出水煦沫。

臣松之按本傳云丁忠使晉還,晧爲大會,於會中殺蕃,檢忠從北還在此年之春,彧時尚未爲丞相,至秋乃爲相耳。

吳錄所言為乖互不同

著、延皆作佳器,郭馬起事,不爲馬用,見害。 逢也。昔事景皇,納言左右,景皇欽嘉,歎爲異倫。而陛下忿其苦辭,惡其直對,梟之殿堂, 尸骸暴棄,郡內傷心,有識悲悼。」其痛蕃如此。|蕃死時年三十九,時徙蕃家屬廣州。 丞相陸凱上疏曰:「常侍王蕃黃中通理,知天知物,處朝忠蹇,斯社稷之重鎭,大吳之龍

持刀侍衞,正身率衆,奉法而行,應對切直,數迕ा意,漸見責怒。後人誣白玄與賀邵相逢, 好人,皓因敕有司,求忠清之士,以應其選,遂用玄爲宮下鎭禁中候,主殿中事。玄從九卿 騎中常侍,出爲會稽太守,入爲大司農。舊禁中主者自用親近人作之,彧陳親密近識,宜用 樓玄字承先,沛郡蘄人也。孫休時爲監農御史。孫晧卽位,與王蕃、郭逴、萬彧俱爲散

駐共耳語大笑,謗訕政事,遂被詔詰責,送付廣州

保,乞陛下赦玄前愆,使得自新,擢之宰司,責其後效,使爲官擇人,隨才授任,則舜之恭己, 於器中見敕書,還便自殺。〔〕〕 據到交阯,病死。」玄一身隨奕討賊,持刀步涉,見奕輒拜,奕未忍殺。會奕暴卒,玄殯斂奕, 當世,衆服其操,無與爭先。夫淸者則心平而意直,忠者惟正道而履之,如玄之性,終始可 與天同極。臣夙夜思惟,諸吏之中,任幹之事,足委仗者,無勝於樓玄。」玄清忠奉公,冠冕 聖慮。陛下旣垂意博古,綜極藝文,加勤心好道,隨節致氣,宜得閒靜以展神思,呼翕淸淳, 任得其人,故優游而自逸也。今海內未定,天下多事,事無大小,皆當關聞,動經御坐,勞損 總其條目,爲作維綱,衆事乃理。論語曰:『無爲而治者其舜也與!恭己正南面而已。』言所 東觀令華覈上疏曰:「臣竊以治國之體,其猶治家。 主田野者,皆宜良信。又宜得一人

一〕江表傳曰: 階遷將張奕追賜玄鴆,奕以玄賢者,不忍卽宣詔致藥,玄陰知之,謂奕曰:「當早告玄,玄何惜邪?」卽

臣松之以玄之淸高,必不以安危易操,無緣驟拜張奕,以虧其節。 且禍機既發,豈百拜所免?江表傳所言, 於理

吳 書 王樓賀韋華傳第二十

爲長。

賀邵字興伯,會稽山陰人也。[二孫休卽位,從中郞爲散騎中常侍,出爲吳郡太守。 系

時時,入爲左典軍,遷中書令,領太子太傅。

(二) 吳書曰: 邵,賀齊之孫,景之子。

· 哈兇暴驕矜,政事日弊。 邵上疏諫曰:

方,而庸臣茍媚,先意承旨,各希時趣,人執反理之評,士吐詭道之論,遂使淸流變濁, 順意之辭,將謂此輩實賢,而天下已平也。臣心所不安,敢不以聞。 忠臣結舌。陛下處九天之上,隱百重之室,言出風靡,令行景從,親洽寵媚之臣,日聞 政。自頃年以來,朝列紛錯,眞僞相貿,上下空任,文武曠位,外無山嶽之鎮,內無拾遺 任賢之功也。陛下以至德淑姿,統承皇業,宜率身履道,恭奉神器,旌賢表善,以康庶 之臣;佞諛之徒拊翼天飛,干弄朝威,盜竊榮利,而忠良排墜,信臣被害。是以正士摧 古之聖王,所以潛處重闈之內而知萬里之情,垂拱衽席之上,明照八極之際者,

譽日損而禍至。是以古之人君,揖讓以進賢,虛己以求過,譬天位於乘犇,以虎尾爲警 至於陛下,嚴刑法以禁直辭,黜善士以逆諫臣,眩燿毀譽之實,沈淪近習之言。昔 臣聞興國之君樂聞其過,荒亂之主樂聞其譽;聞其過者過日消而福臻,聞其譽者 吳 書 王複贺革華傳第二十

所不諱,陛下猥發雷霆,謂之輕慢,飲之醇酒,中毒隕命。 自是之後,海內悼心,朝臣失 以醉酒之間加之大戮。近鴻臚葛奚,先帝舊臣,偶有逆迕,昏醉之言耳,三爵之後,禮 高宗思佐,夢寐得賢,而陛下求之如忘,忽之如遺。故常侍王蕃忠恪在公,才任輔弼,

圖,仕者以退爲幸,居者以出爲福,誠非所以保光洪緒,熙隆道化也。

莽,殫其九野之獸,聚於重圍之內,上無益時之分,下有損耗之費。而兵士罷於運送, 路。夫小人求入,必進姦利,定閒妄興事役,發江邊戍兵以驅麋鹿,結罝山陵,芟夷林 清澄朝位,旌敍俊义,放退佞邪,抑奪姦勢,如是之輩,一勿復用,廣**延淹滯,容受直辭** 陛下上懼皇天譴告之誚,下追二君攘災之道,遠覽前代任賢之功,近寤今日謬授之失, 行事,災祥之應,所爲寒慄。昔高宗脩己以消鼎雉之異,宋景崇德以退熒惑之變,願 人力竭於驅逐,老弱飢凍,大小怨歎。臣竊觀天變,自比年以來陰陽錯謬,四時逆節, 假其威柄,使定恃籠放恣,自擅威福,口正國議,手弄天機,上虧日月之明,下塞君子之 **越承乾指**,敬奉先業,則大化光敷,天人望塞也。 日食地震,中夏隕霜,參之典籍,皆陰氣陵陽,小人弄勢之所致也。臣嘗覽書傳,驗諸 又何定本趨走小人,僕隸之下,身無錙銖之行,能無鷹犬之用,而陛下愛其佞媚,

傳曰:「國之興也,視民如赤子;其亡也,以民爲草芥。」陛下昔韜神光,潛德東夏,

乏,省諸不急,盪禁約法,則海內樂業,大化普洽。夫民者國之本,食者民之命也,今國 出當鋒鏑之難,入抱無聊之感。是以父子相棄,叛者成行。願陛下寬賦除煩,振恤窮 以守界備難,宜特優育,以待有事,而徵發賦調,煙至雲集,衣不全裋褐,食不贍朝夕, 是以人力不堪,家戶離散,呼嗟之聲,感傷和氣。又江邊戍兵,遠當以拓土廣境,近當 之費,使庫廩空於無用,士民飢於糟糠。 無一年之儲,家無經月之畜,而後宮之中坐食者萬有餘人。內有離曠之怨,外有損耗 黎民罷無已之求,老幼飢寒,家戶菜色,而所在長吏,迫畏罪負,嚴法峻刑,苦民求辦。 法禁轉苛,賦調益繁;中宮內豎,分布州郡,橫興事役,競造姦利;百姓罹杼軸之困,

號,據嚴函之阻,德化不脩,法政苛酷,毒流生民,忠臣杜口,是以一夫大呼,社稷傾覆。 臣聞否泰無常,吉凶由人,長江之限不可久恃,苟我不守,一葦可航也。 昔秦建皇帝之 士,保全先軌,何可忽顯祖之功勤,輕難得之大業,忘天下之不振,替興衰之巨變哉? 里,雖承天贊,實由人力也。餘慶遺祚,至於陛下,陛下宜勉崇德器,以光前烈,愛民養 虜之不爲難,誠非長策廟勝之要也。 昔大皇帝勤身苦體,創基南夏,割據江山,拓土萬 叉北敵注目,伺國盛衰,陛下不恃己之威德,而怙敵之不來,忽四海之困窮,而輕

係頸,共爲羈僕。此當世之明鑒,目前之炯戒也。願陛下遠考前事,近鑒世變,豐基彊 近劉氏據三關之險,守重山之固,可謂金城石室,萬世之業,任授失賢,一朝喪沒,君臣

本,割情從道,則成康之治興,而聖祖之祚隆矣。

邵李無一語,竟見殺害,家屬徙臨海。并下詔誅玄子孫,是歲天册元年也,邵年四十九。日 見送南州,邵原復職。後邵中惡風,口不能言,去職數月,皓疑其託疾,收付酒藏,掠考干所, 書奏, 皓深恨之。 邵奉公貞正,親近所憚。乃共譖邵與樓玄謗毀國事, 俱被詰責。 玄

[]]邵子循,字彦先。

循諸所著論,並傳於世。子隰,臨海太守。 時朝廷初建,動有疑議,宗廟制度皆循所定,朝野諮詢,爲一時儒宗。年六十,太興二年卒。追贈司空,諡曰穆。 吳國內史,不就。 作亂,以循爲丹楊內史,循稱疾固辭,敏不敢逼。于時江東豪右無不受敏爵位,惟循與同郡朱誕不挂賊網。 蔽賢之咎,是以不勝愚管,謹冒死表聞。」 久之,召為太子舍人。 石冰破揚州,循亦合衆,事平, 杜門不出。 無階緒,實州黨愚智所爲悵然。臣等並以凡才,累授飾進,被服恩澤,忝豫朝末,知良士後時,而守局無言,懼有 風操凝峻,歷踐三城,刑政肅穆,守職下縣,編名凡萃,出自新邦,朝無知己,恪居遐外,志不自營,年時倏忽,而邈 禮。舉秀才,除陽羨、武康令。顧榮、陸機、陸雲表薦循曰:「伏見吳興武康令賀循德量邃茂,才鑒淸遠,服膺道素, 虞預晉書曰:循丁家禍,流放海濱,吳平,還鄕里。節操高厲,童齓不羣,言行舉動,必以禮讓。好學博聞,尤善三 元皇帝爲鎭東將軍,請循爲軍司馬,帝爲晉王,以循爲中書令,固讓不受,轉太常,領太子太傅。

幸曜字弘嗣,吳郡雲陽人也。〔1〕少好學,能屬文,從丞相掾,除西安令,還爲尙書郎,遷

太子中庶子。

[一] 曜本名昭,史爲晉諱,改之。

時蔡穎亦在東宮,性好博弈,太子和以爲無益,命曜論之。 其辭曰:

歲月,累之以日力,若甯越之勤,董生之篤,漸漬德義之淵,棲遲道藝之域。且以西伯 名。故山甫勤於夙夜,而吳漢不離公門,豈有游惰哉? 窮困不易其素,是以卜式立志於耕牧,而黃霸受道於囹圄,終有榮顯之福,以成不朽之 乎。歷觀古今立功名之士,皆有累積殊異之迹,勞身苦體,契闊勤思,平居不墮其業, 之聖,姬公之才,猶有日昃待旦之勞,故能隆興周道,垂名億載,況在臣庶,而可以已 之志士,悼年齒之流邁而懼名稱之不立也,故勉精厲操,晨興夜寐,不遑寧息,經之以 **蓋聞君子恥當年而功不立,疾沒世而名不稱,故曰學如不及,猶恐失之。是以古**

其臨局交爭,雌雄未決,專精銳意,心勞體倦,人事曠而不脩,賓旅闕而不接,雖有太牢 之饌,韶夏之樂,不暇存也。至或賭及衣物,徙棊易行,廉恥之意弛,而忿戾之色發,然 今世之人多不務經術,好翫博弈,廢事棄業,忘寢與食,窮日盡明,繼以脂燭。當

考之於道藝,則非孔氏之門也;以變詐爲務,則非忠信之事也;以劫殺爲名,則非 藝,用非經國;立身者不階其術,徵選者不由其道。求之於戰陳,則非孫、吳之倫也; 之居室也勤身以致養,其在朝也竭命以納忠,臨事且猶旰食,而何博弈之足耽。夫然, 仁者之意也;而空妨日廢業,終無補益。是何異設木而擊之,置石而投之哉!且君子 其所志不出一枰之上,所務不過方罫之閒,勝敵無封爵之賞,獲地無衆土之實。技非六

賞,誠千載之嘉會,百世之良遇也。當世之士,宜勉思至道,愛功惜力,以佐明時,使名 書史籍,勳在盟府,乃君子之上務,當今之先急也。 徒則處龍鳳之署,百行兼苞,文武並騖,博選良才,旌簡髦俊,設程試之科,垂金爵之 方今大吳受命,海內未平,聖朝乾乾,務在得人,勇略之士則受熊虎之任,儒雅之

故孝友之行立,貞純之名彰也。

也。 智計,是有良、平之思也;用之於資貨,是有猗頓之富也;用之於射御,是有將帥之備 兼綦局而貿博弈矣。假令世士移博弈之力而用之於詩書,是有顏、閔之志也;用之於 如此則功名立而鄙賤遠矣。 夫一木之枰孰與方國之封。枯棊三百孰與萬人之將。袞龍之服,金石之樂,足以

和廢後,爲黃門侍郎。孫亮即位,諸葛恪輔政,表曜爲太史令,撰吳書,華覈、薛瑩等皆 王樓賀章華傳第二十

左將軍張布近習寵幸,事行多玷,憚曜侍講儒士,叉性精确,懼以古今警戒休意,固爭不可。 孫休踐阼,爲中書郎、博士祭酒。命曜依劉向故事,校定衆書。又欲延曜侍講,而

休深恨布,語在休傳。然曜竟止不入。 **皓以問曜,曜答曰:「此人家筐篋中物耳。」 叉皓欲爲叉和作紀,曜執以和不登帝位,宜** 孫晧即位,封高陵亭侯,遷中書僕射,職省,爲侍中,常領左國史。時所在承 指 數言瑞

名爲傳。如是者非一,漸見責怒。曜益憂懼,自陳衰老,求去侍、史二官,乞欲成所造書以

從業別有所付,暗終不聽。時有疾病,醫藥監護,持之愈急。

已。時以爲不承用詔命,意不忠盡,遂積前後嫌忿,收曜付獄,是歲鳳皇二年也。 於酒後使侍臣難折公卿,以嘲弄侵克,發摘私短以爲歡。時有愆過,或誤犯晧諱,輒見收 縛,至於誅戮。曜以爲外相毀傷,內長尤恨,使不濟濟,非佳事也,故但示難問經義言論而 不過二升,初見禮異時,常爲裁減,或密賜茶荈以當酒,至於寵衰,更見偪彊,輒以爲罪。 **啮每饗宴**,無不竟日,坐席無能否率以七升爲限,雖不悉入口,皆澆灌取盡。 曜素飲酒

多虛無,在書籍者亦復錯謬。囚尋按傳記,考合異同,采摭耳目所及,以作洞紀,起自庖犧, 念當灰滅,長棄黃泉,愚情慺慺,竊有所懷,貪令上聞。 囚昔見世閒有古曆注,其所紀載旣 曜因獄吏上辭曰:「囚荷恩見哀,無與爲比,曾無芒犂有以上報,孤辱恩寵,自陷極罪。

誤。囚自忘至微,又作官職訓及辯釋名各一卷,欲表上之。新寫始畢,會以無狀,幽囚待 然物類衆多,難得詳究,故時有得失,而飮位之事,又有非是。愚以官爵,今之所急,不宜乖 命,泯沒之日,恨不上聞,謹以先死列狀,乞上言祕府,於外料取,呈內以聞。追懼淺蔽,不 至于秦、漢,凡爲三卷,當起黃武以來,別作一卷,事尙未成。又見劉熙所作釋名,信多佳者, 合天聽,抱怖雀息,乞垂哀省。」

典,溫故知新,及意所經識古今行事,外吏之中少過曜者。昔李陵爲漢將,軍敗不還而降 異體,宜得曜輩依準古義,有所改立。漢氏承秦,則有叔孫通定一代之儀,曜之才學亦漢通 成立,垂之無窮。 仁篤,愼終追遠,迎神之際,垂涕敕曜。曜愚惑不達,不能敷宣陛下大舜之美,而拘繫史官, 覈連上疏救曜日:「曜運値千載,特蒙哀識,以其儒學,得與史官,貂蟬內侍,承合天問,聖朝 統之期,庶不復久。 匈奴,司馬遷不加疾惡,爲陵遊說,漢武帝以遷有良史之才,欲使畢成所撰,忍不加誅,書卒 使聖趣不敍,至行不彰,實曜愚蔽當死之罪。然臣慺慺,見曜自少勤學,雖老不倦,探綜墳 有誤謬,數數省讀,不覺點汚。被問寒戰,形氣吶吃。謹追辭叩頭五百下,兩手自搏。」而華 曜冀以此求免,而晧更怪其書之垢,故又以詰曜。曜對曰:「囚撰此書,實欲表上,懼 今曜在吳,亦漢之史遷也。伏見前後符瑞彰著,神指天應,繼出累見,一 事平之後,當觀時設制,三王不相因禮,五帝不相沿樂,質文殊塗,損益

罪,爲終身徒,使成書業,永足傳示,垂之百世。謹通進表,叩頭百下。」

皓不許,遂誅曜, 者,實不可使闕不朽之書。如臣頑蔽,誠非其人。曜年已七十,餘數無幾,乞赦其一等之 記,遠不及固,敍傳尤劣。今吳書當垂千載,編次諸史,後之才士論次善惡,非得良才如曜 之次也。又吳書雖已有頭角,敍贊未述。昔班固作漢書,文辭典雅,後劉珍、劉毅等作漢

徙其家零陵。子隆,亦有文學也。

哀悼。臣不勝忡悵之情,謹拜表以聞。」 振,失委附之土,棄貢獻之國,臣以草芥,竊懷不寧。陛下聖仁,恩澤遠撫,卒聞如此,必垂 抗表至,成都不守,臣主播越,社稷傾覆。昔衞爲翟所滅而桓公存之,今道里長遠,不可救 **蜀爲魏所幷,覈詣宮門發表曰:「閒聞賊衆蟻聚向西境,西境艱險,謂當無虞。 定聞陸** 華覈字永先,吳郡武進人也。始爲上虞尉、典農都尉,以文學入爲祕府郎,遷中書丞。

時盛夏興工,農守並廢,覈上疏諫曰: 孫皓卽位,封徐陵亭侯。寶鼎二年,皓更營新宮,制度弘廣,飾以珠玉,所費甚多。是

更始,分王子弟以藩漢室,當此之時,皆以爲泰山之安,無窮之基也。至於賈誼,獨以爲 臣聞漢文之世,九州晏然,秦民喜去慘毒之苛政,歸劉氏之寬仁,省役約法,與之

火未及然而謂之安。其後變亂,皆如其言。臣雖下愚,不識大倫,竊以曩時之事,揆今 可痛哭及流涕者三,可爲長嘆息者六,乃曰當今之勢何異抱火於積薪之下而寢其上,

儲,恤民重役,務養戰士,是以大小感恩,各思竭命。斯運未至,早棄萬國。自是之後, 敵據九州之地,有大半之衆,習攻戰之餘術,乘戎馬之舊勢,欲與中國爭相吞之計,其 故。昔海虜窺窬東縣,多得離民,地習海行,狃於往年,鈔盜無日,今胸背有嫌,首尾多 爲西藩,土地險固,加承先主統御之術,謂其守御足以長久,不圖一朝,奄至傾覆。 民困,無時獲安。今之存者乃創夷之遺衆,哀苦之餘民耳。遂使軍資空匱,倉廩不實, 彊臣專政,上詭天時,下違衆議,亡安存之本,邀一時之利,數興軍旅,傾竭府藏,兵勞 猶楚漢勢不兩立,非徒漢之諸王淮南、濟北而已。 誼之所欲痛哭,比今爲緩,抱火臥薪 合浦以北,民皆搖動,因連避役,多有離叛,而備戍減少,威鎭轉輕,常恐呼吸復有變 布帛之賜,寒暑不周,重以失業,家戶不贍。而北積穀養民,專心向東,無復他警。蜀 之喩,於今而急。大皇帝覽前代之如彼,察今勢之如此,故廣開農桑之業,積不訾之 亡齒寒,古人所懼。交州諸郡,國之南土,交阯、九眞二郡已沒,日南孤危,存亡難保, **誼日復數年閒,諸王方剛,漢之傅相稱疾罷歸,欲以此爲治,雖<u>堯</u>舜不能安。 今大**

守,曠日持久,則軍糧必乏,不待接刃,而戰士已困矣。 當委版築之役,應烽燧之急,驅怨苦之衆,赴白刃之難,此乃大敵所因爲資也。如但固 農時將過,東作向晚,有事之日,整嚴未辨。若舍此急,盡力功作,卒有風塵不虞之變, 難,乃國朝之厄會也。誠宜住建立之役,先備豫之計,勉墾殖之業,爲饑乏之救。

若大功畢竟,輿駕遷住,門行之神,皆當轉移,猶恐長久未必勝舊。 屢遷不可,留則有 前後屢臻,明珠旣覿,白雀繼見,萬億之祚,實靈所挺,以九域爲宅,天下爲家,不與編 戒。今築宮爲長世之洪基,而犯天地之大禁,襲春秋之所書,廢敬授之上務,臣以愚 己,土行正王,旣不可犯,加叉農月,時不可失。昔魯隱公夏城中丘,春秋書之,垂爲後 侯,不可以起兵動衆,舉大事必有大殃。今雖諸侯不會,諸侯之軍與會無異。六月戊 嫌,此乃愚臣所以夙夜爲憂灼也。臣省月令,季夏之月,不可以興土功,不可以會諸 天示二主,至如他餘錙介之妖,近是門庭小神所爲,驗之天地,無有他變,而徵祥符瑞 誤忝近署,不能翼宣仁澤以感靈祇,仰慚俯愧,無所投處。 退伏思惟,熒惑桑穀之異, 史之言,而熒惑退舍,景公延年。夫脩德於身而感異類,言發於口而通神明,臣以愚蔽, 戶之民轉徙同也。又今之宮室,先帝所營,卜土立基,非爲不祥。又楊市土地與宮連接, 昔太戊之時,桑穀生庭,懼而脩德,怪消殷興。熒惑守心,宋以爲災,景公下從瞽

管,竊所未安。

中原,以定彊弱,正於際會,彼益我損,加以勞困,此乃雄夫智士所以深憂。 人,則倍益十萬,病者有死亡之損,叛者傳不善之語,此乃大敵所以歡喜也。 今當角力 東一人。天下未定,深可憂惜之。如此宮成,死叛五千,則北軍之衆更增五萬,若到萬 大衆聚會,希無疾病。且人心安則念善,苦則怨叛。江南精兵,北土所難,欲以十卒當 叉恐所召離民,或有不至,討之則廢役興事,不討則日月滋(慢)〔蔓〕。 若悉並到,

畜。今雖頗種殖,閒者大水沈沒,其餘存者當須耘穫,而長吏怖期,上方諸郡,身涉山 良、平復出,不能爲陛下計明矣。臣聞君明者臣忠,主聖者臣直,是以慺慺,昧犯天威, 當待有事,冗食之衆,仰官供濟。若上下空乏,運漕不供,而北敵犯疆,使周、召更生, 林,盡力伐材,廢農棄務,士民妻拏羸小,墾殖叉薄,若有水旱則永無所獲。 州郡見米, 乞垂哀省。 臣聞先王治國無三年之儲,曰國非其國,安寧之世戒備如此,況敵彊大而忽農忘

當講校文藝,處定疑難,漢時皆名學碩儒乃任其職,乞更選英賢。聞之,以卿研精墳典,博覽 多聞,可謂悅禮樂敦詩書者也。當飛翰騁藻,光贊時事,以越楊、班、張、蔡之疇,怪乃謙光, 書奏,晧不納。後遷東觀令,領右國史,覈上疏辭讓,晧答曰:「得表,以東觀儒林之府,

厚自菲薄,宜勉脩所職,以邁先賢,勿復紛紛。」

作無用之器,婦人爲綺靡之飾,不勤麻枲,並繡文黼黻,轉相倣效,恥獨無有。 兵民之家,猶 謂飢者能食之,勞者能息之,有功者能賞之。民以致其二事而主失其三望者,則怨心生而 載,農人廢南畝之務,女工停機杼之業。推此揆之,則蔬食而長飢,薄衣而履冰者,固不少 復逐俗,內無儋石之儲,而出有綾綺之服,至於富賈商販之家,重以金銀,奢恣尤甚。天下 寒者不俟狐貉而後溫,爲味者口之奇,文繡者身之飾也。今事多而役繁,民貧而俗奢,百工 矣。臣聞主之所求於民者二,民之所望於主者三。二謂求其爲己勞也,求其爲己死也。三 其今年之稅,如有逋懸,則籍沒財物,故家戶貧困,衣食不足。 宜暫息衆役,專心農桑,古人 官,所掌別異,各自下調,不計民力,輒與近期。長吏畏罪,晝夜催民,委舍佃事,遑赴會日, 未平,百姓不贍,宜一生民之原,豐穀帛之業,而棄功於浮華之巧,妨日於侈靡之事,上無尊 功不建。今帑藏不實,民勞役猥,主之二求已備,民之三望未報。且飢者不待美饌而後飽, 稱一夫不耕,或受其飢,一女不織,或受其寒,是以先王治國,惟農是務。軍興以來,已向百 定送到都,或蘊積不用,而徒使百姓消力失時。到秋收月,督其限入,奪其播殖之時,而責 之畜,此乃有國者所宜深憂也。夫財穀所生,皆出於民,趨時務農,國之上急。而都下諸 時倉廩無儲,世俗滋侈,覈上疏曰:「今寇虜充斥,征伐未已,居無積年之儲,出無應敵 吳 書 王樓賀韋華傳第二十

路,兵不離疆,甲不解帶,而可以不廣生財之原,充府藏之積哉?」 虞,猶以彫文之傷農事,錦繡之害女紅,開富國之利,杜飢寒之本。況今六合分乖,豺狼充 之上務,富國之本業也,使管、晏復生,無以易此。漢之文、景,承平繼統,天下已定,四方無 未必無美人也。若實如論,有之無益廢之無損者,何愛而不暫禁以充府藏之急乎?此救乏 不待文綺以致愛,五宋之飾,足以麗矣。若極粉黛,窮盛服,未必無醜婦;廢華宋,去文繡 布帛必積。恣民五色,惟所服用,但禁綺繡無益之飾。且美貌者不待華采以崇好,豔姿者 卑等級之差,下有耗財物力之損。今東士之家,少無子女,多者三四,少者一二,通令戶有 一女,十萬家則十萬人,人織績一歲一束,則十萬束矣。 使四疆之內同心戮力,數年之間,

風。 凡庸。遭眷值聖,受恩特隆。 聖恩雨注,哀棄其尤。猥命草對,潤被下愚。不敢違敕,懼速罪誅。 效無絲氂,負闕山崇。滋潤含垢,恩貸累重。穢質被榮,局命得融。欲報罔極,委之皇 時以覈年老,敕令草表,覈不敢。 又敕作草文,停立待之。 覈爲文曰:「咨覈小臣,草芥 越從朽壤,蟬蛻朝中。熙光紫闥,青璅是憑。 毖挹清露,沐浴凱 冒承詔命, 魂逝形

以微譴冤,數歲卒。 覈前後陳便宜,及貢薦良能,解釋罪過,書百餘上,皆有補益,文多不悉載。一天册元年 曜、覈所論事章疏,咸傳於世也。

機理清要;韋曜篤學好古,博見羣籍,有記述之才。 胡沖以爲玄、邵、蕃一時清妙,略無優 評曰: 薛瑩稱王蕃器量綽異,弘博多通;樓玄淸白節操,才理條暢;賀邵厲志高潔,

獻良規,期於自盡,庶幾忠臣矣。然此數子,處無妄之世而有名位,强死其理,得免爲幸耳。 劣。必不得已,玄宜在先,邵當次之。華覈文賦之才,有過於曜,而典誥不及也。予觀覈數

上三國志注表

所寄,則必接乎麤迹。 下道該淵極,神超妙物,暉光日新,郁哉彌盛。雖一貫墳典,怡心玄賾,猶復降懷近代,博觀 臣松之言:臣聞智周則萬理自賓,鑒遠則物無遺照。雖盡性窮微,深不可識,至於緒餘 是以體備之量,猶曰好察邇言。畜德之厚,在於多識往行。 伏惟陛

興廢。 將以總括前蹤,貽誨來世。

並皆抄內以備異聞。若乃紕繆顯然,言不附理,則隨違矯正以懲其妄。其時事當否及壽之 載,事宜存錄者,則罔不畢取以補其闕。或同說一事而辭有乖雜,或出事本異,疑不能判, 按三國雖歷年不遠,而事關漢、晉。首尾所涉,出入百載。注記紛錯,每多舛互。其壽所不 近世之嘉史。然失在于略,時有所脫漏。臣奉旨尋詳,務在周悉。上搜舊聞,傍摭遺逸。 小失,頗以愚意有所論辯。自就撰集,已垂期月。寫校始訖,謹封上呈。 臣前被詔,使采三國異同以注陳壽國志。壽書銓敍可觀,事多審正。誠遊覽之苑囿,

墨,不足以上酬聖旨,少塞您責。愧懼之深,若墜淵谷。謹拜表以聞,隨用流汗。臣松之誠 **一物。雖自罄勵,分絕藻繢,旣謝淮南食時之敏,又徼狂簡斐然之作。淹留無成,祇穢翰** 竊惟繢事以衆色成文,蜜蠭以兼采爲味,故能使絢素有章,甘踰本質。臣寔頑乏,顧慙

議。 宗以後,偏安江左,近於蜀,而中原魏地全入於金,故南宋諸儒乃紛紛起而帝蜀。 哉?此猶宋太祖篡立近於魏,而北漢、南唐蹟近於蜀,故北宋諸儒皆有所避而不僞魏。高 於當代之論者也。 帝漢順而易,壽欲帝漢逆而難。蓋鑿齒時晉已南渡,其事有類乎蜀,爲偏安者爭正統,此孚 及魏書敍記之得體,是則誠可已不已耳。 其世,未可以一格繩也。惟其誤沿史記周、秦本紀之例,不託始於魏文,而託始曹操,實不 凡魏志三十卷,蜀志十五卷,吳志二十卷。其書以魏爲正統,至習鑿齒作漢晉春秋始立異 自朱子以來,無不是鑿齒而非壽。然以理而論,壽之謬萬萬無辭;以勢而論,則鑿齒 三國志六十五卷,晉陳壽撰,宋裴松之注。壽事蹟具晉書本傳,松之事蹟具宋書本傳。 壽則身爲晉武之臣,而晉武承魏之統,僞魏是僞晉矣。其能行於當代 此皆當論

往嗜奇愛博,頗傷蕪雜。 諸家之論,以辨是非; 所無之事,補其關佚; 宋元嘉中,裴松之受詔爲注,所注雜引諸書,亦時下己意。 一曰傳所有之人,詳其生平;一曰傳所無之人,附以同類。 一曰參諸書之說,以核譌異;一曰傳所有之事,詳其委曲; 如袁紹傳中之胡母班,本因爲董卓使紹而見,乃注曰「班嘗見太山 綜其大致約有六端:一日引 其中往 一日傳

完具, 或無, 記注 語怪,凡十餘處,悉與本事無關,而深於史法有礙,殊爲瑕類。 (傳之革不訓老) 書,糾虔天刑字則引國語。 **(傳,先正字則引文侯之命,釋位字則引左傳,致屆字則引詩,綏爱字、率俾字、昬作字則皆引傳,先正字則引文侯之命,釋位字則引左傳,致屆字則引詩,綏爱字、率俾字、昬作字則皆引** 漢書,考究訓詁,引證故實。故於魏志武帝紀沮授字則注「沮音菹」,獷平字則引續漢書郡 證,其他傳文句則不盡然。 國志注「獷平縣名屬漁陽」,甬道字則引漢書「高祖二年與楚戰築甬道」,贅旒字則引公羊 婦狎昵事 君 一及河伯 不似酈道元 亦頗爲 繈字之類,亦閒有之。 蔣濟傳中引列異傳一條,載濟子死爲泰山伍伯,迎孫阿爲泰山令事;此類鑿空 ,事在搜神記,語多不載」,斯已贅矣。 例不純。 華佗傳之旉本似專,秦宓傳之棘革異文,少帝紀之叟更異字, 水經注、李善文選注皆翦裁割裂之文。故考證之家,取材不竭,轉相引據 然網羅繁富, 然如蜀志廖立傳首忽注其姓曰補救切,魏志涼茂傳中忽引博物 至蜀志郤正傳釋誨一篇,句句引古事爲注至連數簡。 蓋欲爲之而未竟,又惜所已成,不欲删棄,故或詳 凡六朝舊籍今所不傳者,尚一一 鍾繇傳中乃引陸氏異林一條,載繇與鬼 又其初意似亦欲如應劭之注 見其厓略。 亦閒 或略,或有 又如彭羕 叉多首尾 有所辨

者,反多於陳壽本書焉。

華陽國志陳壽傳

敏識,屬文富豔。 陳壽字承祚, 初應州命衞將軍主簿、東觀祕書郎、散騎黃門侍郎。大同後察孝廉,爲本 巴西安漢人也。少受學於散騎常侍譙周,治尙書、三傳,銳精史、漢,聰警

有失勗意,勗不欲其處內,表爲長廣太守。繼母遺令不附葬,以是見譏。數歲,除太子中庶 史。」上官司論七篇,依據典故,議所因革。 也。 號三國志,又著古國志五十篇,品藻典雅,中書監荀勗、令張華深愛之,以班固、史遷不足方 入爲著作郎。 表呈其傳,武帝善之,再爲著作郎。吳平後,壽乃鳩合三國史,著魏、吳、蜀三書六十五篇 治聞,作

門蜀耆舊傳。

壽以爲不足經遠,乃并

門、

漢撰爲

益部耆舊傳十篇。 太子轉徙後,再棄散騎常侍。 出爲平陽侯相。華叉表令次定諸葛亮故事集爲二十四篇,時壽良亦集,故頗不同。 益部自建武後,蜀郡鄭伯邑、太尉趙彦信及漢中陳申伯、祝元靈、廣漢王文表皆以博學 鎭南將軍杜預表爲散騎侍郎,詔曰:「昨適用蜀人壽良具員,且可以爲侍御 惠帝謂司空張華日:「壽才宜眞,不足久兼也。」華表欲登 又上釋諱、廣國論。 華表令兼中書郎,而壽魏志 散騎常侍文立

九卿,會受誅,忠賢排擯,壽遂卒洛下,位望不充其才,當時寃之。

將軍齊王辟掾,卒洛下。莅從弟階,字達芝,州主簿,察孝廉,褒中令、永昌西部都尉、建寧 兄子符,字長信,亦有文才,繼壽著作佐郎,上廉令。符弟莅,字叔度,梁州別駕,驃騎

興古太守。皆辭章粲麗,馳名當世。凡壽所述作二百餘篇,符、莅、階各數十篇。二州先達 及華夏文士多爲作傳,大較如此。

時梓潼李驤叔龍亦雋逸器,知名當世,舉秀才,尙書郎,拜建平太守,以疾辭不說,意在

州里,除廣漢太守。初與壽齊望,又相昵友,后與壽情好攜隙,還相誣攻,有識以是短之。

弄威權,大臣皆曲意附之,壽獨不爲之屈,由是屢被譴黜。 陳壽字承祚,巴西安漢人也。少好學,師事同郡譙周。 仕蜀爲觀閣令史, 宦人黃皓專

亦坐被髡,諸葛瞻又輕壽;壽爲亮立傳謂「亮將略非長,無應敵之才」,言「瞻惟工書,名過 見與,當爲尊公作佳傳。」丁不與之,竟不爲立傳。壽父爲馬謖參軍,謖爲諸葛亮所誅,壽父 晉書相付耳。」其爲時所重如此。或云丁儀、丁廙有盛名於魏,壽謂其子曰:「可覓千斛米 事,有良史之才。夏侯湛時著魏書,見壽所作,便壞己書而罷。 諸葛亮集,奏之,除著作郎,領本郡中正。撰魏、吳、蜀三國志,凡六十五篇,時人稱其善敍 張華愛其才,以壽雖不遠嫌,原情不至貶廢,舉爲孝廉,除佐著作郞,出補陽平令。撰蜀相 遭父喪,有疾,使婢丸藥,客往見之,鄕黨以爲貶議;及蜀平,坐是沉滯者累年。 議者以此少之。 張華深善之,謂壽曰:「當以 司空

其志。 預將之鎭,復薦之於帝,宜補黃散,由是授御史治書,以母憂去職。母遺言令葬洛陽,壽遵 張華將舉壽爲中書郎,荀勗忌華而疾壽,遂諷吏部,遷壽爲長廣太守。辭母老不就。杜 又坐不以母歸葬,竟被貶議。 初,譙周嘗謂壽曰:「卿必以才學成名,當被損折,亦非

不幸也,宜深愼之。」壽至此再致廢辱,皆如周言。 後數歲,起爲太子中庶子,未拜。 元康七

年病卒,時年六十五。

失,有益風化。雖文豔不若相如,而質直過之。願垂採錄。」於是詔下河南尹、洛陽令就家 寫其書。 者得其遺書,言封禪事,天子異焉。臣等按故治書侍御史陳壽作三國志,辭多勸誠,明乎得 梁州大中正尚書郎范顯等上表曰:「昔漢武帝詔曰『司馬相如病甚,可遣悉取其書』,使 壽又撰古國志五十篇、益都耆舊傳十篇,餘文章傳於世。

宋書裴松之傳

尚書祠部郎。 上,除新野太守,以事難不行,拜員外散騎侍郎。義熙初,爲吳興故鄣令。在縣有績,入爲 選名家以參顧問,始用琅邪王茂之、會稽謝賴,皆南北之望。 舅庾楷在江陵,欲得 松之 西 論語、毛詩。傅覽墳籍,立身簡素。年二十,拜殿中將軍。此官直衞左右,晉孝武太元中,革 裴松之字世期,河東聞喜人也。 祖昧,光祿大夫。父珪正,員外郎。松之年八歲,學通

費,又不可稱,不加禁裁,其敞無已。以爲諸欲立碑者,宜悉令言上,爲朝議所許,然後聽 之。庶可以防遏無徵,顯彰茂實,使百世之下知其不虛,則義信於仰止,道孚於來葉。」由是 吏,必爲建立。 勒銘寡取信之實,刊石成虛僞之常,眞假相蒙,殆使合美者不貴。 但論其功 已久。是以孔悝之銘,行是人非;蔡邕制文,每有愧色。而自時厥後,其流彌多。預有臣 著,敷化所莅,惠訓融遠,述詠所寄,有賴鐫勒。 非斯族也,則幾乎僭黷矣。 俗椒僞興,華煩 允應茲典,大者道動光遠,世所宗推;其次節行高妙,遺烈可紀。若乃亮采登庸,績用顯 松之以世立私碑有乖事實,上表陳之曰:「碑銘之作,以明示後昆,自非殊功異德,無以 高祖北伐,領司州刺史,以松之爲州主簿,轉治中從事史。旣克洛陽,高祖勑之曰:

廟樂,松之以妃臧氏廟樂亦宜與四廟同。除零陵內史,徵爲國子博士。 「裴松之廊廟之才,不宜久尸邊務,今召爲世子洗馬,與殷景仁同,可令知之。」于時議立五

書,還具條奏,俾朕昭然若親覽焉。 **脊被氓**庶,無忘欽恤。 素弗孚,使羣心莫盡,納隍之愧,在予一人。以歲時多難,王道未壹,卜征之禮,廢而未脩, 和,水旱傷業,雖勤躬庶事,思弘攸宜,而機務惟殷,顧循多闕,政刑乖認,未獲具聞、 闇 之規,所以觀民立政,命事考績,上下偕通,遐邇咸被,故能功昭長世,道歷遠年。 朕以寡 先使寧州,並兼散騎常侍。班宣詔書曰:「昔王者巡功,羣后述職,不然則有存省之禮,聘規 之使廣州,郎中殷斌使梁州、南秦州,前員外散騎侍郎阮園客使交州,駙馬都尉奉朝請潘思 州,松之使湘州,尚書殿中郎阮長之使雝州,前竟陵太守殷道鸞使益州,員外散騎常侍李躭 南兗州,前尚書右丞孔默使南北二豫州,撫軍參軍王歆之使徐州,宂從僕射車宗使青、 孔邈使揚州,尙書三公郎陸子眞、起部甄法崇使荆州,員外散騎常侍范雝、司徒主簿廳遵使 太祖元嘉三年,誅司徒徐羨之等,分遣大使巡行天下。通直散騎常侍袁渝、司徒左司掾 廣詢 (治要,觀察吏政,訪求民隱,旌舉操行,存問所疾,禮俗得失,一依周典) 今使棄散騎常侍渝等申令四方,周行郡邑,親見刺史二千石官長,申 大夫君子其各悉心敬事,無惰乃力!其有容謀遠閪,謹 一每各寫

言中誠,陳之使者,無或隱遺。方將敬納良規,以補其闕,勉哉勗之,稱朕意焉!」

失,一依周典,每各爲書還具條奏,謹依事爲書以繫之後。」松之甚得奉使之義,論者美之。 時,於是乎在。臣謬蒙銓任,忝廁顯列,猥以短乏,思純八表,無以宣暢聖旨,肅明風化,黜 莫不謳吟踊躍,式銘皇風,或有扶老攜幼,稱歡路左。誠由亭毒旣流,故忘其自至,千載一 哀此鰥寡,渙焉大號,周爰四達,遠猷形於雅誥,惠訓播乎遐陬。是故率土仰詠,重譯咸說, 陛下神叡玄通,道契曠代,冕旒華堂,垂心八表,咨敬敷之未純,慮明揚之靡暢,清問下民, 文思在躬,則時雝自洽,禮行江漢,而美化斯遠。故能垂大哉之休詠,廓造周之盛則。 轉中書侍郞、司冀二州大中正。 陟無序,搜揚寡聞,慙懼屛營,不知所措。 奉二十四條,謹隨事爲牒。伏見癸卯詔書,禮俗得 松之反使,奏曰:「臣聞天道以下濟光明,君德以廣運爲極。古先哲后,因心溥被。是以

太守。十四年,致仕,拜中散大夫,尋領國子博士,進大中大夫,博士如故。續何承天國史, 出爲永嘉太守,勤恤百姓,吏民便之。入補通直,爲常侍,復領二州大中正,尋出爲南琅邪 未及撰述,二十八年卒,時年八十。 上使注陳壽三國志,松之鳩集傳記,增廣異聞,旣成,奏上。上善之,曰:「此爲不朽矣。」

子駰,南中郎參軍。松之所著文論及晉紀,駰注司馬遷史記,並行於世。

校	四七	四 五		三八	=======================================	=	三〇	三五		五五	四		頁
記			_	_			_						卷
	而意改	允 從趙一淸說改	王 從何焯陳景雲趙一淸說删	箄于 據文選三五李善注改	子桓 從何焯沈家本說	勒書 何焯據書苑菁華改	孟玉 據後漢書徐璆傳改	造 從何焯錢大昕說增	子遠 從翁同書說	追 何焯據太平御覽增	眞 何焯據資治通鑑改	曹瞞傳曰 何焯據太平御覽增	校

四 七 衎 據文館詞林六 九五 改

七 不 據錢儀· 吉說 删

四

七 袖 從文館 詞 、林六九五改(下同)

東 里袞 據 一少帝 紀 及 通 鑑六八改

崔 鈞 從 陳景雲說

十三年 從 趙 淸 說

十 月 從盧文弨潘眉等說

於 火 時 撲 從趙 從 何 **炉**說 清說

六七

六一

六〇

H

從何

焯說

五

七

五

四

五

四

詩 據 宋 書符瑞 志 改

七〇

七〇

七四 七四 德服 高 陵 據 據 練釋改 隸 釋 改

邦民 著 據 心之繫於魏 隸 釋 改 據隸釋補

七

四

七

四

四八四

袗裘 從何焯胡玉縉說

〇〇九九八八八八七七六二〇五三六三三一九八 計孝 春 十 覬 從何 從趙 盧文弨據宋 據資治通鑑六九胡注改 **炉**說 清說 删 書删 改

雲翹 於 從何焯說 從潘眉說 删

文始

從潘眉說

思慕 大韶 過唐 從潘眉說 據藝文類聚一三

質任 志 從何 據三 焯說改 國志辨誤 上

記

大吉

從何

焯說

逮

據吳勉學刊本改

敗

從何

焯

說

增

〇 九 \equiv

二二二二二二二二九九九八七四三〇

章

斌

從周

高昌侯中

康說

匹

徐他

據許褚傳

改

四

均

誤

四

書云 各本

州泰 從陳景雲

説改

靮頭 從潘眉說

四

之 從潘眉 說

四

臣袤 臣毓 據三 據三 國 國志辨誤 志辨誤上

上

楨 從潘眉說

二二九

几

臣

匹

四

一二九

四

臣

閣

從潘眉翁同書說

部 陽 據后妃傳 改

袤 從潘眉 說

四

四

戊 寅 從沈家本

四

安風 津 從趙一淸潘眉說 說

兀

一四八六

二六 四 雲 殿本考證據太平御覽增

三八 四 上洛 據宋書符瑞志

四四 四 卿等 從資治通鑑七七胡三省說

四七 四 前詔 從潘眉沈家本說

四八 四 燕覿之敬 據禮文王世子

五八 五 敬侯 從錢大昭說

世妃 從陳景雲說

享祀 從陳景雲說

六二

五

七五

六二

五

六一

五

叡

原

書避

明

帝諱作「諱」

五三

四

長

據

北堂書鈔

衣

冠

部中

·及開元占經一一三增

六 今 從何焯說改 六 張咨 據孫堅傳及後漢書董卓傳改

六 支胡 從何焯說

八一

七七

六

東下

從陳景雲

說

七七

校 記 六 討 何焯據册府元龜增

九五 九四 六 六 沮 左 授 髭 從何 從陳景雲說 焯潘眉等說 改

一九六 六 六 身首 竭 從何 據文選 焯沈 四 家 四 本 說 增 删

1100 一九七 六 說文 從趙 淸說

六 六 六 事 太公 九月至二月 據郝經續後漢書 據郝經續後漢書九改 據通 鑑考異改 九删

二〇六 六 子 從何焯說 改

二〇五

六

屠各

從陳景雲說

改

六

我

從李

慈銘

說

增

六 中平 從陳景雲說 改

二四四

六

公緒

從陳景雲錢

大昭

說 改

奮武 封 丘 從錢大昭 據宋書百官志改 說 改

三五五 三二七 二二六 七 當 白首 從何 焯

說

增

二四五 八 七 子 則 從何焯說 據後漢書臧洪傳注 删

歸降 淩統 收 從陳景雲說改 從沈家本說 盧 丽 云二字未詳

二五九

八

三五三

八

位

從錢大昕

說

删

二大三

八

擊破呂布 軍 從盧弼說删

九 九 九 九 爲念 休督 捨 及 衍文 據通鑑六七 從何 從陳景雲說 焯 說删 增

改

二七九

校

記

二七一

二六九

二六八

九

二六四

杜

濩

據

武

帝紀及資治通鑑六七改

二六四

八

三〇三 九 爲 從 盧 丽

說

九 故 從 |何焯 說 删

九 彦緯 從錢 大 昕 說

三〇四

 $\square \bigcirc \square$

九

某守雖

後

何焯據太平御覽增

九 意 從何焯 說 改

三〇五

 $\equiv 0$ Ξ $\overline{\bigcirc}$ $\overline{\bigcirc}$ 東京榛蕪 晉文納周 襄王 據後漢書荀彧傳及資治通鑑六二增 而諸侯景從 據後漢書荀彧傳及資治通鑑六二增

 $\overline{\bigcirc}$ 鼓 史 從何 焯 說

<u>=</u> =

 $\overline{\bigcirc}$ $\overline{\bigcirc}$ 注 練 布 據三 從何 國 焯錢儀 志 辨誤 上增 吉說

<u>=</u> = =

= -

三五五 $\overline{\bigcirc}$ 守善 從何 焯 說 改

 $\overline{\bigcirc}$ 萬 煇 據三 從 何焯 國 說 志 辨誤 删 上改

從 何焯說 改

受

四〇〇 四〇六 三九五 三九五 三九〇 三八七 三七九 四 三四五 四 匹 四 四 三五四 三四 10六 九 \equiv \equiv \equiv \equiv \equiv \equiv \equiv 陳羣 百官名 郯 王弘 常侍 子孫 尸主 朗 不 要召 調 偉 二宮 母 耳 可 事之臣: 從沈 得 從何 從何 據 從 據晉書王裒傳 而 據三 據三 從何 殿本考證 據三 何焯說增 據漢書郊 從陳景雲說改 炉 說 家 焯 親 從何焯沈家本說改 本說 焯說 | 栒音荀 說 國志辨誤 國志辨誤 國志辨誤 改 改 從陳景雲說增 祀志 增 豳 改

删

地

此漢書注文刻者誤入

上

上改

上

改

記

四一九 四 __ O 肄 從趙一 清說

 \equiv \equiv 文通 良夫 從潘 據殿本考證 眉說改

四 地 從何焯說改

茄陂 自 從何焯說 據太平御覽二五六改 删

Ŧi. 子仲 從何焯說

五. 志 從 何焯 說 删

四六九

四七二

四六九

四六三

五

四三四

四

四二八

五. 五. 富 討 從何焯說 據武帝紀及夏侯淵傳增 删

四七七 八六 五. 五. 騎馳 宣王 從何 據三 焯 國 說 志辨誤上 改

四

四

五.

几陽

從潘

眉 說 四七三

五.

爲

從盧弼

說

删

四七三

四九二

四 八 九 六 募 百 姓…… 田 官 何 焯 據太平御覽增

0 無 何 焯 據太平 御 覽 删

〇七 六 步涉 詣 許 從該 何焯 據後漢書改

六 解 后 從 吳承仕絸齋 讀書記

說

七 辟 從 趙 清說 删

五.

五.

五

五

公 從陳景雲說 删

五三七

八

少頃 襄 賁 從 從 趙一 何 焯 清說改 說

進封 封 據三 國 志辨 一志辨誤 誤 上 删

Ŧi.

四三

八

據

國

上

五.

四

八

五

四

八

五.

四

八

四 八 八 艾 步 去 從 何 從 焯 何 焯 錢 說 大 昭 說

删

衡悺 據 殿本 章 考 鉅 說 證

記 九 以 據 殿 本考 證

Ŧi.

五.

八

楔

五

五.

八

樂涫

從

梁

五

五

五

五.

五.

四

七七七 一九 豈能 興難 據三 國 志辨誤上增 删

五

五.

五八七 五 八六 $\frac{1}{0}$ $\frac{1}{0}$ 靑龍 從錢

今 從何 "焯說改

 $\frac{1}{0}$ 歲 據史記秦始 大昕說增 皇紀改

= 加 從何 焯 說 增

六〇五

五九三

五官將 從李慈銘說改

<u>=</u> 方 從何 焯 說 删

六二四

六二五

 $\stackrel{=}{\sim}$

六一七

=

異

據宋

書禮

志

增

六〇七

隱 據裴 注 引 戰 略 删

六四〇 轒轀 據資 (治通 鑑七六改

六三六

由

據資治

通鑑

七二

删

六五二 六五一 高 聰 從潘 據諸葛 眉 誕傳注 說 删 改

胡

從梁章

鉅

說

删

四九四

六五 五 檢 從錢大昭說改

六五七 离 從梁 章 鉅

 \equiv 說

逌 據三國志辨誤上改

徐孟 玉 據後漢書徐璆傳改

肇 從趙 清說 删

要 據殿本 -考證

 \equiv

菅 從沈欽韓說 改

二四

仿 從趙 ___ 清說 改

六八八

二四

七一〇

五五

七一四

五五

禪

從何焯

錢大昕

說改

六八三 六七三

六七〇

 \equiv

與

從陳景雲說

六六一

六五八

六五七

也 據漢書五 行 志 删

大府掌 下 夷 從何 焯 說 改

九賦之財

從殿本考證及梁章鉅說

七一六

七一五

五五

扤 祠 從趙 從 沈 家本 清說 說 增 改

四九五

七三五 西州 據三 國 志辨誤

七六六 不 伯

據殿本

考證

說

删

上改

從

何焯

說

删

然後

從潘眉

說

左 퇥

據三

國

志辨誤上

二二二二二二二九九九九六六

何 據

世說規箴篇

無 從世 說規箴篇 改

漠南 據殿本考證(下同)

難

從

沈

家本

說

抑 據殿本 考證

八三五五

由 據 殿 本 考證 删

꾀

羅

槃

據 田

丘

儉

傳改

八三六 \equiv

百 據後漢· 書鮮

曼栢 據後 漢書鮮 卑傳 改

卑

傳

增

四九六

八四八 八四八 八四七 八四五 八四八 八四六 八四二 八三八 八三八 八五 八五 八五 八五 八三八 八三七 校 \equiv \equiv \equiv =0 Ξ Ξ \equiv \equiv 記 濊 平 收 匂 準 目 國 建武 熹平 以 熹平 東 辰 來 辰 據後 從何 據後漢書鮮· 據後漢書鮮 據後漢書鮮 從何焯 據後漢書東夷傳 據裴注引魏略及後漢 從沈家本說增 據 據殿本考 據後漢書 從盧弼 從盧弼 據後漢書鮮 殿 焯說 漢書東夷 本考 說 「東夷傳 改 證 說 說 證删 改 卑 卑 卑 删 傅 傅 傳 傳 卑 改 改 增 改 改 删

書東夷傳改

八 五三 五三 弁軍 彌 國 從 沈 從沈家本 家 本 說 删 删

馬

延

國

說

八 五 八 本 從盧 酮 說 改

 Ξ 廣 魏 郡 從 梁章 鉅 說

改

 Ξ 皮 Щ 國 據漢 書 西 [域傳上

 \equiv 至 會 止 從 從潘 張 熘 眉 說 删

益 州 從張 熷 說

素 從 何焯 說 删

八六六

八六六

八六六

八六五

八五

九

八

五.

八

叔子 家兵 據華 據 華 陽 陽 國 國 志 志 五. 五.

聞 從 盧 酮 說 删

八六七

八六七

八六六

韙 從何 焯 說

八六九

八七〇

八六八

數爲

殿本

考證據

通

鑑

增

劉 先 潘 眉 據劉表傳

改

七八 吳巨 潘眉據吳志士燮薛綜等傳改(下同)

八

八 七九 \equiv 之 從何 焯說 删

八 八 八七九 八一 \equiv \equiv 復 從何焯 說

資實 據華陽| 國 志五

領 從梁章鉅李慈銘

說

八八四

 \equiv

八

八三

 \equiv

郃

從盧

弼 說

增

黄柱 據蕭常續後漢 書

下

焚如 從錢儀吉說

猖 河 關 蹶 據資治通鑑六 據殿本考 證 五

八九九

 \equiv

八

九五

八

九三

 \equiv

爲

趙

清據元版改

八

八八八

三五 聽 據文選三七改

九一九

九

三五.

九二一

若無

興德之言則

錢

儀吉據董允傳增

九二

四

三五 東伐 據殿本考 證

四 忿 據資治通鑑七一

改

校

記

九六九 九六八 九六八 九六八 九六八 九六一 九六〇 九五七 九三九 九四五 九四四 九四一 九四一 三三八八 三七 三七 三七 三六 三六 三六 三六 三八 三六 廿有 克之 位 十三 傅 其 緩 右 自 軍 六年 居 右 三子 從何焯說改 從錢大昕 從錢 從 從潘眉說删 從李慈銘說 據通志改 據孫權傳楊 據殿本考證 何焯據册府 從侯 從何 從何焯說 何 從何 大昕 焯 從李慈銘說 焯說 康說 說 焯 說 說 删 說 元龜改 删 删 戲 說

1001 001 000 九九七 九九七 九九四 九九二 九八八八 九八〇 九 九 七六 七五 校 四 四 四 四 四 四 四 四 四 四 四〇 三九 三九 三八 記 \ddot{O} $\overline{\bigcirc}$ 0 先帝 辭日 陌下 巫 攙 卒 情 李邵 員鄉 爲新 軍 劉先 豢龍 肸 去 狹 從潘眉 城郡 從朱 據資治通鑑六八改 從沈欽韓說 據資治通鑑七二改 侯 據文選四改 從趙一 從何 從劉 從何焯 據太平御覽二六一 從趙一淸李慈銘說(下同) 據劉表傳注 從趙一 以 邦衡 說 /焯說 成炘說 清說 說删 删 說 據通鑑六九增 清說

一〇一九 一〇一六 四

末乃

據三

國志辨誤中改

四二

主公

從朱

邦衡說删

疑 從李慈銘說

删

亦可 夫 從李慈銘說 從李慈銘 删 說

方 從何焯 說删

射 從趙 清說 删

一〇二六

一〇二六

四二

一〇二六

四二

主上

從沈家本說

一〇二五

四

一〇二四

受之 射 從趙 據資治通鑑七八 清說 删

01110

一〇三五

一〇二七

書 披 從潘 何 . 焯據册. 眉 說 府 删 元龜改

里 據淮南子道 應訓 删

 \bigcirc 五二 四三 安上 從錢大昕說

〇五三 四三 姊 從潘 眉 說 删

〇五四 民 夷 據太平 御覽二四〇改

四 四 叵 復 從何 焯 說

〇六四 四 四 河 關 從 何 焯 說

〇六八 四 Ŧī. 大 從錢大昕 說 删

四

四

如升

從胡三省

顧炎武說

〇七四 〇七三 四五 聖仁 從 何 焯 說

四五 南 從謝 鍾英說 删

飛 據三 國 志辨 誤 中

〇八七

四五

〇八五

〇九九 〇九 \bigcirc 四 四六 四六 四六 葵園 三十 東 屯 横江 ·六方 據後漢 津 從 從趙 書董 何 焯 卓 惠 清說 棟 傳資治通鑑五 說

八改

 $\underset{\Xi}{\bigcirc}$ 〇 五 四六 匹 六 然 同 從陳景 從 何 焯 雲說 說 删

校

記

〇七 四六 始 從何 焯 說

一一〇八 一〇七 四六 四六 狼 乃 從何 從 何 焯 焯 潘 說

眉

說删

四六 且 從李 光

一一六

四七

會稽

據資治通鑑六四

注 删 地 說

二四四 四七 魏 從朱邦衡說 增

四七 丁孚 從趙 一清說

四七 百 從潘眉說 增

一三八

四八 四七 四七 建興 將軍 王宮 元年 從錢 據資治通 (大昭說增(下一一五三頁一一六一 從何焯錢大昕說 鑑七二 删 增

頁一四四六頁同)

五

五二

四八

改明

年元

據三

國

志辨誤下

四六

四〇

五三 四八 據 從趙 清說: 增

四八 據 據孫 琳傅

五六

五三

四八

永寧侯

據孫

琳

傳

五〇四

六一 四八 貲 財 據郝經續後漢書 五.

六九 四八 晉賊 從趙 淸

七一 四八 改明 年元 據三 國 志辨誤下

四八 巨先 從陳景雲 說

七五

四九 大夫 從沈 家本 說删

九 九 乃 命 據資治通鑑六一 何焯據册 府 元龜 删 改

仕 消 從 據太平廣記 何焯 說 删 十二改

醴 陵 侯 從錢 大 昭說

尙 從 盧 痭 說 删

Ŧ. 五 聖 黄 初 據郝經續 從 顧 炎武 後漢書 錢大 昕 說 五三

删

一二〇八

二〇九

校

記

1100

五〇

九九

五〇

孫

從

何

焯

說删

〒

同

九八

五〇

九八

五〇

于

從錢

儀古說

删

九七

五.

0

九二

四

九

九〇

四

八五

四

八三

五. 違 從何焯說

二四四 五. 全權

疑當作「全翊

一二四四 五.

一二一七

五.

五二

秦晃

五三 將 從何焯 說 增

五三 焯說

一二五三

五三

五三

三五二

三五三

二五〇

一二六〇

五四

五四

宮亭

卒 據殿 本

改

华州 夔 從趙 據三 清說 國志辨誤下

從錢大昕 說

選曹尚書 何焯據太平御覽增

從錢大昭 說 删

五二

一二四五

五三

一二三九

五二

離 據資治通鑑七一

改

日 從何 焯 說删

一二四七

五三

所服 從何

輒 據册 府 元

龜

能 從何 焯 考證 說 删

從趙 清說

五〇六

五四 閒 從李光地說改

一二七五 五. 四 鄕 從盧弼 說 改

一二七八 一二七七 五四 五四 令 孫 皎 據文義改 從朱邦衡說改

一二八七 五 五. 津 從盧弼說删

一二八九

五.

五.

從

據三國志辨誤下

一三九七 五. 五. 罔 從李 光地 說

五. 五. 五 五. 都鄉侯 巫 從錢大昕說改 據三 國志辨誤下

五六 五六 吳郡 圍 從錢儀吉說增 從潘眉說改

一三〇六

1 = 0 |

三〇八 三〇七 五六 五六 魏書 卒 據三 據三國志辨誤下 國志辨誤下 改

膽 定 從盧弼 說

五六

校

記

= -

五六

憲

從錢

大昕說改

五七 歆 從楊通說改

一三一九 五七 大農 據古寫本

五七

此說

爲勝也

據文義改

五七 手 據古寫本删

邪 據古寫本改

五七

一三二六

五七

桓文林

從侯康李慈銘說改

一三二六 一三二六 五七 五七 翟素 鄮 從陳景雲錢大昕說改 從李慈銘說改

一三二八 五七 存 據古寫本改

一三二九 一三二九 一三二九 五七 五七 五七 不永 大農 逼厄 據古寫本 據古寫本 據古寫本

五七 五七 以 丕 據古寫本改 據古寫本删

五七

凶煩

據古寫本

五〇八

三三三〇 五. 七 入 據古寫· 本 删

三四 九 五. 八 非 據殿 本

三六〇 五. 八 諸葛壹 主 據資治通鑑 據 ·考證 孫 權 八〇改 傅 注

三七一 五 九 生 據宋 書 禮 志 删 三六八

五

九

引江表

傳改

九 司 田 據 羣書治要二八删

六〇 廣漢 據蜀 志周羣傳後漢書楊厚傳改

大潭 從 何 焯 說删 三七七

六〇

帝

從何

焯

說

删

三七七

三七一

五.

三七八

六〇

三七八 三七八 六〇 塹 據文 從何 焯 義 說 改

四〇九 在 據三 國 志辨誤下 改

四一〇 四一六 六一 暴 款 風 何焯 何 焯 據 據 册 府 册 元 府 龜 元 改 龜 改

校

記

歷

陽

鄱

陽

從潘

眉

說

一五〇九

六四 諸 據郝經續後漢書六三

四三六 六四

語使婢

四四〇 六四

四四五 六四

張怡林恂

據孫亮傳及資治通鑑七六改

四五二 六四

月

據三嗣主傳改

四六七 四五三 六五

擲

六五

蔓

據資治通鑑七九改 據羣書治要二八改

從楊通說

古

據通志改

